

續修四庫全書

《續修四庫全書》編纂委員會編

續修四庫全書



上海古籍出版社

四四一・史部・雜史類

明季甲乙兩年彙畧三卷〔清〕許重熙撰……………一

懷陵流寇始終錄十八卷附錄二卷（卷一至卷十四）〔清〕戴笠吳爰撰……………六三

史之有述蓋以傳今事於後來也。變亂之際事故多端開見易失誰復能核事而筆之者。知壞事之人。人私其事。行禁跡而自命為夷由。又惟恐人之不誣夷由為禁跡。謾言日進於盜倫。誹謗屢加於介特。是非淆亂。斯世將遂無史乎。曰否否。秦檜禁絕私史而門下爭頌之。為聖相不聞後世之史。即聖相秦檜也。枉人空自枉。是非耳齊之太。史盡死終不能拚崔杼之弑逆。下流惡所歸。在枉人自為之。又何恨於有史。宣子為法受惡。不貶其賢。燕公祈改數字。祇增其醜。美惡在已不在史也。曰惡果不可隱乎。曰不然。美惡並存。則揚美而抑惡。如必不可抑。則著其事而沒其名。亦相諱之義。非必好訐為蘊也。至于所見異詞。所聞異詞。所傳聞異詞。亦就所異同者而異同之。述者何容心焉。嗚呼。自甲申正月之始。至乙酉五月之終。兩京之陷。傷心者不一其事。自古以來國家滅亡。未有如明之易易者。由來之漸。君子追嘆夫方葉溫周矣。

順治改元之三月。清澤老農題於東村之月旦軒。

東邨八十一老人隨筆

崇禎十七年甲申正月庚寅朔犬風震屋揚沙咫尺不見占曰風從乾起主暴兵至城破 戶侍郎胡世賞引退上獎其恬尚特准馳驛 戶部以移借派發上聞諭以防虜防河急餉准借別項還加詳酌 俟外解到日奏發 鳳陽守陵谷國珍奏報地震 建州定國號曰大清改元順治清主立尚幼叔九王理國稱攝政王以遼人范文程為大學士 辛卯安廬撫黃報柯兵混殺放火 東江總兵黃蜚請酌用水師 兵部奏蕪湖關為兵踞止商旅不通國稅全虧 江督袁繼威奏報 五月二十二日拜命領咨是日聞逆獻已破武昌縣六月初六日達安慶而楚之會城告陷矣恐狡賊乘虛東下江州人心警悸初吳越之勢搖矣臣移咨皖撫調發勁兵三千為臣臂指之使臣等可立親兵先到湖口遇賊狂奔乞救左良玉先事江南掃除逆獻 壬辰吏部薦起方震孺 王世英分巡兗西道 諭兵部凡罪廢武職及州澤義勇有能勵志殺賊固守城池者奏與上賞 詳賊擁李自成稱王於西安國號大順改元永昌以宋獻策為軍師牛金星為丞相設六政府各尚書一人侍郎二人左侍郎則皆隨征吏之宋企郊戶之楊建烈兵之喻上猷禮之鞏精刑之陸之祺工之李傑等是皆明臣之降附者 順賊掠河東河津稷山榮河絳州一路俱陷 癸巳戶尚書倪元璐解部任仍供講職 兵科都給事陸兵部尚書張緒彥到任 吏部准司務至事官補陞知府不許 南兵部奏火藥被焚 兵部舉用廢將于永綬 登萊撫曾化龍請實議練鄉兵以避客兵之害實議清野以保民蓋藏之資 工科曾應進等今之

紳富皆衣租食稅安坐而吸百姓之髓者平日操奇贏以愚民而獨
權其利臨事欲貧民出氣力相護無是理也秦藩之富甲天下賊破
西安府庫不下千百萬悉以資賊倘其平日少所取民有事多發備
士未必遂至于此又聞萊陽之破以東門鄉紳張宏德利賊之退盡
追鄉民犒賞痛管而窘迫之一家發難闔邑罹殃虜至今宏德自指
其藏得百萬金然後圍門就戮今之紳富亦宜鑒之略借均田之法
使富者稍捐以賑貧亦救民撥亂之策也

甲午郵保定監軍任棟死事贈光祿卿 越其杰量復冠帶効用
幅嗣王奏王寶是係無存蓋為世子時自竊以送賊者

乙未諭吏部前諭內外兼轉吳麟徵未歷監司不得遽陞京堂 王
之仁周仕鳳浙江廣東各總兵 侍郎雷躍龍張維棧各教習庶吉
士 工科高翔漢言虜出口未數月忽接遼撫黎玉田永撫李希沆

揚稱復有入寇情形寧遠逼近不可示以單弱而調兵南顧自勝
算將為三軍司命馬科孔希貴錚錚有名鎮臣慮九慮快懦已
經議易而馬科仍調南行三軍誰為統率

丙申兵科曾應遴言臣鄉江右自橋頭失守而賊從承破插嶺兵
破而賊破萍及袁岳大器編急不能駕馭左帥臣早已言之今江督
更置之時即合閩越之力以供虔鎮副將鄭鴻遠與芝龍兄弟緩
急可不煩檄調有云益王走閩中建昌潰于十一月初二日撫州南
豐同陷于初七并有言贛失守者而度撫之報杳然必請臣真同
醉夢矣 保定撫徐泰義矜陳延祚破家養三厚捐全城 劉永楸

殺賊有功加陞都督僉事鎮守武陽 方國安鎮守湖廣
丁酉方孔昭戴罪整理河北張有譽總督南京樞儲 順賊陷平陽
沿河州縣望風瓦解皆置偽官有防禦使大尹等官

戊戌山西逃兵南下江北震恐路長飛派兵防河副將金聲桓
周仕鳳守泗周爾敬守清口

己亥諭在京五城兩縣各立鄉約所朝朔望集士民宣解聖祖六諭
仍立善惡二簿咨訪孝弟節義素行端良即行推獎其有忤逆淫蕩
賭博拿訛者嚴懲務以民俗之淳澆定各官之殿最 貪淫大帥唐

廷被糾革職 左副都方請核赦前舊賦官胥侵漁 山西撫蔡懋
德奏榆林被寇諭周遇吉何故尚在寧鎮者即日移防河沖 上召
撫寧侯朱國弼忻城伯趙之龍來中左門 刑科郭充言賊眾入關
憂不止秦也會賊之安危不曉則督臣之趨進無方官之聚散不知

則三邊之征調難及賊勢之趨向不測則河東之防 後勞必偵
探明白使秦省無恙新督臣宜疾入居之如賊羽充斥勢難渡河即
應從承寧渡綏德直趨固原亦以上游馭下風聞賊入時官兵有劫

掠地方鳥駭獸散者河東防賊不在防之河東而當防之河西今者
賊入關一月而地方尚爾蒙蒙未有不知彼而能取勝者

庚子王庭梅順天府尹 道臣潘士彥革職 子郎友玄擒濕復城
議卹 上聞遼民任姓有疏為鼓聯義勇著通政司封進 呂大器
言楚疆糜爛楚官曾無一人舊承天撫王揚基戴罪于江請即改任
楚撫仍兼承天庶殘疆不至益廢

辛丑漕撫路振飛言淮徐道何騰蛟整頓徐方有功今陞楚撫已成
之緒恐廢有同知范鳴珂二十年安于府俸恬守可知即以補騰蛟
誠可稱蒞美

壬寅總河黃希憲為前任張國維頌勞 陝按金毓峒奏西安失守
情形著該部予馮師孔黃綱吳從義視萬齡議卹

甲辰召何楷來京陛見 武操臣劉孔昭 刑科

郭克言南道王孫其於分功一疏則叙功冒濫之欺君可知孫其應與正色辭敘之屠兆恒速痊之可以雷激勸也

乙巳大學士李建泰揭請出師因題用衛貞固凌駟郭中傑上諭卿即整裝就行具見忠奮所請吏部即印用其中傑棟帶馬兵二百依議

所需旂牌勘合照例速給先是上臨朝日向閣臣與嘆言賊勢如此關外無人承任府庫殫竭將如之何建泰曰主憂至此臣敢不竭

力臣家在晉願以家財佐軍可資萬人數月之糧臣請提兵遂行上大喜慰勞再四曰卿若行朕當訪古推轂親餞之郊不敢輕也

楚撫王揚基言賊去岳州官兵收復王承胤掛印鎮守宜府丙午諭兵部山東土寇出沒外解梗阻撫按全無奏聞者即掃蕩以

道餉道又諭寇患地方人心不固聞警逃避法紀蕩然亟行賞罰用示勸懲如山西保德州固守有功已命破格敘授其倡逃者不論

宗室官紳立行拏問又諭畿南震隣紫馬龍固等關亟宜蒞備以一賊不入為功倡義急公者奏聞紀錄又諭秦督已至河干即統

率高杰等兵相度往援宜督星馳防河該部飛檄丁未南嶺添兵二千加鄭鴻遠副總兵銜鎮守工科彭亨奏往者

逆賊犯楚實由人心惑于三年免征一民不殺之偽示耳又見撫臣李乾德懸示免征益復勇躍倘皇上大下蠲詔通行曉諭更當何如

近傳十六十七年寬赦何如寬之十八年使賊滅後猶有餘力并奇荒赤地通酌免使老幼捧檄泣下非目前第一義乎武昌疏特治

江積屍千里州縣收復原任官戴罪不敢任事必待選補選補之臣功名與性命較則輕決不赴任罪以規避而止何益于地方之緩急

請查陷城各官除門迎先逃外調補無官地方以聯絡人心似為切以蘇松按周直進親善代金壇舉人虞植

戶申原督馬士英奏太湖疎防失守中書張同敞奏劫掠

兵非賊命該部行檄督撫即擒梟示總兵高傑言逆寇業已渡江有旨看郡邑失守情形撫按嚴飭何在高傑既稱兵精即當聽調

勇破賊何待大兵四集耶陽推官朱翊翬奏周士奇以郎人監獄藥城先遁命周遇吉馳扼保河高傑所部協擊劉繼基

提督南京大教場平陽鎮臣陳如松以爲前驅已百允侍郎金之儵奏收拾人心聯絡鄉勇俱從鄉紳赴江南士紳

亦稱好義者撫按責成郭中傑實授副總兵督輔守軍旗鼓庚戌上偶二十六日行遣將禮朕御正陽樓宴後并召五府內

閣部院掌印官侍坐鴻臚贊禮御史糾儀大漢侍衛應用法駕宴中該衙門預備命查大明集禮中道將投敘告廟禮部議安行論

戶部邊餉告急外解不前餉臣既微即著監臣督家瑞督餉等語監軍霍達奏報秦中難諸臣命滿語孔復部

民并郵督署自貽清倚郭世賞百羅士江人信歸義知勇之士在浙則有東陽義鳥昔時名將助之南其地

陽生員許都天信忠孝素裕翰鈴一其知人許士卒同甘苦許都以作率東義徵歛二方之奇才臣願以布衣走聯絡悉

繼光法申詳約哀開導忠義一歲之餘可使赴湯蹈火臣見進士姚奇流夏供祐桐城生員周岐陝西生員劉湘容山西舉人韓林皆

有心乞頒手詔會天下豪傑則忠義知勇運袂而赴助皇上建

辛亥李化熙兵侍郎總督陝西三邊郭景昌啟罪起提督鳳門關諭吏兵刑三部舉人何剛條奏儘多可採著授職方主事節令往

湯洪島聯絡義勇練成勁旅以資勦寇之用又允何剛奏許都

苛徭作何委用該部速議 戶部題請餉司依制所請介於年上

南戶科羅萬象極言南糧折乾之弊

壬子允李建泰揭薦布衣羅天錦如賊用介松年著以科銜催餉有

功實授 諭工部汴城水嘴日久城墻有無坍塌宮室有無頽毀著

祭司官速往會同撫按相度城內遺賫必被奸民竊收設法撈起以

充修城之用其屬藩封者即還藩封 召忻城伯趙之龍陝按金毓

喇來中左門 田貴妃安葬 袁繼成報履江北屯任 操江劉孔

昭言安廬池泰處處當添防兵蘇湖尤要嚴檄道府巡飭 賊破趙

城 劉孔昭殺其叔萊臣 萊臣應發嫡嗣以幼為孔昭父蓋臣借萊

癸丑內閣陳漢三年考滿加少保吏部建極殿廕子中書 兵部奏

李輔明抗虜血戰特贈左都督予諡 真定參將李茂春報流寇過

河平陽府縣關門盡逃高傑兵搶掠河東一帶 張縉彥言臣折自

舊撫熊奮渭潦倒之後海上僅足一旅民壯則多人奴占役鄉勇則

虛糜故事將領則總總虛懸參游以下皆統儲儲備則鈔抄藥鎮餉

候則奇荒大疫道殣相望豈直一方之利害而已

乙卯論兵部淮楊為南北咽喉宜有重兵防扼著漕督鹽法二臣增

募 太監韓贊周奏南京地震

丙辰上御正陽門樓親餞李建泰曰先生此去如朕親行建泰既行

上日送之良久返駕是日復大風沙占曰不利行師進士程源湖監

軍凌駟曰宜兼程直抵太原 建泰奏徵臣馳往太原因揭救河東

守李正修上命金毓峒監軍赴晉允正修赦罪督輔軍前效用時

山西賊信洶洶建泰家存亡未卜益遲遲其行日行止三十里

丁巳始傳平陽之陷都人大震 建泰兵至涿州營兵三千逃回

陳演揭救在獄諸臣命限十日審結其方士亮姜瑛尹民興等

係出 湖按黃澍奏舊輔賀逢聖從容就義命從優卹

戊午吏科李清奏監司止宜實陞有旨監司不定例起何時非代人

出缺即為人擇官以後除邊地需才量才酌調其餘著久任不得輕

移 諭應天等十三府十二年以前罪贖免 李建泰圍家被焚

掠為之奪氣兵過東光不踰民閉城門建泰怒留攻三日破之

已未陞右庶子李明睿左諭德衛胤文羅大任 補吏科陰潤 晉

王泰晉疆萬分危急 塘報賊陷關鄉

二月庚申朔命工部尚書范景文禮部侍郎丘瑜並兼東閣大學士

論吏部曾纓名城屢陷革職提問 河北屯撫方孔炤謹舉屯堡

應天按鄭言與屯業有實效上諭與屯原為足國裕民若未經開墾

輒議升科小民能無畏阻各撫按責成實行 諭兵科捕官節次獲

賊每每欺罔鄉愚捏功冒敘該部嚴核真確方許算功不得但愚科

疏 進士程源至天津勸巡撫馮元勵急修戰備與總鎮曹友義道

臣韓文鏡等相向感憤各以兵薄為憂

辛酉原任督師丁啟睿奏薦計處知縣夏萬亨勸農有功乞優陞副

使不許 大同總兵張報逆賊關關 順賊破汾州

壬戌兵科韓如愈言晉寇訛傳時晉已殘破諸臣相戒不欲上聞

總兵周遇吉奏保德嬰城固守內有豪衿把持 劉有實專轄三關

總懷慶夜變福王同母走出東門棄母兵間狼狽走衛輝依潞王

癸亥諭部院言官論事須明白直陳近來多埋伏隱語殊非肯君之

體著嚴行警戒 南戶部張慎言劾奏楊文驄貪淫不法著革職提

問 主事李逢中奏勸助不若糾貪赦罪輸餉者九卿科道糾彈賊

私顯著者各摘一二人如議 姜瑛允予謫成邊遠將拱宸方士亮

尹民興從輕擬杖 陞戶部左右侍郎王正志三察承

甲子戎政李國預進叛大捷又奏禁旅撤回收伍 命迎護益藩
國 山西糧儲程奏晉省鹽課欠至七十餘萬 予劉之綸諭
乙丑賊圍太原時余應桂初聞平陽破諸將皆遁太原無一兵守城
賊圍三日以數人上城開門而入賊移檄遠近有云君非甚暗孤立
而場蔽情多臣盡行私比黨而公忠絕少甚至賄通官府朝廷之威
福日移利入賊紳屬左之脂膏盡竭又云公侯皆食肉統袴而倚爲
腹心宦官悉餽犬豚而借其耳目獄囚繫繫士無報禮之恩征斂
重重民有借亡之恨人讀之無不扼腕而朝臣若處夢中惟薦某人
營某缺門戶苞苴是務有識之士無不寒心 諭戶部邊餉甚棘外
解不至皆由有司急賦贖而緩錢糧不嚴立賞罰何以勸懲以後在
內責成部科在外責成巡按痛禁耗索完足者陞四品京堂未完九
分者革職 中書張同廠奏楚豫偽官多係紳衿從賊宜察教官以
諸生忠逆爲功罪下部酌議
丙寅總督余應桂報晉中瓦解上諭應桂奉命督秦何故遠奔沁澤
前疏兵僅二百今言近千有無虛報開銷 徽州鄉勇拒殺騎兵
丁卯上召總督新舊閣臣府部院印官來中極殿 又召閣臣陳演
戶兵部科印官來中左門 陞刑部左侍郎郝晉孟兆祥 侍郎
劉令譽奏遵旨聯絡士民又言倡輸潘雲翼等予優敘 太原城風
沙大作對面不見賊從東北角上城巡撫蔡茂德殺於南城共司道
官四十六員尸於街巷 御史熊世懿言推官倪長圩賄脫計處
戊辰御書親敕督輔朕仰承天命繼祖宏圖自戊辰至今甲申十有
七年兵荒連歲民惟兵戈流毒直省今卿代朕親征鼓勵忠勇選拔
雄傑其驕怯逗玩之將貪酷倡逃之吏當以上方劔從事行間一切
調度賞罰俱不中制卿宜臨事而懼好謀而成真勳真撫且湯快氣

旋師奏凱封侯晉勳銘鼎須將代朕至意徧行示諭 建泰初
承寵命恃有家財足可佐軍已聞家破進退失措又不敢上辭惟遂
巡於畿內而已 劉澤清移鎮彰德 錄陳郡屠戮贈關永傑元孟
禴等卿少
己巳閣臣蔣德璟以病召對不能趨赴 贈死事鄧錫藩王維新等
庚午諭吏部平陽副使李士焜等七人先逃後返已經革職著戴罪
料理圖功自贖 諭戶部地方設立民壯原以捍衛地方乃祇供勾
攝封守何裨嚴責有司編入鄉兵實行選練
辛未召內閣戶兵部科及總兵吳襄來中左門 優卹殉難官劉禮
閻士選王來 李祖述襲祖爵 順天撫楊素飢民焚掠 諭刑部
張國維中樞溺職一徒豈足蔽辜 又諭吳昌時依律處斬馮源等
附近充軍財產并罪輔延儒財產籍沒充餉 又諭周延儒見賄忘
法本當全沒財產量追十二萬著周正儀周奕封完納吳昌時量追
五萬俱免籍沒 高傑縱兵東下鳳督馬士英迎駐徐州
甲戌賊探馬至大安驛傳達京師中樞持議請救督輔補綏布置時
建泰尚在河間也又請救臨德通津昌密六處悉聽督輔調遣 賊
遣偽官于山東河南州縣各處代任每官先遣牌至州縣士民各苦
征輸之急痛恨舊官各借勢逐之執香迎導遠近風聞若狂 准成
勇葉廷秀起用
乙亥諭部院寇氛入晉嚴輔戒嚴固圉安民全在察吏該撫按將所
屬官嚴加甄別必清謹循良素爲民戴者方許留任責令募練鄉勇
悉備城守如貪殘及闕冗者勒令解任或選賢能竟行推補 陞畿
南河北山東總督徐標密雲巡撫宋權
丙子戶科介松年言士節不振廉恥風微倡逃迎降出自紳衿深可

痛憤亟宜崇獎節烈以收拾人心是之 又諭王蒼承慶疏請
具見忠憤但令鼓鑄伊始未便他移 吏科馬加植言皇上亦知孫
俾庭憤事之因乎守關原自有餘大言一鼓蕩平明知不可為而僥
倖為之以塞前言是以進退失據今不復以覆轍為戒而空奉徒膺
萬一晉陽與淮陽俱震則為禍愈激非知彼知已者數也臺臣陳丹
衷借兵土司之說尤當商量以數世養之兵尚不能必其用命而
向蠻夷責大義此寔難矣況不能裹糧景從則搜括不加倍乎百姓
見兵過尚搖手閉戶狼兵一來係無驚鼠乎狼子驕悍兩粵之間又
增多事矣

丁丑河南按蘇京報賊窺懷慶 刑科孫言吳中彥父子賊銀十萬
遷延五載著撫按嚴提 賊騎已叩故關將逼真定真係之間全憑
道路之口京中嚴戒妄言進士程源請于內閣重賞募問莫之省

戊寅吏部題堪任督撫諸臣沈迅魏公韓孫奎與朱家仕萬元吉馬
鳴錄楊毓楫何楷聶明偕周光夏許譽卿汪心淵毛九華夏允儀王
道純詹爾選黃宗昌鄭之尹王守履李長春毛羽健

已卯太康伯張國紀進銀一萬兩命進封侯爵
庚辰驟寒大雪凍死人無數 兵部塘報太原汾州潞安連陷 諭
亟訪各藩諸王下落 諭河南總兵土國寶加意整頓立功自贖

命內官閩國輔等查餉往薊寧等處分給 諭吏部朕念豫楚殘破
州縣料理需人各撫按官自為挑選不拘科目雜流生員布衣但才
能濟變即與填用有能倡義募兵恢復一州縣者即授知州知縣功
懋懋賞朕不爾匿 分敕內官監制各鎮寧前高起潛通津臨德盧

維寧真係方正化宣府杜助順德彰德王夢弼大名廣平閻思印衛
軍懷慶井文炳大同楊茂林薊鎮中協李宗化西協張澤民 兵部

報鄂勝之間土寇圍聚

辛巳差內官王坤科臣韓如愈巡歷地方僅解京邊正項并改折贖
贖及周延儒吳昌時朱大典等贓銀督解 御史吳邦臣奏浙寇立
剪諭部陳子龍蔣若來才長定亂作何優異先是東陽之變實主許
都都故副院弘綱之孫任俠好義遠近信服縣令姚孫德貪虐殘民
借名備亂橫派各戶輸金而坐都以萬都家實中產飽輸數百金自
詣告竭孫築大怒摘都所刻社稿姓氏謂是結黨造反極楷之時輸
金者盈庭闕然沸亂有姚生者執孫築于座按之街下笞之群擁許
都為主巡按御史左光先聞變即調台州兵行勦所至屠掠東陽湯
溪蘭溪民各保鄉寨拒敵官兵大敗光先遂以許都反聞集兵處餉
人人倖功杭州推官陳子龍謂都實非反者遣生員蔣若來齎書諭
之都即率同事十三人詣杭投獄子龍為之請光先不許悉斬之

隱孫築之過命之復任 諭刑部張國維附和罪輔滕蔽君上本當
重治念方士亮等輒擬著免罪候用 河南按蘇京報賊逼澤州催
任潘速到任 薊督王永吉奏叛兵旋謀隨執諭兵部楊鶴實心任
事豈因兵諫輒易著即視事

壬午賊陷真定先是知府丘茂華聞賊警預撤家屬出城撫臣徐標
執茂華下獄適標節爭中軍官不服伺標登城盡守禦劫縛出城外
殺之勢獄請茂華出茂華遂牒所屬州縣豫叛待賊數日而賊始以
數騎來克之地隔京城止三百里寂然無言者

癸未太監方正化奏討中軍旗鼓 漕督朱國弼淮安到任
甲申兵部張縉彥兼翰林學士 總兵劉澤清請于青登諸山開礦

煎銀著巡按設法
乙酉諭內閣藻德陞兵部尚書兼工部總河屯練岳貢陞戶部尚書

兼兵部總漕屯練加黎玉田右都禮部奏桂惠二藩同走粵者
賈重書慰問兵部奏操撫分任水陸鳳淮二督應授江干吳松狼
山各將犄角港內其紳冊報立約各練鄉兵俱依議
丙戌召輔臣陳演總督李國貞刑科光時亨來中左門尚書倪元
璐為朱大典所滅賊銀不許禮部請禁止社文
丁亥召六科十三道駙馬鞏永固來中左門賜楊鶚藥餌銀三十
兩御史李瑞和奏馮延登匿報課至七萬八千兩
戊子丙閣陳演面陳引退賜路費五十兩馳驛歸時道路梗塞演以
貧富不敢出京遷延半月而及禍魏藻德辭新街允之并罷河漕
之行以大理寺丞吳履中陞戶部侍郎署部事批余應桂疏應
桂既不入秦又不防河何故往來介霍間中軍鼓譟庸怯可知兵馬
錢糧有無虛耗李化熙核奏論兵部寇氛孔棘秦所式不候交代
輒自離任任濬久報赴任一味退縮俱著革職濬充為事官管事
兵部奏戊寅以前各處曾設內監其時物力尚可支持一切中軍把
牌尚可裕用今何時也糧餉中斷士馬虧折督撫各官危懼欲部一
時而添內臣總監三員監視七員不惟物力不繼而事權紛舉使督
撫得以借口士民因而驚疑不能不望聖明裁奪也
三月巳丑朔諭部院廠衛捕各官議察奸宄五城申嚴保甲之法巷
設邏卒禁夜行尤加甚倉庫州場召前尚書張國維庶吉士史可
程舉人朱長治來中左門魏藻德請自出京議餉諭以在閣佐理
兵餉著黃希憲路振飛加意諭府部寇氛孔棘戒嚴城守昌平
兵譟焚劫官民舍一空宣府告急命都督王承胤偵賊所向命
遣戍有罪內官宋晉等八人俱釋罪閑住
庚寅召文武大臣科道干中極殿問禦虞寇之策奏對者三十餘人

守門之員當入之急無如考選科道餘皆練兵加餉套語
百官分守九門稽出入全晉之破陷始聞何謙以兵變聞命謙
帶罪安職趙京仕陞左通政淮撫路振飛練義勇各保坊村
辛卯加魏藻德兵尚書往天津調兵方岳貢戶尚書往濟寧督漕
之命韓王益王歸國益王時走邵武命張國維往督浙江兵
餉授朱長治職方主事浙按左光先言董象恒撫浙著績應
撫鄭瑄奏補程珣兵道以督糧正急不准改贈李繼貞右都御史
壬辰欽天監奏帝星下移詔封各總兵吳三桂平西伯左良玉寧
南伯唐通定西伯黃得功靖南伯給敕印劉澤清實陞一級劉良佐
周遇吉高傑馬岱馬科姜宜孔希貴黃蕪葛汝芝高第許定國王承
胤劉芳名李棲鳳曹友義柱九登趙光遠下從官湯御各官著
級督撫馬士英王永吉黎玉田李希沆分別應加賞者福周潞崇
四王各棄藩南奔內閣蔣德璟引退准馳驛回籍吏部奏殉城
諸臣傅梅等贈官衛帥卜從善南奔駐宿遷
癸巳命襄城伯李國楨練京營兵守西直門命卹死事諸臣張經
李昌期等贈官又贈馮師孔右都黃綱太常卿祝萬齡太僕卿
督師李建泰病其兵盡潰
甲午吏部奏大寇就殲有旨陳子龍定變可嘉著授兵科給事中周
亮工劉令尹朱朗錄却虜全城各授試御史大同告急命內官謝
文舉火速赴任召吳三桂唐通劉澤清將兵入援三桂澤清不奉
詔惟通以千人至李邦華請皇太子撫軍江南兵科光時亨駁止
之諭部院近來庶績廢弛治功罔奏總由上官不行料理司官祗
聽吏胥積蠹相仍惟賄是視以致流弊不可勝言今後堂官務要正
己率屬左右侍郎分任料理不得優游蕩擻如司官闕冗一任吏

及賊手濟賈賄跡有據者即指參拿問

乙未賊陷大同知府董復鄉宦韓霖俱降初賊揚言降者不殺兵民皆欲降總兵朱三樂不可有紅夷大砲在城朱命放之眾莫應朱自起燃火兵後掣之朱憤甚奪卒刀自殺撫臣衛景瑗罵賊被磔唐通陸見上慰勞再三命同太監杜之

南行 陸蔡鵬霄吳麟趾姚思孝各少卿

丙申賊陷宣府時叛將白廣恩以書約總兵姜瓖降太監杜勳出城三十里迎賊入城執撫臣朱一馮殺之監軍霍遠走回京 兵科韓如愈奏差至東昌劉澤清遣兵殺之曰尚能論我王將否也 吏部確查延安死事贈都任南企仲王道南居業焦源清清朱家往各

卿少都御史 忻城伯趙之龍薦于仕虞位坤才品 太監張天西難民慘毒命刊布流傳使軍民共見 諭兵部賞不踰時近來每多沉閣致使營囑有權速將積案盡覆以陸密雲撫王則堯遵化撫

宋權 淮撫路坐河岸以令箭約各藩船魚貫進口預給舖行供應丁酉諭戶部乘時勸糴凡勳戚及鄉紳富室商賈積粟私家至三千石者優敘 又諭勳戚文武進馬助公 召見庶常于中左門特命

陳名夏為修撰兼戶兵科 給太監王國治火藥 賊犯寧武關總兵周遇吉力戰不支闔室自焚死賊遂屠寧武 賊陷陽和道臣于重華出城十里迎降重華青城人以邊材薦任者 兵信屢至內閣

或感額相向或談笑如常范景文數舉南遷之議方魏以為感氣力止勿言本兵張縉彥別無布置但出示沿街擺砲置城上懸簾以待賊至而已 霍達以叛兵結管報上命問蘇京下落及宋翼明何在

陞工部尚書陳必謙通政使王公弼改禮部尚書王鐸 有偽選淮安知府鞏克順遣牌至淮巡按王燮碎其牌細責其人逐之

戊戌朔州道報至始聞真定之陷 寧武報至畿輔震動進士程源謂魏藻德曰建泰何名尚住河間其標下總兵馬稔有現兵萬人令速赴居庸與唐通協守猶可以鎮撫萬一不聽 山東總兵劉澤清虛報捷賞銀五十兩又詭言墮馬被傷復賞藥資四十兩命即扼真定澤清不從即于是日大掠臨清統兵南下所至焚劫一空 吳三桂以寧遠叛降清高起潛棄關走西山 王永吉請嚴居庸守禦

進封戚臣周奎為侯遣太監徐高宣詔求助謂休戚相關無如戚臣務宜首倡自五萬至十萬協力設處以備緩急奎謝曰老臣安得多金高泣諭再三見其堅辭拂然起曰老皇親如此鄙吝大事去矣廣畜多產何益奎自具疏勉蠲一萬內監王永祚曹化淳等有助至五

萬三萬者內監王之心富第一上面諭之對以家計消乏僅獻一萬其後李賊夾追之心十五萬兩金銀什物稱是周奎抄見銀五十三萬兩什器段匹車載人皆快之 淮口擒偽官鞏克順按臣王燮斬

以徇眾變自任守河托撫臣路振飛守城士民恃以屹然已亥頒罪已之詔給城軍半歲之糧 警報不一廷臣有勸上南遷者上怒曰卿等平日專營門戶今日死守夫復何言 諭兵部都城

守備有餘援兵四集何難刻期滅寇敢有訛言惑眾及私發家眷出城者擒治 吏部會議凡罪廢諸臣各復冠帶開釋以收拾人心諭勳王兵馬雲集著太監王承恩總督王永吉節制 兵部劾奏王

繼謨乘信不守借題巧避著充為事官鼓勵殺賊 張鳳翔准贖徒陳子龍改兵科給事中 陞陝撫高斗樞保定撫宋祖法天津撫李希沆通政宋學顯南尚寶程正揆 周王薨於湖嘴舟中

庚子順天撫楊勳出巡易服道督學陳純德臨遵化中道走回京昌平總兵李守燦自殺 李國楨每事遜王承恩科臣戴明說劾之

幸丑各城門分設紅夷大砲給守門兵人黃錢一百 左都李邦華
榜諭訛言抵罪 吏部李遇知為御史徐必泓所論謝病不出

壬寅起舊司禮曹化淳守城 密旨收葬魏忠賢遺骸 時日色兩
旬無光是夜風色陰慘沙塵刮天 南京李陵夜哭

癸卯日色益晦正陽門外閃神廟旗杆中毀 賊叩府關總兵唐
通太監杜之秩迎降撫臣何騰蛟死私遁 朝廷發三大營營齊化

門外李國楨坐城樓無所主 惟以太監王相堯統領 總兵馬岱
自殺其妻子疾走山海關 永吉曰事如此何以自安遂度關投

三桂 有權將軍者發偽降 十八日入城至南州會同館繳人
爭駭之 仁和王載周 行

甲辰黎明昌平陷十二 賊悉焚賊分兵掠通州糧儲 上御殿
召考選諸臣問裕餉安人 燕陽知縣黃國琦對曰裕餉不在搜括在

節慎安人繫于聖心聖心安則人安矣上首肯即命授給事中餘遊
李字忽秘封境上 賊即起入內久之諭退始知為昌平失守

也 是夜賊自沙河而進直犯平則門竟夜焚掠火光燭天城守事
盡歸中官莫有料理者 賊撤南下清河沐陽邳州皆除僞官

乙巳早上召文武商畧上泣下諸臣亦相向泣束手無策或言馮鈺
當起或言楊維垣當用方魏請封劉澤清為東安伯上皆不應倪首

書御案十二大字有文臣箇箇可殺語密示司禮監隨印抹去 吳
履中請繫禁諸臣納贖出董象恒鄭二陽曾縶于獄復章正宸罪

式相冠帶 午刻有數騎突至西直門始知寇至倉卒閉門傳兵上
城每堞一人無爨食處申刻命各監內官至小豎俱乘城凡數千人

賊攻平則門叛監杜勳射書城中約降 夜漏半曹化淳開彰義
門迎賊人守城勳衝進御史王章被殺科臣光時亨迎降外城已

陷而城內竟不知 舊籍得德環被創於會館易服潛遁

兩午旱喧傳勤王兵到 燕唐通叛兵說言索餉也時黃沙障天忽而
濛風苦雨良久冰雪雷電交至人情愈加惶惑城上砲聲不絕不入

鈴彈惟有空響 上又下罪己詔盡罷加派新舊餉 近募宣武編
南火起始知外城之陷更餘傳入大內上徘徊殿庭亟召王承恩入

語移時命亟出整內員為出亡計 又別傳殊諭至內閣命成國公提
督內外諸軍夾輔東宮已而呼酒與周后袁妃同坐痛飲慷慨決絕

妃先起上拔劍刃其脅仆后疾逐坤寧宮自經上復視之曰好好公
至哭不已上叱之曰汝奈何生我家亦刃之公至以手格刃臂斷悶

地良久承恩復命上即微服雜內員步出東華門至齊化門城上反
砲擊之不得出齊化為成國公所守乃詣成國請入辭以赴宴未

歸上嘆息起復走安定門門關堅不可起天將曉矣 賊原載門散
進內員于攝王承恩竟入內苑人皆莫知 初殊諭至閣閣臣已出

登几上而返報上已不知所在矣宮中沸哭如雷狂奔無復門限比
曉太子雜宮人走叩周奎府門奎臥未起門役不肯傳報乃走匿某

內官外舍 福王寓湖嘴杜光紹園 馮元慶北至過淮
丁未陰雲四合城外烟焰漲天 錦末大堂出示禁訛言 叛監杜

勳又從德勝門射書約降 太監王相堯領內兵千人開宣武門出
賊賊將劉宗敏整軍入軍容甚肅錦衣吳孟明遇之於宣武大街

謂是援兵問之乃知是賊張縉彥坐正陽門成國守齊化門一時
俱開二臣迎門拜降閣臣魏藻德方傳單敏備兵銀有頃守城者俱

下賊登降斬侍郎王家彥于城樓侍郎孟兆祥死于城門下其子選
士孟章明同母妻自殺于寓 閣臣范梈文肩輿至西長安門見人

雜沸即回寓投井死 忽傳上已出朝陽門各官俱有奔赴行在

想賊大呼閉門者不殺士民各執香立門門粘大書永昌元年順
天王萬萬歲。午刻群賊擁李自成由德勝門入轉大明門遂進禁
城李賊親射一矢於承天之門扁上太監王德化率內員門迎賊諭
德化照常管司禮監自成方中藍袍親奇陋眇一目軍師宋獻策
浙人長不滿三尺軍中呼為宋孩兒偽將軍或稱制或稱權或稱景
毅或稱智勇其主者為劉宗敏李牟副則田化龍李巖郭之緯白風
賀有威董學禮我朝叛將白廣恩黑雲龍官撫民梁甫祖澤溥王琦
黃天成分將各兵是晚尚書倪元璐偕二妾從容自縊詞林劉理
順汪偉郎中成德俱全家自盡有田姓內官自縊于白塔巷後人入
其室見青籍滿架多自抄者知讀書人也惜逸其名 淮安西門外
有馬兵突至劫掠婦女幼妓燕順誓拒被殺鄉民憤群聚與鬪始知
為馬士英標兵。

庚申賊盡放馬兵入城亂入人家諸將軍望高門大策即入據之劉
宗敏據田弘遇第李牟據廟奎第牟數奎平日鄙吝督令賣薪擔水
以辱之 中允馬世奇與二妾同縊勳戚惟忠安伯張慶孫新樂侯
劉文炳駙馬鞏永固圍門自盡 賊出示令文武百官俱于次早入
朝投遞職名又諭招集各衙門長班使趨本官報名 賊據大內叛
益杜之秩曹化淳為導賊謂之曰汝曹皆主賊賊皆當斬內眾伏地
自言能識天時故如此李賊叱曰能死去 左都李邦華縊於文丞
相祠副都施邦曜大理卿義深文科吳麟徵戶科吳甘來御史陳
良謨太僕丞申佳胤考功郎許直內閣舍人宋天顯各自盡 賊大
索先帝太子二王搜得太子定王於內官外舍太子送劉宗敏收視
定王送李牟收視永王不知所存 賊盡放賈城罪囚張若麒侯恂
遂將軍參謀若麒自稱錦之功又言天下壞于黨人賊皆然之都

司董心葵亦自獄出備言中國情形及江南勢要自成大賞之
津兵道原毓宗倡降副將金斌等皆從津民悉願撫鎮馮元殿曹友
義逃

已酉內閣陳演成國公朱純臣勸進不得入 諸臣投職名承天門
不開露坐以俟近午王德化自內揚揚出見兵尚書張縉彥呵其誤
國縉彥辨數語德化呼從者批其頰縉彥拚面垂涕百官盡日無食
賊卒競辱之庶子周鳳翔甫入即出歸寓自縊 主事金鉉投御河
死 戶侍郎黨崇雅給事介松年御史柳寅東各方巾色衣自西長
安騎馬入內蓋黨柳在通州降介在保定迎降也督輔李建泰亦于
是日入城賊禮遇之 賊授張若麒山海防禦使龔鼎直指使楊
枝起文選員外又以高翔漢為都直指劉世芳為編修二人皆陝人
陳魏二閣鎖宗敏所魏哀求甚切已同立方二閣發營中 賊

袁城李國禎至初時悍然不跪賊再以危言恐之曰當居一城人李
乃跪曰吾為國城求全也未數日發同諸人追銀夾二次已聞成國
公誅死即自縊賊執其夫人褫其底衣抱之馬上淫辱以為戲笑
潞周諸藩行舟皆泊淮安湖嘴 劉澤清兵頓宿遷高傑兵頓徐州
各聲言南侵淮民大恐淮按王變自謂與澤清有識輕身請之勸其
迴轅北上劉不肯大聲云即不擾貴治請假道赴揚州變不可曰即
不得已迂道從天長六合行則非我所知也劉允之淮城得免塗炭
庚戌得先帝遺囑於後苑山亭中其亭為內閣舊址者與王承恩對
面縊焉先帝以髮覆面白袷藍袍白袖褲一足跪一足有綾襪紅方
鳥袖中墨書一行云因失江山無面見祖宗于地下不敢終于正寢
又一行云百官俱赴東宮行在蓋上未崩時諭閣札托成國公輔太
子正謂此閣中未及宣也李賊因此有疑於朱純臣立命誅之

賊封太子為宋王定王為定安公。主事大足劉發員於皇極殿叩頭請誅賊國奸臣張縉彥魏藻德陳濂賊云先朝時何不言立斥之。程源舟過天津馮元殿賊其舟中待南歸。賊殺河間守方

文耀

辛亥殲先帝于東華門易朱漆棺與后梓宮同移佛菴惟主事劉養貞以頭觸地大慟諸臣哭拜者三十人拜而不哭者六七十人條皆脚脫過之。諸臣入朝聽點自成白覆帽藍布衣坐于殿左牛金星坐于殿右檻上湯胤以次唱名由西而東魏藻德首自成叩頭求用自成勞掛之藻德請試題自成有所命藻德聽之不真又不敢再請皇遽而起。祭酒孫從復居金慶會館病臥有難將其家孫遣僕持名刺致意羅大慈即馳入內殿探其病其妻亦命以鐵索繫其頸并昇孫遣已書榜訊孫其妻亦命以鐵索繫其頸

招承史董寄密多金符七千兩獻於自成由是翰林有金萬金。簡討番揭梁兆陽首倡助與同志求仕者各歸五千。自成金銀先投手本。是日召見兆陽曰先帝無甚大德只以剛直自用其臣而朕不通以救萬民塗炭災黎自成一武正為百姓憂。兆陽云主上救民水火自泰入晉歷代抵燕真不血刃百姓草食盡聚以迎王師真神武不殺傷武不足道也。自成大喜留坐賜茶除其政侍郎。庶吉士周鍾學源有請券先帝公疏授文論陳君恩君恩云諸君亦是奸名之事侯牛丞相來自其國其國鍾者故金壇名士為復社之長牛金星見之呼曰此周介生先生乎命作士見范致命論大稱贊之鍾逢人自誇牛老師知遇同館降賊人多舍恥幸生還惟鍾揚得意飛馬拜客屢過梓宮前揮鞭不顧甲亦腹

壬子劉宗敏以人試新夾夾其隨來書後二人于大街次日即死。木俱有稜鍬釘相連皆入京造者宗敏門立二柱磔人無虛日日便照入西華門止四騎前導。

癸丑偽禮政鞏煇示隨駕各官率耆老上表勸進情故陝西提學愈事牛金星河南乙卯舉人何瑞徵薛所蘊皆其同鄉媒進者皆藉二人以通于牛。有稽訪司持刺召京紳劉餘祐孫承澤甫即席即問劉借四萬金孫二萬且曰宜早辦若遲二日即不得從容矣。午後喚諸文官進內點名幽閉一日夜次早點過共擄八百員五人一連鎖押至劉宗敏處炙拷認賊凡十晝夜陳演夾二夾追出黃金三百六十兩銀四萬七千兩魏藻德夾二夾妻一櫻其子二夾追出銀一萬七千兩李遇知二夾追出銀四萬一千兩即死。

甲寅為勸進之始其表有云比堯舜而多武功邁湯武而無德周鍾自侈為得意之語。選陞四品以下百餘人詞林則楊觀光榮兆陽改侍郎項煜改太常丞韓四維降修撰薛所蘊改司業何瑞徵高爾儼方以智傅鼎銓楊廷鑑陳名夏如故張之奇為順慶府尹六科

則申芝芳朱徽劉昌戴明說彭瑄孫承澤金煉色光時亨時敏改科為諫議止時敏降為縣令御史改直指使則朱朝錄張懋簡蔡鵬霄裴希度涂必泓韓文銓陳羽白吏部郎改從事則沈自彰熊文舉郭萬象王顯楊玄錫其餘大理卿劉大章光祿卿李元鼎太常卿吳家周鴻臚卿張魯驗馬卿宋學顯尚契卿葉初春學錄錢位坤助教李森先皆改授者巡撫改節度使兵道改防禦使府為尹州為牧縣為令改印曰契凡銓選皆宋企郊王之。

乙卯吳三桂挾清騎叩山海關賊將不能禦報至遣唐通移兵協守復令三桂父吳襄手書于諭降。派餉各官亡論用否俱貴如舊。

不辦即夾有夾於各營兵官有夾於監押徒見人人皆得用刑限內
閣十萬部院京堂錦衣帥七萬科道吏部郎五萬三萬翰林一萬部
曹千計動賊無定數人財並盡英國公慘死最酷錦衣路養性輪銀
三萬免夾鎮撫司梁清宏及史館辦事衛幕雜流夾俱竟日夜不放
侍郎金之俊輸銀百兩健兒夾之於室相與朋飲玩其哀號 淮撫
路振飛會淮安七十二坊各集義兵每家或三或五刀杖俱自備每
坊一生育為社長一為副自為操演貴持久戒作輟日則團練夜則
魚貫巡邏以備非常是日大閱舉人湯調鼎等咸易戎服
丙辰李自成集宮女分賜隨來諸賊 候選官求選紛紛宋企郊曰
新朝當自用一番人公等解事不如赴好歸去
丁巳唐通質與襄書請三桂營啖以父子封侯通慮請國王禮賢之
美且言東宮無恙三桂驚喜曰願一見東宮而即降報書復命賊計
以定王往即日遣賊將單定王赴通營 淮上江南皆傳京城失陷
之信眾猶疑信相半 淮撫路振飛分設壯丁守城藉分守門官范
通周守高監紀黃總補各守一門夜宿城樓 南京亦始戒嚴
四月戊午朔南京尚書兵部史可法戶部高弘圖工部孫元化都御
史張慎言兵侍郎呂大器翰林院姜曰廣太常卿何應瑞應天尹
劉士積鴻臚卿朱之臣太僕丞姚思孝吏科李沾戶科羅萬象御史
郭維經陳良弼周元泰米壽圖王孫壽崇國昌普告天地號召天下
臣民起義勤王指督軍事 在籍侍郎徐人龍主事雷演祚等檄遂
近台紹道傅雲龍歸鄉官陳四輝亦誓師期吳郡諸生王聖風等各
有檄文 淮城義士到軍門過堂路撫賞以花紅人銀一兩人人踴
躍擢武于河上適有北來逃兵駭擾見之辟易避去 李賊改大明
門為大順門 賊頒冠服犬條加雉羽于冠服方領以雲為號收各

牙牌避自務明光安令成字 劉宗敏來詢魏藻德貴以首輔致
藻德曰臣本書生不諳政事又兼先帝無道遂至於此宗敏怒曰汝
以書生擢狀元不三年為宰相崇禎有何負汝詆為無道呼左右批
其頰仍夾不放放岳貢瑜令羈候 受刑諸臣先後不一楊汝成獻
美婢獲免不留用張忻未刑而刑其妻子輸銀萬兩始釋郝晉翰五
千兩釋不用王都三次受夾三次輸銀釋夾即死顧鉉被夾其僕竊
賫以逃賊將遁時索賄無應受害夾之甚者大臣則李遇知王正志
詞臣則楊昌祚林增志衛胤文其未甚者金之俊王蒼承張維機胡
世安李明睿也高斗光首被追銀欲夾其子請代得免崇鳳翔雷際
龍沈維炳方拱乾楊士聰趙士錦李士淳劉明侯吳邦臣不夾收繫
畿內山東河南守令多奈晉亡賴單身赴任恣意虐虐首稱助餉
於賊受脅少忤而辱隨又徵少艾專待郵傳人始情思舊矣 項
常始沮喪南遁 朱國瑞索取義勇名冊路撫拒之
已未魏藻德被夾五日未釋而死復逮其子云無措置即斬之 賊
除楊觀光禮政侍郎初觀光召對賊問郊天何以不茹葷不飲酒不
近女不行刑楊叩頭云天人一氣相感欲其志氣清明遂慈和以感
格賊甚稱之觀光持門生刺見宗敏四轎開棍儼然都堂
庚申賊葬先帝后于田妃墳中忤作數人昇之而去並無文武內臣
一人送之 鴻臚官在籍者悉復原官習儀以饒印位 時路周游
淮上者各以宮眷隨獨福王子然與常憲俊等入流離至止鳳
路振飛王燮綱責其人弼周者故河南驛傳道為變應師也
辛酉賊焚太廟神主 吳三桂兵破山海關唐通降定王已至三

桂軍三桂檄賊云必得太子而後止兵 賊以何瑞徵等弘文館

徵斂庶常裴希度等銀請牛金星至署飲到任酒

壬戌庶吉士張家玉上書於自成請表章范景文周鳳翔等隆禮劉

宗周黃道周等尊養史可程魏學濂等賊怒縛午門外家玉請死不

許凡三日賊喝欲磔之復不動賊云當磔其父母乃跪求免仍為庶

吉士王廣東人父母在籍未嘗到京抗怯倏忽殊自無謂 濟寧城

守粗備署道僉事王世英乘總河黃希憲南下大張偽示甘心從賊

賊至即以城降 臨淄濟南寇盜充斥行道為絕 張國維過淮

癸亥李賊召父老至武英殿問民疾苦 濟南推官鍾性橫自殺

甲子鹽城王守備獲賊將董學禮及從者十三人獻於路撫悉斬之

自成過宗徵寓見庭院夾三百多人哀號半絕李云天象示警宋

軍師言當省刑宜酌赦之此中縉紳十之一餘皆難流武弁及効勞

辦事人釋千餘然死者過半矣 宗敏進所追銀萬萬李牟刑寬所

進不及半以已所有湊償人皆稱之

乙丑賊盡釋諸繫者於是吳履中張鳳翔等盡數南歸 御史馮垣

登及錦衣二人以刺髮夾于市三日死吳華昌亦刺髮者獨令蓄髮

候用梁清宏體肥釋夾即死 京營李昌齡至泗始傳京城的信

丙寅東報已急賊人隱之在繫者盡釋惟留申濟芳數人各予繩自

縊死後人各加五棍濟芳昇歸入殮復甦 陽武侯薛濂夾數日言

有藏金在窖須自發之賊昇往則宅已為別將所踞昇遂即死定西

侯伏羌伯皆死于夾 路撫集淮城紳衿議事至則出塘報于袖中

言京城已陷代我者即至將縛我出迎乎抑勉力一守乎言畢淚下

眾皆泣 馬部將莊朝梁劫單縣為民所殺

戊辰賊東行之期已定取動賊大臣皆殺之於是內閣陳演定國徐

允禩等諸賊晚官都指揮以上錦衣堂上官俱死方岳貢丘璠等

自縊 以戚晚女婦配給軍卒 又押諸繫官至宗敏前崇崇坐

於路側徐次取殺一內官自言輸銀千兩黃金九十兩亦殺之三鼓

乃釋餘人翰林楊任聰等始脫 馬士英標兵抄掠淮上

己巳李自成出正陽門東宮衣綠隨後馬尾相銜宗敏繼後惟留李

牟牛金星守京師 周藩各眷盡以攜貲給賞淮城各坊義士

辛未西長安街有私示云明朝天數未盡人思效忠於本月二十日

立東宮為帝改元義興初宗敏嘗誅私示處居民數十家今粘黃墻

上無所用法由是駭懼密聞于自成 有內臣至南京始知北信已

確史可法張慎言集高弘圖寓議所尊奉時路王福王並在淮詹事

姜曰廣王屬福王可法曰在藩不忠不孝恐難主天下遂巡而散

山東高苑知縣蘇方募士起義 朱國弼強取淮庫中奇銀十萬兩

壬申李自成至密雲 何瑞徵以望日參牛金星金星諭以訛言四

起各自謹慎無事少出由是降賊者皆生悔心人思竊逃矣 偽防

禦呂弼周以師生視王變攜偽參將王宮赴任遊擊駱景如受命

乃陽迎于中火猝縛之變叱使跪呂罵云人也不認變曰亂臣賊子

我認得誰令左右截其耳變細鞫其事賊并問以聖上東宮呂一字

不容解至撫院路撫命留驛亭懸示四門令善射者就集路撫舉能

勞駱舉簪花旁立縛二僞于柱射者立二十步外五人為耦人發一

矢不中者退中者報名賞銀牌一射者盡乃命副之眾悅請肆快飲

癸酉賊大驅騾馬駝駝載金銀往陝西舊有鎮庫金積年不用者

三千七百萬錠金一千萬錠皆五百兩為一錠每駝二錠不用包裹

談遷曰三千七百萬錠損其奇零即可代兩年加派乃今日考成

明日搜括海內駭然而局鑰如故豈先帝未經遺精耶不勝追惟

矣

甲戌李自成至永平。總督王永吉以三十騎戎裝乘馬間道南下。平陽進士王道成賊授青州防禦使。單騎到任。城中人脅服不敢動。時衡藩尚在城。百姓自亂。無能擁衛者。

丙子東報益急。留守賊於城內大搜兵器。由是城門益嚴。三桂與賊將大戰於關內。日暮乃罷。路撫追漕船七百回駐清口。

丁丑三桂李賊兩軍復合戰。戰方酣。忽有白標一隊繞出。吳兵之右。銳不可當。自成隨數十騎。挾太子方登廟岡觀戰。有僧進曰。此非吳兵。必東奴也。上宜急避之。已而見白標軍如風發。潮湧所到之處。無不披靡。自成狼狽遁。路撫以漕糧四千散貧民。

戊寅李自成賊軍永平。三桂使人議和。并請太子自京命張若虛奉太子即位。自成請如約。既盟。賊遂旋師。三桂頓兵不前。是以賊得安行。時新主未定。人望皆在潞王高劉二鎮。移書路撫問所奉。張飛云。議賢則亂。議親則一。現在惟有福王有勸某隨去南京。扶立者此。時某一動則淮揚不守。天下事去矣。此功自讓與開國元勳。居之必待南都。議定不然。我奉王入而彼不納。必且互爭。是不待闖賊至而自相殘敗事矣。管王避難過淮。總河黃希憲同總兵于永綬。

軍張文昌聯舟至淮。帶有濟寧奇餉銀路撫借其一萬五千兩。南京既傳確信。文武大臣連日會議。潞王倫次稍疎。惠王道遠難至。福王有在邸不類事。莫之敢決。夙督馬士英獨念福王昏庸可利為之內。賄劉孔昭。外賄劉澤清。同心推戴。必欲立之。移書宜言于南京大僚。謂以序以賢無如福王。且責吏可法當王其議。諸臣乃莫敢言。或云士英亦希立潞王。而潞王舟先發一日。且渡江。乃亟奉福王登

舟黃得功劉良佐高傑以兵護行。其說非也。福王舟抵儀真。馬士英私致推戴之意。且召劉澤清以兵南下。已卯南兵尚書史可法治兵于浦口。

辛巳劉澤清駐兵盱眙。召淮撫按集議。振飛變不行。壬午偽禮政府示主上。不日東還。該衙門速備登極儀物。癸未李自成旋師回京。三桂棄定王于永平。專擁太子。整軍而行。一路移檄播告遠近。卒賊聞報大怒。即殺吳襄全家三十四口。驅百姓於崇文宣武門外。毀拆民房及牛馬場。有朱帥欽者。慶藩宗室。為香河知縣。棄官走吳橋。偽防禦關傑囚之於德州。傑與州牧吳徵文征比餉銀。酷急。賈宦馬元駮暗相糾結。請生謝陞一呼而起。殺偽徵文出帥。欽為主權。稱濟王。移告遠近。殺逐偽官。來附者四十餘州。

甲申吳三桂傳帖至京。令百姓為先帝服喪。整備迎候東宮。賊縱其下大肆淫掠。無一家得免者。南京禮部司務齋百司公啓迎福王於儀真。王得啟即行。朱國弼棄淮而去。淮士民歐其中軍於市。乙酉高傑遣兵圍揚州困之。

丙戌李自成稱皇帝。位於武英殿。追尊七代考妣為帝后。六政府各一赦書。稱大順國永昌元年。午後運艸入宮。處處皆滿。是夜福王泊舟於南京觀音門。

丁亥昧爽李自成西奔。群賊皆從。牌諭百姓出城避虜。致里之外。即遭殺掠。隨來舊官。皆有軍護。新用者無之。楊觀光以家眷隨賊而出。至風臺被殺。薛所蘊以宋軍師密令得出。司務魏學濂自縊。學濂素負志節。一時墮俛知愧而死。亦愈于視顏求生者矣。賊先于宮中

得出言。塔惑議遂定。屬福王因先修武英殿。

甲申吳三桂傳帖至京。令百姓為先帝服喪。整備迎候東宮。賊縱其下大肆淫掠。無一家得免者。南京禮部司務齋百司公啓迎福王於儀真。王得啟即行。朱國弼棄淮而去。淮士民歐其中軍於市。乙酉高傑遣兵圍揚州困之。

丙戌李自成稱皇帝。位於武英殿。追尊七代考妣為帝后。六政府各一赦書。稱大順國永昌元年。午後運艸入宮。處處皆滿。是夜福王泊舟於南京觀音門。

丁亥昧爽李自成西奔。群賊皆從。牌諭百姓出城避虜。致里之外。即遭殺掠。隨來舊官。皆有軍護。新用者無之。楊觀光以家眷隨賊而出。至風臺被殺。薛所蘊以宋軍師密令得出。司務魏學濂自縊。學濂素負志節。一時墮俛知愧而死。亦愈于視顏求生者矣。賊先于宮中

得出言。塔惑議遂定。屬福王因先修武英殿。

甲申吳三桂傳帖至京。令百姓為先帝服喪。整備迎候東宮。賊縱其下大肆淫掠。無一家得免者。南京禮部司務齋百司公啓迎福王於儀真。王得啟即行。朱國弼棄淮而去。淮士民歐其中軍於市。乙酉高傑遣兵圍揚州困之。

丙戌李自成稱皇帝。位於武英殿。追尊七代考妣為帝后。六政府各一赦書。稱大順國永昌元年。午後運艸入宮。處處皆滿。是夜福王泊舟於南京觀音門。

丁亥昧爽李自成西奔。群賊皆從。牌諭百姓出城避虜。致里之外。即遭殺掠。隨來舊官。皆有軍護。新用者無之。楊觀光以家眷隨賊而出。至風臺被殺。薛所蘊以宋軍師密令得出。司務魏學濂自縊。學濂素負志節。一時墮俛知愧而死。亦愈于視顏求生者矣。賊先于宮中

得出言。塔惑議遂定。屬福王因先修武英殿。

列砲放火各私寓亦放火擊賊飛馬殺人百姓各以牀几室塞巷口或持挺小巷突出擊之須臾九門城樓皆火賊東西馳走不得出至暮胥魁城外艸場之火與宮中火相映徹夜如白日南京諸臣謁見福王於舟次王時角巾葛衣坐寢榻上舊枕敝衾尚無蚊幃也子影空爨從行田成諸人布袍革履不勝其困

五月戊子朔皇太子在吳三桂軍中傳諭京中官民各宜整肅靜候士民大喜相慶原任御史曹溶自爲西城巡視傳諸臣爲先帝發喪設位都城隍廟從賊官梁兆陽孫承澤高爾儼等咸在僞直指張懋爵柳寅東韓文銓朱朗錄各自爲五城御史受民詞核奸宄甚力三桂兵至榆河清國帥檄其西行追賊三桂請護太子入都帥不許三桂夜送太子於高起潛所或云潛遁於民間陰導之入皇姑寺兩江米巷諸商合貨爲三桂家發喪每棺衣衾各費百兩是日

福王自三山門登陸由城外至奉陵從西門入享殿然告諸懿文太子寢園瞻禮畢從朝陽門進東華門步行過殿陛謁奉先殿出西華門以內守備府爲行宮文武官進見王惶報欲避史可法言殿下宜正受誠意伯劉孔昭暨諸勳侯人人自有德色無復異下群臣退議先上監國璽綬而後勸進乃卽範金鑄監國之寶

已丑南京諸臣謁福王於行宮魏公徐弘基先致詞靈璧侯湯國祚卽許戶部措餉不時其詞憤激太監韓贊周叱之起呂大器呵言此非對君體御史郝彪佳言紀綱法度爲國之本吏科李沾言朝廷宜肅彪佳又言宜早頒大號王皆允之群臣退議登極張慎言曰國虛無人可遂卽位可法密曰太子存亡未卜倘北將挾以來奈何劉孔昭曰今日既定誰敢更移可法曰緩幾日無妨又議卜相群推可法及高弘圖姜曰廣而以眾宰屬張慎言慎言曰吾老矣願安于處

憲徐弘基曰張公內閣高公冢宰似極相宜劉孔昭謀皆欲得內閣可法曰本朝無勳臣入閣例孔昭曰卽我不可馬士英有何不可諸臣默然又議赦書蠲免可法曰今天下半壞正賦有限軍餉繁費恐未可盡除又議起廢競推劉宗周徐石麒等孔昭特舉阮大鍼等可法曰此先帝欽定逆案勿庸再言北京城中人延頸望東宮之至諸臣凡欲南歸者各思希恩于新主遂停留不行錦衣賂養性與吏侍郎沈惟炳約諸臣明日爲先帝位于午門行哭臨禮隨備法駕迎東宮于朝陽門

庚寅南京諸臣進監國寶於福王王行告天禮孔昭復請卽登大位彪佳曰監國名甚正禮部魏國皆然之乃定馬士英率高傑等擁兵臨江稱十萬衆欲威劫留都諸臣文武臣會推史可法高弘圖馬士英皆兼東閣大學士張慎言吏部周堪賡戶部各尚書又推詞林

姜曰廣王鐸爲東閣高劉二帥書至請可法渡江欲其卸權于士英也北京諸臣俱赴朝哭臨畢卽隨賂養性所整南簿迎候于朝陽門外傳呼太子至多官望塵俯伏及登輿乃胡服頌且慰者知非東宮也各駭愕而退及城門吳兵前導者城上已滿插白旗矣清國來者爲攝政王入居武英殿侍郎王鰲承從入見見上下同坐于地乃潛走出

楊仕聰曰三桂西不能制順東不能抗清姑靜俟焉以待順清相逼徐觀鵲蚌之持亦未爲大失也乃束身歸清予以復仇之名使得闖入順雖西遁而京師爲清有矣東宮定王福不旋踵吳襄被戮殃及全家揆之忠孝有何當焉南中不察而沾沾三桂之功吾不知其何功也若以此爲功然則盤踞二東忽焉南牧渡河涉江金陵不第亦謂三桂有功于明歟

壬辰高傑兵大掠江北聲言欲送家安頓江南約劉澤清刻日南渡允可法議發戶部一萬兩遣職方郎萬元吉前諭各鎮分別犒賞以張應元為承天總兵淮坊義士擒亂兵三十餘人路撫不敢問縱之北京沈惟炳王鰲永金之俊投職名入內權政王令各官俱照舊又具勸進表上之攝政王閉門不出其內院大學士范文程接見笑曰此未是皇帝吾國皇帝去歲已登極矣何勸進之有於是侍攝政令自初六日始為先帝設位帝王廟哭臨三日隨議謚號議葬隨俟事畢削髮十五日朝見禮侍郎楊汝成稱典禮浩繁不能獨任內院即令惟炳推補點用侍郎李明睿擬上先皇帝后諡曰端廟號懷宗庶吉士高珩李呈祥訪鰲永議歸鰲永曰今日何所逃素夷狄行乎夷狄耳高李出城被劫因留滯通灣范召詞林官止高爾儼應命議修崇禎史爾儼曰詹翰一體請盡召之明日何瑞徵等皆入

楊昌祚林增志以傷重告假范許之范上虞人瀋陽籍其祖銀兵部尚書自瀋陽陷歷官至此每日坐午門右夾事同坐三人中乃真虜也故學士倪元璐家人具呈扶柩回籍范差官執令箭送至灣倪夫人肩輿出城如曠見焉三桂追李賊戰于保定勝之明日追至定州奪其駝馬又三日及于其定逐之出故關而止李賊過關與整隊西行

癸巳兵侍郎呂大器轉吏部起練國事戶部賈世壽刑部何應瑞工部各侍郎劉士禎通政使高傑兵圍揚州日久城外廬舍焚掠殆遍楊人厚犒之不去江南北大震北京為吳歸先帝之始五城御史監肅諸儀曹溶等五人因攝政王有照舊之言儼然即真朱朗錄者宗室子出示稱順治元年奉旨若無更易者仕賊如熊文舉楊枝起朱徽輩咸同哭臨河北山東府州縣各殺賊所署偽官以稱起

義居庸巡撫何謙自北七命道德州濟王留之共事尋送之南行臨清舖商留閣部監紀凌駟起義舊侍郎張鳳翔亦起義東昌少卿萬元吉言揚州臨淮六合所在兵民相角兵素少紀律民近夏乖張一城之隔民以兵為賊兵以民為叛環攻弗釋臣等雖有愛民之心斷無銷兵之術

甲午史可法議防江設水師五萬添二鎮將置地分守仍以文臣攝江協事衛王殺偽官于青州清國封吳三桂為平西王成國勳衛朱元臣浦口渡江自言雜擔夫出京來奔楊仕聰家眷出北京城門生方大猷以家丁護送大猷者薊州監軍隨三桂降清令守通州也楊州士紳王傳龍奏東省附逆河北悉為賊有淮揚人自為守不意賊警未至而高兵先亂自傑渡河掠徐至泗至楊四廂之民何啻百萬殺人則積尸盈野淫汗則辱及幼女詎奈傑之必得在新舊之城環圍絕糧已經月餘何不恢已失之州邑而殺自有之良民也

乙未起劉宗周左都御史張慎言薦起顧錫嘯等起倪嘉慶華允誠葉廷秀補吏部司官江南撫鄭瑄奏報江北潰兵連騎數萬皆欲渡江三吳百姓呼吸變亂臣駐師江干遣書高劉二帥不肯止兵請救操江武臣速援京口鳳陽參將戈士凱報劉澤清兵沿路殺劫逼攻臨淮敕御史祁彪佳等分行安撫楚督袁繼威請入觀止之并諭鄭鴻逵留駐九江

丙申瑞王避兵入重慶奏聞馬士英自請入朝拜疏即行

丁酉楚撫何志堅奏鄂岳恢復方國安冒功混報又奏左良玉復德隨戶科羅萬象劾方孔炤屯撫河北寇至而踉蹌遁歸又蒙面補官李沾張元始沈胤培左茂弟鍾斗李清為都給事中羅萬象陸

期熊維其張希夏轉左右陳泰來錢增姜應甲馬嘉植王士傑黃

師為給事中。

戊戌莫安二后御容遣韓慶二宦行禮。莫安二祖御容遣徐侯

柳伯方行禮。尚書張慎言陳一議。命趙光遠鎮守四川。貴省

民何兆仰作亂。清國令虛燕城之半以屯兵。盡驅民出城。自是

紳雜出。不致詰。吳中士民焚掠。任賊官項煜。錢位坤。宋學顯。湯

有慶四家。

已亥史可法請增文武重臣。經理招討。撫寧朱請裁漕運總兵。

濟寧鄉宦潘士良約回兵入城。殺偽將偽道。回兵長楊朴。奉潘為總

河。而自為總兵。清將吳三桂旋師入燕。

庚子張國維原官協理戎政。起徐石麒左都御史。解學龍兵左侍郎。

張有譽督倉侍郎。王廷梅應天府尹。郭維經府丞。朱之臣太常卿。左

茂第少卿。李沾提督四夷館少卿。吏部欲以李沾為操江。沾故善劉

孔昭。懼分其任。乃求可法得典屬國。維經積勞于扞拒。都人賴之。驟

難其代。令仍攝巡視。沾嫉維經。劾冢宰有私。旋知誤引罪。而沾憾冢

宰不已。以其清望。不敢顯忤。因加色于少宰呂大器。思逐之。召王

重補。藉勳時銓曹之員。張慎言以重金。壇可立。至故推之。李沾言不

可是。受我贊四十金者。慎言曰。僕起家三十年。所贊十二金。而止。公

安得以四十金贊乎。僕老矣。須舊銓郎。乃解事。又地近。其人廉否。僕

自有提衡。不能混也。沾益銜之。召謫籍科道。章正宸楊時化。袁愷

莊。張。張。開元。姜。採。馬。兆。義。詹。爾。選。李。長。春。張。煊。鄭。友。玄。李。樸。喬。可

用。李曰。輔。史可法言。從來守江南者。必于江北。富酌地利。急設四

北則江南之人情。自安黃得功已封伯。似應進侯。係澤清良佐。似應

封伯。左良玉恢復楚疆。應昭得功。進侯。馬士英合諸鎮之功。爵賞似

難異。同盧九德事同一體。聽司禮監察敘。又奏四鎮不可無督師。

應駐揚州。居中調遣。四鎮各自盡地。轄淮海者。駐淮。北海。邳。沛。贛。十

一州。縣隸之。經理。山東一帶。轄徐泗者。駐泗水。徐泗宿毫豐碭十四

州。縣隸之。經理。開歸一帶。轄鳳壽者。駐臨淮。壽。穎。等九州。縣隸之。經

理。陳杞一帶。轄滁和者。駐廬州。廬。巢。無。為。十一州。縣隸之。經理。光。固

一帶。每鎮額兵三萬人。本色米二十萬。折色銀四十萬。其鳳陽總兵

應改副將一員。馬士英營兵。由淮赴江。達南京。共一千二百船。王

燮駐清江浦。冷淮坊義士。排立兩涯。不許一舟停泊。一人登岸。凡三

日而畢。

辛丑起許譽卿為光祿卿。

壬寅福王即帝位于武英殿。以明年為弘光元年。進內官韓贊。周秉

筆。司禮盧九德。提督京營。任賊臣項煜。自北逃歸。混入朝班。

癸卯命馬士英掌兵部。仍入直佐理。士英未嘗奉召。自入朝。不欲出

鎮。史可法知其意。自請督師江北以避之。顧錫疇尚書禮部。黃道

周。高倬。吏工部各右侍郎。羅大任。祭酒。左茂第。右僉都巡撫。應天侯

峒。曾左。通政。鄭瑄。大理卿。故御史江承詔。自言偽政府。點用。堅拒

南奔。高倬頓兵揚州城下。撫臣黃家瑞。漫無主張。道臣馬鳴騶。盡

夜督民守城。有進士鄭元勳。親詣高營。解紛。隨入城。勸家瑞。放傑。兵

入城。便可貼然。士民譁曰。城下殺人如是。元勳不見耶。元勳強與傑

辯。眾怒。群兵。毆之。血肉狼籍。死。嗚。驟。疾。走。秦。州。

甲辰忻城伯趙之龍。提督戎政。起田仰。撫淮揚。以劉孔昭力薦也。

召袁繼威。陸見。偽將劉暴。隨偽鎮董學禮。出。攜。數。五。道。送。高。傑。

去得功劉伊盛劉榮基徐大受得功執以聞

乙巳通政劉士顏請嚴封駁參治之令時行宮前章奏雜投御史朱

國昌亦言班制宜肅祭先恭王太妃于行宮職方郎中萬元吉

言臣奉命犒師沿途兵民違禍寸步皆阻楊州民尤甚閉城登陴已

十餘日乃兵與民相殺兵又與兵相殺成何紀律頃接水營將張士

儀言寇奔清河官兵擊燒賊船殆盡若高劉黃諸將潛師以濟一鼓

殲之即可稱中興第一功也初黃得功分地揚州高傑劉澤清以

繁富爭之縱兵淫掠揚人大鬩得功兵至天長傑澤清欲拒又值李

棲鳳高文昌兵至衆心洶洶元吉移得功書期共獎王室得功自明

無他亟欲聯絡殺賊元吉以書馳示傑等始肯相戢然傑部悍終不

自制澤清才數百人掠瓜洲一空進封黃得功左良玉為侯封高

傑與平伯劉澤清東平伯劉良佐廣昌伯史可法請發銅甲銅錫

俸與平伯劉澤清東平伯劉良佐廣昌伯史可法請發銅甲銅錫

倭刀團牌紅夷砲并色絹白布一應軍需詔戶部即給史可法辭

朝命文武官郊餞自可法離京劉孔昭略無忌憚而高張俱不能安

其位矣

丙午史可法請撥劉肇基于永綬李栖鳳卜從善金升垣俱隸標下

馬士英奏大計五款一聖母流離可密諭高傑部將衛迎一皇考

追尊位號遷梓宮南來一皇子未生即敕慎選淑女一諸藩失國恐

有好究扶之不利社稷宜迎奠京師

丁未劉孔昭言封疆失事各官不在逆案之下吏部毋得混推史

可法開薦舉人李遂主事何剛軍前監紀叛將李承勛寇掠清河

王燮調兵禦却之

戊申禮部請補曆官

已酉令應天府祈雨 淮撫宜登極詔書於民有新舊錢糧赦免之

條衆情歡騰午刻盧太監引兵一千要進城中士民大震路撫再三

求免馬士英入直劉孔昭故善阮大鍼必欲起之因詔有逆案

不得輕議之語而慎言秉銓持正度難破例置酒約諸侯伯廷論之

必欲逐去冢臣而後可惟我所欲為靈璧侯忻城伯皆諾之

庚戌早朝畢孔昭望湯國祚趙之龍合奏慎言排忽武臣專選文臣

所推吳姓有悖成憲真奸臣也慎言立班不辦大學士高弘圖言冢

臣自有本末何遽殿爭上諭文武官各和衷勿偏競孔昭袖中取出

小刀遂慎言于班泣陳醜詈必欲手刃之太監韓贊周叱曰從古無

此朝規乃止慎言出即引疾乞休孔昭退奏慎言推補俸為舉

吳姓鄭三俊更為可異慎言原有二心告廟決策阻難奸辨乞大奮

乾斷收回吳姓陛見之命重處慎言為欺君悞國之戒高傑疏言

奉旨分防楊儀人人登陴罷市撫道不出偽將董學禮又入宿遷臣

進退無所乞賜應住何地劉澤清奉旨駐淮安未至士民皆懼

辛亥高弘圖奏言文武官各有職掌毋得侵犯即文臣中各部不得

奪吏部之權今用人乃張慎言事劉孔昭一手握定非其所私即謂

之姦臣等皆屬贅員矣吳姓鄭三俊五朝人望票擬實出臣等竊念

朝廷之尊尊於李勉今宸陛幾若訟庭臣媿死無地請賜罷斥姜曰

廣亦引疾求去上遣鴻臚官敦諭設勇衛營太監韓贊周節制之

都督徐大受兼總兵鄭彩分管水陸舟師潞王安頓杭州

壬子加恩翼戴諸臣公徐弘基伯劉孔昭方一元焦夢熊郭祚永侯

朱國弼柳祚昌湯國祚太監韓贊周盧九德各陞賞世廕淮北人

擒偽官武愷解至撫院路撫於愷有舊不忍遽殺乃下之獄常熟

士民焚掠仕賊官時敏家三代四棺俱毀

癸丑上召輔臣尚弘圖姜曰廣馬士英于行宮上謂弘圖曰國家

故倚賴良多先生何言也對曰臣非敢輕去第用人一事臣謂可
勳臣謂不可是非淆亂臣何能在位上曰朕于行政用人未習卿等
所言無一不從勿疑有他弘圖曰冢臣張慎言清正有品吏部以用
人為職無一日不用人是無一日不修職也如推劉宗周黃道周使
勳臣處之亦必藉重何獨以為罪吳姓前任撫按俱有聲又清望先
帝簡在內閣督師稍緩致譴先帝殺延儒不殺姓即可知其入假先
帝在亦必用之何勳臣以此罪冢臣也北京失節之臣不可用江
南見存無幾又不合勳臣之意將誰用乎若曰武職則有兵部在不
當亦責冢臣也弘圖又言近臣貪黷狀上曰朕固聞之諸臣通路出
之袖中誠可嗤也時屢召對先後無虛日或一日再召上亦有意為
明主至馬士英當國直高拱聽之不復知外邊事矣

甲寅命部司清查十七年練餉盡數起解明年全免 吏部張慎言

請亟求罷斥以服世臣之心 李沾言勳臣憤擊有因當中府聚會
馬士英手札移呂大器迎立皇上贊周孔昭無不允協黎明議議大
器縮禮兵二部紆迴不前臣等十九人以名帖延之從容後至議至
日中不決孔昭怒形于色臣與郭維經陳良弼周元泰朱國昌歷階
而上面折大器贊周云快取筆來因得俛首就盟清晨迎駕大器尚
欲停待而贊周已登舟矣偕行者徐弘基陳良弼朱國昌也文臣啓
事屢登武臣封爵未定所以有殿上之爭也
乙卯馬士英奏吳三桂之捷命封薊國公世襲戶部發銀五萬兩米
十萬石責令沈廷揚送與之 張慎言奏臣按河南時曾劾布政馮
明盛倡逃其子馮銓作相嗾其門生曹欽程參周宗建李應昇黃尊
素以及臣三臣皆死獄而臣戍肅州先帝召陞刑部侍郎以擬獄不
當閑住十餘年而復起今待罪銓曹二十日遂為孔昭所指止有一

去而已吳姓鄭三俊閣臣薦於前科臣薦於後兩人者行已有取臣
能保之孔昭指為小人亦碌碌之小人非反覆之小人也偽官至陽
城臣子履旋投崖而死孤孫尚幼國難家變慟無生理臣當與緇黃
為侶矣 侍郎賀世壽言今日更化善治莫若肅紀綱而慎刑賞口
頭報國河上擁兵恩數已盈功名不立人主輕此名器矣至于艸澤
語難實煩有徒未見兵勇殺賊但見兵來虐民小民不恨賊而恨兵
甘心舍順而從逆不肖有司日刑剝其民而求為保障必不可得也
御史陳良弼言科臣李沾薦人調停從來誤國宿套

丙辰御史朱國昌論山東督撫丘祖德輕棄地方 陳子壯尚書禮
部徐汧吳偉業少詹管紹寧詹事陳盟右庶子 路振飛大享士于
淮安府學中敘向來有文武官八十餘員路與王燮親自安席觀
者鼓舞已而振飛為馬士英所論得旨提問闕城不平尋以士民公
疏得免旋丁艱去王燮又為御史陳丹衷薦陞巡撫山東士民奪氣
劉澤清遂管寓於淮城中田仰與之猫鼠山東又不可往王燮遂巡
於河上而已

甲乙紀事卷第一

一卷異同補

襄城伯李國禎掌領營兵。並無守籍上信任之。國禎誅上曰。臣兵未嘗不強。若無節耳。初議食民守城。魏藻德曰。民若上城。見賊懼怕。一人立脚不定。大事去矣。上然之。禁民不許登城。太監王德化謂吳璘徵曰。守城人少。奈何。宜請添之。璘徵步入朝。遇藻德語之。故藻德曰。上方休息。不必入也。手挽之出。及外城陷。國禎奔告上。曰。大營兵何在。李國禎練兵何往。國曰。皇上安得有兵。李營兵已散。惟勸皇上走耳。杜勛從賊至城下。呼王太監。絕城入。講或欲留之。杜云。我家萬歲威勢。威秦晉二王在側。不反命者。立屠京師矣。遂縱去。一鼓上召威臣劉文炳。筆永固。帶家丁護出城。劉筆曰。臣等何敢私蓄家丁。即率家人。何足以當賊。乃罷去。上急進酒。數盃。連皇后自縊。上手办公主坤儀公主年十四。亦手办之。上易微服。與王承恩欲奪門出。不得。城上已懸白燈三矣。城陷之時。李國禎就擒。追賊剝而死。成國公朱純臣。同輔臣陳演。勸進定國公徐允禎。守德勝門。降與成國同日誅。英國公張世澤。陽武侯薛濂。清平伯吳遵周。太康伯張國紀。博平侯部振明。駙馬冉興讓。都督周繼。李國柱。俱掠死。閣下陳演斬死。魏藻德死杖下。丘瑜方岳。貢各。總部大堂李。遇知馮垣登。王都顧銘彭瑄。俱拷掠死。

錢穀曰。誤國者李國禎。魏藻德。是。辱國者朱純臣。陳演。獻國者內臣曹化淳。王相光。內臣尤無人心。未危時。已有題殿壁云。此處不留人。自有留人處。皆跋足望賊主矣。杜勛至。呼賊為我家萬歲。異哉。

殉國者。世臣則宣城伯衛時春。率孝孛共投大井。無一存者。彰武侯楊某自縊。威臣則新樂侯劉文炳。心其已嫁之妹。趨呼妻李。悉避樓。

大小男女凡十六人。共燔火中。其弟劉大耀。投井死。忠安伯張慶璋。閩門自焚。駙馬筆永固。公主振尚在。寢子女四人。以繩繫之。親去。聚古玩書畫。積薪共焚。錦衣王國興。危坐中室。自焚。內閣范景文。兵擒人。先不食三日。城陷。即投夾巷大井死。一妾即縊於夫人。樞前李士倪元璐。上虞人。先為劉孔昭論削。勤王起。補戶尚書。賊入。整冠束帶。望闕四拜自縊。三日。西如生。左都李邦彙。吉水人。癸未。詔辟。臣條奏理財要務。邦彙言。比年科目。必出實錄。不若才賄無收。谷議納銀。有差。國家三百。年取士之科。雖以虛名相冒。然幸各存以養人廉耻。今名實盡亡。壬午鄉試。應天三十。浙中二十七。餘皆貨取也。平時表為名士。而列魁者。亦不免焉。云。皆發憤之實言也。賊勢急。邦彙請太子南行。光時亨駁止之。城陷。拜文丞祠。正坐飲。乘卒副都施邦耀。餘姚人。癸未冬。條奏時事。大要言行。取不且。願以推知。遂選。銜。曹當

歷外任。庶考選。不皆賄行。而要推。不皆中飽。城陷。日以。元璐對飲。景題作詩云。漸無半點。臣時難。惟有一死。酬君恩。遂日。繼學士周鳳翔。山陰人。作書寄父母。自縊。論德。劉理順。把縣人。天子親權。第一。羊翰。艾矣。與妻妾子女七人。並縊。僕四人。亦共殉。庶子馬世奇。無錫人。置周易金剛經。司經局印牙牌於案。拜之。遂拜其母。裂帛自盡。二妾隨之。簡討汪偉。休寧人。嘗書。即壁云。看世不破。為世所弄。闖入。即趨吳甘來所。約同死。趨與繼室。歐氏同飲。正左右懸於堂中。死。戎改侍。即王家彥。莆田人。守德勝門。縊於民間。空屋。利侍。即孟兆祥。澤州人。曾為魏奄。禱職。子童明。視政。進士。父子女。一。時自盡。大理。卿。梁馬程人。以書辭父。即命左右。勒已。繫之。憲。奪身而絕。太常少卿。吳麟徵。海鹽人。會試。放榜之夕。夢人以文信公。句贈之云。山河破碎。水漲。累身。世浮沉。風打。系。同枯之。無。城陷。悉出。軍。迫。時。歸。竹。葉。自。

三月九日王遂入京師

錢穀曰陳沆身價千金皆有司欲扑萬民之膏血也遂以殺吳襄一家不血刃而易中國之天下其果傾城何如以一婦人而思孝兩病矣

李自成初名鴻基采脂縣雙泉堡人萬曆丙午生祖海父守忠世農頗能至自成負債受過於父同知遂行劫已已賊崇高氏稱關王自成往依之與其黨劉良佐自結一隊曰闖將丁丑孫傳庭破殺高氏自成竄西川走苗城成寅張獻忠曾操九股在房竹山中自成來附獻忠謀殺之覺而遁獻忠者秦人號八大王洪承疇擒之而後縱焉曹操者本羅汝才與自成劉國權同依高氏高被擒汝才走楚已郊國龍隆自成潛渡入豫計取洛陽群盜復聚自成遂為闖王賊忠反

附之辛巳傳宗龍殺劉國龍自成破洛獨雄一部汝才改稱曾國圖汴七日陳永福從城上射中自成左目斃死督臣丁啟睿等諸將左良玉虎大威等集兵朱仙鎮全師皆潰六月獻忠走勳西關曾分兵東南下敗官軍於襄陽復回豫郟城一戰賊眾折傷適秦撫吳又敗於襄城敗資其甲馬火炮乘輿破歸德圍汴梁官軍敗績于水坡壬午五月決河灌汴而斬黃之寇復與圍合諸渠帥皆戴闖王等則號一龍老猶則馬守應胡國則蘭養成等世王賀錕治世王劉希堯皆為闖偏裨及破襄陽下荊州合兵歸陽圍合守夷陵以犯漢陽華趨德安以窺黃麻癸未三月十日闖設酒縛華明日率至曹營斬羅嗣在滎陽變圍調其兵回在滎不從闖既廣收部曲設偽號自稱偽義大元帥為一品權將軍三品制將軍三品果毅四品威武五品皆行軍六品都尉七品掌儀八品都總九品哨總所授將帥日見勇剽

宗欽賀錦張勇亮守素忠志不可前李更任學崇
芳亮劉希亮馬世雄劉汝魁向鴻鶴劉體仁田虎李遇自成
能馬重倍楊方故將趙應元朱養民范鼎舉承天共兵二百三十餘
陳總計馬步兵六百餘為每隊立一標旗行營望之而走標營用白
旗而盡皆用黑左右前後分用黑白紅黃色而盡隨之自壬子年
破刑初改防禦使府尹州牧縣尹至癸未正月欽天監博士楊永裕
授關更設六政府侍郎中從事諸官屬侍郎則喻上進士請願
坤兩辰楊承裕即中徐丘五家柱鄧岩中從事顧君思即附龍付制
林防禦則孟長庚陳蓋雜陽人甲李之綱吳大雁黃開金有章府尹
則張虞機姚胤錫牛任劉蘇然建劉茂先初闖之橫嶺中原所破城
敗不守至剗遂有守土之志於是使任光榮守剗備卷成守夷陵王
文耀守澧白旺守安陸雲雲林守荊門謝應龍守漢川馬世大守景

陵高一功守信陽周鳳梧守禹州自成自闖犯禁以來人心惶懼所
在皆棄城走張獻忠乘機攻取壬午六月破黃安十二月破黃梅癸
未正月破蕪荊王播遷三月斬水鄉官周之任勾賊破城已陷黃州
黃陂鄉官歐陽功迎賊四月攻麻城破之遂從岳州渡江掠武昌
境殺傷殆盡沿江積屍千里闖遣書獻賊早辭以答永彼此為援十
月闖破澧關進攻西安破之攻西安為長安府十一月考州縣生員
一等與六政府屬二等與州縣三等與伏虎是月攻榆林不利再攻
乃克又攻慶陽亦克十二月初五發兵入漢中賊自岳渡江至荆與
回賊合闖復及兵至韓城渡河破平陽蒲州鎮將高杰聞闖渡河於
是退兵於澤州沿途大掠甲申年正月蒲州鎮將高杰聞闖渡河於
蒲永昌初三日領眾二萬從禹門渡河臨臨晉河津絳州諸城垣曲
和絲造李表二月十二日到黎城十五日破太原十六日到忻州進

攻代州五臺知縣投降三月攻寧武房之初七日至大同總兵姜勳
降初九日破宣府總兵唐通太監杜勳迎降十六日破昌平十七日
攻京城十八日破外城東直門首降十九日晨德勝平子順城齊化
正陽五門一時俱開自成遂入二十三日成國公朱純臣輔臣陳演
率百官勸進不允宮人有竇氏者甚寵之號曰竇妃四月十七日改
大明門為大順門二十六日關從山海關歸二十七日忽傳登極百
官朝賀預設鹵簿於城外劉宗敏先已射傷賊長卓上抬行用被登
履手足而出各兵俱束馱金帛於騾馬紛然西去二十八日關已潛
遁二十九日焚宮殿後隊至于刻盡出又三年自成病死於羅公山
其姓一隻虎以帝禮葬之即率眾降於何騰蛟
東村老人曰自成入京大頓首眉黃巢蓋盜賊之性本無霸王之
畧或者天畀內外臣貪風熾特生此惡魔以蕩滌之耳

一云自成少與衛卒李回銜治劉賊政結好暴于御里後隨眾作賊
賊寅寇襄敗于左帥奔殺城賊賫資以甲冑走均賊王光恩降朝
勸博之俱自成不應去之即屏跡山中不出者二年庚辰楊嗣昌搜
捕之自成潛逃洛下飢民從者數萬辛巳正月破洛殺福王散眾賊
奔連破汝州歸德圍開封獲官兵二十萬于朱仙鎮左帥盡失其軍
壬午冬自成據襄陽改稱襄京設六政府分兵下承德請劉綎長圍
困王光恩于鄖癸未四月孫傳庭師覆潰潼關自成入西安三秦傳
檄而定榆林不下屠之甲申正月長戈指關矣自成死猶子李錦
號一隻虎奉成妻高氏渡洞庭踞山寨陸武遣馬吉祥招之賜錦名
赤心氏忠義夫人隆武既沒堵胤錫以永曆閩都撫湖南赤心就招
稱臣然禁鷲甚在營稱氏為太后具疏稱自成為先帝朝議隱忍聽
之何勝歎以聞帥師輕騎請赤心營會師取長沙封赤心與國侯

明季甲乙兩年事略第二卷 六月朔一至十二月三十日

東邨八十一老人隨筆

六月丁巳朔大學士高弘圖請暫輟閣務督收漕糧江上許之 禁
訛言匿名揭 允馬士英言准楊增兵三萬

戊午命製金璽代王 前巡撫王永祚遵旨就逮下刑部 命吏部
司官敦促張慎言視事 楊州難民盛運開奏楊民橫遭焚殺上諭
以百姓當仰體朝廷不得已之意該鎮忠勇名帥督輔既到自妥
已未舊大學士蔣德璟北歸奏賀 尚書張國維在途入賀 都督
陳洪範請任北使命來京陛見 德安王僑居廣信 史可法乞選
臣齋監國即位二詔及賜吳三桂謝陞二敕抵山東北直曉諭時訛
傳德王起義以謝陞為謝陞也 楊州士民王喬龍奏高兵環圍不
釋命聽督輔調劑

庚申以常自俊為左都督自俊本革工上值寇出亡自俊負之履雪
數十里脫于難 史可法奏准入忠義碎偽牌斬偽使擊敗賊于
河上義兵集至二十萬聲勢甚壯賊將董學禮白邦政踰躅不敢犯
宿遷擒斬偽官請旨獎敘許之 夏允彝余颺嚴錫命文德翼補吏
部郎

辛酉馬士英奏北信誅偽功命加黎玉田兵部尚書盧世灌太僕卿
舊輔謝陞上柱國

壬戌謚大行皇帝曰思宗烈皇帝皇后曰李節皇后 馬士英奏冒
罪特舉知兵之臣阮大鍼當赦其往罪即補臣部右侍郎許之即召
入冠帶陛見先是大鍼被廢寄居金陵與孔昭士英及太監李承芳
交密周延儒再相大鍼士英同餽萬金求復官奪于物議僅起士英
至是士英思所以酬之勳臣殿爭因大鍼而發也士英乘高弘圖督

清未入即自擬旨 尊福恭王為恭皇帝正妃曰孝誠皇后生母鄒氏曰仁壽皇太后神廟貴妃鄭氏曰孝寧太皇太后上元妃黃氏曰孝哲皇后 錢謙益協詹尚書 杜弘域提督大教場楊振宗安慶總兵 劉良佐奏開鎮臨淮士民張羽明等不服臨淮士民戈尚友等亦奏叛鎮環攻命撫按調和之 史可法以高傑悍不可制身入其營諭之見留不能出盡奪其兵傑從多散自是章奏俱經邀閱權遂不振 可法奏高傑奉旨駐揚揚人堅不肯納黃得功到儀真本為安家眷而給高者曰與爾為敵臣至而亦疑之臣待之以誠勸其移駐瓜洲城傑許諾臣因與約隨當移駐盱泗臣調停于兵民間漸可釋其猜嫌

癸亥加趙光遠提督川陝 舊尚書丁啓濬奏弟啓光分守睢陽參將計擒偽官多人解京 史可法言先帝用人原無成心傳宗龍孫

傳庭起自累囚張鳳翔表繼成馬士英起自戍籍當吳姓奉命南征以候唐通兵不至遲延則過之可原者國難之作助臣殉國者誰孔昭何不思之慎言七旬家卿一舉吳姓便以為罪不益輕朝廷而長禍亂耶 工科李清疏請陶安方孝孺等將欲李應昇等從之

甲子吉王子慈燧報吉王播遷而薨 命護送路王于杭州 姜曰廣辭歸疏云前見文武紛競既無術調和近觀地獄掀翻又愧無能預寢 獎諭劉孔昭功在社稷 阮大鍼入見備陳見枉之由高弘圖言大鍼可用必須會議馬士英曰會議則大鍼必不得用弘圖曰臣非阻大鍼舊制京堂必會議乃於大鍼更光明士英曰臣非徇其賄何所不光明也弘圖曰何必不受賄一付廷議國人皆曰賢然後用之耳弘圖出即乞休 工部尚書程註致仕 乙丑劉澤清高傑公舉陳洪範仍以原官駐瓜洲泰興 馬士英為

阮大鍼奏辨力攻呂大器姜曰廣諸人護持局面 原任侍郎吳履中自理 萬元吉請復懿文追諡 惠王寓聲慶

丙寅尚書張慎言致仕上諭曰晉疆未復卿已無家可歸沿途僑寓需召慎言遂止寧國孤孫開關來侍慎言曰祖孫相聚足矣國亡後慎言鬱鬱卒孫扶襯返葬故里 侍郎張有譽到任 馬士英薦起張捷 馬士英請申大逆之誅周鍾勸進未已上書勸早定江南其伯父周應秋周維持魏瑞門下逆惡兩世兄弟周鑣周銓均當從坐

劉宗周疏自稱艸莽孤臣言一重藩屏劉澤清高傑有寄家江南之說尤而效之又何誅焉一慎言實敗逃也而亦封誰為不封者一嚴舊官在封守而逃在使命而逃于法皆在不赦 又疏先帝身殉社稷大江南不聞一騎北進宜誅一卸兵權于局外首圖定策之功宜誅者二先帝誅璫鍊案前後詔書蒙混勢必虎彪盡反將與問罪

之師請嚴中外諸臣不職者始 顧九疇請削溫體仁文忠之諡其體仁所推抑正人宜諡文震孟文肅羅喻義文介姚希孟文毅尚書呂維祺殉節諡忠節從之

丁卯科道羅萬象詹兆恒王孫蕃各言逆案不可翻阮大鍼不可用馬士英自辨在兵言兵上慰士英切責科道

戊辰通政使劉士禎請令北歸諸臣靜聽朝廷處分不得紛然奏辨予故輔劉一燝諡文端賀逢聖諡文忠 鳳泗總兵牟文綬奏臨淮兵民相持不解命萬元吉調停

已巳總兵吳志葵鎮守吳淞 魯王泊舟京口請附京簡僻地方安頓 呂大器言近年溫周擅權老成凋謝一時庸奸債事中原陸沉皇上中興一時雲蒸蔚起不意馬士英濁政夫士英非以賄敗則

借途知兵而為鳳督哉乃挾重兵入朝視顏政地南國從來謫謫一

咬撥而殿陛暗啞叱咤藐至尊為贅疣矣逆案一書先帝定為亂賊
大防而士英拉大鉞于尊前徑授司馬布立私人越其傑楊文驄等
有何勞績條而尚書官係內閣條而金吾世廕也 顧錫疇言大祀
莫如郊社合祀分祀後先互異但議禮於今物力告匱當刪繁就簡
稟從高皇合祀之制為便 張獻忠陷涪州再陷瀘州

庚午淮撫路奏報宿遷民獲制將軍董學禮徐州副將復防禦使呂

弼周 姜曰廣極論導內傳停會推之弊 尹民興言嘉廟時崔魏

煽逆士大夫喪恥忘君幾成苞孽之固垂至先帝末載天子下席諸

臣或匍伏而拜爵或獻策以梯榮皆忠孝不明之流禍也申罪討逆

司馬職也今抗顏堂上者一逆案之阮大鉞即行檄四方何以消跋

扈將軍之氣古者破格求才惟曰使貪使詐不曰使逆逆案可反崔

魏亦可恤周鍾諸孽皆可使才宥過矣 典籍李模言擁立之事皇

上不以得位為利諸臣安得以定策為功鎮將事先帝非有桑榆之

效事皇上未彰汗馬之勞議法當在戴罪之科而予以定策其何敢

安臣不願見光復未臻而國體先衰也 黃澍奏臣曩在北都見司

農者不知天下錢糧之數司兵者不知天下兵馬之數大事糊塗所
由壞也乞敕戶兵二部各造一簡明冊置之案頭量入為出 御史
朱國昌劾在逃巡撫郭景昌泊舟清涼門外欺飾辨疏且論撫楚撫
晉種種惡孽命御史驅逐 釋高墻罪宗七十五案凡三百四十一
人 淮撫路振飛與田仰交代即日遂行士民抗舟悲慟
辛未馬士英以清國攝政王所諭南朝官民示恭聞請遣官資詔北
行 敘東省擒殺偽官功以李元和為首 蜀王告急 戶科羅萬
象奏驚見內員催征先是命太監王肇基督催浙閩金花銀筭各
坤即崇禎時肆惡于淮楊者高弘圖以方爭阮大鉞事不便執奏請

身往督催因過肇基言之肇基悟即上疏辭止
壬申詹事管紹寧請遷選內閣誥敕房官各以貲納授 馬士英舉
陳洪範北行款虜 賜福建總兵鄭芝龍蟒衣 萬元吉請卹戰死
總兵猛如虎及監軍曹心明 張獻忠順流下重慶

癸酉呂大器引疾去顧錫疇署吏部印 御史左光先言阮大鉞線

索逆瑣野子傳應星殺臣凡光斗及魏大中楊廷士英冒罪特來明
知無復有罪之者皇上不改先帝之政臣忍忘不反之仇耶
甲戌劉澤清奏有典史顧元齡自北京出傳言皇太子卒于亂軍二

王遇害于二條巷 澤清請誅呂大器指其起用王重掌選又指其
比雷演詐謂演詐為吳姓走狗殺周延儒以媚東林 澤清又薦公

忠之賢張捷鄒之麟張孫振劉光斗及逃撫郭景昌王永吉 蔣德
璟疏辭內召 詹兆恒進魏黨欽案原本陳良弼諫阻勿番逆案

乙亥追復懿文太子與宗孝康皇帝追崇建文為惠宗讓皇帝景皇

帝號代宗 舊兵侍郎徐人龍自請除用 僉都左茂第以母死于

北京願同陳洪範北使 湖按黃澍奏舊按劉熙祚自永州被陷為

賊所執于九月晦殉節于永陽舊撫宋一鶴於承天之變武弁願負
之出奔一鶴不肯卒以身殉王聚奎棄數千里之地逃回省日惟催

賊罰為事新撫何騰蛟到任乃扁舟東下
丙子湖按黃澍入朝同承天守備太監何志孔求召對既入澍面糾

馬士英奸貪不法淚與語俱下上大感動顧高弘圖曰黃澍言言有
理卿識之召入御座前澍益數其罪士英不能辨一語志孔復前言

其無上諸事太監韓贊周叱志孔退曰御史言事是其職內臣操議
殊傷國體士英亦跪求處分適澍前澍以笏擊其背曰願與姦臣
同死士英號呼曰陛下視之上搖首不言良久謂澍曰卿且出贊周
命執志孔 詹王渡江入浙

丙夜上私諭韓贊周云馬關老宜自退避士英遂稱疾盡移直廬
具以出而以金幣分餽福邸舊奄田成張執中兩人向上泣曰皇上
非馬公不得立若逐馬公天下將議皇上背恩矣且馬公在閣諸事
不煩皇上可以優閑自在馬公一去誰復有念皇上者上默然田成
即諭士英疾趨入直隨有旨何志孔本當重處首輔亟為求寬具見
雅度姑饒他有民謠曰要縱奸須種田欲裝啞莫問馬

丁丑塘報陝西全陷馬士英請亟獎趙光遠給以空札一百時光遠
已降賊矣忻城伯趙之龍奏辨先帝不當廟號曰思思字非美字
蓋之龍實不識一丁李沾嗾使排高弘圖也

戊寅以常應俊翊護有勞封襄衛伯世襲 改內官監為朝殿 鳳
陽太監谷國珍請救命內閣撰稿給之國珍對御自增視總督行事
四字 張獻忠衝佛圖關遂圍重慶四日城中力不能支乃破獻忠

屠之一城老幼無子遺者取壯男子去耳鼻斷兩臂驅至各州縣言
兵至而不下者視此但殺王府官府鄉紳封籍以待則秋毫無犯矣
由是所至官民自亂無不破竹下者舊撫陳士奇交代未去為賊所

殺 瑞王避難在渝閩門被害
已卯巡視朱國昌奏東洋地方有騎數百驅男捉女口稱奉命打糧
龍潭王把總不行守禦反餽之以酒食輦轂之下不宜有此 濟寧

回兵朱繼宗復殺所署副將楊朴一家而自為總兵與李元和共事
舊順天撫楊鵬浮海至懷遠侯薦之命預會葬

庚辰禮部奏唐王殉難 趙之龍薦序班黃家驥擢少卿
辛巳徐石麒吏部尚書何應瑞工部張有譽吏右侍郎徐人龍兵右
王心一刑右王燮僉都巡撫山東 張國維薦吳士蔣若
正午史可法奏報揚州已安特獎慰之 何楷戶右侍郎任世昌僉

都撫應天 進舊輔謝陞上柱國少師盧世瀛工部侍郎黎玉田
部尚書王應華光祿卿俱充山陵使祭告先帝后祔葬 呂大器
朝奏謝諭以挑激二字勿言 通政使劉士禛參監生陸溶源為兄
奏辨詞牽國本三案 祁彪佳請留漕米十萬石貯鎮江

癸未諭禮部溫體仁貽毒深遠者削去諡以昭公道 清兵入德州
盧世瀛迎降濟王走死馬元駮奔南京謝陞亦出山入仕于清
甲申北將于永綬等渡江借住京口浙江都司賈之奎領兵至止其

地買瓜相爭而開北兵遂焚東門外民居殺千餘人浙營官李大開
傷重即斃 總兵黃斌卿防禦京口丘磊鎮守山東
乙酉給募兵御史陳蓋令字牌 北歸諸臣南下舟次上聞監軍凌

駟在州時李建泰已作清輔駟有撫東之命與署道于連躍出示稱
順治元年然駟於南京亦發疏不絕 是日有韃傳報濟寧欽命固
山額真石等奉攝政王令調兵馬巡視山東所到地界官民出郭迎

接違者以抗師治罪 又清國平西王吳三桂稱攝政王簡選虎賁
數十萬絡繹南下牌仰山東臨德一帶仰體大清安民德意
七月丙戌朔選郎倪嘉慶改戶科 命崇王二子倚居台處 賜故

翰林江偉諡文烈 命選淨身男子 有北騎數人持告示至青州
一為攝政王一為平西王吳各稱安民又有北中兵部文二冊索一
路清冊惟濟寧未降東昌臨清皆服 又臨清中軍張顯榮稱攝政

王命額真固山石六家總兵駐德州侍郎王鰲永山東招撫
丁亥起張采儀制至專與龍正祠祭員外郎 命敘山東擒偽功
予故總督盧象昇諡忠烈 著黃澍星回地方料理恢復承襲 舊

輔孔貞運卒 吏科章正辰言兩月以來文吏錫鞶矣不聞賦賦武
臣私闕矣不聞公戰老成引避矣不聞敵愾諸生捲堂矣不聞請

原缺

壬辰惠桂二王駐廣西 魯潞周崇四王駐浙東

癸巳劉之勃僉都撫四川范鏞僉都撫貴州 御史米壽圖按四川

諭北京從逆諸臣做六等定罪

甲午發十萬米給山東撫鎮 加李際遇劉洪起總兵防禦河南

乙未定京營之制視北京杜弘域楊御蕃牟文綬補三大營總兵

劉澤清薦大將馬化豹柏永馥聽督輔題用 御史陳蓋募兵雲南

先攜三萬金備餉

丙申真定知府丘茂華等自稱固守不從清順史可法以聞

戊戌撫寧侯朱國弼以不預會推冢臣疏爭非制上諭出何會典

順賊出關道維陽攻密縣李際遇小寨

巳亥僉都御史左茂第言臣銜以經理河北聯絡關東為命夫河北

則山東北直也關東則遼東矣遼東久為虜據北直為虜見居山東

雖殺偽官遍地皆土賊臣家人來云膠州被圍至賊十餘萬則不皆

向化可知也經理實有封疆之責以封疆重寄之銜而往讓金縷虞

幣之事名實相乖此銜之當議者也馬紹愉昔年赴虜講款為虜所

折奴顏婢膝虜送之參貂臺臣陸清源糾之其與虜交情深淺臣誠

不知但聞其私許虜金十萬銀百二十萬逢人頌虜臣不便與之同

行也 公侯伯各進幣賀上俱受之

庚子望日上生日受朝賀于武英殿 以開封推官陳潛夫為御史

巡按河南 改黔督為撫設川黔雲廣總督鎮荆襄 史可法請行

徵辟 賜馮國用謚武丁德興 康永忠 王弼 耿炳文

辛丑吏尚書徐石麒到任 撫寧侯朱國弼誠意伯劉孔昭條陳新

政一吏部用人必勸臣商確一各部分行政必勸臣面定一皇上圖治

必勸臣召對 史可法奏丘茂華所稱吳三桂師次處都建

國順治元年旗號迫人削髮 兵科陳子龍糾莊應會督漕復籍
癸卯予王熹諡忠愍蔡懋德諡忠襄 偽順行牌至東昌云發兵三
十萬由曹縣至金鄉繳 催陳洪範速行

甲辰賜國初穎國公傅友德諡武靖宋國公馮勝諡武壯 都察院
劉宗周到任 參將夏有光報探至臺見莊知順賊見在平陽整兵

太原潞安鄉紳富戶盡徙西安 賜國初章溢諡 桂彥良 敬

乙巳用御史鄭友玄言削奪溫體仁周延儒薛國觀官銜廢子以為
作姦不忠之戒 李賊遣偽將馬科至四川招安保寧一路

丙午劉澤清高傑劾奏劉宗周勸上親征以動搖帝祚奪諸將封以
激變軍心不仁不智獲罪名教 吏科章正宸指陳銓政一名器宜

慎定策者既茂厥賞其餘人自請敘十倍增官釐金不供刻印寧免
瓜果之誚一職掌宜專用人獨歸吏部今有咨送者有薦拔者有徑

自奏討者冢臣所職幾何一封疆宜肅文武共寄封疆不斬誤國之
臣不激報國之氣一廢官宜飭爵重則人乃勸法守則士知恩累累

起廢不自靜聽豈不聞律有罷吏不入國門乎 清國遺迹人四名
到沂州索糧戶冊 賜國初唐鐸 安劉崧 介何真 葉居昇 忠

丁未黃澍辨馬士英見誣疏云麻城劣生周文江為獻賊兵部尚書
引獻賊破省有錦衣遣成劉僑托文江進美妾三杯古玩數萬金于

獻即用僑為錦衣大堂比左良玉恢復斬黃僑削髮私遁尋送赤金
三千兩女樂十二人於士英今年四月士英薨黃僑署印麻城麻城

洵洵幾亂鄉紳請臣彈壓僑獻銀三千兩助軍臣批云正苦無糧真
可愧挾貨媚賊者仰漢刑收貯臣言亦隱而諷矣冀還武昌黃鼎代

為解銀一千兩玉帶二圍珠冠一頂臣又批云軍中無婦人何用珠
冠大功未成不須玉帶仰漢刑變價濟餉臣巡方衙門收支皆有司

存士英以僑私書為言試命將臣原書呈覽則清濁立見矣 順國
偽將宋朝臣兵至杜勝集舊職方郭獻珂微服邨居召標將張成初

與戰于桃園賊兵潰追斬朝臣
戊申催左茂第陳洪範星馳渡江銀幣令馬紹愉隨後護行 朱國
弼劉孔昭各請增家丁營將所戶部給糧

已酉劉孔昭薦舉循良卓異內有馮大任即戶科所參賊私狼戾者
庚戌戶尚書周堪廢久不到任特陞張有譽戶部尚書大學士高弘

圖以不經會推繳命得旨特用出自朕裁蓋有譽清慎為人所稱馬
士英借以開傳陞之倖門為阮大鍼地也 劉孔昭薦錢位坤言位

坤曾經吳三桂收用忠實可信長安所刻國變錄為奸徒借題害人
不止龔彝受屈請亟收用位坤
辛亥杜文煥提督巡捕營 盡釋高墻罪宗為庶人 徐仲吉諸永
明竝授翰林待詔二人皆俠節士救脫黃道周于幾死者 命經筵
擇吉錢謙益管紹寧陳盟充講官 南昌宗生朱統類上書誣詆大
學士姜曰廣穢跡顯有異志詞連史可法張慎言呂大器等蓋馬士
英欲擠可法以獨居定策之功劉孔昭欲去可法以專任田仰為一
網打盡之計阮大鍼屬州授統類上之疏入高弘圖稟擬究治上坐
內殿召輔臣入上厲聲曰統類吾一家何重擬也且責弘圖疏召可
法還朝為非是弘圖抗辨士英獨默上每語必左顧田成明有指授
者 蘇按周一敬請表故舉人張世偉顧雲鴻學行以風世詔可
甲寅建安王朱統鏤參姜曰廣謀逆 高弘圖姜曰廣皆引疾杜門
戶科熊汝霖言內外交通神叢互借飛章告密墨敕斜封此尚可為
國乎士英稟旨云這斯指朕為何如至姑罰俸三月
乙卯劉良佐劉澤清各疏參劉宗周勸主上親征為有逆謀 澤清

請封吳襄使三桂衛感 劉孔昭奏吳三桂父子効忠宜加殊禮
時舉朝皆知三桂無心本朝而姦黨故欲崇之已寓賣國之意矣
八月丙辰朔上受朝畢命錦衣馮可宗遣役緝事

丁巳高傑等公疏請加劉宗周以重僂謂疏自稱州莽孤臣為不臣
既上澤清以稿示傑傑驚曰吾輩武人乃預中朝事乎黃得功馳奏
辨實不預聞馬士英陰尼之不得上士英仍擬旨云憲臣平日原以
議論取重蓋刺之也 光祿少卿沈廷揚奉命海運十萬石餉吳三
桂道梗不可行祈止之上不許 科臣陳子龍奏有中使四出搜巷
凡有女之家黃紙貼額持之而去閭井騷然明旨未經有司中使私
自搜採殊非紀法又前見收選內員慮市井無藉自官希進昨聞果
有父子同闈者先朝若瑾若賢皆壯而自宮者也 御史朱國昌言
有北城士民呈稱歷選官嬪必巡司州縣限名定年地方開報今未

見官示忽有棍徒哨兇打入人家不拘長幼槩行擄去但云大者選
侍宮幃小者教習戲曲街坊緘口不敢一語 蘇撫郝彪佳言鎮臣
黃斌卿躬提一旅至京口正值亂兵肆劫纔得佈置鄭鴻遠欲以上
江調換他處那借之錢糧如何銷算拮据都置一擲矣

戊午楊鶚兵侍郎僉都總督川貴湖廣廣西易應昌協院副都御史
王廷垣管紹寧禮部左右侍郎 原任昌平撫何謙自北逃歸
已未賀世壽總督倉場 朱國昌言在者賊入都城自閣部以至庶
僚有一不青衣小帽叩首賊廷者乎至賊眾已去又思藏頭換面駕
言不屈潛踪覓線莫燃死灰如梁兆陽何瑞徵等萬口壓罵矣至若
劉大鞏等恥心蕩然富與周鍾輩並行正法者也
庚申吏尚書徐石麒推舉朱大典王永吉有肯永吉身任督師致北
都淪陷朱大典賊私狼藉先帝嚴追未結何得朦朧推舉士英以附

不至故揭旨切責尋賄至而擢用無碍 是日張獻忠圍成都
辛酉加翼戴新恩史可法少保馬士英太子少師高弘圖姜曰廣王
鐸太子少保 起丁魁楚兵部侍郎僉都巡撫承襲

壬戌刑科表彭年言設廠衛緝事非朝所宜上責其狂悖沽名降三
級調外 命左良玉開藩武昌左夢庚惠登相竝都督餉事
癸亥諭戶兵部向差內官催省直軍餉并內庫錢糧因瞞臣弘圖科
臣羅萬象諫止今需用甚急該部再嚴催限八月全完 諭刑部所
擬從逆諸臣如領兵獻策即在庶僚豈可未減督撫總兵降賊情罪
極重豈可列二等京堂科道翰林受賊偽命豈可止于一殺封疆大
吏聞變倡逃豈止于流獻女獻婢豈止于徒諸臣負恩辱國至此須
有定案昭示天下 禮部顧錫疇以祀海行侍郎管紹寧署部事
甲子李遂加職方司銜 逮故大同知府張遂然戶侍郎党崇雅祭

酒辭所蘊 張獻忠陷成都蜀王閔宮遭害撫臣龍文光暨道府皆
死 王應熊開藩于遊義 沈胤培太嘗少卿徐一范鴻臚卿
乙丑侍郎管紹寧疏請遣使祭告 先帝后梓宮訪問東宮二王消息
丙寅戶科熊維典言魏公徐弘基特薦張捷亦見勳臣勤于薦吏至
朱統類特參姜曰廣汚及家庭曖昧如此不駁朝廷設立言官何用
長安街遍粘匿名謗帖指謗吳姓劉宗周皆李沾所為
戊辰太后至自河南從儀鳳門入辰刻上迎於午門
己巳諭戶兵工三部太后光臨限三日內搜括萬金以備賞賜
庚午劉良佐移鎮壽春 馬士英薦汪碩德兄弟招募水師造船
辛未袁樞郭正中為充東西道兵備 御用監諸進朝請給工料錢
糧龍鳳牀座及牀頂架一應器物并宮殿陳設金玉等項約數十萬
兩工部何應瑞高倬苦點金無術懇祈崇儉

壬申越其傑巡撫河南其傑鄉科罷開家金陵以馬士英妹夫起
 朱之臣刑部練國事兵部劉士禎工部各侍郎文安之詹事 樊一
 衡總督川陝凌駟東昌兵備 監生陸濬源借題三案疏詆舊給事
 許譽卿譽卿辨言當日諸臣以翊戴光廟為正今日諸臣以翊戴皇
 上為正均從倫序起見耳光廟母子無間先帝身殉社稷何嫌何疑
 而小人無端播弄假手於濬源先帝久任體仁眷寇釀禍使得生榮
 死寵竊諡文忠皇上追削萬口稱快濬源滿口頌其平章之功甚矣
 若輩之敢于黨奸欺上也 工部高倬言臣在署辦事光祿寺開器
 皿計一萬五千七百餘件該費銀六千八百六十餘兩厨役衣帽工
 料銀九百四十餘兩今日寇虜方張索餉兵器動以千萬計將何支
 望皇上一熟籌也 予靖難忠臣方孝孺鐵鉉徐輝祖等諡
 癸酉兵科陳子龍言中興之主莫不身先士卒故能光復舊物陛下
 入國門再旬矣人情泄沓無異升平之時清歌漏舟之中痛飲焚屋
 之下臣誠不知所終矣其始皆起于姑息一二武臣以至凡百政令
 皆因循遵養臣甚為之寒心也 戶科熊維典言臣觀目前大勢即
 偏安亦未可穩兵餉戰守四字改為異同恩怨四字一二人之用舍
 始以勳臣繼以方鎮唯筆舌之是爭真可笑也且以匿名而逐舊臣
 以疎賤而參宰輔飛章告密端自此始厥衛之害橫者樹威黠者牟
 利人人可為叛逆事事可作營求先帝十七年憂勤止有厥衛一節
 未免結怨先帝厚待宗藩而聞寇先逃誰死社稷係舉換授盡是歟
 民先帝隆重武臣而死綏敵愾十無一二叛障敗扈肩背相望先帝
 委任勳臣而京營銳卒徒為寇籍先帝簡任內臣而開門延敵且喋
 傳聞及今踵之尤甚于舊臣誠不知何說也
 甲戌諭工部行宮狀監丞修西宮之園刻期告成以居皇太后 浙

安撫左光先報土賊勾連逃兵義勇東陽許都餘黨復亂 周王准
 于蘇州城外寄居 劉孔昭請操營額餉著常州府催解
 乙亥劉澤清復捏四鎮公疏糾姜曰廣劉宗周謀危社稷 批浙撫
 黃鳴俊奏左光先誘殺許都不行善政以致煽動著鳴俊即相機勦
 撫 太監孫象賢自北來歸溫旨留用
 丙子朱統類復計奏姜曰廣雷演祚周鑣其疏仍出阮大鍼艸馬士
 英擬旨逮演祚鑣等時演祚居憂僑金陵鑣為大鍼最恨入有自比
 於孔昭者顯示辣手于同邑大僚一時陰擠而士英借是以迫弘圖
 曰廣之去 偽太常丞項煜速到 內批張捷補吏部左侍郎 臣
 丁丑群奄肆擾收女兵科陳子龍言之命禁訛傳棍徒不許借端詐
 騙 補賜開國功臣諡 孫世傑忠烈俞廷玉武烈汪興祖武愍茅成
 戊寅獎鄒存義力勳聖母有勞封大興伯 贈吳三桂父襄遼國公
 凌駟在臨清伴款清國馳奏亟乘機恢復遂命巡撫王變總兵丘
 岳速赴任山東改駟巡按山東御史給空札一百勸功 進士王曰
 俞請褒諸生許瑛琰長洲人國變聞時行哭于市自縊不死尋而自
 溺 諭兵科許都初降終殺激變遺殃事情著在朝浙臣實奏
 已卯贈李邦華少保蔭子 高弘圖何應瑞合詞請用王永吉九之
 辛巳傳皇太后諭遴選中官 王心一工部右侍郎高倬刑部左侍
 王滌右通政 馬兆羲禮科成勇福建道 賜故巡按湖廣劉熙祚
 諡忠毅 通政使劉士禎引病求去 太監盧九德請管制錢糧
 史可法言臣皇皇渡江豈直調和四鎮哉朝廷之設四鎮豈直江北
 數郡哉四鎮豈以江北數州為子孫業哉高傑言進取開歸直構開
 雖其志甚銳臣于六月請糧今幾月矣寧有不食之卒可以殺賊乎
 臣子慘遭國難何暇計此一官陋晉宋之偏安者不在空言之遂有

濟也 兵科陳子龍言東陽再亂全因縣官誅求激變

癸未姚思孝大理少卿 吏科章正宸言內批用張捷非制有行前

解學龍薦葉廷秀亦徑批陞何以寂無一言 御史王孫蕃論方以

智自虧臣節復撰偽書以亂是非命逮以智 劉澤清上言進取之

計募數十萬之兵儲數十萬之餉備十餘萬之馬匹器械須整頓一

二年乃可渡河惟恐姜曰廣劉宗周不得黨勝為快快臣不能隨輔

臣急于一渡也今虜已入臨清會兵南下賊已道維陽攻密縣如此

光景虜不至河冠不至江不止也

甲申故輔王應熊改兵部尚書總督雲貴川湖軍務賜蟒劔 申紹

芳督餉侍郎王志道沈猶龍戶兵右侍郎郭維經右僉都 封福建

總兵鄭芝龍南安伯 召北來太監高起潛陞見起潛實奉太子浮

海至南朝論諱之 蕪湖主事陳道暉奏榷關銀被賊入署掠盡

乙酉聖母南臨加恩可法士英少傅少保 充東道郭正中奏清騎

下東省 貴撫范鏞奏蜀寇猖獗 禮科袁彭年言偽吏政侍郎喻

上猷將荆州紳衿開薦江陵舉人陳萬策李開先在所薦中不受偽

檄萬策自經開先燭墻死 考選知推吳适等擬授科道部屬等官

九月丙戌朔朱國弼趙之龍上太子及永定二王諡時傳太子南來

欲斷之也 馮起綸福建布政使孫朝讓按察使瞿式耜應天府丞

蕭士瑋光祿少卿 命王揚基李乾德各帶罪往王應熊軍前理餉

侯柳祚昌僅補阮大鍼官即命添註兵部右侍郎仍禁朝臣不得

把持沮諫 劉宗周言大鍼進退關係江左興亡上切責之 追理

桃紅壩功奪張倫優賞加田仰兵部尚書錦衣指揮世蔭 禮科張

希夏請停薦舉侍郎 太監蘇養性請自往催金花進欠 太監李

承芳催發年例公費 下部議王先通廢郵先通非王守仁後人冒

黎降賊勸進為賊聲罪所誅

丁亥內批蔣鳴玉梁應奇補科鄭瑜秦鏞補道 諭史可法虜在河

北寇在河南大兵繼渡或亦未便徐宿之師直抵汴梁禦寇防河尚

可兼顧汝寧歸德去寇尚遠大兵前行當抵何處兵由楚豫餉就江

淮勢分道遠東事如急能否四應詳酌緩急以為進取

戊子高弘圖請開館修史 吏部奏姚孫樂貪酷激變東陽命逮訊

之 賜殉國諸臣諡范景文文貞倪元璐文正李邦華忠文王家彥

忠端孟兆祥忠貞施邦曜忠介凌義渠 吳麟徵忠節周鳳翔文節

馬世奇文忠劉理順文正申佳胤節愍吳甘來忠節陳良謨恭愍陳

純德恭節許直金鉉忠節成德忠毅孟章明節愍 廣西巡撫方震

孺言狼兵善火器藥弩以副將朱之胤統千人入衛

己丑內旨拔福建副使郭之奇為詹事 馬士英奏補張成禮都督

僉事山東河北總兵 高傑請瓜洲秦興邵伯鹽稅助軍

庚寅諭通政司凡故官子孫陳乞不許封進 大理卿鄭瑄薦舊屬

兵備程珣才能適有彭歌祥爭婢事愬馬士英即于疏批從重議處

辛卯上始御經筵 柳祚昌乞侍經筵 命驅逐黃正賓

壬辰高弘圖請設起居注 補蔭故侍郎沈子木 貴左光先

滋薦多人必有賄囑者從重議處 裁各省右布政使

癸巳劉若金通政司參議 史可法請督餉萬元言專駐揚州

甲午輔臣姜曰廣致仕回籍 諭迎聖母有勞劉孔昭等六員蔭子

錦衣千戶 侍郎練國事阮大鍼見朝 選淑女黃氏郭氏戴氏送

內命再選 徐之垣補御史余颺文選主事

乙未左都劉宗周致仕 總兵黃斌卿駐九江鄭鴻逵駐鎮江黃

駐采石 鄖陽守臣朱翊辨自稱孤城抗賊其子嘗洪捐生命優敘

丙申戶科陸朗以例外轉內批留用尚書徐石麒言臣等應分轉
 交通內臣俸留非法朗即劾石麒結黨欺君把持朝政無人臣禮
 淮安生員談正逢自陳守淮功求敘不許 予故輔何如寵謚文端
 丁酉王之綱為盜寇將軍河南總兵官 淮督田仰請餉有旨東南
 餉額不滿五百萬江北已給三百六十萬豈能以有限之財供無已
 之求田仰著與劉澤清通融措辦時澤清造宅于淮安極其深遽壯
 麗四時之室俱備借擬皇居休卒淮上無意進北一步大興土木日
 費千金田仰與之共事但知請餉不知餉之所用也 考功郎梁羽
 明自言昔日維郎冊封著准優敘 許定國擒獲陳州偽官惠在公
 等 賜故輔孫承宗謚文忠承宗于戊寅年勇破高陽被執不屈
 戊戌例轉御史黃耳鼎以非河南道開送參喬可聘 賜張瑋謚清
 惠董其昌謚文敏文忠 吏科熊汝霖言獻賊已至重慶
 闖賊且至成都破渝不守意在順流東下北使諸臣所持以為緩慶
 之要者也左茂第請兵請餉望眼尚懸王燮敕印未頒馬價未給為
 額此何時而尚容姑待乎皇上既以阮大鍼為知兵即當置之有用
 之地若但優游司馬樞輔已饒為之何須添此
 巳亥何楷戶部左侍郎 御史徐養心言人自德州來者言山東有
 清國巡撫方大猷道臣張安豫牌赴濟上宜敕王燮早行鎮遏闖賊
 使孟長庚築江陵城逆獻復有取荆州之概萬一順流而東尋陽蕪
 湖單弱樞輔尚屬棄舍不幾以金陵為孤注耶總督死者止熊文燦
 耳其他一味欺飾失律之罪謂何 清國總河楊方與駐濟寧傳檄
 山東州縣漸次款服方與遼東貢生降清登進士第一尚至歷官內
 院來總河與濟寧道朱國桂議取江南以修漕運
 辛丑內閣題補中書多人 王滌石會都巡撫登萊東江 牟文綬

總兵荆州 移黃得功駐廬州高傑駐徐州 賜沈子木謚恭靖沈
 傲价謚襄敏 太監袁昇請催各鈔關稅銀 遣行人洪維翰催督
 錢糧 子殉難勳戚張慶孫謚忠武李國禎貞武鞏永固貞愍
 壬寅兼重華廣西按察使 陸朗復討冢臣說謊 浙按任天成劾
 浙屬鄉宦金汝礪繆沅身汙偽職庶吉士魯梟王自起吳爾璵學濂為
 未歸李綱徐家材俱受偽職庶吉士魯梟王自起吳爾璵學濂為
 賊所留止學濂痛憤自縊諸人猶戀身家臣誼安容 清兵入宿遷
 癸卯吏科章正宸大理丞 錄梅殷後一人為散騎 召降賊都督
 劉僑至京仍補錦衣 令王允成鎮岳州馬進忠鎮荆州 命劉泌
 宜諭西蜀即留王應熊軍前贊畫 田仰拿解光時亨至 越其傑
 奏討餉銀 給楚藩朱華堞空名札一百 韓贊周請大婚禮物著
 光祿寺辦 半陶安詹同謚文忠 孫炎忠 王愷忠 許瑗忠 胡深忠
 甲辰曹勳詹事程正揆右諭德 黃道周禮尚書協詹陳聖謝德溥
 竝侍郎詹事 馬士英奏張亮永城戰功 士英請州縣貢生納銀
 准送學道收考 劉澤清薦張鳳翔呂棲鳳可預重臣之選
 乙巳予諫死蔣欽謚忠烈陸震孟陽忠定何遜忠節李紹賢忠端俞
 周聖忠忠 張英忠 忠壯忠 皆正德年死難 萬燦謚忠貞周起元忠 忠惠
 御史李應昇謚忠毅繆昌期文貞左光斗周宗建周朝瑄俱忠貞黃
 尊素忠端表化中忠愍顧大章裕愍皆天啓年作瑞死難忠貞也
 丙午萬元吉還問寺 杜弘城提督池太 高傑為甸甸南歸諸臣
 請從末減 賜降賊被殺內臣李鳳翔謚恭壯子弟姪世錦表以韓
 賚周出其門故也 諭工部大婚應用珠玉等如數解進
 丁未宗教一張鼎延左右通政周汝璣福建左布政 加何騰蛟兼
 撫湖北 催范鑛楊鶴越其傑赴任 黃斌卿不暇調遣續討司

論督輔調來防江水師黃蜚四萬之衆太多淮上扼防亦要酌議
奏奪 奉化布衣方翼明直言政祈克終著送刑部問罪

戊申命鴻臚官宣諭高弘圖入直 楊文驄京口監軍 田仰爲淮
鎮請給米一百六十萬石 清將楊文興收服土寇掃地王等

已酉懷遠侯常延齡予一子文蔭入監 撫寧侯朱國弼進爵保國
公 張鳳翔添設兵部右侍郎 工科李維樾言日來道途鼎沸不

擇配而過門皆云王田兩中貴強取民女以備宮闈有方士營楊寡
婦家少女自刎母亦投井亦大不成舉動矣 工科李清言今天下

秦晉屬順燕代屬清克豫已成甌脫閩廣解京無幾徽寧力殫于安
無二撫常鎮用竭于京口二鎮養兵上供者僅蘇松江浙且昔以天

下供天下不足今以一隅供天下有餘乎營建儀器事事增出其何
支也 左虞庚佩平賊將軍印 給越其杰餉銀十萬兩

庚戌議恭皇帝建特廟 再賞定策功加李沾左都御史沾因奏呂
大器當日沮難命革職逮問 諭兵部沿江文武官悉聽阮大鍼叅

處又諭姚孫渠貪橫激變許都尚敢搜賈賊產日事誅求激成大禍
罪不容誅左光先力庇貪令毒流東越都著革職拿問 又旨江上

水兵五萬陸兵三萬上下江水陸一萬五千操江兵三萬尚少三萬
議募補 太監韓贊周再進淑女六名 立開納助工事例武英中

書九百兩文華中書一千五百兩內閣中書二千兩待詔三千兩拔
貢一千兩推知銜于兩監紀職方萬千不等各引拔人私敬如數例

出前納者重新再納時爲之語曰中書隨地有翰林滿街走監紀多
如羊職方賤似狗騰起千年塵貢拔一呈首掃盡江南錢填塞馬家

口 清國山東撫方大猷承選豐沛二知縣胡增光胡欽光到任二
人兄弟也俱魚台生員 初袁妃公主受上刃不刃尋復避活帶傷

殘疾清王遣出宮依老中書周玄振家玄振之子遂妻公主王永王久
潛民間至是 元妃王相抱持大慟玄振懼奏之清王使內院

謝陞驗視陞執言其偽下之獄提牢主事錢某力辨非偽有士民數
人疏請收養直糾謝陞不忠當 旨謂奸民不得誣詆大臣錢及士

民凡疏有名者悉戮因并戮王一日謝陞坐朝房忽若有物擊其背
疾呼一聲倒地嘔血數升即死

辛亥盧鼎鎮守武昌 太監谷國珍奏要知府總兵而下悉行屬禮
馬士英假楚宗朱盛濃誣奏黃澍在楚凌逼宗室內旨命逮澍刑

部提問 田仰報沂州郟城宿遷烽火逼近 存問舊輔得冠
癸丑起葛寅亮太常卿 諭北京舊官南來吏兵部報名量用

甲寅給駙馬齊贊元千金 張捷條陳數事上獎之 御史黃耳鼎
初奉差陝西巡按不肯到任因馬士英見朝復班自言無路入秦已

而例轉遂疏昔之按秦陳演陷臣不測今之外轉徐石麒朋謀暗害
又奏劉宗周從逆有旨宗周持論孟浪著察明

十月乙卯朔李成棟鎮徐將軍駐徐州李朝雲改後勁李世春改泗
州賀胤昌楊州各總兵 太后從人王府王無黨授世指揮 吏尚

書徐石麒罷馬士英欲用張捷使陸朗黃耳鼎疏詆之遂致仕去
捷因署部事 周延儒子奕封乞恩免職馬士英擬旨奕封赦免罪

輔職賄係親弟正儀指騙正儀既故未完贖六萬著于汪疇名下追
入贖係徵商最富士英先年假貸不應故慢之也

丙辰禁諸臣酬接宴會馬士英阮大鍼劉孔昭等國弼仍每夕醮飲
爲常 鄭芝龍鎮守福建羅聯芳貴州總兵 起梁雲構添設兵部

石侍郎錢元愨太僕少卿 百戶魏棟等自言危衛之勞各陞一級
准漕米上納每石加尖一十二升

丁巳命鑄弘光錢 清國牌到濟寧稱攝政王發大兵四十萬南
諭州縣預備糧州有臨清章總兵進濟寧駐札
戊午應天尹禔早 減吳昌時贓銀十之五 錦衣馮可宗捕得江
陰知縣行賄于李沾者馬士英為之請詔勿問 馬士英將起用蔡
奕琛楊維垣恐物論不容乃趨一大僚薦之薦詞有阮大鍼皆魁魁
男子語奕琛不喜賜言於朝曰我自宜錄用何藉某之薦贖請我聞
者鄙笑之

已未張孫振補四川道御史 降賊故尚書張縉彥自言在河北收
義勇誅偽官大學士王鐸係之命以原官總督北直山西河南軍務
文武委用給空名札二百 清國東路兵至沂西路兵至濮

庚申大學士高弘圖四疏乞歸允之初弘圖家甚富山東遭亂後
悉無存惟一幼子自隨欲僑常熟不果寄棲吳門僧寺幼子附讀邨
館已遷之會稽清帥以書召之弘圖不啓書逃之野寺中以幼子託

舊館客談遷而卒 時上深拱禁中惟漁幼女飲燒酒雜伶宦演戲
為樂馬士英當國與劉孔昭比濁亂國是內則韓盧張田外則張李

楊阮一唱群和兼有東平與平遙制內權撫寧忻城侵捷吏事邊警
日逼而主不知小人日乘時射利識者已知不堪且夕矣時有聯云

劉阮非仙人先後幻弘光之土地牛馬皆畜類南北銷中國之冠裳
辛酉遣內官孫元德往浙直問三處催金花段價一應年額關稅

銀兩浙鹽漕備練商價給引行鹽隨征隨解
壬戌韓贊周奏淑女齊集 劉澤清舉用文臣黃國琦 黃澍奏辨

內旨朱盛濃害非剃膚何至于里叩關 予陳仁錫諡文莊張邦紀
諡文懿 清國取豐縣胡增光入城前知縣劉燧走死

癸亥劉孔昭弒其祖母胡氏氏為劉尚忠繼妻實生萊臣而孔昭父

蓋臣為出婢莫氏巧雲所生既奪嫡父子相繼遂殺莫氏
伯夫人惡胡氏出揭并縊殺之 劉澤清殺其叔副總兵劉孔和孔
和故大學士鴻訓子澤清初為其狎客及後勢盛及抑孔和役屬之
一日以所作詩示孔和曰好否孔和戲曰不作尤好澤清色變亡何
將擊斬之無一人存其兇暴如此

甲子楚撫何騰蛟加兵部右侍郎 賜內官王承恩諡忠愍立祠以
降賊夾死王之心七人附祀各廕錦衣官 抄沒朱一馮家私

乙丑淮督田仰奏鳳陽地震 淮安自路振飛王燮括各坊義士
同心戮力頗成鞏固王路去後澤清突來營踞散遺義士禁為籍
之部下搶劫邨落一空與田仰日肆歡飲北兵南下有問其如何禦

者澤清曰吾為擁立福王而來以此地供我休息萬一有事吾自擇
江南一郡去耳 戶科陸朗論徐石麒貪邪即王思任為趙之龍所

薦何得擅竄察中
丙寅張孫振掌河南道 太監韓贊周請選淑女子杭州 御史胡

時亨言近來章奏文武陞授皆出勳臣之口至從逆偽官借口軍前
蒙面求進武臣不效命謂文臣掣其肘今不又武臣掣文臣之肘乎

又言黃國琦施鳳儀補用臣實駭然黃則偽吏部掌硃封者施則
管儀仗時語賊不可用亡國之器願自賠千金造者此何人而辱班

行乎
丁卯張捷題授中書多人又題監紀通判推官多人 馬士英奏賜

王永吉一品斗牛服色以隆接待北使之體 張有譽言御用需迫

請差內員各處催征 劉澤清報顏沛沛曹單開歸處皆有清
水陳洪範左茂第渡河無期王燮丘磊起任無地徐州為張成福所

守成福送母至淮令馬化豹代須令成福還徐化豹回淮清將已在沂郊必令丘磊渡海先收登萊邵宿正當南北通衢合修清河廢城使馬化豹柏永馥防守如此派定以待使臣回日定和戰

戊辰總兵卜從善駐蕪湖 劉孔昭奏補標營 諭管紹寧京城百萬家豈無淑女著博訪細選 諭內官田成李國輔分路速選淑女令崇王次子慈煥寓溫州

已巳南和伯万一元傑為賊戮諸公侯十五人請卹 兵科王奏李祖述朱元臣倫生負主有媿諸助下部議 祖陵屢震太監谷國珍以聞 昭磨張明弼奏周鑣之險惡 何楷兼工部左侍郎 張捷

言先帝末造民心兵心士子之心將吏之心無所不壞要皆在廷諸臣之先壞而種種因之重賄所歸使人不知有法紀以科場為壟斷以文字為糾連舉官汙吏之所漁獵豪紳悍士之所誣通憤帥驕

兵之所淫掠聚毒于民民心既去國運隨之禍慘及先帝矣按捷疏甚得當日情景而立朝後一惟阿黨是徇毒更甚焉古人所以致慨於目睫也

庚午職方楊文聰請弘佛教以扶王化 監生蔣佐上累朝實錄許定國開鎮睢州 清兵入海州

辛未命北歸庶吉士史可程督輔私寓候議 戴英補兵科給事中張采精膳員外郎 刑科梁奏周仲璉卑污無恥命提問御史鄭奏李喬素著清能命復官益仲璉于賊入京時削髮潛遁不受僞辱而

喬則在疆棄城嚴遠逃匿者 諭韓贊周挨門嚴訪淑女富室宦家隱匿者隣人連坐 清兵至宿遷界鄉民具羊酒迎之縣民盡逃壬申張捷陞吏部尚書彭遇颺改御史遇颺政為大言謂馬士英曰岳飛言大誤文臣若不愛錢高爵厚祿何以勸人武臣必惜死方養

其身以有待

癸酉丁魁楚總督兩廣 諭兵部臨淮侯李祖述奉命守門城陷君亡倫生南竄該部嚴議 管紹寧請予行人謝于宜祭葬蓋被賊追賊夾死者 劉澤清括集商船為水營薦黃國琦為監軍

甲戌史可法薦北歸諭德衛胤文兼兵科命監高傑軍 給鄭鴻達鎮海將軍印 予朱統類改授京官尋補行人日須還我總憲乙亥命黃得功劉良佐合兵駐鳳壽 張秉貞巡撫浙江 敕王永

吉駐徐州 戚臣李誠臣奏夏典始末 丙子停冬至郊祀 頒戶部印單給州縣實填贖錢 前尚書徐石

麟上言臣見黃耳鼎翻出陳新甲一案謂臣殺新甲以敗款局蓋拾馬紹愉之邪唾以顛倒成案為日後賣國之地耳請先言款專王化貞違熊廷弼節制而私與孫得功為市城陷身逃而款敗表崇煥遣

僧弔老憨因以議款及騎薄都城先帝誅崇煥而款再敗弔嗣昌為樞密建適內寇再以款市聞先帝命偵建情竟得媿書而款復敗嗣是即新甲主款矣先帝因傳宗龍之言召新甲切責謝陞獨曰建

果許款款亦可恃於是遣馬紹愉往義州建不表謝而復得媿語先帝大恨而款又敗自張若麒倡逃後謀國之臣無不望款天子親發

璽書擇使者而遣之乘傳至塞外邊臣張筵燕建使建使一語不及云待老憨命及憨至義州責諸酋私通中國將殺我使譯事者叩頭乞哀馬紹愉匍匐見憨而臺省惡其辱國盡發新甲奸罪此

四五月事至七月忽下新甲於理臣識之引失陷城寨律秋斬周延儒極力營解以虜夫薄城為言先帝曰儂辱我七親藩不甚薄城乎著即會官處決所謂親藩者皇考與焉皇上遽忘之乎 順賊出潼關三營向歸德三營上裕州二營踞郊縣

丁丑解學龍刑部尚書原盟吏部右侍郎楊維垣通政使 阮大誠
奏雷演祚不忠不孝下法司嚴訊 河南勸農尚書丁啓濬罷
戊寅加左良玉太子太傅 御史霍達巡漕 馬士英奏杜文煥先
年戰功 鄭鴻達黃蜚黃斌卿各請戰船月餉

巳卯張鳳翔復尚書管侍郎事
庚辰復以黃耳鼎為御史 吏科張奏近時位署無常換察疊進
金匱穴營求不止如往之計典可翻明歲之計可以不設矣

辛巳鴻臚寺少卿高夢箕北來復任謝恩
壬午都督曹友義領黃河水師金聲垣改豫楚援勦

癸未劉安行僉都提督浙直市舶屯田劉若金提督閩廣屯船兼珠
池海防 諭吏部郝明徵原非行賄准復原官

十一月乙酉朔予李邦華王章詹錦衣世官 予許士柔等士柔
常熟人與文震孟倪元璐同年友善正誼相勗溫體仁惡之阻其入
閣摘其舊撰高攀龍語降調之朝論共憤至是吏禮部為命詔

四品例全給 周藩安鄉王居無錫 太子潛居與教寺高起潛私
聞于馬士英遣人殺之及至而太子已先一日渡江南遁矣

丙戌起蔡奕琛吏部左侍郎 御史游泰今日國事淆亂不知禮義
廉恥為何物明知君子進退不苟故以舍沙之口激之速去亦思常
人所不忍道者讀于君父之前其視皇上何如至乎台省中微有規
諷則以為比黨相戒結舌真所謂前有諶而不見後有賊而不知也

丁亥御史王化澄按廣東胡時忠視南京屯田 予故翰林沈懋

諡文節焦竑諡文端
戊子西宮舊園落成賜名慈禧殿 桂王薨諡曰端 著候勘黃澍
回籍 總兵丘磊報青州之變磊于白沙祭海裝家眷行李于船將
下海北發

巳丑陳潛夫私自回籍著撫按察之 太監谷國珍奏鳳陽火災
丁啓濬丁魁楚合奏有偽侍郎金之俊係舉二人偽撫遣人持徵文
至為劉良佐所獲二丁合辭待罪 御史何綸按准

庚寅越其傑赴任河南有旨慰之 行人莊則敬自言曾事福恭王
命與考選 命文武官俸盡支本色 命開屯海中玉環等山 太
監韓贊周請西洋大砲 兵部帶百餘騎至安東柏永復王遵垣召
磊進署突兵擒之

辛卯伯常應俊薦許定國實心恢復著鑄印給之 許諸生納貢
壬辰吉貞王子慈燈嗣封 總兵馬進忠鎮荊州 寄流寓諸生於
淮安府學 予王在晉祭葬

癸巳設起居注官六員輪珥筆以記實事 史可法為弟可程文過
求恕 駙馬齊贊元稱頌劉孔昭翼戴功深賞不足酬著吏禮部再
議 王驥為太僕卿 居遼王于寧海

甲午改太僕寺署於南都 居祁陽王於邵武 朱盛濃以能論黃
澍特授推官 左良玉奏承德將士絕糧餓死 陸朗言徐石麟以
巧詐文其貪劉宗周以迂腐托於正必有真才真品如王驥鄭瑜昇
以節鉞當無多讓 是夜清兵破海州將獄囚盡放天明回兵泖口
沂州清將兵馬八萬分路南下一向沐陽一向邳州一向宿遷又

牌行邳縣催辦糧料
乙未端門西旁舍火 清兵攻邳州署印推官沈冷之固守待救

丙申琉球世子尚賢入貢告襲 限中宮禮冠三萬金常冠一萬金
下戶部措辦 予吳阿衡諡忠毅 命鄭鴻逵節制京口至海門
史可法上言三月以來一兵未出臣備員督師死不塞責黃河以北
悉滌腥羶近見虜示公然以逆加我辱我使臣是和斷斷難成也我
即臥薪嘗膽枕戈待旦尚恐無救于事今觀廟堂之作用殊未盡然
恐恢復之無期而偏安之未可保也不急之工役可已之繁費朝夕
之宴飲左右之獻諛宜一切罷絕即事關典禮亦從儉約蓋賊一日
不滅虜一日不靖即有宮室錦玉豈能宴享必皇上念念刻刻振舉
朝之精神庶平天意可回耳

丁酉右僉都郭維經哀懇辭職內旨責其欺卸 應天撫邢彪佳罷
戊戌大理卿鄭瑄罷 獎高起潛冒險來歸忠義可嘉

已亥起朱繼祚少詹事 趙之龍奏

黔兵萬里荷戈三月缺餉上切責戶部 劉澤清奏清將夏成祖發
兵濟寧楊方與在宿遷集鍊匠打鍊條爲紫後之用臣今議分信防
河三里一堡百步一閘空處築牆挑濠灌水勒令有司興工王燮田
仰王永吉自安東至徐蕭錫屬督輔開歸屬越其傑冬中報竣候左
茂第回日另圖也 又請安流寓青衿以便科舉 工科李爲降賊
被殺諸臣彭瑄顧鉉李逢申請卹
庚子陞李永茂巡撫南贛 給浙江總兵王之仁鎮倭將軍印 屈
動補吏科給事中 戶科羅萬象以回奏掩飾罰俸一年
辛丑追論江右功解學龍世錦衣千戶 奉先殿上梁 沈廷揚加
光祿少卿宋劼李猶龍太僕少卿 周藩臨汝王寓武進 孫維城
襲懷寧侯補缺券 予故舉人歸子慕張世偉顧雲鴻翰林待詔
壬寅陳潛夫奏張縉凌駟南渡若即安插河南不必入覲

癸卯兵科戴英自辨被誣情由

甲辰曹勳禮部侍郎管翰林院沈廷嘉劉同升陳之遴劉正宗各轉
坊官 贈故山東巡按宋學朱大理卿學朱潛家二年始故馬士英

奏其殉難也 西鄂王寓寧國 諭蘇撫大瞿山屯田 吏科張言
臣鄉來者言賊久踞平陽人亡過半 田仰言清將已駐沂莒二州

哨馬至沐榆遼人趙福星爲宿遷道統兵五千鎮守 吏科抄參安
遠侯柳祚昌所薦程士達富賈蠢豎非可與舉貢同例

乙巳魯王移居台州 王燮爲丘磊引罪 戒宗室換授
丙午劉洪起加總兵銜 李沾請分臺員從逆真枉 穎州生員盧
鴻上七政曆

丁未長至節上受朝賀 馬士英言加九江守道耿廷錄太僕少卿
命調臨安土官沙定州兵馬一萬從建昌入川此從天而下也允之

張鳳翔兵部尚書巡撫蘇松四府盧若騰巡撫鳳陽 申紹芳言
江北需餉急命戶部于附近州縣措二十萬付之

戊申劉孔昭以定策功進封侯爵不受特旨獎之 獎阮大鍼役民
修築敵臺 諭吏部王孫蕃與李沾定策同事有勞一體優敘 諭

兵部職方監紀倖濫俱不准 諭禮部求恩濫予可厭宗室呼籲難
憑宜慎辨之

已酉馬士英請權酒助餉下部行之 黃斌濟改駐安慶 命許定
國鎮守開封與王之綱合勦 御史沈宸荃劾張縉彥王永吉何謙

丘祖德黃希憲曾化龍命縉彥永吉勿問何謙等法司提之 高傑
請藉沒周延儒財產論不忍行

庚戌總兵黃昇請牛種與屯 楊文聰請金山關山建城

辛亥劉澤清薦時敏海外興屯 命蘇京駐廟灣防海 令王永吉
議塞汴口 吳希哲補工科曾倜補山東道 五國賓光祿卿
壬子予胡守恒祭葬諡文節

癸丑命馬士英大閱 上不豫幾殆輔臣入候群闕竊竊有所指畫
良久乃退時上崇飲好內權在群闕田成爲最大臣皆因之固寵政
以賄成時語曰金刀莫試割長弓早上絃求田方得祿買馬卽爲官

甲寅起楊公翰太僕卿馬鳴寔湖廣參議 汀州分守夏尚綱進萬
金助餉有旨以道臣而捐萬金操守可知況汀寇猖獗貽禍地方著
革職提問

十二月乙卯朔加練國事兵部尚書白貽清太子太保 御史沈向
巡按湖廣 清國萬騎下河南 荆王寓九江
丙辰琉球臣金應元入朝

丁巳命王永吉總督防河劉高二將聯絡張縉彥王變分布河北王
濬移駐淮上 命黃得功劉良佐移置近地以援邳宿 馬士英奏
劉孔昭實心定策劉澤清張文光密議效忠命二劉進侯爵文光加

京銜 澤清請禁巡按訪拿奸惡
戊午錄國初功臣馮國用馮勝各世襲指揮
巳未加劉承胤右都督 馬士英保薦胡國貞等悉加總兵銜 奏

坊韓四維自言未經賊辱棄家南奔命復官四維實願輸銀二萬求
賊司業而賊降爲修撰者
庚申凌駟交納僞憑僞契 陳潛夫報順賊來窺河南

辛酉凌駟實授御史 命何騰蛟以兵部侍郎總督川湖雲貴廣西
召楊鶚回部 安遠侯柳祚昌自言定策功高斥之 高允茲補御
史 阮大鍼編巢湖民船爲保甲

壬戌高傑薦舊臣請道周易應昌王志道解 龍圖同升趙士春章
正宸爲象正吳姓鄭三俊爲萬世瞻仰金光宸能開元姜琛無愧社
稷臣金聲沈正宗夙儲經濟

癸亥吳國華右諭德 定勇衛營萬五千人 刑部奏故備沉撫陳
謨失守封疆罪者助三萬金收贖 諭六監商起潛國臣巳在河
南駐浦口無事便于提調有事相機應接

甲子命太監盧九德丈量蘆洲升課 許桂王妃王氏扶王極回衛
乙丑齊藩宗長知盛等請換授官不許 光祿寺辨罪不允
丙寅史可法請發鉛彈三萬斤生鍊十二萬斤銅回葉五百副命部
給之 又薦舉人韓詩等 吏科張泰督撫所薦司道推知貢監生

員詐舉現無非騙官有旨命嚴覈叅處
丁卯馬士英奏沽酒之家每斤定稅一文 以定策功加張文光大
常少卿又以予伸顧光祖添註少卿 戶科吳紉亂政監司一爲陳

之伸以克東少參聞警潛逃革職逮問程稱部覆藤補必憲一爲夏
萬亨中書被察題補勸農知縣加副使銜葉池南奔途營齋詔之後
稱副使又借題迎護陞江西布政以邑令半戰而登音收一爲郭正

中以舉人罪枷責戍滕選知州避兵不赴借名修曆入京奉旨賜逐
今又借危疆職得愈意因此而推則從賊投用之黃國奇應得善報
矣

戊辰李希沅添設兵部右侍郎 高斗樞巡撫湖廣 獎阮大鍼築
鴨磯堡之勞 監軍宋劄請添礮銅陞

巳巳左都督陳洪範南還上言初禮部薦臣以臣與吳三桂同里賊
誼意清之破賊必三桂爲政其事殊不然九月十六日臣至德州清
撫方大猷示以攝政王令有來使不必敬語止許百人赴京朝賀

曰朝見則目無天使矣。閣臣議以抗節不辱命，但知三桂借兵於清，未知清勢之狡悍也。錦衣駱養性為撫道兵相迎，二十九日至河西務，贊畫王言資臣名帖送內院，回言馮銓謝陞等詞色俱薄，却帖不收。十月十二日奉御書入正陽門，臣隨宿鴻臚寺關防甚嚴，水火不通，飢寒殊苦。十四日內院剛令榜什十餘人來，夾服佩刀直登寺堂，据上坐，指地下，羶令臣等坐，大聲責臣等。江南不應使立天子，且曰毋多言，我將不日下江南。十五日剛令來收銀，將十萬兩一兌訖，蟒段餘幣尚在後也。私計吳三桂不出受書，則萬金可以無事，諸虜踴躍搶散，明日遣兵押行。臣等請祭告諸陵及改葬先帝，皆不許，期誦偽檄。大都悖詞，二十七日促行防守，益嚴。十一月朔至津，後遵段細悉押去，疑養性有私于臣，削職逮問。四日過滄州，有夾官來追款，左茂第回京，不容敘別。十六日過濟寧，清兵乃還。二十一日

到徐州渡河，洪範入見，言清必南下。馬士英惡之，曰有司鑰在何處焉。通政使楊維垣言：「朝宴典為黨人所嫉，命禮部購付史館。」庚午丁啓濬加太子太保，丁魁楚進兵部尚書，贈李邦華太子保。辛未錦衣馮可宗獲妖僧大悲僧，故齊藩宗人，狂言受先帝命已復土爵，又狂言先帝實未晏駕，指斥上云云，命下鎮撫司。壬申命王永吉防河北，張縉防河南，分許定國王之網信地。進馬士英少師，士英疏言：「虜雖窺渡甚急，然賊勢尚張，虜豈無後慮，自昔強弱何嘗赤壁三萬肥水八千，況我全盛乎。痛飲黃龍，願諸鎮勵之也。」義陽王督太倉，尚書黃道周太常卿，葛寅亮尚寶丞，劉之麟見朝。癸酉陳燕翼吏科右錢增兵科左，舊閣臣錢士升加太子太保，詹事府中書舍人，四川公事張一甲言川事沃裂之甚，東則張賊直

衝夔門由忠萬而上，勢如破竹。北則李賊漸逼，關中廣元昭化以兩久樹降旗，通巴一帶日為搖蕩。六月二十一日張賊陷重慶，瑞王遇害，舊撫陳士奇考死，將弁俱殲，兵民砍去一手者萬計。八月初五張圍省城，初九日大砲崩城，官兵各潰，士民慘死，擁尸塞流。蜀王撫按總鎮三司俱無下落，而李賊又于七月招安，保寧士民投順，川中無兵，膽氣已為搖蕩折盡。自涪渝繼陷，各兵砍手放歸，見者寒心。諭都督牟文綬鼓鏡先赴施州。

甲戌川督王應熊上言：重慶成都二府，凡川民敲骨吸髓所供，殆七八十萬，悉為賊有，各將如羅于華侯大錫曾英王祥餘勇可賈，在所用之。受偽命李逢申贈太僕少卿，命史可一合兵援邳州。乙亥劉澤清薦受偽時，敏仍以兵科開屯大隗山，解學龍請覓賤節偷生，諸臣如何瑞徵張若麒楊觀光崇雅熊文舉二十人，應候

三年定奪。允部議詔封于謙臨安伯，遣太僕主簿陳濟生致祭。丙子張捷抄出楊維垣所題言韓爌之再相也，舉國皆推薦之，獨臣不肯附和。已巳虜變有一非爌所召者乎，只造得一本不公之逆案。

阮大鍼及臣皆以不附楊左而入，乞皇上重定有劉廷元徐紹吉霍維華呂純如徐大化賈繼春徐揚先岳駿等雪之，而恤之。周昌晉徐復陽虞廷陞郭如闇李寓庸陳以瑞曹谷雲之，而用之王永光唐世濟章光岳許鼎臣楊兆升袁弘勛徐卿伯水佳傑蔡憤此案者亦宜恤之用之。禁書坊不許行五陵注略。

楊仕聰曰：五陵注略者許生重熙之所撰也，持論頗異，如葉福清之諡忠似謬，方德清之諡正似醜，朝論諱之，至言劉伯溫非渡江勳，舊製封出鄉人之推戴，前人已言之，劉孔昭一見大怒，適與相惡，倪元璐恐其入閣，孔昭遂以倪姻妻與許，許並股作疏，意重

相惡倪元璐恐其入閣孔昭遂以倪姻妻與許許並股作疏意重

在許欲開大獄 上不允親 票旨放歸許之書遂播行

丁丑命雪舊順天撫陳祖苞失城之罪 解學龍上從逆六等案一

等應磔宋企郊等二等長係秋 沃光時亨等三等應絞贖陳名夏等

四等成贖王孫蕙等五等徒贖 宋學顯等六等杖贖潘同春等存疑

另議翁元益等 允建文諸臣 論方孝孺文正齊泰黃十從張易之

俱忠烈鐵鉉忠表王叔英文忠 黃烈文貞卓敏練子寧徐梓和俱忠

貞明是修王良貞枝王長寧鼎 文等係昭剛烈羊大方高兩陳思賢

俞逢辰俱忠感黃誠忠 顧鳳 高魏俱忠 嚴德 吳 魏 俱忠 直

姚善類伯瑞忠 惠 卹 理 貞 愍 陳 任 善 忠 節 為 扶 果 愍 胡 子 昭 介 照 劉

孫 劉 節 九 七 十 一 人 俞 通 淵 萬 山 公 履 能 平 湯 伯 俱 烈 謝 黃 英 山

伯 主 得 分 水 伯 俱 勇 怒 馬 宜 全 以 伯 貞 壯 朱 應 金 山 伯 壯 烈 十 七 人

戊寅上居興寧宮 忽然上色不 韓贊周言新宮宜權上曰梨園殊

少佳者贊周泣曰臣以陛下或 心皇考乃作此想耶 張縉彥分諸

將防河寧陵以東至歸德屬王 之綱寧陵以西至蘭陽屬許定國祥

符以西至汜水屬劉洪起河維 委李際遇 高傑北征發徐州 管

紹寧言東宮確然遇害命于明 年二月為東宮制服

已卯念郎陽孤危固守加徐起 元兵部侍郎高斗樞副都御史朱

辨京堂缺用 唐庶人聿鍵求復 王爵不允命居廣西之平樂

庚辰命婦入賀 復姚思仁王 永光原官 兒嘉慶利科右

辛巳高傑至歸德貽許定國千 金幣百匹 駙馬齊贊元掌宗人

壬午瞿式耜巡撫廣西馬乾巡 撫四川 搜取寧波漁課七千兩

癸未馬士英追理擒獲巨盜程 繼孔功加高傑太子少傅史可法太

傅 布衣何光顯上書乞誅馬 士英劉孔昭訂鐵於市籍其家

甲申賈登聯四川總兵 太監 徐象賢孫珍世錫 袁利抄

參逆案陳爾翼頌瑞有內外諸 臣心厥臣之心語 謝 行 欠 抄 更 議

內計處分楊兆升亦係察處之 人逆皆薦起抄出議之

明年甲乙兩年事略第二卷

二卷異同補

先皇帝共三子太子年十六歲定 永二王皆十三歲闖入京時大索

惟永王不知所存自成東出 人見太子馬嘶尾隨後不見定王或曰

已先日隨闖將出京過通州 馬上失一履有人拾而進之王仲足與

若目問軍平民乎人以民對 王曰軍則食我家飯者民方受征稅之

苦有何好事到汝其人泣 王亦泣謝之自成戰敗西還不見太子隨

後八傳太子繼吳三桂軍中 矣十月有男子自詣周中書家求見公

王相抱持大哭涕留不去 周僕逐之遂為街道所奏明日殿中勅之

言宮中事頗密以訊內官 莫敢認者有楊宦在旁皇子曰此楊某曾

侍我揚即詐曰奴婢姓張 先服侍者非我也又呼舊侍衛錦衣卒十

人訊之咸言是永王有晉王 者山西從闖來因留京師獨言其偽一

內監言真於是言真者皆下 獄刑曹即錢鳳覽詳訊遂以真皇子報

命晉王逆訊覽勃然語侵晉王 復廷訊之內閣謝陞執以為偽皇

子曰某日某事先生憶之否 陞然一揖退鳳覽面叱陞不臣正陽

門商民數人具疏救皇子 晉謝陞禽畜無道具疏人亦下獄乙酉正

月十日攝政王謂廷臣曰 皇子真偽無傷但晉王係明朝宗室謝陞

係明朝大臣鳳覽與拱手 須急斬陞時自語曰錢先生統我腫潰

謝陞早朝見鳳覽與拱手 須急斬陞時自語曰錢先生統我腫潰

即死四月初六日鳳河民 張三聚眾誓救皇子以楊生員為謀主采

育生員孫三應之俱經擒 殺初十日皇子逃死

東村老人曰國變後皇子 凡三見北京則自詣周中書家者南京

則內使踪跡來者太平則 人首出者以問世路人皆曰偽也愚謂

不然今人見小害必避 明知皇子出則必死誰肯肯必死之事而

偽為之故吾謂成方 逆事於古則有於今未必然也 在社京一以

為永王。一以為太子。若先太子。則南京信偽矣。馬士英已言之矣。然現當日南中人情。人欲翻鄭戚舊案。以謀進。誰肯証先皇之有子。據馬士英疏云。既為東宮。幸脫虎口。不即到官。却走紹興。即其言而覈之。既非東宮。彼自走紹興。於朝廷何關利害。而遣人追之。來不可解也。初到安置僧寺。百官群進紅帖。旋有諭禁止。以兵謀當於街。似護似防。隨取入宮。越日付之獄。何須周旋也。以官會審不決。王鐸一人定假。李沾始喝用刑。確然偽矣。又不加之縲紲。仍以有與送獄。一對板前導。不可解也。我不能隨世路人雷同。且存當日之實案耳。

順治八年冬月。有人出首三皇子在民間。擒獲至馬督府審問。皇子自書供云。雲庵係崇禎第三子。名慈煥。年二十歲。兄慈煥即東宮。同為周后所生。弟慈燦田妃生。煥居景仁宮。乳母鄧蔣八歲就外傳。講讀宮傳張賊犯都時。先帝托予於張近侍。及指揮黃貴。送周皇親家不納。潛藏民間。為閩搜出。隨營到山海關。閩賊携之。連關隨營至荆襄。適左良玉戰敗散。即隨左營改姓黃。稱為黃貴叔。左兵為黃得功所敗。黃貴傷左兵船。殺貴。張近侍以實告。張秘其事。明年五月得功亡。張勢走太湖。遇江西樂安王。張托之。王携往孝豐。遇瑞昌王。樂安往閩。以予托瑞昌轉藏。九月詣於潛鄉官余文淵家。假稱宗座師公子。有湖廣人陳砥流。時相親密。砥流改名李玉。奉命浪跡。得太平府鄉夏各鄉重義。即與各鄉同主於潛。來接予在陳監生家。監生與文淵說知。而別予改姓孫。各鄉以文字之。四年十二月。余文淵與知縣不和。前事遂露。行文太平查不獲。五年正月朔。予削髮為僧。歸雲庵。或稱一鑑。或稱起雲。砥流亦忽張。忽李。隨口應人。浪跡江址各庵。砥流訪知。寧國府秀才沈辰伯好義。六年七月。同予往訪。

於船中一老秀才。名飛六。善詩文。辰伯即托飛六留家讀書。八年閏二月。辭別沈呂二人。與砥流復到夏家。三月完親。因夏貧甚。自租鄉村空屋一間居住。度日維艱。四月與砥流議。往蕪湖借銀二十兩。買細茶。同做客。汪禮仙往蘇州賣。禮仙與常州人楊秀甫。吳中虎丘相識。茶賣畢。同到常州。秀甫言。卿介之。其好人。到其家住。見日介之。又言。路過是好人。即往謁路過。臨行時。送吳中詩扇一。其母銀伍錢。在路過家住幾日。將回夏家。不意吳中私作假劄。費利不遂。因出首於阮院。阮院差官。先到寧國沈呂二家。果尋至蕪湖。即獲砥流。予挺身出。隨阮院差官起行。於途遇江寧趙同知。當塗某知縣。帶到太平。隨到江寧也。

東村老人曰。三皇子定王也。路過家。懷遠侯一見。言曾侍班識王。此非是。或云出幼八年。猶故貌耶。又有疑者。謂左方反兵東下。必喜得王。何故隱名。太湖安慶屬縣黃黃。一慨到海。尋依李監奉義。陽王。何故告皇子。而戴宗室。嗟事固有不可度者。存疑可耳。

左慈策字籬石。萊陽人。辛未進士。刑科。奉詔督兵湖廣。弘光改元。入見。陳中興大計。命視師江上。除僉都御史。馬士英議遣通好。慈弟母死於天津。因請使北。遂與陳洪範馬紹愉同使。八月行次滄州。陳洪範遣信先致吳三桂封冊。三桂不故封。慈奉攝政王。九月至楊村。士人曹遜金。慈孫正。謁見。言報國之志。慈弟署以參謀。十月進至張河。聞以四夷館處使臣。行屬國進見之禮。洪範言。慈謀陳曰。此事所繫甚大。慈弟爭之。乃改鴻臚寺。遣官騎迎。十四日。內院剛林來。責以朝見。慈弟一抗拒。聲色俱厲。剛詔而去。明日復來。言如前。慈弟終不屈。既持圖書金幣去。慈弟遣參謀陳。以請陵事。請不得。乃陳太子於寺。率將士。吳三日。二十七日。忽款騎來。遣行。出永定門。十

一月初五日止滄州十里舖又數騎逃恐弟及紹倫遂從行南
 南北副將張爰才楊逢春劉英止滄州恐弟返京止太醫院
 嚴懋弟上攝政王故不報明年正月劉英及曹進金鑣入訊
 見遂發疏令金鑣及都司楊文泰赴金陵奏之及廷西金陵已失守
 矣曹進曰如何懋弟曰復何言閏六月十五日以江南北再下
 今副將艾大選首犯如認懋弟立杖殺之十九日捕不測懋弟曰
 我自行我法殺我人與若何與可連殺我遂下獄二日懋弟曰
 內朝懋弟南向坐於庭下攝政王問在庭漢位云何艾待即陳曰
 福王來不可說懋弟曰若中先朝會元今日何向目在此其侍即金
 曰先生何不知與懋弟曰汝何不知羞耻我今日止有一死又信
 以言懋弟王揮出斬之倉都趙開心將起有言同坐擊其裙而止
 歸至宣武門外神氣自若南向四拜端坐受刑贈子楊添注籍首而
 後行刑懋弟既出趙開心始得故王王將殺之而已報死矣馬紹倫
 率所殺將士悉刺頭降恭謀陳暨武官王一斌劉統王廷佐張良佐
 俱不測同日遇害其在太醫院也洪承疇弟曰也承疇弟
 否敗死先帝賜祭加醴九壇錫蔭久矣今日安得更生乎建泰亦未
 詢懋弟曰受先帝寵然不能殉國降賊又降清何面目現我罪漢臣
 投謁者皆受罵漢臣亦憚見之其聞江南陷題詩云峽城集封豕路
 迥片雲南下意如何寸丹冷魄消難盡蕩作寒烟想不磨
 東村老人曰蘿石之死比之文信公尤烈有一人而可洗仲朝三
 十年之鐵氣亦見讀聖賢之書者原自有人實踐紛盜盜無恥
 輩妄言聲氣賈降恐後何哉

明季甲乙兩年事蹟彙略卷之三 正月初一至五月三十日

東鄉八十一老人隨筆

乙酉弘光元年正月乙酉朔上御殿受朝賀

壬辰夜立春流星入紫宮 丁元楊兆升為吏兵科馮志京張茂

樞袁弘勳周昌晉補御史余颺為稽勳員外郎 史可法奏薦賈

劉湘客又奏擇將守邳 馬士英奏撰張捷盧九德敕 又奏除雜

官九十五員 兵侍阮大鍼報沿江築堡上嘉之 又請黃蜚杜弘

域聯絡水路 劉澤清請添水兵 禁四六駢麗文 制丹陽陸路

視良鄉例給郵符

癸巳大雷電雹 史可法上言陳潛夫所報清豫王自孟縣渡河約

五六千騎步卒尚在曹懷欲往潼關皆李際遇接引長驅而東刻日

可至據此李際遇附清確然矣况攻邳之虞未返濟寧豈一刻忘淦

北哉請命高傑提兵二萬與張縉彥直抵開維據虎牢劉良佐貼防

邳宿又言御史陳蕭往調騎兵五千人半蕪杳然乞催之早到上從

之命給閩銃三千枚 又奏清兵渡洛陽河南撫按俱避於潁壽沈

丘 監軍衛胤文奏已日雪抵徐 吏侍郎陳盟奏川事潰裂 貴

撫李若星奏川賊勢甚猖獗 顧撫李永茂奏寇擾汀州 鍾斗添

註太常少卿郭如閩方士亮補戶刑科 進麗江土知府木增太僕

卿 命訊妖僧大悲僧係齊庶宗妄言先帝命復王位者 總兵劉

洪起擊賊於襄城俘斬五百餘人 總兵許定國約高傑會于睢州

馬士英請錄陸獻明撫黔功予廕子入監 御史沈請舉郊祀命

侯之 督餉侍郎申紹芳言兩淮運司解銀萬兩渡江為都督鄭彩

截留詔諭彩勿擅

甲午修奉先殿及午門左右掖門 鄂之麟為應天府丞 西川公

議耿廷錄改選 我監軍 韓四維逃歸托言前使岷府不汚職塵上
謂遣封在四月中旬未及受事何得欺飾姑著調用 工科錢泰科
場大開賄賂何瑞熒煜公然市賣 命御史凌嗣巡按河南給吏
部空札三十張兵部空札一百張以待矢義南歸者 戶尚書張有
譽言江北各藩新舊兵餉額有定今所增萬不能支令督輔察議
工部請截御前料價以供楚餉上不許 侍郎何楷定各鎮鼓鑄
中書林奏雷鳴首春天心示儆 太監高起潛言邊將不宜內轉又
請銀市馬命給太僕寺銀五萬兩

乙未馬士英奏楊御蕃五載戰功著進左都督及馬進忠王允成立
加太子太保 制廩生加納通判 普眾臣迎駕之勞補指揮千戶
等官 命各府推官稽察官役冒破工料 允刑科鍾言凡監紀等
官猾棍白丁借題募府騙錢者悉行驅逐

丙申高允滋補御史 都督李際遇謝賞命再加四表裏 安撫黃
薦廢籍官李喬等 御史游有倫極言朝臣鎮將背公植黨 史可
法言北使之旋虜和已無成矣向以全力禦寇而不足今復分以禦
虜矣唐末門戶之禍與國終始以意氣相激化成恩仇有心之士方
以為危身之場而無識之人轉以為快意之計孰有其若哉若父
覆我邦家者不此之仇而修睚眦之微真不知類矣此臣所望于廟
堂也先帝之待諸鎮何等厚恩皇上之封諸鎮何等隆禮而鎮之不
能救難何等罪過繹此不問而自尋干戈於心忍乎和不成惟有戰
戰非諸將之事而誰事也聞外視廟堂廟堂視皇上尤望深恩痛憤
無然泄沓古人言不本人情何由恢復今之人情大可見矣 部院
劇分請馬士英飲酒 刑尚書解學龍奏從逆六案以登極初停刑
上傳天財庫召內豎五十三人 宮演戲飲酒上醉後淫死童女

二人撞出北安門嗣後屢有之曲中少女幾盡久亦不復撞出 高
傑赴許定國飲是夜定國伏兵入寢殺傑總督張縉彥監軍李昇走
免定國以其眾降清

丁酉戶科陸請覈學田輸穀裕國 河南副將郭從寬縛長葛
縣偽令來獻

戊戌葉廷秀添註光祿少卿 戶尚書張有譽言舊制錢糧必解部
派發於外宜著為令從之 禁宗室入京 太監高起潛請佃丹陽

練湖可歲得五萬金從之又奏浦口增建墩臺著工部估價鳩工
太監韓贊周告退獎其定策大功不允辭 史可法七請接濟時幕

客馳金四出以召集為名不問所去而可法身自儉苦軍需嘗乏人
皆惜之 田仰奏敘效勞將領 凌嗣請早定恢復大計命專昇劉

澤清王永吉 太監孫劬奏鹽臣李挺欠銀二十六萬兩不許其報
竣 夜亥末月食

己亥劉澤清報年終措餉給兵溫旨獎其忠義又允行間事不中制
蔡秋卿為廣東海北道 張縉彥言臘月清屯武涉孟縣拘船百

五十艘將渡河為順賊副將夜掠去百三十艘清即治浮橋南渡順
亦治浮橋北渡兩相抗拒又榮澤縣郭邨於十一日午刻忽現大城

堞門畢具歷二時方隱天官家謂廣莫之氣成城郭今河西茫無人
烟故也 楊振宗奏皖兵缺餉

庚子錢增為刑科 松江知府陳亨為四府兵道 張有譽酌定白
糧每石折價一兩三錢

辛丑吏部右侍郎蔡奕琛兼東閣大學士入直
壬寅左良玉請留撫臣何騰蛟有旨五省總督之設不惟恢復荆襄

且以接應巴蜀騰蛟候高斗樞到任方行移鎮

癸卯劉孔昭請革內地監紀并澄汰武弁 又言未嘗到王孫蕃榻前商量定策孫蕃前奏欺罔大為無恥劉憲章聞變遁逃自當與余日新同議 貢生韓詩予職方主事 工科李清辨其祖思誠誤入魏璫逆案命下部議 申紹芳為祖時行陳當年回護宮闈曲情有旨慰勉 史可法弟可程自北廷南奔清殺其子弟親戚數人 殿宇鼎新推恩輔臣馬士英王鐸王應熊史可法尚書何應瑞侍郎高倬劉士禎科道李維樾游有倫周元泰主事朱日燦秦祖襄各賜金幣內官韓贊周盧九德劉文忠屈尚忠張執中田成王肇基高起潛孫象賢車天祥喬尚谷國珍何志孔趙興邦李燦蘇養性孫珍諸進朝銀幣外各廕子錦衣指揮李國輔錦衣千戶 真人張應京入朝甲辰內登進宮演戲 馬思理添註左通政張時暢尚寶司丞 主事李爾育奉旨宣諭劉弘起李際遇二人俱無從見遇張縉彥即至睢陽而回 編修吳孔嘉言三朝要典須備列當日奏議以存其實刪去崔呈秀附和命下所司

乙巳馬士英參溧陽知縣李思謨不令童生納銀應試特降五級 廕故山東巡撫陳應元子入監 郎中趙明鐸為雲南提學黎永慶為貴州提學 朱國弼言法司賣法不公上命尚書解學龍革職 御史張孫振言從逆一案明諭法宜從重大司寇操此三尺推諉半年人人出脫北來諸人乃賊棄之而來非棄賊而來解學龍恣意侮文乞敕公鞫 總督袁繼咸言要典不必重陳有旨皇祖妣皇考無妄之誣豈可不雪事關青史非存宿憾群臣當體朕意 賜侍郎阮大鍼蟒服 雪推官周之夔之罪 諭吏部鄒之麟清修自守著起用 諭刑部朱一馮身為大臣多藏厚亡致男追比大喪縉紳之體其入官七萬外田宅所值幾何九千六百畝之外有無餘產察明

丙午迎神祖御容於宮 起唐世濟左都御史管右都事 葛寅亮為大理卿 戴英為兵科左 廕故輔丁紹軾子入監 吏侍郎陳盟辭任 太平推官胡爾愷辨罪有旨壬午南關節濫行縉紳子弟幾於半榜公議沸騰何止周正儀一人爾愷已經薄處姑不究丁未劉孔昭請汰多官 劉澤清言清攻邳州推官沈冷堅守十四日乃退 尚寶丞耿章光辨父如杞勤王之禍上念其首倡可憫下部察議 楊維垣言張差瘋顛強坐為刺客者王之家也李可灼紅丸謂之行鳩者孫慎行也李選侍移宮造以垂簾之謗者楊運也劉鴻訓文震孟只圖快驅除異已其於君父何如也此要典一書重頒天下必不容緩也

戊申史可法上疏求退言衛胤文揭為一事權謂臣贅疣應去欲召臣使還臣討賊未效妄冀還朝臣雖至愚計不出此遭君父之變廢簡命之隆千難萬苦臣惟自甘上慰勉之 又言春秋即位初年必稱元年明人君之用也敬天法祖任賢使能節用愛人勤政講學惟皇上力行無斃將因元年至億萬年矣 安遠侯柳祚昌廕子入監 尚書黃道周侍郎梁雲構到任 兵科王之晉奏南陽為賊所踞家鄉難歸 鄭彩請全撥蘇州關稅作軍中用費上許其半 唐良懿為徽寧道龐承寵為湖廣布政使 給都督林翹誥命翹江浦人善星術馬士英在戊日卜其大用士英薦授中書半歲間遂躋一品武銜蟒玉趨事

巳酉御史黃耳鼎兼巡上下江 上林監丞賀儒修論管紹寧貪老陰奸詔不問 議修徐州城

庚戌贈張守道工部尚書廕子入監 劉應賓為太常卿王夢錫浙江按察使文士昂雲南右布政使 忻城伯趙之龍言章服違制上

是之令武臣自公侯伯而下非賜肩輿並避制騎馬坐蟒斗牛非奉賜麒麟白澤非勛爵不許僭用 御史劉光斗請鑒別大臣詔表類庸鈍者自行引退

辛亥戎政張國維給假歸李希沆代署 前參政陳堯言嘗任待詔侍幅恭王有舊勞下部寢之先貴陽楊師孔與陳同侍竟得贈禮部侍郎蓋士英密戚也

壬子蔭徐大綬子入監 吳希哲為工科 贈丘禾嘉右副都御史馮任右都御史各蔭子入監 監軍兵科衛胤文進兵部右侍郎總督高營兵餉經略開歸自高傑死所部疑懼胤文故傑鄉人朝議胤以羈縻之 少詹事吳偉業准假

二月甲寅朔工科李清請修先帝實錄并易廟號及定東宮二王諡責成嘉紹二府遴選淑女自太監田成入浙民間嫁娶幾盡久未

有人故有是命 戶尚書張有譽言酒稅可以助餉衙門既多靈役盜泉京城槽坊不過百餘既委府佐又責五城凡十一衙門豈成事體詔戒之 賀世壽游男賀王盛從賊事情下部 李沾奏辨心迹命確定前案

乙卯李喬為祖思誠辨雪逆案命復禮部尚書 贈鄧逢蘭太僕卿總督王永吉繳收初永吉鎮劍迹值變同吳三桂議約南下迨三

桂降清永吉踉蹌而南遷延日久遂繳前款 周府遂平王紹焜請往河南招集不許 汰世爵勳衛時東川侯勳衛胡家奴作橫兵部

言東川久已革襲又戚晚向無勳衛草創冒濫命清蓋之 覈北京錦衣衛官南奔寔蹟不許輕題 廢杜鏘太倉衛百戶 袁繼成報

鄭鎮重圍 刑科梁泰全獨已無完土 丙辰大學士蔡奕琛入直 王驥右副都御史巡撫湖廣 劉應賓

太常卿李清添註大理丞徐復陽御史 甘惟燦刑大忠雲南廣東各按察使譚振舉蘇松糧儲道田有年貴州驛傳道 各輸納富人授翰林待詔等官 嚴究司庫侵欺 諭桂王曰端 高起潛請開納銀贖罪之例上以納銀免死則富豪墨吏何所不至流罪以下或可贖下部酌議

丁巳太監王筆基條議京城緝捕方略 錢繼登周瑞豹各添註光祿尚寶少卿 陸懷玉福建按察使 楊維垣請卹三案被罪諸臣

胡世宗自稱越公八世孫求附助衛 戊午史可法請優卹高傑 蔭故輔朱國祚子入監 昭雪鑄案編

修吳孔嘉 贈許士柔詹事兼侍讀學士蔭子入監 行人朱統類許御史周燦命勿究 工科吳薦起被察官李永昌周之夔 安廬

撫程泰獲假弁王夢旭自稱藩府都司搶掠民商辱及關吏又有銅陵縣盜大船牌額上寫天子一家

已未阮大鍼陞兵部尚書佐部高倬刑部尚書吏部陳盟改左侍郎王志道右侍郎 吳本泰添註尚寶永關守箴廣西左布政使 太

監李國輔請往雲霧山開採命馳驛去 調浙江巡按彭遇慶於淮楊以淮楊按何綸移浙遇慶未進士避亂南渡首附馬士英誕說

濠浦授職方主事改御史身任募兵十萬或問餉安出曰搜括可辦也縱抵任即移家入杭縱奴強掠市錢撫臣張秉貞以聞士英以遇

颺邊才調用 庚申贈馮煊登太僕少卿鄒逢吉太僕丞 李長春添註太僕少卿

太監孫珍 蘇州七年欠餉六十四萬兩金花銀七萬兩 辛酉朱國弼請核勳臣世系無容倖襲命飭之天啓崇禎之際冒襲

最多惟有力者得之如王先通以王守仁異母弟之後刻孔昭之父

藍臣係劉尚忠出婢外生之子竟自奪嫡莫之敢問 顧元鏡為廣東嶺西道孫時偉浙江驛傳道 遣戶科倪嘉慶中書胡承善掣鹽於瓜儀加鹽課每引五分

壬戌杭州機匠疏稱舊撫潘汝禎遺澤難忘辨其建逆祠係前任事上以會稿甚明不允蓋汝禎事久有言其墮悞者

癸亥馬士英以京師水陸各營雜揉令造小印號色分別 高起潛奏分信築臺事宜 點用雲南貴州試官徐復儀林志遠等

甲子禮部管紹寧請諭皇太子曰獻愍永王曰悼定王曰哀時定王已沉於海皇太子方遜紹興上密令內使召之紹寧先定諭以示絕也 兵科戴英論陳洪範所請敘錄從行員役有何勞效濫予非宜

上是之 太常卿張元始請虔祀社稷 陸康稷改文選郎中 加沈廷揚參議 宮繼關曹燁廣東江西副使 葉紹顛太僕卿 考

選林有本沈應昌張利民韓接祖錢源徐方來莊則敬為給事中王錫哀劉勳夏繼虞郝錦王大捷畢十臣張兆熊王養郭貞一為御史

乙丑上始御經筵 阮大鍼請江上築堡助工命張亮程世昌嚴督州縣經營 中書陳熙自陳擁護有勞願與考選不許 故巡撫蔡

懋德之子為父求卹內批懋德縱賊渡河一死何賸不允 高傑妻邢氏求卹允之所部將士仍聽邢氏子高元簡統屬初米脂李自成

清湖高傑同穎自成掠邢氏嬖之屬傑護內營因私邢氏竊之而奔降于總督孫傳庭為其先鋒遂登列將當傑作賊時曾劫許定國卹

殺其一家惟定國逃免後定國同為列將秘而不言陽與傑好許以睢州讓之傑信而不疑遂赴其宴竟日定國衷甲于寢殺傑剖腹以

祭其先 戶部言兵餉日增有旨各督新兵十八萬一切舊兵應併銷入數內 都督楊振宗請裁冗糜之餉以供屯鑄 太監高起潛

請餉者於浙閩增派二十萬令孫元德催解軍前

丙寅靖江王亨嘉表賀登極因奏全永連三州皆為土賊所據撫按匿不以聞 兵部右侍郎徐人龍罷 諭祭兵部尚書張希武

丁卯史可法請設提督以李本身為之有旨與平有子朕豈忍以兵馬信地遽授他人前者伊妻統轄衛胤文料理何必又立提督 黃

得功嘗與高傑爭揚州而闕至是欲向揚州紆念馬士英奏之上諭大臣當先國事而後私憾得功若向揚州致高營兵將葉信東顧狡

虜乘隙渡河罪將誰任諸藩當恪守臣節不得任意 史可法言當日建置四藩恢復難期而軍資最乏在淮楊有稅可權而慮風則否

得功良佐有徧苦之嗟也臣每歲餉銀有本折六十萬數內五萬養徐州兵一萬五千養泗州兵官兵間有犒賞議將淮楊兩關歲徵臣

與得功良佐三股均分此時北道不通每季不過五千若能守住江北則稅歸朝廷否則地且難存何從權稅 諭都督牟文綬久住江

上大肆騷擾戶部所欠之餉何不速發坐視流毒即徵鹽抵補催兵起行 御史鄭瑜劾前總督朱大典侵贓百萬上謂大典創立軍府

所養士馬豈容枵腹餓幾何不必妄訐 命袁劣在京諸臣俱著自陳 御史張孫振劾在告尚書顧錫疇險邪有玷秩宗以其請削

溫體仁而諡文震孟也命錫疇致仕震孟體仁確議 賜罪誅內官劉元斌王裕民祭葬蔭子錦衣指揮使 舊府尉役各授百戶 姚

思孝沈胤培大理左右少卿 廕方孝孺裔孫五經博士 茂辰史可法奏擒巨賊程繼孔 又奏左茂第抗節清廷 劉澤清

黃得功劉良佐合奏高傑從無寸功驕橫淫殺上天默除大患史可法欲其子承襲又欲李本身為提督是何肺腸倘悞聽之臣等實不能相安矣 常沈嗣上饒王

已論部捐助原聽民樂輸抄沒乃朝廷偶行豈乃民獻媚報讎之事宗藩勛戚武臣須敬禮士夫與地方相安不得聽奸人撥置非法罔利 禮部屬官賀儒修詰奏部堂管紹寧貪穢實跡詔勿問 復李嗣京御史 丁允元吳志儒禮刑科

庚午論史可法卿已歸 諭黃得功等各歸信地何必與寡婦孤兒爭構河上防禦責成 予衛胤文料理 諭吏部吏貪民困全由撫按焚賄林贊李竹熊互訐事情延閣已經十月虛實應與立剖何必復行外勘以滋 予罪謫尚書劉榮嗣昭雪 予逆案徐景濂卹典 予蘇松殉節王鍾彥宋文顯施溥祭葬 太常卿張元始請改皇考諡號 張縉彥報清敗于陝州許定國東還劉家城 辛未馬士英請免朱一馮籍產 逆案楊維垣起用補通政使 獎

盧九德營糧就緒 陳洪範報清於正月初六發兵往清口又調登州天津船沿海巡邏平度州望高山有土賊作亂燒萊州西關清兵往勦不服清號許王者兵數萬屯青州 張縉彥奏秋白二賊流蔓汝固間臣委李鼎招安鎮臣王之綱以爭地之故激陷主帥乃閉門自守縱兵劫殺臣以為之綱宜坐鎮內地安享溫飽蕪湖卜從善恩威久著河北有飛將之號調使恢復則督撫有臂指之便 兵科戴

英劾奏陳洪範使清無功正使左茂第身陷異域下役群聚晉爵使奴聞之所聞然竊笑者也 壬申蔡奕琛進尚書文淵閣 起朱大典吳光 應昌戶兵工部

各左侍郎陳洪謚太僕少卿 侍郎錢謙益請開局修史不允 獎劉廷元保全慈孝有功特予優卹 王驥驚聞滇信辭任不許

癸酉令劉良佐駐歸德 馬士英請祝中書唐允甲 李維樾為兵科 保國公朱國弼劾舊撫路振飛賊信日逼先縱獄囚天潢游

至兵拒河上皇上扁舟不納入城且云鳳陽有天子氣偽官武備係進學門生代為貨緣乞救法司逮治章下部院 存問大學士錢士升廕其孫燾入監 兵侍郎練國事罷 欽天監正楊邦慶奏近來日月色甚赤上問是何分野何無占候其訪術者舉用 張亮請立鹽稅局於皖城不允

甲戌先帝諡號改用毅宗烈皇帝 王鐸六懇告歸 乙亥御史袁道論樞擊紅丸移宮三案因摘吳姓鄭三俊并言管紹寧不亟蒐要與袁繼成公然怙逆宜並行究治詔勿問 左良玉奏要典治亂大關有旨此係朕家事不必疑揣 諭阮大鍼江上好人出沒亂兵縱橫以致商旅梗塞不可不嚴備 太監孫元德搜覈常州府欠金花銀九萬五千積欠三餉至三十三萬命勒限嚴征

丙子蘇松按周元泰言川竭可虞劉家河係七郡利害急宜開濬 又奏楊枝起宋學顯楊汝成宋之繩曹谷朱積翁元益既受偽官豈容倖漏命法司提問 衛胤文奏柳城土寨金高自築土城集勇壯不受偽官乞授以副總兵職 命禮部廣選淑女 葛令馨考功郎中武清稽勳主事陳瑞大理寺副 何楷進錢式命以六斤四兩為準

丁丑張承志襲惠安伯 來方燁添註太僕少卿吳适兵科右 吏科馬嘉植轉嶺西道御史沈荃蘇松兵備御史高允茲湖西道文選

至事余颺廣東水利道 顧起元諡文莊 戶科熊維典奏四府逋欠三年內三百三十一萬八千五百皆屬應徵又已徵不解九十五萬六千有奇 又奏正項輒借支贖緩侵那獎數至批詳纒下提差

已至撫按身先不法何以別蠹蒼奸 又奏松江內庫侵匿至 萬三百餘兩 戶科王奏守令失職賦額不清私派朦朧火耗太虐

戊寅賞督李若星奏以兵勤王諭止之如已到嘗德即留隸何騰蛟
戶科熊維典察覈嘉定漕折吏胥侵匿至五萬兩 管紹寧私寓
失去部印 予逆案徐大化卹典

已卯奉安御容於武英殿 太監田成選到淑女程氏上命再選二
女充數 吏部恭報剪除群賊加馬士英太保王鐸少傅

庚辰朱國弼請治郭維經庇逆 盧九德等九員加級

辛巳劉孔昭言逆案盡翻似濫 大興伯鄒存義請家提學公署

壬午馬士英殉節紹寧之私請更鑄各衙門印去南京字其舊印悉
行繳入 進都督趙民懷太子太保蔭子世錦衣百戶 陸朗吳希

哲為戶工科左 劉孔昭請益操江書役俸糧 吳希哲奏都城五
方雜處假宗冒戚偽助奸弁橫行不道虐民厲商有旨嚴緝

癸未起熊化太僕少卿水佳胤尚寶司丞皆添註 兵郎李向中嘉

湖道 太監李國輔請考成久欠大庖府縣官

三月甲申朔皇太子至自金華從石城門入送止興善寺蓋東宮舊
豎李繼周密奉御札迎之至也先是吳三桂擁太子離永平檄中外

臣民將奉入京即位至榆河陰逸之民間使人導入皇姑寺太監高
起潛奔西山太子自請之遂同至天津浮海而南八月抵淮上聞定

王之沉懼弗敢留前止揚州起潛訪的中朝之旨欲加弑害其族序
班高夢箕義不可挾之渡江因栖於蘇復轉於杭太子不堪羈旅漸

露貴倨之色于元夕觀燈浩歎遂為路人所竊指夢箕懼禍及已乃
赴京密奏并密啓於士英于是遣內豎持御札召之初至止石城門

外上復使二豎覘之二豎抱足大慟見天寒衣薄各解衣以進及報
命上弗善也後掠二豎俱死繼周亦賜酖死都人初聞晉宮至踴躍

趨謁文武官投誠名者絡繹不絕最後督營太監盧九德至禮倨太子

呼名呵之盧不覺叩頭曰奴無禮太子曰汝隔幾時肥胖至此可見
在南受用盧復叩頭曰小俞係重敵諫辭出隨戒營卒圍守寺門尋
傳旨諭文武官不許私謁中夜移太子入大內 上受朝畢始御日
講 史可法上言泗州鎮將李世春廉而有威一病遽亡其弟遇春
隊伍精嚴地方相安奉旨用代矣黃得功堅逐浦口將張天福部議
改天福於泗鎮高營各將以泗州為其分地天福若來恐難相安比
伊兄張天祿遷家屬至總兵卜從善扼之於泊所奪其馬騾家眷驚
落水中乞救部仍用遇春其天福另用上如其言 命高起潛安撫
楊州 御史徐復陽訐吏部以文德翼夏允彝匿喪陞補上切責之
逆案楊所修子為父雪罪允之 刑部郎申繼揆請嚴責光先
抗提

乙酉楊維垣陞左副都御史時語曰馬劉張楊國勢速亡 御史袁
請起罪廢諸人論史蔭陳啓新張文郁不准 福府舊役乞恩者百
餘人 吏科張希夏陞太常少卿

丙戌馬士英請以太子及從行二人俱下中城兵馬司獄遂前高成
穆虎 錢謙益進尚書兼翰林學士 陳燕翼楊兆申為禮工科右

夜更餘肩輿送太子入中城獄時已醉獄中有大圈椅坐其上即
驅去黎明副兵馬侍側太子誰何之以官對太子曰汝去我職未足

良久問兵馬曰汝何以不去兵馬曰應在此伺候又問此何地曰公
所又問紛紛來去者何曰道路人問何故皆藍縷兵馬未及答太子

曰我知之兵馬以錢一串寘几上曰恐爺要用太子命撤去兵馬曰
恐要買物太子頷之令掠之壁間曰你自去頃之校尉四人至前曰

伏侍爺的太子指壁邊錢曰持去買香燭來餘錢可四人分之香燭
至即問南北向再拜大呼太祖高皇帝皇帝考皇帝復再叩首號哭數

呼名呵之盧不覺叩頭曰奴無禮太子曰汝隔幾時肥胖至此可見
在南受用盧復叩頭曰小俞係重敵諫辭出隨戒營卒圍守寺門尋
傳旨諭文武官不許私謁中夜移太子入大內 上受朝畢始御日
講 史可法上言泗州鎮將李世春廉而有威一病遽亡其弟遇春
隊伍精嚴地方相安奉旨用代矣黃得功堅逐浦口將張天福部議
改天福於泗鎮高營各將以泗州為其分地天福若來恐難相安比
伊兄張天祿遷家屬至總兵卜從善扼之於泊所奪其馬騾家眷驚
落水中乞救部仍用遇春其天福另用上如其言 命高起潛安撫
楊州 御史徐復陽訐吏部以文德翼夏允彝匿喪陞補上切責之
逆案楊所修子為父雪罪允之 刑部郎申繼揆請嚴責光先
抗提

聲淚就坐飲泣不已滿獄為之悽然

丁亥吏尚書張捷奏故輔溫體仁清執忠謹當復文忠之諡顧錫嘯以私憾議削文震孟宜改諡上命溫允復文免議

戊子兵科戴英奏王之明假冒太子請多官會審先是楊維垣賜言於眾曰駙馬王昺姪孫王之明貌甚類太子英即襲其言入奏四川督輔王應熊上言蜀境西北接漢中東北接鄖東抵夷陵西南由建昌通雲南東南由遵義通貴州今寇踞成都蜀人殆無子遺議者謂李賊在陝獻忠必不北向然李賊自七月入蜀虛囑保寧順慶之吏民而制之一旦為獻忠所驅則獻忠之無顧畏可見矣川陝總督宜提兵復保寧牽賊北顧臣得合滇黔之力以搗其空賊若不南不北則仍趨巫夔未可料也廣西郎陽許臣節制而緩急可以呼應臣名總督四省而兵止于黔餉止于滇不幾輕視巨寇乎有旨命楚鄖

貴廣悉聽督輔節制

己丑會審太子於大明門外上先召中允劉正宗李景濂入武英殿諭之曰太子若真將何容朕卿等舊講官宜細認的正宗曰恐太子未能來此臣當以事窮之使無遁辭上悅群臣先後至獻所太子東向跪坐人尚不敢以囚待之一官寔禁城圍于前問之曰此北京宮殿也指承華宮曰此我所居指坤寧宮曰此我娘娘所居一官前問公主今何在曰不知想已死矣一官問公主同宮女早叩周國舅門太子曰同宮女叩國舅門者我也劉正宗前曰我是講官汝識否太子一視不應問以講所曰文華殿問做書曰詩句問寫幾行曰寫畢正宗更多其辭以折之太子笑而不應曰汝以為偽即偽可耳諸臣無可如何仍以肩輿送入中城正宗遂奏眉目全不相似所言講所做書悉悞時內侍皆謂非妄以東宮足胥異于常形每胥則雙莫之

能誣也特劫於上威莫敢相剖至以柄臣和以講幄如出一口中外悲之兵科戴英奏王之明偽假太子質以先帝曾攜之中左門而不答問以嘉定伯姓名而不答其偽無疑然稚年何能辨此必有大奸人挾為奇貨務在根究宜敕法司嚴之

庚寅有內官以密疏勸上令盧九德持至馬士英寓商之士英具疏答云臣病在寓皇上令監臣以密疏示臣臣細閱之其言雖似而疑處甚多既為東宮幸脫虎口不即到官說明却走紹興可疑一也東宮厚質疑重此人機辨百出二可疑也公至現眷周奎家而云已死三可疑也左茂第在北北中亦有假太子事茂第密書貽蔡奕琛今奕琛抄騰進覽是太子不死于賊即死于虜矣原日講官方拱乾在蘇州容密諭來京辨之如其假冒當付法司與臣民共見而棄之如真東宮則祈取入深宮留養別院不可分封於外以啓奸人之心

河南按凌駟馬上遞報清三路並進一枝已趨汝寧

左良玉報

李自成敗奔襄陽劉良佐報李自成整兵東下刑部嚴訊穆虎高成五毒備至誓死不承假冒穆虎云我家主是忠臣直言奏聞一字非謬我等何得畏死背義法司氣奪高夢箕復上書自明并逮治之

辛卯復會審太子于午門時方拱乾在刑部獄是晨張捷坐刑尚書高倬家以名帖召之至捷曰先生恭喜此番不惟釋罪且可以不次超擢全在先生一言耳拱乾唯唯既詣門百官集定各役喝太子跪太子仍前面西蹲踞眾簇拱乾前太子一見即云方先生在拱乾懼即退入人後不敢復前亦不敢言真偽張孫振曰汝是王之明太子曰我南來從不曾自己說是太子你等不認罷了何必坐改名姓又曰李繼周持皇伯諭帖來召我非我自來者又曰你等不常立皇

之朝乎何一旦蒙面至此眾官竊竊有疑者有莫之敢決最後
王鐸前曰干假萬假總是一假是我一人承任不必再審叱送還獄
應天府官蔡某自朝審出人問云何蔡云即非真太子亦是久熟內
朝事者旁一官云汝此言明日便當棄官矣自後朝臣不復有敢稱
太子者京中謠曰若辨太子詐射人先射馬若要太子強擒賊須擒
王 劉澤深自陳棄家南奔予註鴻臚卿 右都唐世濟到任
壬辰中允李景濂奏云太子的係假冒閣臣王鐸再加質問使之供
吐姓名 都察院粘示通衢王之明假冒太子 馬士英自列誅盜
程繼孔之功 又奏李天培等各錦衣指揮世襲 耿廷錄巡撫四
川朱之臣添註兵部左侍郎劉應賓通政使吳希哲吏科都 汝寧
鎮將劉洪起以無餉撤兵還楚 工科楊兆升奏江南有司既徵本
色在倉不肯還民重新又徵漕折

癸巳禮部請卹甲申殉難諸臣有旨閣部大僚謀國無能致茲顛覆
雖殉節堪憐贈卹已渥先帝斬焉不永諸臣延世加恩臣誼何安通
著另議劉理順成德准廢子入監 戶尚書張有譽請于文武廢祿
外各加公費不許 加鄭芝龍太子太保其弟及將士二十人各陞
授 御史郝奏各鎮分隊於邨落打糧澤清尤狠掃蕩民舍幾盡
又奏買官私賂量出剩餘助公以佐民急時買官者大縣多至二十
餘家少亦有數家然止兩殿中書及改貢各有事例其職方待詔監
紀追廢起廢皆向權門投納故郝言之 錦衣衛請添旂役
甲午李守貞廢都督同知 停八九品官移封及接納符詔等官
乙未史可法自劾師久無功 馬士英請廢內官三人各錦衣千戶
世襲 阮大鍼薦馬錫充總兵仍蒞京營錫即士英長子以白衣徑
任 張捷言左茂第抗節辱廷請優其母兄并馬紹愉家屬 左會

都郭維經告病去江中遭寇甚慘人皆惜之 御史黃言解學能執
法大臣受賄黨逆如光時亨周鍾方允昌項煜陳名夏議緩議贖豈
古者三宥八議之道進於此者張縉彥俛首賊吏延喘偷生皇上重
以制鉞優游數月不恢復寸土高傑之變單騎逃避乞付法司治以
棄地悞國之罪詔勿問

丙申故妃童氏自越其傑所解至命付錦衣衛監候初上為郡王娶
妃黃氏早逝既為世子繼妃李氏洛陽之變又亡嗣王之歲即封童
氏為妃曾生一子不育已而遭亂播遷各不相顧及棄潘南奔太妃
與妃各依人自活太妃之南陳潛夫奏妃故在上弗召至是自詣其
傑所采上弗善也氏在獄細書入宮日月相離情事甚悉求馮可宗
達上上棄去弗視 盧撫張亮飛報闖賊分股南來求解職放歸
賀世壽曹勳回籍

丁酉起罪廢陳于鼎掌翰林院 張捷奏嘉靖間侍郎瞿景淳補廢
李若澤加 品服李乾德加一級于元燁八人紀錄 李希沆
部左侍郎 黃得功上言東宮未必假冒各官逢迎不知的係何人
辨明何人定為奸偽先帝之子即皇上之子未有不明不白混然雷
同將人臣之義謂何恐在廷諸臣諂徇者多抗顏者少即明白認識
者亦不敢出頭取禍矣有旨王之明假冒來歷係親口供吐有何違
迎不必懸揣過慮 戶部張有譽奏兵三千先解五萬兩運至九
江交表繼咸送去 又奏浙省銀十二萬閩省銀八萬解至高起潛
軍前開銷 諭刑部穆虎若非奸人豈敢挾王之明冒認東宮正月
二月所成何局往閩往楚欲幹何事豈高夢箕一人所辦主使附逆
實繁有徒著法司窮治蓋士英意在姜黃輩也
戊戌復會審太子于朝左都李沾先令校尉私戒太子須直言某其

李益等利害恐欲動刑將入朝門尉復叮嚀勿忘及審太子仍無一言李沾呼王之明不應喝問何不應太子曰何不呼明之王沾喝復好言問之太子曰汝教校尉囑我校尉自能言之何必我言前日追我何處追者自知何必問我高倬見其言切急令扶出將出朝舊東宮伴讀丘致中捧持大慟上聞即命擒下鎮撫司嚴訊有題詩於皇城云百神護蹕賊中來會見前星閉復開海上扶蘇原未死獄中病已又奚猜安危定自關宗社忠義何曾到鼎台烈烈大行何處過普天空向棘園哀

己亥皇考改諡孝皇帝 黃斌卿為征蠻將軍廣西總兵 馮可宗即訊高夢箕夢箕列自北來歷甚詳並無假冒欺隱可宗曰上意已定此詞如何入招又曰汝固忠義今日且少依違夢箕誓死不肯爰

書久之未定刑科錢增上疏催促可宗請併歸刑部 可宗奏衛役詐偽盛行京城百里內雞犬無存且僉書官人入准狀民間細事動至傾家 批兵科時敏疏屯田未有寸效何得濫請多官

庚子張捷請成國公朱純臣照張輔例贈王允之純臣開門延賊又首勸進為賊聲罪所誅不知捷何以為詞也 劉良佐報清騎漸逼江北命黃得功移鎮廬州與良佐合勦

辛丑史可法奏王佐冒險歸徐請留營中以備咨謀 加劉洪起太子少保 程世昌太常卿 御史陳言愚民觀聽易惑道路藉藉皆以諸臣有意傾先帝之血胤有旨王之明好生護養勿輕加刑以招民謗 命禮科陳燕翼行人韓元勛冊封琉球國王

壬寅鄒之麟左僉都御史協院羅汝元刑部右侍郎蔣鳴玉刑科右劉澤清奏李明燾陳名夏浮海來歸 清兵在苑家寨總兵王之

綱邀巡按凌駟南避駟不肯 甲辰封黃九鼎維中伯其弟金鼎都督同知 許定國前哨抵歸德王之綱退屯宿州

乙巳清豫王入歸德凌駟服毒不死豫王禮遇之駟遣姪潤生間道賫救書繳上 黔將包琳為其下所殺 殿工落成加恩史可法馬士英王鐸高弘圖姜曰廣管紹寧朱之臣程註高倬劉士禎何應瑞

陳盟曹勛葛寅亮各加官惟顧錫疇不許敘 黃希憲以擅棄封疆遣戍 劉孔昭請存問于仕廉 祭興宗陵惠宗及諸王附丙午朱大典尚書提督上江 劉良佐言王之明童氏兩案未協與

論懇求由全兩朝彝倫有旨童氏妖婦冒朕結髮據供係某陵王宮人尚未悉真偽王之明係駙馬王嵩姪孫避難南來與高夢箕家人穆虎沿途仰睨日認東宮妄圖不軌正在嚴究朕于先帝素無嫌怨

不得已從群臣之請勉承重寄豈有利天下之心毒害其血胤舉朝文武誰非先帝舊臣誰不如卿肯昧心至此法司官即將兩案刊布以息群疑 兵科戴英訟故罪輔薛國觀之冤林崇業有聲林棟諸

臣上是之下部議復 敘內臣殿工功韓贊周盧九德等三十五人賞賚有差 清封許定國平南侯 張天福請于史可法回揚安頓家口留防之兵遂離象山幾至瓦解

丁未方國安佩鎮南將軍印 張有譽酌議賣官贖罪納銀事例 已酉劉良佐奏荊州失陷 錢繼登僉都御史總理兩淮鹽法 庚戌登萊巡撫王滌繳納款印 清兵向徐州總兵李成棟登舟南

逃 辛亥贈故輔李標少傅 王國賓太常卿提督四夷館 左良玉疏請保全東宮以安臣民之心謂東宮之來吳三桂實有符驗史可法

明知之而不敢言此豈大臣之道滿朝諸臣但知逢君不惜大體前者李賊逆亂尚錫王封不忍遽加刑害何至一家反視為讎明知窮究竝無別情必欲轉轉誅求遂使皇上忘屋烏之德臣下絕委裘之義普天同怨皇上獨與二三奸臣保守天下無是理也親親而仁民願皇上省之有旨東宮果真當不失王封但王之明被穆虎使冒太子正在根究奸黨其吳三桂史可法等語尤係訛傳法司將審明略節先諭該藩

壬子進李本身太子少保左都督 蔭左良玉子世錦衣指揮使 清陷潁州太和劉良佐檄各路兵防壽州

四月癸丑朔頒各官新印 史可法北征疏云臣受命督師無日以討賊為念而人情難協事局紛更睢州大變之後又有維揚之構外侮未禦內憂方深擁節制之虛名負封疆之大罪臣竊自悲也先是提督之命未下高營將士凶凶臣不得不容之以鎮靜本月廿三日臣議調兵北上而李本身患癰未起今不得已先將鎮臣胡茂貞進發矣 王永吉報清已過河自歸德以達象山七八百里無一兵防守楊泗邳徐勢同鼎沸 黔兵殺掠徽境徽人汪爵率眾禦之殺其兇首數人詔擒爵抵罪御史黃耳鼎請赦不允 詹有極混入宮門穢言辱罵著打一百 侍郎何楷奏鎮疏東宮甚明有旨此疏豈可流傳必非鎮臣之意令提塘官立行追毀敢有鼓煽者兵部立擒正法 凌駟自縊於清館

甲寅罷練湖屯兵太監高起潛 湖撫何騰蛟請解任不允 又疏太子到南何人奏聞何人物色取召至京馬士英何以獨知其偽既

自闕天下萬世是非有旨王之明白供甚明百官士民萬目昭然不日即將口詞章疏刊行何騰蛟不必滋擾 江督袁繼咸疏大案真偽自明太子居移氣養必非外間兒童所能假襲王昺原係富族高陽未聞屠害豈無父兄群從何事隻身流轉到南既走紹興於朝廷有何關係遣人踪跡召來詐冒從何因起望陛下勿信偏詞使一人此向隅之恨則宇宙享蕩平之福矣有旨王之明不刑自認高夢箕穆虎合口輸情朕正期天下共見至公不欲轉滋異議諸臣無端過疑何視朕太薄視廷臣太淺袁繼咸身為大臣不得過聽訛言別生臆揣

乙卯馬士英告退慰留之 左良玉反兵東下請除君側之惡移檄遠近討馬士英略云馬士英者蠻獠無知貪狼悖義挾異人為奇貨私嫖毒以種姦欺蝦蟆之不聞恣鹿馬以任意不難屠滅皇宗遂敢刑戮太子效胡滌之名訪過既不使之逃于荒野踵錢寧之即訊大千又不容其斃于深宮群小羅織比燕啄而已深中犴幽囚視雀探而更慘幸沾威栲何如崔季舒毆拳王鐸喝招有甚朱友恭謗

先帝不足復留種既沉其弟又滅其兄將小朝自有一番人既刑其臣并剪其主嗟乎安全藏之不作丙定侯之已亡附會成誰誰敢曰吾君之子依違欲了咸稱曰的係他人臨江之當乳虎是可忍也子與之遇毒蟒尚何言哉其受恩故主爵丞通侯寧無食蓋之思詎忘結艸之報願同義士共討天仇嚴虎豹之亟驅風雲氣鬱鬱之必逐日月光昭郡塲豐盈應有燃臍之禍漸臺高擁難逃切舌之災檄下遠近傳播惟京中噤口 丙辰遣內官守十三門禁各官家眷不許出城 徐允爵嗣魏公憲安伯張養志論選郎陸康稷貪污詔勿問 御史畢十臣言孟夏

享太廟文武班宴不至陪祀命戒其後 清兵分路至亳州碭山
丁巳允張捷奏表章附鄭戚諸臣劉廷元呂純如王德完黃克讚王
永光楊所修章光岳徐大化范濟世各論廢祭葬徐揚先劉廷宣許
鼎臣岳駿聲徐卿伯姜麟各贈官祭葬王紹徽徐兆魁喬應甲陸澄
源各復原官 左兵入九江安慶至於建德
戊午梁雲構李喬皆兵部右侍郎 諭襄衛伯常應俊朕藩邸事宜
卿所詳童氏生有皇嗣絕無影響 馮可宗辭審童氏著太監屈尚
忠會同嚴審 逮前巡按陳潛夫于家
巳未祁逢吉總督倉場侍郎王驥加侍郎仍巡撫周宗文光祿少卿
劉呈瑞御史 兵科錢泰警報日至劉澤清劉良佐退兵近郊 百
姓王詔奏鎮兵避清南遷占奪民房民物 以童氏獄詞所連于史
可法營中逮庶吉士吳爾璵及中軍孫秀 御史表請追究三案諸
臣得罪幸寧太后先莊妃者 左兵入東流
庚申史可法三報緊急上諭上游急則赴上游北兵急則禦北自是
長策 馬士英自出五千金委黃金鍾招募健卒即補府同知 士
英薦白衣李毓新知兵即補職方主事 衛胤文以緊急辭任
辛酉決光時亨周鍾武棟于市周鍾雷演祥勒令自盡 清兵至穎
州南將降者逃者相半 路振飛自明守淮有功朱國弼復論之有
行慰國弼資振飛 王時敏起太常少卿 李鴻請聽民搬運柴米
入京 梁雲構請召劉澤清黃得功將兵入衛 黃斌卿請留駐防
諭吏科上游告警廟算巳周何必張皇 錢謙益奏選到淑女著
于十五日進元輝殿
壬戌徐邵告急令衛胤文李本身督兵駐泗州 王永吉奏徐碭真
勝無多皆係許定國叛兵 御史何請禁四六文章并坊間社草

癸亥馬士英奏順清並急請急征皖餉 戶部奏催各府兵練餉
在貢院選淑女七十人中選阮姓一人於田成太監浙中五人選王
姓一人周書辦自獻女一人俱進皇城內
甲子劉澤清黃得功兵各離淮上南行 戶部請催徽寧等府預征
來年之銀 劉澤清陳文武考察舊例不許借題羅織驅除異已
皇親黃九鼎言皇親滿街作橫請查核之
乙丑御史張兆熊奏偽太子一案謗議遍處沸騰上命即將口詞章
疏連夜速刻印付詔使逐郡宣布
丙寅劉澤清劉良佐各請將兵入衛諭以防邊為急 黃得功兵至
江上著于荻巷三山暫駐有警進前
丁卯馬士英言水陸諸軍必直抵湖口與九江安慶呼吸相通乃知
上游消息即催阮大鍼朱大典督諸軍前登不得稽延 劉洪起奏
清乘勢南下無人敢遏恐為南京之憂 太監屈尚忠奏催大禮措
辦著部火速那借 馬士英言開洋之船每隻或二百三百金設太
監給批放行於崇明等處起稅如臨清關例 王永吉奏徐鎮孤危
援絕勢不能存乞赦史可法衛胤文共保徐州方可保全江北
戊辰袁繼威奏左良玉舉兵東下請赦太子以遏止之有旨王之明
的係假冒如果先帝遺體朕豈無慈愛人臣何即稱兵犯闕繼威身
為大臣兼擁兵眾如何說不能堵止 從潞王于湖州王初至杭適
海寧百姓群訐編修陳之遴于兩臺王得其揭偶向監司言之之遴
懼及補官同御史彭遇慶召對方言舊大臣意立潞王幸馬士英遠
眾獨立今杭城省會非所宜居恐有密圖者乃有湖州之命 桂王
子安仁永明二王召赴近畿居住
巳巳史可法恭請召見面言東宮處分以息群議有旨西警方急卿

專心料理待奏凱後見、可法又奏清騎分路南下鎮將平日擁兵糜餉有警一無足恃 又奏李成棟避敵棄地南奔、馬士英奏上江大捷賞劉孔昭朱大典黃得功阮大鍼黃斌卿黃蜚鄭彩方國安趙民懷鄭鴻逵卜從善杜弘域張鵬翼楊振宗銀幣

庚午王永吉改總河兼督淮安鳳廬錢繼登兼撫揚州田仰撤回另用衛胤文事定再議 浙按何倫束裝赴任著門軍放行 太僕丞張如惠丁憂出都著留其備資充餉

辛未范鳳翼光祿少卿黃國琦試兵科 御史劉奏緝奸嚴密下役四出擾害 命申紹芳親至浙直催餉 德清縣大荒之後一縣民逃亡殆盡實征銀三萬三千兩著有司那借

壬申命參政馬鳴鑾駐江陰副使印司奇住京口楊文驄專監鎮軍凡逃軍南渡用砲打回不許過江一步 王永吉奏徐棄萬分可惜

乞救劉澤清固守淮安勿托勤王移鎮 命差風力科臣督催江南賦役全書、令乙榜廩生輸銀准貢 高起潛言闖賊尾後我兵擊前左黨窮感自當授首不煩過慮 史可法言今日江北有四藩有督師有撫按有屯撫有總督不為不多矣慮竄竄至曾何益毫末哉

臣近至揚州一時集于城內者有總督有提督有鹽科酬應繁雜府縣皆病今又添鹽監鹽督人人可以剝商商本盡虧新征不已利歸豪猾不足之害朝廷實自受之 前山東提督翁鴻業之子求父褒卹下部察奏國亡後鴻業尚存踰年乃沒

癸酉劉澤清大掠淮安席捲輜重西奔 兵科吳廷勳奏方國安卑文綬下旨切責云左良玉稱兵犯順連破九江安慶國安文綬方在勦逆吳廷勳為逆臣出脫是何肺腸尋即逮廷勳下獄

甲戌清帥渡淮如入無人之境是晚猝至揚州新城破之悉屠其民

史可法在舊城清帥檄云若好讓城不戮一人也史不為動

丁丑清帥詐稱黃蜚兵到可法縋人下城詢之云蜚有兵三千可留二千于外放一千入城可法信之時敵在東門約以西門入及進而屠戮甚慘可法立城上見之即拔劔自刎左右持救乃同總兵劉肇基縋城潛舟去或云引四騎出北門而逃沒于亂軍或云敵盡銳攻北門可法震大砲擊之死者甚眾再震而兵愈聚敵氣益銳已破西門入矣擁可法見豫王長揖正言不屈遂遇害

戊寅上視朝畢對群臣問遷都禮部錢謙益力言不可乃退自左兵檄至上日怨士英強之稱帝因謀所以自全士英請潛召黔兵入衛

辦走貴陽是日黔兵一千二百至今駐雞鳴山踐踏僧房殆遍每夜撥二百名守私宅 賜皇親常應俊鄒尚義金幣

巳卯龍潭驛探馬至報云敵編木為筏乘風而下又一報云江中一砲京口城去四塚最後楊文驄令箭至云江中有數筏疑是敵兵因架砲城下火從後發震倒頽城半塚早發三砲江筏粉碎矣士英將前報二人細責而重賞楊使自是報警寂然

庚辰召對上下寂無一言良久上云外人皆言朕欲出去王鐸云此語從何得來上指一小奄鐸正色語奄云外間話不可傳的鐸因請講期上曰且過端午 馬士英發黔兵六百赴楊文驄軍中

五月壬午朔張捷率百官進賀捷表時維楊信絕左兵停留不下阮大鍼劉孔昭虛報捷音以愚都人耳目也 有書聯于東西長安門柱云福人沉醉未醒全憑馬上胡謔幕府凱歌已休猶聽阮中曲變又云福運告終只看盧前馬後崇基盡毀何勞東捷西沾又云三胞翻世界七煞捲地掃東林一馬踏江南四鎮擎天歸北幕

癸未遣京營兵二百迎黃得功移守坂子磯

甲申馬士英過清議堂召百官無一人至士英怒罷歸命惠王移居紹興點用陳之遴戴英主試福建

丙戌百官進賀上以串戲忙不視朝黃得功與左兵屢戰身中二矢捷聞詔封靖國公遣大監王肇基勞之并進阮大猷外大典並太子太保總兵張杰馬得功鄭彩黃蜚並加三級副將而下各進一級仍予錦衣世蔭

丁亥有二騎從金川門入馬士英家午報劉澤清屯兵浦口午後馬士英入大內與韓盧二監商議傳令各門下開辰開申閉

戊子集百官清議堂議事預坐者十六人馬士英王鐸蔡奕琛陳于鼎張捷陳盟張有譽錢謙益李喬李沾唐世濟楊維垣秦鏞張孫振錢增趙之龍各竊竊語百官集者甚眾皆不得與出而散李喬唐世濟齊聲相和曰便降志辱身也說不得了散後有叩請大僚者皆云虜信雖急如今不妨了盡所商議請之龍納款于清也楊文聰為右僉都巡撫蘇松常鎮揚五府節務遠封靖虜伯世襲賜蟒衣金幣將士各進二級金五十幣一百分賞遣太監盧九德勞之

己丑發黔兵六百守陵門禁益嚴清兵駐瓜洲排列江岸鄭彩鄭鴻達兵船到江中黃斌卿楊文聰兵列南岸隔江互發砲聲相應如相戲賽者已三日矣

庚寅晨清兵開開放舟蔽江而南各揚帆東遁江南之師皆潰武弁各卸甲鼠竄巡撫霍達方整出衙未至江邊即復復易服雜下役中竊逃附小舟潛入蘇州城復入丹陽燒劫南無雞犬一空黔兵之從楊文聰者存二百五十人奔還南京傳言敵已下江京口無備都人大震

辛卯晨傳旨三淑女在經殿者放還母家縉紳家眷不許出城

後喚集梨園子弟入大內演戲上與韓贊周屈尚忠田成等雜坐酣飲二鼓後上將太后一妃與內官多人跨馬從通濟門走出文武官無一人知者遺下官娥女優五六十人雜沓于西華門內外得隨一人拉去為幸

士辰黎明錢謙益肩輿過馬士英家門庭紛然良久士英出小帽掛鞋上馬衣向錢一拱手云詫異詫異我有老母不得隨君殉國矣自上馬去後隨婦女多人皆馬上粧束家丁百餘人出城至津陵詭裝其母為太后召守陵黔兵自衛黔兵亦半逃百姓亂擁入內宮搶掠御用物件遺落滿街文武一時隱匿洗去門上封示男女泉湧出城有出而復返少間戎政趙之龍出示安民有此士已致大清國大帥之語午時百姓千餘人擒王鐸到中城獄認太子先于獄中管鐸呼云非于我皆馬士英所使群毆鐸鬚髮俱盡太子亟止之命

禁中城百姓擁太子上馬入西華門至武英殿又擁至西宮尚未柳沐取戲箱中翊善冠戴首于武英殿登坐群呼萬歲兩月天氣陰霾悽慘日色罕見是日天清日朗眾心開悅各部寺署官見者俱行四拜禮大僚亦間有至者黔兵自江上隨尹帥還雞鳴山者先至一百九十人隨士英出後至六十人無所歸劫行城中司城方勇巡警竟夜乃不敢肆有潛藏者有逃出城者民盡殺之無一人存

癸巳城內柵門盤詰獲馬士英中軍八人送戎政趙之龍斬之午後太子傳示略云先皇帝丕承大鼎惟茲臣庶同共甘苦胡天不祐慘罹奇禍凡有血氣裂眦痛心泣予小子分宜殉國思以君父大仇不共戴天皇祖基業汗血匪易忍垢匿避圖雪國恥幸文武先生迎立福藩予惟先帝之哀奔投南都寔欲哭陳大義不意巨奸蔽障致

悞桎梏予雖幽獄無日不痛絕也福王聞兵遠遁先為民望其如商

明季甲乙兩年彙畧 卷三

皇帝之陵寢何泣予小子父老人民團抱出獄推入皇宮予身負重
 冤豈稱尊南面之日乎謹此布告在京勳舊文武先生士庶人等念
 此痛懷勿惜會議予當恭聽共抒皇猷勿以前日有不誠予之嫌惜
 爾經綸之教也 左都李沾有與微服詣趙之龍家求庇之龍以令
 箭護送之出城吏尚書張捷微行至雞鳴寺以佛幡帶自縊左副都
 楊維垣自感二妾死買三棺旁置二妾中題楊某之柩並埋中堂身
 擊一僕夜遁至秣陵為怨家所擊殺數日僕復跡之屍為犬食半
 甲午太子令釋王鐸仍以為大學士又召方拱乾高夢箕于獄並為
 禮部侍郎東閣大學士二人出獄即逃 趙之龍召勇衛營兵入城
 城中乘間而出者甚眾柵禁稍寬店肆頗有開張者 文武諸條集
 中府會議齒及太子皆有難色曰前日幾番云云恐有蹈呂張之咎
 者且不然弘光帝復來將奈何趙之龍曰此中復立新主欵使北歸
 其何辭以善後眾皆然之哄然而散各衙門出示安民城守並不及
 立新主事 馬士英寓在西華門其子馬錫寓北門橋都督公署在
 雞鵝巷百姓焚燬一空次掠及阮大鍼楊維垣陳盟家惟大鍼家最
 富歌姬甚盛一時星散 太子敕封中城獄神為王差官捧救二人
 前行至獄中開讀敕文稱崇禎十八年兵馬司素服迎之、監生徐
 瑜蕭某謂之龍勸其早奉太子即位之龍立叱斬之 差官自北軍
 中回之龍即入西宮勸太子避位 馮可宗陳盟王心一等皆棄官
 逃高倬張有譽初傳死後亦逃 李沾既去李喬自為總憲
 乙未報大清兵到戎政府都察院各遣二官縋城出迎跪道旁高聲
 報名將近豫王前喝起四人看皇入報此時大雨淋漓無一騎一卒
 敢站簷下者二大僚匍匐進行四拜禮豫王駐札天壇中
 丙申大開洪武門二大僚統百官獻冊行四拜禮趙之龍叩首請豫

王進城保國公朱國弼鎮遠侯顧鳴郊驛馬齊贊元咸至豫王問勳
 戚為太祖為成祖一一具答豫王喜加之龍位與國公命立保國公
 上賜金銀鞍馬貂裘八寶韃帽命軍中設牛酒席地共坐問太子
 何在之龍以王之明對豫王曰逃難之人自然改易姓名若說姓朱
 你門早殺過了朱國弼曰太子原不認是馬士英坐易豫王大笑曰
 姦臣姦臣、李喬進城賫大清告示二道一為大清攝政叔父王曉
 諭江南文武官民一為欽命定國大將軍豫王曉諭南京官民大約
 言福王僭稱尊號沉湎酒色信任僉壬民生日瘁文臣弄權只知作
 惡納賄武臣要君惟思假威跋扈上下離心遠近警恨人以為實錄
 晚間趙之龍捧太子出城至營豫王離座迎之坐于巳右相去不
 離丈許
 丁酉早豫王受百官朝賀百官遞職名到營恭謁如蟻趙之龍令百
 姓家設香案黃紙書大清國皇帝萬萬歲又大書順民二字粘門
 王鐸詣營投到以其弟王鐸在營甚禮之、查不朝參者妻子為俘
 差假本堂報知註冊每日點名大僚俱四更往而午後歸、工尚書
 何應瑞先於十一日自縊不死損左足臥家不朝豫王命縛之應瑞
 索劍自刎其子持之賂官以揭進其官為之請乃准調理
 戊戌禮部引大清官二員從五百騎洪武門入禮部向帝闕拜因
 淚下北兵問故禮部曰我痛惜高皇帝三百年之王業一旦廢墜受
 國厚恩寧不痛心北兵為之歎息候門陽門索匙不得禮部引進
 東長安門盤九庫見銀九萬兩即命此官駐皇城內守之、總憲李
 喬獨先剃頭胡服豫王罵之、劉澤清自浦口掠舟東遁入海
 巳亥文武官冀坊係進牲醴米麵熟食茶果於營絡繹塞路趙之龍
 喚戲十五班進營宴逐套點演正酣悅聞忽報各鎮兵至之龍跪

呈豫王王殊不為意又點戲五出方撤席發兵三百遣將將之即行有頃擒劉良佐至良佐叩首請以擒弘光贖罪豫王遣之隨撥三百人同行 內官進鱒魚二大籬極其卑禮豫王不受

庚子趙之龍同大清官竝騎入城分通濟門起以大中橋北河為界東為兵房西為民舍通濟洪武朝陽太平神策金川凡六門居大清兵自是東北城民日夜搬移提男抱女哀號滿路西南民房一椽日值一金 豫王斬達兵搶物者八人 達兵搜不朝賀現任官陳照等家 豫王示前日入內搶掠諸物自行交還江寧縣藏匿者梟示 辛丑內院學士洪承疇牌諭翰林大小官每日入內辦事仰掌院陳于鼎造冊送進每日侵晨點名 午後令文武官將印信札付盡數交納武英殿換給 御史王懋大理丞劉光斗鴻臚丞黃家鼐等往各府取降順冊

壬寅大放三日婦女出城者萬計 趙之龍先剃頭魏國安遠永康 靈璧臨淮以漸剃訖文官惟李喬姚孫崇自剃

癸卯豫王令建史可法祠優卹其家屬 甲辰豫王進城衣紅錦箭衣乘馬入洪武門白棍一對前導文武班立道旁無一不至者 中書龔廷祥自投武定橋下死

乙巳劉良佐以弘光到暫停天界寺先是弘光出至太平府劉孔昭閉城不納傍徨江次乃奔坂子磯就黃得功營得功方出兵與左兵戰聞之即歸營向弘光泣曰陛下死守京城臣等猶可借勢作事奈何聽奸人之言輕出進退將何所據此陛下自誤非臣等負陛下也臣營寡薄如此其何以處陛下哉居兩日劉良佐奉豫王令追至且召得功得功怒不甲而出單騎馳北管隔河罵之揮鞭誓死言我黃得軍志不受屈良佐伏弩射中得功喉得功歎曰我無能為矣歸營

拔劍自刎良佐即入其營挾弘光回南京

丙午錢謙益兼吏禮二部尚書李沾復為都御史 弘光以無慢小轎入城首蒙包頭身衣藍布衣以油扇掩面太后及妃乘驢隨後夾路百姓唾罵有投瓦礫者進南門易馬直至內守備府見豫王叩頭 豫王坐受之命設酒于靈璧侯府坐弘光於太子下趙之龍暨禮部共八人侍宴喚樂戶二十八人歌唱飲酒席中豫王向弘光問曰汝先帝自有子汝不奉遺詔擅自稱尊何為又曰汝既擅立不遣一兵討賊於義何居又曰先帝遺體止有太子逃難遠來汝既不讓位又轉展磨滅之何為弘光總不答太子曰皇伯手札召我來反不認又改姓名極刑加我豈奸臣所為皇伯或不知弘光復不言豫王又曰我兵尚在揚州汝何為便走自主之耶抑人教之耶弘光答語支吾汗出沾背終席俯首席散令囚於江寧縣與太后一妃同處豫王令舊臣往視惟安遠侯柳祥昌侍郎何楷視之弘光嘻笑自如但問馬士英奸臣何在爾

丁未豫王各城門粘示云剃頭一事本國相沿成俗今大兵所到剃武不剃文剃兵不剃民爾等毋得不遵法度自行剃之前有無恥官員先剃求見本國已經唾罵特示 黃營兵萬餘人隨達官進城向豫王求用豫王收其衣甲散遣之

戊申豫王謁太祀陵行四拜禮四顧嗟嘆喚靈谷寺住持速行修理黃家鼐至蘇州撫臣霍達走太湖官民迎鼐入治次日鼐賞軍楊文驄使兵偽為謝賞奮起殺霍達復歸郡 馬士英自率黔兵假稱奉太后南遷所過邨鎮奔避一空至廣德州守閉城不納士英督兵攻之破城殺知州遠近民間風逃匿安吉知州黃翼聖亦遁入山士英不敢趨獨松關迂道由安吉手書移翼聖曰廣德見拒故爾行

權用兵若首先倡義當有不次之擢於是翼聖率士民肅迎道左掃
 衙舍以停僞太后及士英家眷其隨行皆有酒肉之獻士英大悅浙
 撫張秉貞下檄安吉問真僞翼聖啓云閣部既真恐太后亦非假張
 撫遂備法駕迎入杭州太后舍公廨士英屯兵于城南潞王時寓杭
 恭謁太后如常禮太后辭之已而王令妃具宴送入妃躬詣陪侍太
 后亦峻辭之日夕惟與士英後妻及婢數人相處人始疑其僞
 已酉豫王出南門報恩寺行香觀者如堵黃瑞伯向豫王憤懣大慟
 趙之龍請殺之豫王不許之龍乃執送獄 豫王令確報殉節諸臣
 及民間婦女各坊共報男女二十八人
 庚戌豫王令調兵八萬下蘇杭 劉孔昭自太平掠舟順流而東江
 行入常熟詭言起義霍達招之入郡不應停劫一縣白糧滿載入海
 辛亥馬士英竊僞太后離杭渡浙南道 潞王在杭馬士英欲奉立
 之王峻辭不可及後清帥至以書招王王度力不能拒遂身詣其營
 請勿殺害人民清帥許之按兵入杭市不易肆 豫王以弘光所選
 淑女配太子數月後豫王北行太子及弘光隨之潞王尋亦至北後
 俱凶問有遺臣奉魯王監國令諡太子曰悼皇帝弘光曰報皇帝潞
 王曰路閔王 馬士英逃於天台寺其下黔兵縛送杭清帥剝其皮
 使群下分食其肉有人以周馬作聯者云周延儒字玉繩先賜玉後
 賜繩繩繫延儒之頸一同狐狗之斃馬士英號瑤州家藏瑤腹藏州
 州賈士英之皮遂作犬羊之聯

明季甲乙兩年事蹟彙略卷之三 終

三卷遺事補

南京之下。逃而不與迎降者。尚書張有春陳盟侍即王心一太常少
 卿張元始光祿丞葛合聲給事蔣鳴玉吳廷部屬
 周之璜黃秉亦主簿陳濟生等二十餘人。有春歸靖庵江陰人。素
 有品望。潛居青陽。不入城市。陳盟歸雪灘蜀人。道遠不能歸。潛居台
 虞間。後寓跡嘉秀。僧服自晦。其以死聞者。尚書高倬何應瑞光祿卿
 葛徵奇吏部黃端伯戶部劉光弼工員外吳嘉胤舍人龔廷祥行人
 陸培也。端伯字元之。南昌人。深明禪學。其絕命詞云。問我安身處。乃
 山是道場。陸培與陳潛夫皆杭人。諸生時同盟相善。潛夫有失行事
 培積之。遂相仇。導俱入仕。兵至。潛夫借妻妾從容蹈河死。培居家聞
 城降。即自縊。兩人卒同殉國。人咸稱之。兵之所過。州縣從風而靡。長
 吏罕有殉城者。死事知縣有仁和顧咸建字漢石。崑山人。某縣梁于
 漢字飲光。江都人。兵下徽州。編修金聲李族殉義死。武官陳有功余
 元宣萬會吳國禎皆死。兵下蘇州。少詹徐沂辨勿齋。自沉於虎丘後
 溪。長洲諸生顧某聞郡人執香迎師。嘆曰。此學官明朝所建。將改制
 乎。家貧身賤。何忍見此。止衣冠投泮池死。常熟諸生徐懌字瞻淇。家
 徐市。聞縣城陷。嘆曰。吾家世科第。竟無一蒙士耶。薙髮令。主。服布袍
 別親族。題壁曰。不欲立名垂後代。但求靖節答先朝。夜半自縊。諸生
 徐守質家南都。母病不能遷。兵至。母與妹投井。守質曰。吾不辱矣。與
 兵格鬪死。諸生項志寧遁於野。方食餅。聞雉髮令。餅半墮地。扼吭不
 食死。長洲諸生文秉相國仲子。隱居山中。有告其與吳易通者。捉至
 官。秉了不辨。曰。不敢辱吾父。願速死。遂見殺。松江之下。吏部郎夏允
 彝避匿。其兄強之謁官。允彝潛赴池死。兵下嘉湖。吏部郎欽棟相國
 仲子。破家集義。旅拒敵。殲於震澤。兵返戰。旅潰。棟殺於水中。吏部郎

不守石麒麟自縊於室其僕祖敏徐錦從死松將吳勝兆反止長洲諸生戴務公實說之遠近響應欽棟從兄梅宇彥林夏允彥子完濬字存古徐石麒麟子爾毅字似之皆受降武命欽為太僕卿夏為少卿事敗俱被執欽夏岳婿也徐慷慨無撓詞審官曰汝父為忠臣汝定為孝子三人同日受戮補妻徐氏殺妻林氏各自沉殉其夫初亂時女子義不受辱者不能詳記常燕諸生蕭某妻許氏諸生重光女為兵所掠至蠡口見同掠有受污者罵曰人何得與狗彘偶兵怒縛之梳支解之食其心群視者曰烈婦也潛瘞其一股史料陳子龍字卧子華亭人亦以吳勝兆事敗亡命所至之家輒遭禍顧成止及子天遠天遠皆坐是受戮後子龍被獲乘間投河死成止字端木咸建兄也投解內院洪憲洪問汝知史可法在予不在乎顧亦答云汝知洪承疇死乎不死乎洪默然某官劉暉字公旦長洲人亦以事累被執解院繫獄八十日與成止完濬從容唱酬就死崑山詞林朱天壽起義召故令楊永言主縣事永言雲南人善騎射抗守若干日貢生朱集璜字以發故恭靖公孫助守甚力故將王公揚驛南陽年七十奮勇力戰死城破以發被執大罵不屈見殺諸生陶琰字維至率三百人赴援中途聞城陷自到死侯桐曾字廣成嘉定人以從學分守家居南京立召為左通政桐曾見朝事料謬嘆曰覆巢之下安有完卵難矣遂不赴閏六月邑人起義推為盟主與子演演之為方禦之攻城者歿死解而復圍者再死守十二月天忽大雨平地積數尺城東一隅崩成棟入清耀與弟淵耀並縊於僧寺桐曾趨歸家廟赴池水演與潔相抱入水成棟恨之斬其首題曰元凶以徇

城中北門有賈朱某者悉家財佐軍法被誘家人盡入一舟自沉人士龔用圓用廣張錫有夏雲蛟唐全昌皆死桐曾弟岐曾少歲陳子龍抵至官大罵死二僕亦罵不絕死江陰貢生黃蘇祺亦受降武官破家起義事敗變姓名遁於淮南為人首獲捕至金陵戮死無錫吏部即華允誠驍鳳超素敦理學潛居鄉間偶過其婿家逢有告其婿未薙髮者弁擒允誠至官曰吾不肯愛身易中國之冠榮也遂見殺沈廷揚崇明人以海運策干時見用加樹光祿少卿後從魯監國於海丁亥歲風飄舟至常熟境監司禮特勸之降廷揚不肯與六十人同日受刑

東邦老人曰蘇代有言為人妻則欲其許我也為我妻則欲其置人也每一王與有附而至榮者即有拒而死烈者生易而死實難高帝斬丁公藝祖褒韓通形重固自有在諸公無乃得所重乎若夫沈廷揚之有眾無愧田橫之客矣

江陰以乙酉六月方知縣至下薙髮之令閏月朔諸生許用大言於明倫堂曰頭可斷髮不可剃下午北門鄉兵奮袂先起拘知縣於賓館四城內外應者數萬人求裝舊歲大藥器械典史陳明遇許之隨執守備陳端之搜獲在城好細以徵商即康公燭武事氣拜為將即亦招兵自衛舊都司周瑞龍駐江口約即兵出東門已從北門協勦遇戰軍竟無功敵勢日熾各鄉兵盡力攻殺每獻一級城上給銀四兩徵商程壁人城盡出所儲錢與明遇充餉而自往田撫及兵總兵志乞援田吳不至程亦不送遂祝髮為僧是時叛奴乘隙四起大家殺死不暇清兵首掠西城移至南關即康公往禦不克敵燒東城大劫城外富戶鄉兵死戰有兄弟殺騎將一人鄉兵高瑞為敵所縛不屈死周瑞龍逃去明遇遣人請舊典史閻應元為鄉兵推之

入城率眾協守敵四散焚劫鄉兵遠竄無復來援者敵專意攻城中嚴禦外兵箭射如雨民以鍋蓋為蔽以手接取只得三四百枚一人駕雲梯獨上內用長鎗拒之將以口納鎗奮身躍上一童子力提而起旁一人斬首屍墮城下或曰此即七王也又一將周身縛利刃以大釘插城而上內用鎚擊斃之敵騎日益依君山為營賊城虛實為砲所中乃移營去居民黃雲江素善弩火鏃炭弩中人面目馬耳而整陳端之子在獄製本鏡類銀鞞從城上投下火發鏡裂內藏鐵鳥菱觸人立斃應元復製鉄搥用綿繩繫擲着人即吊進城又製火毬火箭之類敵皆畏之劉良佐降敵為上將設牛皮帳攻城東北角眾索巨石投下數百人皆死良佐移營十方菴令僧望城跪泣陳說利害眾不聽良佐策馬近城諭應元罵曰我一典史卑官死何足惜汝受朝廷封爵今日反來侵逼汝心何心良佐慙而去明遇日坐卧坡上與民共其苦戰應元當先明遇平心經理民頗死無恨一夕風雨怒號滿城燈火不燃忽有神光四起敵中時見三緋不在城指揮其實無之又見女將執旗指揮亦實無之敵破松江貝勒率馬步二十餘萬盡來江上縛吳志葵黃蜚於十方庵命作書招降蜚曰我與城中無相識何書為臨城下志葵勸眾早降蜚然應元叱曰汝不能斬將殺敵一朝為敵所縛自應速死志葵大泣拜謝城下大地日增間五六尺地一具彈飛如雹一人立城上頭隨彈去而僵不仆又一人背背洞穿而直立如故有敵將坐十方庵後城上發砲忽轉向營立斃八月望應元給錢與民賞月費酒登城嘯歌許用作五更曲命善謳者高唱城下人悲怒相半有激烈感感者廿一日午時洋符寺後城傾敵從烟雨濶濶中潛渡遂入城民猶巷戰有韓姓格殺三人乃自刎男婦死者井中屢填滿孫郎中池及泮池登屍數層

陳明遇閩門投火死閩應元投水被縛大罵死明遇浙人故長厚循吏應元者北通州人膽畧有治才甲申海寇領三麻直抵黃田港閩軍鄉兵拒戰手射三人應絃而倒以功加都司銜陞廣東簿道阻未奉義民陸先同狗訓導馮某金壇人自經于明倫堂中書成勳字伯千家青陽入城協守知力不支大書於壁曰感勳死此勳之妻若女子若媳死此閩室自焚許用亦閩室自焚黃雲江故善彈唱城陷後抱胡琴出城人莫識為弩師也

江陰野史曰有明之季士林無羞惡之心居高官享重名者以蒙面乞降為得意而封疆大帥無不及戈內向獨陳關二典史乃干一城見義向使守京口如是則江南不至拱手獻人矣時為之語曰八十日戴髮效忠表太祖十七朝人物六萬人同心死義存大明三百里江山

乙酉二月張國維為戎政尚書與馬士英意見不合遂請歸里五月南都以太子一事左良玉發言清君側士英盡撤江北兵堵上游惟劉澤清不行亦不北拒北兵遂南下五月十一日帝奔太平劉孔昭不納乃奔黃得功營晉得功為靖南侯阮大鍼為大學士朱大典為兵部尚書方國安為鎮東伯兵未渡浮梁錢崇憲斬軍士望洋而止帝遂蒙塵黃得功死之國維在家聞變收集義勇以待六月杭州擁戴路王路王尋以城降貝勒布散官吏至浙東且令雜髮召鄉紳朝見紹興祁彪佳赴水死劉宗周不食死任子鄭遵謙斬北使於江上熊汝霖孫嘉績各起義于餘姚迎立魯王於台朱大典亦遣孫珏上表勸進國維至台乃與陳函輝宋之普戈長卿斬北使馮旗擁戴魯王監國即日殺紹興以國維為大學士馬士英率所部至赤城國維極言士英悞國十大罪士英不敢入起駕大學士方逢年入關而國

繼督師江上。調方國安守嚴州。七月國維復富陽命姚志卓守分水。國維請於王。謂人治一軍。漸有不相統一之勢。監國賜之劍以統諸軍。十月十四日。北兵至。國安嚴陣當之。國維率步兵接應。王曰。趙天祥墮。北兵大敗回城。追至草廟門下。疾風暴雨驟至。砲石難施。如是數日。士氣大沮。會唐王頒詔於越。城歛欲應之。監國下令。返台。國維詣越。啟監國曰。九為高皇帝孫。形當同心戮力。恢復成功。之後。入關者王。監國當人心。奔散之後。鳩集為勞。一旦南拜正朔。恐難長不及。攀鱗附鳳。誰不欲之。此在他臣則可。在老臣則不可。由是文武論乃定。十一月進方國安為荊國公。王之仁武寧伯。鄭遵謙義興伯。國維子世鳳為平敵將軍。丙戌年三月朔。清兵驅艦開堰入江。國維嚴救各營守汛。令王之仁率水師襲賊。乘風擊碎船隻。鄭遵謙撈鐵甲八百餘副。國維督諸軍渡浙江。會唐王使陸。費詔至江。犒師。馬士英。國安斬之。且出檄數唐王過國維曰。禍在此矣。四月。抗城守堅不可克。監國議抽兵屬國維西征。以余煌為部尚書。督師江上。貝勒益兵北岸。以大砲擊南營。碎方兵內廚。國維曰。天奪我食矣。我自歸唐王耳。五月廿七。遂至越。劫魯王南行。王之仁向國維泣曰。吾兩人二年心血。今日盡付流水。吾兵有舟可以入海。公兵無舟。宜早為計。國維兵追王至豐橋。方兵斷所過橋。石翁有宗云。方馬至此止。鞋兵往前行。國安決意降北。欲執魯王獻之。為進身地。遣官守王。守者忽病。王得脫離。比方兵追至。王已下海在舟中矣。國維至台。無舟不能從。王遂回東陽。親眾共勸之入山。以圖後舉。國維嘆曰。謀天下人者文山。登山也。一死而已。六月廿六。北騎至七里寺。國維具衣冠向東而拜曰。臣力竭矣。賦詩三章赴圍池死。于世鳳後以蘇北吳易等事連與族人同日遇害。

明季甲乙兩年彙畧 跋

明季甲乙彙畧跋

甲乙彙畧三卷。自甲申正月庚寅朔起。至乙酉五月辛亥晦止。排日纂事。跡比他史。甚詳。舊題東郡八十一老人隨筆。按溫以遠矣。所采野史。有許多重。甲乙彙畧。殆即此編。重熙字子活。常熟人名。注復社。蘇州府志。子活初北游。太學一時。鍾公推其有良史才。既到五陵。注略。觸觸。難牽連。亦閱七十五人。及于既。今五陵注略。下引楊仕聰。中。王堂。記曰。五陵注略者。許生重熙之所撰也。持論頗異。如葉福清之謚。忠為。方德清之謚。正似。醜。朝論。韓之錫。伯蓋。溫非。渡江。勳。舊。龍。封。出。知。人之。推。戴。前。人。已。有。言。之。錫。昭。一。凡。大。怒。適。溫。相。惡。倪。元。瑞。恐。其。入。閣。孔。昭。遂。以。倪。錫。事。事。與。許。廷。股。作。疏。意。重。在。許。欲。開。六。獄。上。不。允。親。果。旨。放。歸。許。之。書。遂。行。播。所。記。正。與。志。合。然。楊。所。言。皆。崇。禎。間。事。豈。子。活。既。自。隱。其。名。故。託。危。岫。之。評。以。見。議。論。歎。志。又。載。于。治。者。老。心。多。年。七。十。道。下。沈。細。步。輿。地。方。合。指。掌。圖。未。克。卒。而。猶。不。詳。此。編。今。六。八。十。一。老。人。志。亦。有。未。盡。確。者。然。其。已。正。月。因。借。友。人。新。鈔。本。久。書。選。之。

寇事編年序




有明中葉如武宗之敗度熹宗之不君皆足以亡然不亡而亡於懷宗邊患如土木之蒙塵佞幸如彬甯之亂政奄寺如振瑾忠賢之肆毒皆足以亡然不亡而卒亡於流寇懷宗非失德之君流寇亦可辨之賊而日蔓月滋舉天下之全力莫之能制此豈獨一機一策之失哉其所由來者漸矣略言其故厥有多端一由於守令貪殘明之末造政以賄成親民之官莫肯留心撫字但知剝下媚上以取陞遷民不勝誅求則羣起而為賊賊日多而民日少以有驅之者也一由於大吏玩愒承平日久人不知兵督撫監司多文臣少武略寇之初起蔑視為不足平及其方張則爭言招撫曰姑撫之而修我戎備一就撫則恬然無事


而不為之虞間有才能練達者又意見不協文法拘牽莫克奏
功一由於武臣騎蹇三百年來武途積輕文臣率奴隸視之百
旦有事以為迫而用我其庸駑者既選輒畏縮即知兵任戰者
亦養寇自封督責之急不得已力鬪取一捷即高壘自便策調
不前三者皆寇之資也而其根本則在於朝臣植黨而營私為
人擇地不為地擇人人之媚己者親之異己者憎之所親予善
地所憎予危疆不問其能勝任與否惟用以快恩讐主上用一
能臣則羣而咻之商一良策則比而撓之遂使明作有為之主
宵旰焦勞於上而愈理愈紛愈撲愈熾卒至國亡身殉而後已
故曰去河北賊易去中朝朋黨難痼疾成者不可療木心蠹者
不可扶豈非百世之炯鑒哉凡為史者將以明著一代興亡治

亂之故垂訓方來明亡於流寇蹂躪徧天下自起至滅二十餘
年是宜有專書紀其始末亡凡有意編纂明代之書先師戴耘
野先生為之分任寇事崇禎一朝無實錄取十七年之邸報與
名臣章奏私家記載採輯成書用編年體排日繫事不漏纖毫
依司馬溫公先叢目次長編後通鑑之法甯詳毋略甯瑣毋遺
提綱綴目有條有理自延綏起事迄西山餘黨之滅凡十八卷
吳梅村先生作綏寇紀略既刻成有以先師之書告者購得數
卷歎曰志寇事自當以編年為正恨見此書晚耳先師既沒未
求得其藁崑山吳修齡以為太繁稍加刪節附著己見頗有發
明一展卷而寇之出入去來盛衰分合燦若列眉實史家之要
書也覽者詳考焉而見當時禦賊之方何者為得何者為失若

覆敗局而審筭之一一可了其細故蓋不可勝言茲特論其大者揭諸簡端以為力殺賊不如使民無作賊欲安民必先擇吏擇小吏必先大吏欲外臣公廉必先廷臣精白此端木澄源之論閱是編者重念之哉

懷陵流寇始終錄一名寇事編年吳江潘耒曾為之序此本失載今據遂初堂文集補錄戴氏所著尚有永陵傳信錄聖安書法思文紀略魯春秋行在春秋殉國彙編發潛錄骨香集耆舊集各種俱見蘇州府志其殉國彙編一書亦未撰序文載遂初堂文集丁丑十一月既望長恩閣記





懷陵流寇始終錄自序



天啟丁卯秋冬間閩禍既除日月明潔朝廷新政神明儉素之
德溢於口耳綴聞闕隴間風塵有警殊不屑意俄聞擾并豫穿
楊梁俄聞破雉藩據關陝乃知駭異猶謂亡我社稷在幾何年
忽爾煤山信傳普天同痛而不知所以致此者天邪人邪鬼邪
夫三百休養生息金甌完固之業天子未聞有失德十有六年
剝然瓦裂誠為大可恠事身處草莽無所咨詢後得谷氏紀事
本末於賊事極其詳畧又得吳氏緜寇紀聞讀之一月茫如望

詳全

吳江戴耘野先生忠信篤學君子人也改

十年苦心博訪廣求流賊

一千餘紙余紹介於

極於



上流寇始終錄其三月辛亥以至甲辰

年郝搖旗別為甲甲剽事二卷又附以將亡妖孽一卷共二十卷大輅始於推輪博雅君子因此而加繕焉則一代亂亡之故曉然在前可以為後車之戒矣賊之始起不須奇計賑之自消甲戌而後賊勢已張然於盧公淦州大勝之後廣集餽餉振刷邊兵乘勢以迫蹙之賊猶可滅迨夫熊文燦縱賊再叛楊嗣昌竭天下之物力擊賊於夔門失左賀二將之心以致開縣之敗國力不能再舉矣而歲益荒餉益乏法令益峻急孫傳再用恩禮俱絕以必死責人而不顧其折肱絕臙時惟納幣求成撤關


外之兵以背城借一而又亟殺陳公自斷股肱以快姦佞之意
秦破而燕隨之臣盡而君隨之雖有善者亦無如之何矣夫人
君之職在乎用人而溫張楊周保位嗜利之徒踵接肩並信之
如魏鄭盧孫余戴實心任事之臣橫生疑怒罰之如怨讐言股
削則喜請兵食則怒抑外戚而進副昌者外戚擯內侍而縱賊
渡河開門延賊者內侍凡所舉措使忠臣義士廢然而悲姦佞
小人躍然而喜至於武臣如曹文詔艾萬年劉士傑輩忠勇性
成非物力不足則將帥不和而孤軍戰死雄才大猶如左良玉
若能用兵能破賊能要君能侮相翱翔進止寵辱不驚一意掠
資聚衆犬敗則小挫之唯恐其或怒小勝則大進之唯恐其不
喜人材林立不獲一人之用武鄉侯所歎息痛恨者不其然哉

赫連勃勃叛姚興謂其下曰吾大業草創士衆未多若專固一城彼得併力於我衆寡非敵亡可立待不如以驍騎馳擊出其不意救前則擊後救後則擊前使彼疲於奔命我則遊食自如不及十年崑北河東皆為我有賊不知書聞與之合夫王左掛之西川王嘉胤之河曲皆據天險而不久誅滅者守穴之鼠易於熏灌也其馳突於太原平陽之間猶可芟薙至於縱之過河則東至徐揚西至梁雍我無所不守彼無所不攻赫連之勢成矣諸賊聞獻為勁獻賊狂虐始終一轍人心不附自無所至闕賊初之殘暴尤甚於獻李徽教以假仁義收人心而風裁迥異又攬福府所積神廟傾國之貲得以大行其志發粟賑饑而困窮之民俟后望之散財收士而失餉之卒火蛾赴之能者立用

欺者立誅人無朋黨言無譖讒行事與朝廷正相反遂得破左
軍入關中收三邊之兵以東向竟成莫禦之勢夫唐之亡也指
大於臂威令不行宋之亡也姦盜盈廷橫挑強敵一二正人不
得立朝行政明則不然賊無尺土之基不同於藩鎮女直苟非
朝廷事事左計以脛之翼之豈能肆哉都人有言流賊遇魏忠
賢必不能橫以其用財如土能振人之困急得人之死力飛耳
長目撫鎮無敢謾侮也嗚呼三百年祖業亡於匹夫魏魏帝王
人思光寺之政紀其事者唯有椎心泣血耳崑山吳文著



續修四庫全書



流賊亡明節目



流賊以匹夫而破十五葉天子金甌之業事理之所必無賊雖
 兇狡而朝廷所以成就之者良已厚矣請備列之戊辰己巳饑
 民而已誅其渠帥賑其脅從事可一揮而定楊鶴不計賑戰唯
 求招撫撫而無食自必復掠遂成延蔓之勢一也陝西因弊已
 極斷不可倚陝西之物力以建陝西之事功而乃裁削驛驛駝
 餞民以壯賊勢二也盜賊已起而有司貪殘愈甚梁兵棟請速
 治其尤甚者以靖民心而漫置不省以致從亂者愈多三也李
 繼貞請大賑饑民以解散賊黨勢如救火不可稍遲而應不以
 時發不及數不能遏燎原之勢四也梁廷棟為本兵不久無大
 建樹乃其請速貪殘補兵餉見識遠過於張鳳翼而無故去之

五也溫體仁之媚嫉張鳳翼之貪猥汾陽所謂奴才也安其逢
迎而使專位數年以教事事顛倒六也山西初時無賊耿如杞
勤王之兵乏食而掠給食撫之自定而遽逮治如杞以激之叛
山西自此有賊其數猶少仙克謹宋統殷輩不能防河縱陝西
諸賊荼毒山西七也羣兇集於山西地形四塞據險而中擊之
宜可芟薙兵部乃使分守郡邑以行黜責夫敵國乃可守境賊
如野燒何境可守且守境賊何時平此今旣行遂致諸將坐甲
自保不相應援八也曹文詔國之干城中文臣之怒而移之關
地又戎讎之仇也左良玉有大將之才宜獨任之而以文詔變
蛟等為之輔此狄青之所以成功也文臣如王勳王伯安而後
可以專主調遣張宗衡樊尚燦之流先已見輕於良玉徒以文

臣之氣勢臨之力寧為用迨其納貨于鳳翼恃有內主於督撫
畧不稟承十也此時賊勢以黃河為得失未渡河其禍獨在山
西渡河而平地馳突東西數千里遊食自如我無所不守彼無
所不攻如水入破甕無可抵塞矣常道立揚進朝信其詐降而
縱之渡河十一也渡河之後橫決中原天誘其衷納之於車箱
峽不費斗糧不發一矢可以坐視其為餓殍陳奇瑜天與不取
自禍禍國十二也此時形勢重在中原城邑令長能守賊即為
不易馳食不易掠官軍有以施追擊之力而凡諸守令皆出於
時文資格錢穀刑獄猶不能知知守禦為何事陳必謙憂之而
亦不能疏請在廷曾無計及遂使河南百城鞠為茂草十三也
守城之外又當鼓勵鄉勇假之一官使自保其廬室可以礙賊

馬艱賊食而勇略顯著者又可以收將帥之用吏兵二部借懷
陵慎重名器之意以立取賂之威一棄張道濬再棄涂原三棄
張論父子隳六心失將才十四也振古未有限日滅敵者朝廷
以限日迫洪公洪公遂以賜劔迫諸將曹文詔艾萬年劉成功
忠勇性生計不返顧而兵力不繼使百勝之將駢首死賊十五
也人君從諫則明懷陵逞明而拒諫寄耳目於宵類以為出入
意表夫破城之日死節如林而十六年中能直諫者絕少則知
直諫比於无節難有甚焉湯開遠以疎遠小官直陳時弊若假
以陳啟新之異數召而問之則盜賊之情形中外諸臣之態狀
無不周知樊一諫者則諫者開風而集何遠不近何幽不顯唐
太宗之孫伏伽效可睹矣而重加逮治以絕進言之益終身獨

生禍敗不聞十六也二祖以遼兵擊賊如獵狐兔謂明末無兵將者瞽說也唯失所以用之之道是以人不為用此時遼兵宜優其廩餼重其賞格又鋒用之以掃滅殘寇而反使遷延就食於雍豫之間卒無成效十七也總理之手臂在豫楚鄖三撫臣既用盧公即當任以薦賢之事而部推王夢尹宋祖舜兩奴才盧公自滁州躬犯刀搠駭賊至於南陽王宋不能東西遏截共成大功使賊得渡漢而逃十八也危疆重任當擇人而用不當用而後擇賊于三月渡漢而南去宋祖舜用苗胙土賊于十一月渡漢而北又去苗胙土用陳良訓賊一舉足易一撫臣何以立戰守之計十九也豫撫陳必謙未見大功而亦勞頓馳逐蒿目憂時去之而用王家禎常道立兩奴才事事敗壞二十也鳳

冀幸死中樞之任宜在洪盧孫三公懷陵好與臣下角能比智
必欲自用一人以見其英武而耳目所寄不出羣小嗣昌遂由
田氏得進見半通之
三朝野記夫戎事墨繚古義不廢廷臣但以奪情力
爭而不及嗣昌之姦護誤國無能啓沃君心以致堅意用之與
嗣昌如一人與廷臣如兩造殺盧公用文燦關左賀敗王師陷
兩藩皆出于此廿一也陳永福有曹文詔之風兵部勒貨絀其
戰功以致倔強不肯用命廿二也邊圉不固火炤甘泉為守為
和舉朝曾不言及已失謀國之道矣夫頻年關入而土地無失
此禍在生靈不虞宗祏可知丙子八月之事亦如前日掠飽自
去京城無警者也擇禍從輕不當遽撤盧公東去又聽嗣昌之
讒而迫之發憤戰死見野
紀廿三也盧公在大名親當戰陣矢石

如無賊見之者無不奔迸威名著於人口故為總理能服諸將之心焦文燦擊劉香老幾葬魚腹因彼內貳而得徵倖受降其後以貨結權近虛名赫奕懷陵又以自用之念謀採眾口歸相思嗣昌不顧國事逢迎君心薦之以代盧公之任殺能將而用匪人廿四也文燦以非才當大任顛倒謬戾屢見壘出懷陵加之詰責洞見其無實用矣以嗣昌之曲庇而濡忍不割廿五也獻賊之降治亂之大關也降而不反諸賊以次消亡降而復反諸賊乘風愈熾然反與不反不在降者而在受降者之處分陳洪乾性既輕財又有舊恩于獻忠獨主降事或動其天良消其惡念文燦以嶺南故智黷取賊贖激成大禍且降人十餘萬給食則國力不繼不給勢必復掠唯當以賊攻賊則給食即所以

養兵於乞降時故秘其事使擊回曹諸賊建之大功絕其歸路
彼既立功受官亦將自愛而不為叛亂計不出此坐賊魁于窮
城無以消其雄心處賊黨于四郊無以充其口腹賊魁不叛賊
黨必反廿六也余楚撫戴耶撫左良玉皆知賊必復叛請先發
制之既不能用又誣余戴以罪廿七也文燦有何才能賊反之
後不亟去之而使討賊自贖反致羅篋山之敗廿八也孫公破
回賊于潼關賊以其黨東去文燦道立不能合擊朝廷以嗣昌
之庇而不加詰責何以立討賊之威廿九也曹變蛟破闖賊于
潼關原大衆雖盡賊根尚存京城有警洪公孫公一去一留乃
為正計而齊撤之以開賊生路三十也孫公忠實剛毅曠世奇
才比之洪公殆有過焉擒高迎祥敗老回回破渭南咸陽大賊



威望赫然以禮遇不加而快望請病雖失大臣愛國之體而非
兵事有罪也溫旨不許嚴旨詰問皆於君德不傷兵事有濟乃
聽中官之譖而下之於獄使勞臣志士無不憤咽傷心三十一
也懷陵於楊嗣昌之譖洪公庀文燦已識其情狀矣徒以親自
拔擢護其薦文燦之罪而使之自將望其立功以塞天下之口
將謂戰功可以徼倖而成英武之名可以或然而得耶夫宰相
督師與君王親征無異人如裴度乃可用之一有失錯國威盡
喪嗣昌視主兵大將亦如朝士之為陷為擢唯我所意以致左
脅心離既敗開縣又破襄陽官兵自此不能再舉三十二也良
玉揣知嗣昌欲奪其印不使當賊遂違令自行以成瑪瑙山之
勝印不可奪其意即止必不更出死力以成制府之功名事已



至此唯當獎其戰功薦其主將使專任賊事功罪在身自當無所推諉况良玉之才欲敗即敗羅狹山之敗羅岱死而已不傷欲勝即勝瑪瑙山之勝人龍有嗣昌之援而功第二良玉違嗣昌之令而功第一料敵制勝一時莫或過之用之有方賊不足破而乃雜置之於羣將之中責任輕微使得坐視開縣之敗三十三也福藩抱傾國之資而不能以財自衛賊之外府國之重脰福藩存於國家無絲毫之益福藩亡於國家有丘山之害此固神廟樹之以齊盜糧分國力者也故洛陽之守衛宜嚴重於他城而乃付之債帥供人噬齧賊自得福藩之資士馬益強遂不可制三十四也文燦敗而用嗣昌嗣昌敗而又用嗣昌所薦之丁啓濟蓋猶望啓濟立功則昔用嗣昌不失知人之哲有

以自解於天下也日月之食片雲掩之有是理乎卒之啓濟遷延畏避坐視汴城之圍又下詔為之解說三十五也用傅公為本兵是也以邵捷春代之非也無故置傅公於圍墻則是去非存徒貽蜀地之禍矣夫兵部在鳳翼時罪狀無窮不聞嚴責揚肇基不為盧公所用其才可知傅公不許未為失策其下獄之故以孫公之事料之亦必由於內侍之口今無可考耳三十六也國事為羣姦所大壞乃出傅公而用之使率二敗將以擊百勝之賊傅公已矣秦之士馬獨不措念乎三十七也攻汴城時賊衆百萬力之可以當賊者唯左良玉然彼已之勢已成必不可以一戰而勝事不得已唯當深計宗廟之存亡緩視汴城之完破封植良玉待釁而動而乃迫之速戰大將一敗羣帥俱奔

十二萬人無駐足之處良玉自此沒世不復自成自此威震海
內三十八也孫公坐獄四年壯氣銷亡部曲解散令其以五千
人一月食擊言萬之賊不顧彼已勢力三十九也汴城已沉陝
兵將欲何救縱不破賊亦且留陝西之士馬而亟使東出以致
塚頭之敗四十也破壞已極計唯輸平而撤寧遠之兵以入衛
人謂此舉必得愚不其然朱龍橋穀熟集之勝非遼兵乎究亦
何所成就瓊林大盈自待朱泚用之非國兵所得食也以計無
復之不得不出于此而又延儒構禍枉害忠良以自絕生路四
十一也王光恩雖出於降盜而志節貞高智勇兼足為孫公所
嘉與為自成之死敵此時不惜於自成者四海之內唯此一人
宜廣其土宇加之名位使得收合義旅為賊後顧之憂而乃沒然

棄置如不見關賊得盡力北向四十二也河南糜爛唯恃陝西
為京城犄角之勢當使孫公固守洛陽與良玉光恩相為聲勢
北障山西西敵關中先為不可勝之勢而後王龍所言賊衆百
萬襄陽赤地千里何從得食數月之後勢當有變乃可加兵若
為乘釁而動後亡之計莫出于此而又汲汲催戰以致寶豐之
敗關中遂破幽薊隨之四十三也更有四失不在四十三失之
列而偏於四十三失之中則好從也惡出也自聖也欲速也賊
以絕人智勇十六年攻戰之勞歷朝廷四十三失而後得志國
誠不易亡矣哉崑山吳爰著

續修四庫全書

懷陵流寇始終錄卷一

懷陵流寇始終錄卷一

西子平

米糴

吳江

崑山

崑山吳受脩齡

天啓七年丁卯八月甲午朔丁巳 毅宗皇帝即位有大聲忽

作於殿西百僚震恐仗馬驚躍上亦悚動時陝西北境連年

大旱赤地千里

戊午以明年為崇禎元年

九月甲子朔庚寅立妃周氏為皇后

冬十一月甲子朔戊辰撤回各鎮內臣

是年冬興安縣有賊數百人夜聚曉散未有主名

崇禎元年戊辰春三月癸亥朔壬午上熹宗皇后張氏尊號為

懿安皇后

三月壬戌朔丙戌陝西天赤如血

五月西安有妖火青色熒然入入室如鬪狀陝西兵於萬曆己未四路出師敗後西歸河南巡撫張我續截之孟津斬三十餘級餘不敢歸為劫於山西陝西邊境其後調援頻仍逃殫相次邊兵為賊由此而始天啓辛酉延安慶陽平涼旱歲大饑東事孔棘有司惟顧軍興徵督如故民不能供道殣相望或羣取富者粟懼捕誅始聚為盜盜起飢益甚連年赤地斗米千錢不能得人相食從亂如歸饑民為賊由此而始陝西三邊遼夏甘肅皆水草善地唯延綏砂磧不生五穀食仰轉輸成化時改本色為折色識者非之嘉靖七年荒幾致亂萬

曆中以鎮軍百庠常預給三月糧末年百度廢弛負餉至百四十萬天啓時陝西巡撫喬應甲延綏巡撫朱童蒙皆魏黨減餉以助殿工軍民切齒盜掠道臣朱養和財應甲不問盜反索養和千金凡失事者皆然姦宄遂無所忌法紀大壞延安榆林北邊重鎮蕃漢雜居其人善畜牧工騎射敢鬪輕生既為盜掠驟馬屯聚險隘為緩死計守臣不能捕

秋七月定邊營逃卒王嘉胤聚饑民反於府谷清澗王左掛合騎賊萬人反於宜川之龍耳嘴與其徒苗美等所至焚廬舍殺老弱脅精壯以自隨左掛名之爵非子順

八月漢中賊入巴縣通江

九月賊犯邠縣知縣劉三顧禦却之邠縣與三水接壤為賊

出入所經

冬十月戊子朔詔賑陝西饑民是時亂者有叛兵亂民飢民難民當事者不能分別勦撫以致日熾 癸丑漢南賊大梁王有黨四百糾成縣兩當土賊三千餘人犯略陽漢中官兵追至寧羌階縣遁去復趨略陽官兵戰敗擄中軍官以去尋捨之

十一月戊午朔甲戌白水王子順反合逃兵掠蒲城韓城巡撫胡廷宴惡聞盜報者杖之府縣遂不以聞盜益肆稱為省城賢主人劫宜君獄走首翁溝合王嘉胤五六千人分掠郿縣長安巡按吳煥奏秦地數千里多深山大谷足為盜區西北臨邊兵民襍處漢南遙連隴蜀雒水黃龍山徇夷久伏近因

邊腹荐饑夷漢兵民相煽而動披甲跨馬之賊出沒於蒲城白水涇縣耀縣富平淳化三原及漢中興安勢如燎原首藉溝在白水宜君間

王嘉胤王高迎祥俱先

安塞關王等俱起與王嘉胤合關王高迎祥也一時賊首多邊軍之豪及良家世職不欲以姓名聞恐為親族累故相率立諱名

十二月丁亥朔庚戌固原卒數百人劫縣庫總督武之望劾總兵錢中選鉗束不嚴又言飢寒勢極法無所施

懷陵流寇始終錄卷一

大清高宗純皇帝御書

懷陵流寇始終錄卷二

吳江戴笠耕野

崑山吳安脩齒

二年己巳春正月丁巳朔壬戌鄭陽撫治梁應澤奏標下止有

步兵三百漢南賊急請發救援 己巳固原逃兵千人掠涇

陽三原

甲午刑科劉懋請補給兩年缺餉以內帑十萬賑延綏不應

乃請裁陝西驛費以供兵用歲得數十萬上亟從之且著為

令民之仰食驛糶者皆失所

吳梅村曰劉兵科初請補缺餉發內帑不應又請陝西衛軍之

冒濫虛弱者宜按冊清查并拿問有司之火耗多罪贖重者以謝閩中之人亂將自定其言最為剴切惟是全舉巡方賊罰公費存留驛站節裁之銀以供勦撫近於搜刮亦以寇事日急請帑不得故出於此不知京師何以有驅民為賊之謗

夫郎廷綏案何關于驛傳關隴飢民何關于與隸早用其言
曲突徙薪也不可不為之辨○討論曰此時以陝西之財貨
建陝西之事功足猶割肉以供口耳至于請內帑則不應請
裁驛則如響素之何哉觀十一月王順行之請則所裁驛費
不以供兵用且
又不獨陝西矣

二月丁亥朔己丑漢南賊至洋縣金水河官兵擊之奔去入四
川者百人游擊龔其勝招之入賊營結兄弟賊還漢中糾合
拒捕 乙未以楊鶴總督陝西三邊軍務討賊 丁酉漢南
賊自秦縣攻三水走淳化官兵擊之敗把總宋繼業被創死
己亥陝撫胡廷宴奏饑荒上命所司設法賑濟 壬寅固
原逃兵掠涇陽節婦甯氏不受辱投井死執游擊李英祈免
釋之與流賊合犯廷綏 乙巳三原鄉兵擊賊于陽社里賊
走富平同官 辛亥漢中官兵擊賊賊見寧羌略陽褒城皆

有兵回入沔縣之賈家寨 癸丑商雄道劉應遇率毛兵入
漢中合川將吳國輔兵擊賊于略陽賊屯恒口應遇設間以
散脅從守備黃元極陷陣馮蹶被殺手握賊級不置官兵十
戰皆捷賊退漢陰應遇令都司解文英及蜀將吳國輔李標
奇等追至大石川屢破賊砦設伏夜焚賊營斬五百餘級誅
渠魁數十人餘賊三百走四川匿漢陰山中者皆自殺應遇
以功陞甘肅巡撫 甲寅雄川縣曹村賊混天王與王左掛
苗美等攻韓城之龍門渡防兵三百力戰千總王佐擊殺賊
賊賊圍之百戶劉爵救佐皆戰死督糧參政洪承疇與撫院
中軍官李滿倉屯都司艾穆費邑宰擊破之賊走清澗
陝西巡撫胡廷宴延綏巡撫岳和聲罷以劉廣生張夢鯨代

之饑民邊兵俱為盜廷宴和聲互相推諉兵部又巡按糾之也并追治喬應甲罪

是月陝西巡撫劉廣生奏秦山一帶綿亘七百里為延綏賊入西安之路如耀州之神木嶺參天嶺柳林鎮白水宜君間之首蒼溝黃龍山三水之石門川韓城之神道嶺龍門渡麻嶺而涇陽三原淳化武功鄠縣之間所在宜防又如鳳翔府之三望平嶺漢中之洋縣西鄉石泉漢陰間要害宜防耀州為西安門戶當守涇陽三原富平淳化諸要衝

三月丁巳朔丙子延綏賊王左掛掠真寧 丁丑至耀州守將孫枝繡擊敗之賊再失利逃匿深山 乙酉復出真寧逼三水遊擊高從龍禦却之入馬蘭山

夏四月丙戌朔

甲午王左掛等復犯耀州督糧道洪承疇合官兵鄉勇萬餘人列十二營圍之于雲陽夜乘雷雨潰圍走韓城之神道嶺追斬二百餘級

商雄道劉應遇以千人圍漢中賊于寧羌州之五丁峽守道翟師雍巡道許都知州陳元瓚失防賊遁去

己亥漢南賊攻沔縣官軍擊破之走紫陽山尋降
閏四月丙辰朔

五月乙酉朔陝西巡按吳煥奏邊兵脫伍為盜

回土二賊巢穴深山兵至深匿兵去復出陝撫劉廣生是月先擊土賊趙瑄敗之於石梯李昇敗之於石倉溝薛來衡敗之

于鑑粒鎮胡野莊陶原李昇又與固原將石勳敗之於玉皇廟解家畔

六月甲寅朔 丙辰二鼓從麻灣進兵至毛家山合圍無脫者
秋七月甲申朔 八月癸丑朔 九月壬午朔

冬十月壬子朔 戊寅京師戒嚴山西巡撫耿如杞總兵張鴻
功以兵入衛皆沿邊勁卒總至兵部令往通州才至調之昌
平纔至又調之良鄉舊制兵至信地三日開糧既連調不給
糧奔走飢乏掠食如杞鴻功逮問五千壯士哄然而散山西
之賊遂熾

十一月壬午朔兵部尚書王洽下獄以左侍郎申用懋代之俄
自免去以薊遼總督梁廷棟代之

賊至清湖之田莊堡參將石在廓擊之殺數賊被殺
十二月辛亥朔是月延安大雪凍餒死者無數壯者為盜

續修四庫全書 史部 雜史類

一〇〇

懷陵流寇始終錄卷二

我朝王述古堂藏書

懷陵流寇始終錄卷三

吳江戴笠耘野

崑山吳文脩齒

三年庚午春正月辛巳朔

王左掛苗美等以三千人圍韓城

辛卯總督楊鶴巡撫劉廣生以兵擊之斬三十級遁去

癸卯以洪承疇巡撫延綏仙克謹巡撫山西特陝西兵將多入
衛督撫請以前總兵杜文煥署鎮西將軍印領二鎮行營勦
賊許之

王左掛等犯清澗之華嚴寺走懷寧河官兵擊敗之追數十里
文煥遣人諭之降 二月辛亥朔左掛以七百餘人降苗美
苗子義等自以其黨逃去官兵追之斬飛天夜叉等數百級

美等入小滴流山又擊破之追至白羅城山險而止

時朝臣專籌東事裁各邊餉陝西又荒甘肅兵譁脫伍為盜

是月周延儒入閣

山西之地自河曲南至蒲州千餘里與陝西之府谷神木葭州南至朝邑止隔一河烟火相望山西舊賊不過一二萬人

三月辛巳朔 乙巳陝西賊老回回八金剛王子順上天猴等自神木造舟渡河掠襄陵吉州曲沃尋破襄陵吉州太平不以聞其勢遂大

是月朝議開涇水以灌溉涇陽三原醴泉高陵之田

熒惑入井留數月入鬼宿犯積屍氣

夏四月庚戌朔陝撫劉廣生擊苗美等於延安斬百級令總兵

杜文煥參將李卑擊苗登霧兵至雙柳溝尖山兒招賊黨黃
虎小紅狼一文青龍得水掠地虎等來降置于河西登霧登
雲亦以二百人降

己未官兵追苗美至白家嶺擊破之被掠清澗庠生李攀桂殺
美於賀家灣

戊寅王子順犯蒲縣潞安營兵遇之於微子嶺一軍盡沒賊分
黨東擾趙城洪洞汾州霍州西掠石樓永和吉州隰州賊首
稱橫天一字王

點燈子清澗書生曰趙四兒名勝習業於石洹寺晝夜寫讀不
倦村氓異之呼為點燈子時方多故訛言謂如平話黃巢造
兵書謀反又謂官且捕之點燈子懼聚眾反于解家溝花牙

寺延安以及韓城宜君雒川并山西沿河州縣無不被掠

論討

曰或云姓名孟長庚然楊
鶴瓦構趙四兒宜悅之

是月王承恩張福臻以兵四千擊賊自西安至延安屢破之諸

賊多散獨點燈子率黨三四千轉至延安北境

五月庚辰朔戊申山西巡撫仙克謹討賊宿清源公署為中軍

官詹永福所刺不先御史孫徵蘭奏賊在陝西造舟渡河事

非倉猝仙克謹早不調繆待其自至而攻城殺人至於拷夾

典史索贖百戶勢已燎原乃謀討擊未成行而為下人所找

前為誤國後則辱國罷去宋統殷代 河南饑多盜

討論曰或於是月載賊破金鎖關殷都司王庶者非也
乃四年五月事

六月己酉朔庚戌王嘉胤合齊三等賊襲破木瓜堡參將楊茂

春自經死孤山副將李釗知賊結聚選士秣馬託名廵堡以擊之行至清永營為部下所殺 壬子賊破清永堡擄守備張應昌

辛酉溫體仁入閩

癸丑破府谷據之以二千人圍孤山堡榆林道白貽清遣將官殷體性援之斬百級殺賊目金務希乃退孤山在綏德東黃甫川營在孤山東府谷縣在黃甫東皆濱黃河河南即山西地討論曰杜帥謂李到索賊賂致禍証也吳紀從之過矣

兵安慶陽城邑多陷賊楊鶴不以聞與劉廣專事招撫賊魁小紅狼一丈青龍得水掠地虎郝小泉皆王左掛苗登霧之黨給牒免先安置兵綏之河西諸賊唯不焚殺淫掠如故丙

子巡按李應期奏之上令吳牲覆勘科臣劉懋奏邊賊以土賊為耳目土賊以邊賊為爪牙掠韓城時數猶不多近年荒旱頻仍有司貪墨故飢民羣起流劫于涇陽三原富平耀州之間其勢始大以疲兵擊之不勝又議撫之賊何所畏憚是以貌降而剽掠自若

陝西巡撫劉廣生病免王慎行代慶陽守備李極值賊於鄜州之雷公嶺戰死直羅巡簡陳其佐被殺守備白邦政重傷失戰馬四十三

山西賊犯石樓永和破蒲州潞安官兵敗沒 候代巡撫仙克謹奏永寧之孟門鎮有賊千餘引陝西大同集口之賊共二千餘欲過河而陝撫告病事大可憂廣生前于奉命入援時

以子病疹對洪承疇劉應遇而泣遲八日始行
以曹文詔為孤山參將

秋七月戊寅朔丁亥陝賊自菜園渡過河入寧鄉

討論曰菜園設在吳堡南

三十里 戊子襄陵賊千八百人犯大寧 己丑遊擊李養棟

參將李卑等攻綏德賊戰于神頭嶺 辛卯再戰于蕨子深
岢賊敗走不敢南下

御史王道直奏盜起于饑請益發兵餉銀買米一從保德州河
路一從雄宜陸路賑延綏以收拾人心解散賊黨不報

八月戊申朔官兵數千屢攻府谷不克杜文煥駐兵孤山堡

丁巳王嘉胤吳三咸引套人百犯保德

保德隔河宜是保安

己巳奉我

兵禦之殺傷相當

王慎行罷以練國事為陝西巡撫

洪承疇益發精兵二千至府谷山西巡撫宋統殷駐保德調遣統殷欲急攻文煥謂城險難攻乃諭之降嘉胤縛送四人於統殷以縣印送靖邊道白貽清請降官兵意懈 壬申王嘉胤王維紀等出城據大小寬坪張山口劉家塢立四寨與土賊吳廷貴等九寨連結又於張山口劉家塢山神堂立三營招饑民三千餘分守之以拒官軍

賊白汝學等四千人攻綏德王左掛欲應之事覺李應期洪承疇令守備白邦政斬之餘黨皆死

洪承疇杜文煥攻圍府谷賊夜來劫營擊之斬八十級文煥先擊砮三于黃甫東山諸寨以斷嘉胤聲援陣于山神堂佯退

誘之太破賊賊懼求入縣約嘉胤同降文煥不許勒兵四路
進斬王尺雲等東山諸寨俱下寨中賊入城

米脂賊張獻忠據十八寨畏文煥兵請降

是月兵部尚書梁廷棟請令陝西督撫按察治貪殘有司官以
絕盜本不報

九月丁丑朔陝按李應期請免全陝逋租

計論曰十二月免元
二兩年未完遠餉則

不知此疏
不行矣

己卯洪承疇杜文煥擊王嘉胤破之斬四百級山西兵斬二百
級賊奔潰謀渡河犯山西文煥以其兵駐綏德累日不進賊
得招合亂民南至甘泉

陝西候代巡撫王慎行請借布政司三年以來所裁驛站銀三

萬兩募兵買馬下部議

賊掠鄜州膚施甘泉乙巳綏德參將下應第擊之於懷寧川敗之

保德守備白邦政擊賊於中部之隆坊鎮千總高成功陣沒

冬十月丙午朔

大盜李老豺于鄜州雜川中部間糾三千餘人攻合水督臣楊鶴檄寧夏鎮將賀亮臣擊之於盤谷擒斬七百

乙丑王嘉胤再陷清水營殺將擊李顯宗復陷府谷

參將曹文詔擊王嘉胤於甘泉敗之固原總兵楊麒追賊至安河口斬首三百賊勢已蹙淫雨麒託言有邊警旋師賊復熾入山西 庚午陷河曲據之陝撫練國事巡按金蘭劾麒充

軍

討論曰此事原文在十二月予以陷河曲三字移之于此原文云文詔敗賊于甘州了不相干爰以意改為甘泉

杜文煥駐延綏妓樂高會受賊賄不追擊縱兵擄掠部將李重榮殺延川良民曹孟存等一百九十九人知縣王道行哭告於按察使李天經吳桂奏之

是月降賊張獻忠等以五六千人掠靖邊安定綏德米脂攻清澗鄉紳惠世揚康運泰募壯士斬賊百餘級延綏巡撫洪承疇同總兵杜文煥擊斬八百餘級獲賊頭目招撫十八寨賊二千人餘賊奔安定獻忠以殘衆據雙柳

十一月丙子朔 己丑山西總兵王國樞擊河曲賊紅夷鏡炸兵亂賊乘之遂大潰參將李春坊先逃科臣馬思理請治國樞春坊罪以肅軍紀遣大臣督秦良玉與杜文煥犄角

宣大總督魏雲中奏兵糧缺省二十月士卒凍餓故漬宜速給
布花補額餉章下所司

庚寅總兵賀虎臣擊賊於寧州斬百級

甲午樞臣果廷棟以王承恩未還王國標新敗請用杜文煥并

領山陝臨寧四鎮兵討河曲賊以道臣葉廷桂白貽清監軍

文煥與曹文詔至河曲賊堅守絕其餉道以困之

壬寅免延安元二兩年未完遼餉

陽無賊尚須更查

討論曰有載此同苟伏威擊
慶陽賊於西華池者此時慶

延綏神一元自遼陽逃歸糾黨三千人

十二月乙巳朔襲破新安邊營收兵民以攻寧塞城中開門納
之殺參將陳三槐又攻柳樹澗堡亦飢軍飢民納之 丁巳

破寧塞 庚申圍靖遠副使李若栻固守救至得免

討論曰有言一

元引河套兵者乃一魁之說也

辛酉官兵擒斬工夫虎掃地王等賊於懷寧川

杜文煥方攻河曲聞寧塞破知家口多死 己巳令曹文詔攻

賊自往寧塞拜表即行一元陷據安塞

兵部移保定總兵尤世祿於山西攻河曲賊世祿麾下王士性

等十餘人皆敢戰又有饒勳黔兵王嘉胤以三千人掠方裕

嶺官兵遇之敗績于櫻桃鎮白雄遇賊戰歿虎大威尤勝龍

等重傷世祿虛張首功軍中奏女樂威脅鄉紳室女山西人

恨之次骨世祿擊平陽賊多逃入山上天猴等還陝西又報

大捷上天猴姓名劉九思

辛未降賊雲文月叛入清澗之神崖寨劉興之女年十七為賊所得曰我若從賊父兄何以為人投崖自殺巡按吳姓以聞名其處曰烈女崖

陝西荐饑至是大飢山西以防河閉糴致斗米六錢青澗延長綏德之民流亡捐瘠米脂人從賊者至半御史吳姓請通山西糴販有旨西安接濟甯則西安遠山西近如清澗綏德葭州與山西之臨縣興縣永寧州止隔一河皆有渡口自來商民往來貿易自設兵防盜因以遏糴

時西安北有大賊四河曲王嘉胤保安神一元皆攻城破邑回賊土賊剽掠鄜州雒川間

懷陵流寇始終錄卷三

懷陵流寇始終錄卷四

吳江戴笠耘野

崑山吳爰脩齡

四年辛未春正月乙亥朔 巳卯副總兵張應昌左光先擊神一元於保安斬之賊黨奉一元弟一魁為長

壬午山西賊掠平陽寧武總兵孫顯祖奏聞喜獲山賊二十餘萬日勦日益官兵不過二千奔逐不支乞發京營邊騎夾勦命下總督張宗衡便宜專制以餉乏不行

陝撫練國事奏慶陽有飢民無亂兵平涼素多盜近又困于酷荒二府危則西安鳳翔亦危邊餉無所出又慮甘肅寧夏軍心搖動番虜難防全陝之禍莫知所底乞發數十萬金以濟

之

庚寅王嘉胤渡河掠菜園溝曹文詔擊却之斬三百餘級
先是職方郎中李繼貞上疏曰皇上以數萬金錢活數十萬生
靈福澤莫大焉活數十萬生靈而農桑復業賦稅常供所獲
不止數十萬也利益莫大焉彼地斗米銀四錢發銀不如發
米之有濟宜先發銀四五萬兩就近糴米用董搏霄入運之
法運至軍前再敕省直接納事例以及贖錢俱輸粟于邊酌
量腳價低昂其值使輸者稍得饒益則應者必多可以賑飢
賞功而依賊之民自必散還鄉里賊不降即擒矣不省至是
因他事覆疏又奏曰撫非撫賊撫飢民之從賊者也已從賊
者雖多有限未從賊而勢必至于從賊者日盛月多當此斗

米四錢之日慈父不能有其子而能禁之使束手就斃乎撫
臣所留驛銀止可給飢軍不能又饑民宜如神廟四十四年特
遣御史山東賑荒之法一以宣布德意一以安輯流亡必得
三十萬石之值在附近稍熟州縣令賢有司設法糴買運至
近賊之地盡心賑濟賊之就撫者推誠安插如此則民之已
為賊者還化為民而未為賊者永不為賊賊黨既散其勢自
孤必有斬元惡以獻者矣此費應出戶部戶部有則立發無
則力請戶部不請臣部若不代請日復一日殘破愈甚將費
數百萬不能收拾而人民逃竄東作盡廢延安西安平陽汾
州百萬錢糧盡成烏有雖增兵增餉何救於事度今日平賊
之費與他日平賊之費孰少孰多今日借出之費與他日有

出無入之費孰得孰失當有不待臣言之而洞然于心者矣
己亥詔發銀十萬兩命御史吳牲往賑延綏飢民仍令招徠代
巡按察諸將功罪繼貞謂朝士曰初時十萬即足爭之一年
始得所請而賊勢已大盛三十萬猶可專使承認止於如此
心竊憂之

罷總兵杜文煥吳牲劾其殺良也

庚子 上召對山西按察使杜喬林陝西參政劉嘉遇於平臺
問喬林寇事對曰寇在平陽或在河曲近聞漸已渡河河曲
尚阻須大創之但兵寡餉乏耳 上曰前言寇平何尚阻也
對曰山陝隔河倏去倏來故河曲獨被困問河曲之陷對曰
去年十月二十五日新令至二十八日城陷賊未嘗攻失于

內應門導賊何人曰大抵為飢民今不早圖有誤國事上

又問嘉遇對曰兵餉不足故難勤且寇見官兵即散退後嘯

聚上曰寇亦我赤子宜撫之不必專慘曰今正用撫上

曰王左掛既降何又殺之曰雖撫仍掠宜其慘也問寇出何

地曰本延綏逃兵臣十一月十二日入觀閭初六日總兵賀

虎臣殺賊六百餘總兵杜文煥殺二百餘問寇所在曰一在

寧州一在延安一在宜川上凝思久之命退討論曰王言

以敢于撫也諸臣奉對千載一時無以足食足兵先勸後撫

河曲賊渡河掠栗園菜溝癸卯參將曹文詔擊之斬三百級

朱天麟戰於史村降斬五百賊

二月乙巳朔丙午神一魁破饒陽堡居民先運賞出賊無所掠

還保安官兵圍之

楊鶴請招賊疏略曰飢民為土賊逃兵為流賊一為上天虎掃地王五六千人在綏德清澗一為黃甫胡橋積盜一為橫天王點燈子六七千人在宜川又有四夷逃兵及合水安化飢民二三千人延安偏地皆賊皆因飢荒使然勅不易結必須換之

討論曰此時賑治病之本勸治病之探撫不足言乃調理藥身壞寇事者鶴姑之嗣昌終之

陝西巡按吳牲疏言時事略云王嘉胤縱橫于延安神一魁跋扈於慶陽鄜州中部雒川宜川之間向受徇賊之害近又乘釁而起眾至數萬如耀州涇陽淳化三水白永富平郃陽澄城韓城等為西安門戶無處不可闖入捍禦止恃屯兵鄉兵無戰馮無盜甲無錢糧何以施力非獨延慶危西安未嘗不

危也嘉胤諸賊實為禍首不可言撫以損國威

帝定邊降丁缺餉兩月辛亥夜謀求散去守備張天札遊擊馬科諭之乃定逃者二百曹文詔所收山西降盜也

神一魁誘套人壬子有千騎猝至保安城下賀虎臣杜文煥兵皆敗虜入城大掠而去一魁棄城以其黨南走戊午至慶陽城中唯大計報罷推官馬一荀與士民固守賊攻東門遊擊伍維藩擊敗之圍不解楊鶴在邠州唯欲招撫不為意

上天猴等自山西歸陝西屯宜君雒川甘泉鄜州己未張全昌趙大胤擊之梁家嶺斬四百餘級

庚申戶部告匱請發內帑濟師不許

賊攻澄城陝撫練國事令前副將王紹禹張金以兵禦之省兵

素弱不能制賊唯張全昌兵五百趙大胤兵二百可戰而不能四應

點燈子屯中部其黨攻韓城 乙丑國事以全昌大胤擊中部賊斬百餘級賊南走舊制以首功百二十級為及額大胤戰於唐河堡報斬首百二十級殺良民三十五人

混天猴屯馬蘭山趙和尚寺欲掠三原涇陽

己巳官兵追韓城賊至葭州斬四百級

壬申神一魁陷合水據之擄知縣蔣應昌

甲戌兵科魏呈潤奏曰流賊有飢民有鎮兵有曰夷而河曲之賊最狡多東征之逃兵而延安西安之賊又久慣之邊盜晉駘之則從黑龍關入秦秦駘之則從馬頭關入晉非二省合

力未易制其死命而提督山陝臨寧軍務左都督杜文煥奉命討賊既已踰年在延安殺良民十八戶在綏德殺九十三歲史大等數十人攻蓮華寨殺村民報功出征之時帶攜婦女營中作樂全不以殺賊為意去年十月賊在綏德米脂清澗文煥擁衆妻走回延安道遙一月費公帑萬二千兩於王嘉胤遁出府谷時遣人護送其妻孥行四十餘里禁止兵將截擊王可貴屯蓮華寨遣人潛與相通帶出飛驛載金銀一馱賊之九寨已破其八文煥禁兵勿攻令得逃去兵回又出文煥部將哈台吉勇而敢戰所統夷丁千人為賊所憚文煥制之不得盡力與王國標約戰負約而逃又曰洪武永樂時甘肅屯糧六十萬今不及十三萬寧夏屯糧十八萬今止十

四萬延綏六萬今不又五万舊管驛馬以崇禎元年一歲計
之固原損二千五百四十五匹延綏損一千八百十七匹寧
夏損七百餘匹其視洪永不啻徑庭也

討論曰杜文煥所為如此而吳紀雜用其

語何耶

三月乙亥朔丁丑張應昌以邊兵救慶陽二谷園一魁以其黨
數千迎戰應昌屢擊收之迨至城下斬級三百鄉兵亦斬賊
百級慶陽圍解寧州知州周日強附楊鶴招賊蜚語騰謗應
昌止兵不逐賊

總督楊鶴至寧州招賊致神一魁之壻於營中與同卧起 己
卯一魁遣劉金劉鴻儒請就撫 癸未遣孫繼業茹成名等
六十餘人送出合水知縣蔣應昌又保安縣印鶴令知州周

日強於城樓上設御座賊跪拜呼萬歲訖前列幟幟書太平聖壽無疆導賊入公署謁鶴宣聖諭訖同往關將軍廟令設誓解散給牒還鄉

劉道江據鉄角城張孟金據葭保嶺有黨皆萬餘甲午道江掠固原孟金掠耀州涇陽三原寧環縣

戊戌以張宗衡總督宣大軍務

平涼固原回羅合臨洮鞏昌延安慶陽之賊據險肆掠者二三年是月道臣王振奇徐如翰將官吳三畏趙光遠等勦平之賊魁黃友才遁去

曹文詔大破賊於栗園

點燈子以萬餘人掠韓城命陽復窺芝川鎮靈州參將張全昌

以五百人戰三日斬三百餘級賊走廊州中部 夏四月甲辰朔乙巳練國事令趙大胤攻斬六百餘級

榆林連旱四年延安飢民甚衆西安又大旱練國事請發帑賑濟不報

己未神一魁至寧州降楊鶴數十罪宣敕赦之与一魁官守備侈其事以聞請一二萬金賑濟寧州知州周日強專以招賊逢鶴得延延慶道鶴又止練國事擊賊賊多綏德清澗米脂饑民各給印票回籍其頭目委都司艾穆總領時巡按吳牲赴任西安見道上掠糧賊成羣不絕廊延道張允登報賊詐就撫實行劫掠宜君雒川一帶處、皆賊姓以聞請加賑不報

御史吳牲行賑至延長縣賊方圍城牲遣人諭以禍福委同知趙鶴年分給之解圍去至延川遊盜聞之皆回受賑清澗尤困降盜党雄等四百人給餉如兵綏德困狀如清澗西河驛通山西商路晉兵防河過羅州人大困牲受降四千餘米脂從亂者已十之七六就賑救三千人

辛酉參將曹文詔與李昇馬科曹變蛟艾万年等又攻王嘉胤於河曲斬千六百級獲器械數千嘉胤走脫

丁卯王承擊上天猴于甘泉斬二百餘級

庚午滿天星雲交月混天王黃龍眼等賊數萬結三營於宜川王承恩擊斬千餘級賊南遁

賊破興平執知縣荆廷鈺

合水餘寇田近菴等擁黨五千屯馬蘭山趙和尚寺欲犯耀州
關內道瞿師雍以無兵可擊撫之吳牲止不及

辛未不沾泥及米脂葭州守者禦却之榆林道張福綦調總兵
王承恩孤山副將侯拱極都司艾萬年守懋賈人龍共三千
人至葭州王家莊洪承疇張應昌兵六至賊分營連戰二日
賊走追之至西川斬三百級墮崖溺澗死者無算擒其魁李
成林劉民悅官兵集於雙湖塔有天險窰砦六十四自來為
賊巢官兵處處把截不沾泥逃馬科追擊之止存二十七騎
渡河守備孫守法方英擒之斬于綏德其黨歸關將渡河掠
絳州

五月甲戌朔狗彘作亂于壺關高平宣大總督魏雲中罷大同

巡撫張宗衡勦平之

榆林以晉兵截河過糴斗米六錢人相食 丙子吳牲至奏榆林塞雄鎮宿將勁兵聚為商人貿易以濟饑荒初無損于山西若以防河為名而絕秦人之命隣家失火豈能安坐

戊寅以吳牲再任陝西巡按

庚辰上天猴襲據宜川知縣馮自龍於雲巖挾入城賊坐公堂令民三戶養一賊楊鶴檄至捨去廊州道張允登請於鶴自龍得不罪

辛巳王承恩擊燈子于頭山鎮斬二百級闖山虎陳龍金翅鵬降

壬午曹文詔率都司馮舉游擊曹變蛟等揚嘉謨率參將方茂

功都司李召揚三才追混天狼等至關泉鎮賊以精騎二萬分兩營待戰伏步賊數千于東西溝官兵分四營進至銅川橋大戰文詔陷陣吏卒力戰破之追奔二十餘里斬六十級墮崖湖者無算寧夏總兵賀虎臣來援斬十餘級賊敗走欲攻鎮原文詔急追之楊麒賀虎臣兵皆至賊三万屯甘泉之虎兒坳官兵擊斬六百級殺混天狼餘賊奔東北去是役合皆撫四鎮之兵窮追半月先後數十戰始克之延慶稍安

討論曰有載此事於七月者

癸未御史吳執御奏曰前年遵化之警袁崇煥以數百萬金錢狼狽失守而史應張星王象雲左應選皆以一邑固守得全可見事功不在創法而在得人也今嘗於公邊諸邑選補賢

才與以本地錢糧訓練土著使人自為守此法既行則餉不取於司農兵不借於成卒計之至便者也 工以錢糧留于本地則國課何出不聽

甲申王承恩自白水至郟陽擊工天猴於石堡川斬二百級餘

賊奔澄城南下至宜君縣之金鎖關

討論曰一統志金鎖關在汾州城西而西安

安無有更殺都司王廉賀虎臣王紹禹截擊之各有斬獲王

承恩從耀州至白水斬二百餘級又至郟陽與趙大胤合兵

有初六卯十一甲十五子戊三捷共斬級七百殺二渠賊窮求

撫楊鶴奏同官縣居家園之戰斬二百餘級滿天星降郟陽

之捷省兵與榆林兵斬四百餘級賊渠混天猴討論曰混天猴亦

非混天猴授首一丈青亂黨軍降撫有成局

洪承疇以總督命安置神一魁等於寧塞給廬食編火甲以參

將吳弘器領之關內道程師雍招田近菴等六百餘人安置

馬蘭山慶陽道周日強招銀角城劉道海等環縣白柳溪等

雄川知縣劉三顧解散獨頭虎等點燈子敗後降於清湖

曰有于此載十一卷五十二甲
寅十五丁巳三捷之事者訛也

榆林道張福孫所招撫者一字王等數百人豹一等千人金翅

鵬過天星等數百人滿天星金龍強虎鑽天鷄雲交月等大

賊八十五人黨目賀得清劉詔等一千五百餘名給送原籍

餘黨二三人隨地解散賊見大兵南來故求北歸延安故

土屯掠自如自稱受撫降丁誰敢激變良民稱為官賊莫不

恨楊鶴鶴自寧州移駐探州鶴才去慶陽降賊郝臨菴劉六等

陝西通志卷之四

掠環縣真寧

延綏巡撫洪承疇以兵至綏德 甲午夜點燈子以其黨千人
浮水渡河承疇與榆林道張福臻副總兵曹文詔等以兵追
之過河

丁酉吳牲至延安以西安推官史可法行賑可法有才略人感
稱之是日延綏榆林大雨始有禾

慶陽賊獨行狼圍張村驛止有流移六七十家

庚子混天狼遺黨二三千屯石佛原欲犯平涼總兵楊麒擊敗
之追至安河口斬百五十級又追至崇信斬六十餘級

載此事於七月庚子者

討論日有

山西賊王嘉胤從高平出長平山僻徑至沁水之坪上村

辛丑獨行狼李老柴攻中部署印官鄭師玄告急楊鶴欲招之
降賊田近菴惡虎翻山虎捍至山等叛應之 壬寅陷城巡
按吳牲行部至隆坊鎮去城四十里從行參將李卑言隆坊
不可駐宜退守廊州牲謂退則搖動人心張大賊勢宜守此
扼賊二日王承恩兵至俄而各兵俱集承恩屯城北副將趙
大胤屯城西共擊斬七百級 封諭曰有紀此事
於七月辛丑者
是月青背狼愁頭狼插翅虎等寇清湖甘泉總兵王承恩延綏
道張福臻廊州道張允登以兵夾擊斬青背狼等二百級
兵部尚書梁廷棟革職以南刑書熊明遇代未幾又罷以薊遼
總督張鳳翼代廷棟目偏盲伉健有智略一言當主意驟進
在部與職方郎中李繼貞計賊事多意合而請速治貪殘有

司允識治體以他事蜚語聞上以為懷詐負恩遽逐之時此

賊猶易為廷棟鳳翼閣鶯老吏熟諸將姓名善伺候人主意

得在位七年時寇勢始張首相溫體仁惟事頌輒不慮國事

兵計有所訪遠輒推謝曰臣以文墨待罪禁林上不知其為

下拔擢至此盜賊日益衆誠死不足塞責願臣愚無知惟自

矢栗擬勿欺耳兵食大計唯上神聖裁決鳳翼當職無可

藉口凡得急奏輒頓首戶下曰臣曉夜治文書調兵食如諸

將不用命何惟主上生死之上皆以為歸誠無私故得久在

位不悟二臣老姦知上不信廷臣故事、請使自斷且事敗

責不及也養成賊勢二臣之罪為多

六月癸卯朔王嘉胤在陽城山中醉後虐下夜被殺考異曰有謂曹文詔

分兵為二更休迭戰賊因為文詔所殺夫賊眾十六万文詔止有二三千兵豈能分番以制賊故取梅村之說

其黨推紫金梁為首有眾十六萬其頭目賴名詭負記者多

寡不同故取曹應秋所記初自陝西至山西之數以見大略

紫金梁

王自州宜川滿天星清澗人馬 蝎子塊 姓張清澗人 老

狷狷

馬光玉馬 一字王劉小山 米脂人馬 邢管隊 榆林人馬

領兵王

五百步 整齊王 四百步 闖塌天 延川人姓張馬步一千○

以知曹氏所紀姓名有未確者

過天星張五 清澗人馬步三百 曹誤南營八

大王

清澗人馬 八爪龍 姓徐魚府人 西營八大王 馬步三百○張獻忠

也

二隊八大王 點燈子管隊 不沾泥 馬步五百 混世王 馬步一千 亂世

王

延安人馬 八隊關將 姓張馬兵 曹操 馬步四百 張飛 馬步五百 九條

龍

馬步三百 五條龍 馬步三百 賀雙全 馬步三百 高總管 馬步二百

續修四庫全書

賊自共二十四家賊衆共一萬四千此自秦渡河而東之原

數也及晉豫土賊亂民附之遂至數萬時有清澗人作賊稱

南營故獻賊稱西營以為別考其曰若曰曰馬光玉其吳紀九

云若曰曰馬守應而陳必謙與人書有大小若曰曰之語意

者光玉死其妻之後夫襲前夫之名乎一字王最多不可盡

數不沾泥張存孟過天星惠登相曹操羅漢才閻將李自成

降賊滿天星一文青又叛掠宜川洛川 戊申榆林道張福臻

總兵王承恩以騎兵四千擊破賊奔韓城官兵追之糧匱士

民鳩資犒之又起鄉兵助陣楊鶴下檄止兵止糧潼關道胡

其俊以鶴意護賊託名追捕自潼川來見鄉勇王大壯擒賊

首飛虎釋去下令曰殺一賊以二民償命

三二

辛酉副總兵張應昌兵備道戴君恩謀知混天猴約齊三蘭日
 商謀龍靖遠先邀之遇於真水川岔口敗之追至中湖山又
 遇別賊二千人力戰射落賊渠白廣恩得他馬馳去射殺張
 伏倉賊續追斬四百級討諭曰此事有記于五年六月者賊謀攻合水自甘
 泉之張家灣東向洪承疇以都司馬科等二千入追之丁
 卯至甘泉山斬七十級乞降遁去

是月山西總兵尤世祿縱兵掠陽城張起鵬妻王氏不受辱墮
 樓自殺

七月癸酉朔甲戌馬科追賊混天猴至延川縣之延水關與延
 安副將李卑等合兵擊斬二百餘級賊走河濱溺死者甚眾
 神一魁為伍陌所困列上若干人於制府伍陌輩怨之慶陽推

陝西通志古堂藏書

官馬一荀遣二隸送牒是日至省城北以紅旗二報賊糾衆四十萬聲期攻省城欲激變以紓憤

賊掠鄜州列營於太平原王承恩擊之斬三百級降者二千吏科孟國祚奏今日撫局出於無奈借此以寬目前而賊勢益橫此處就撫而彼處猖獗當事者不肯變計必至身名俱敗貽誤封疆吏科曹履泰奏偷旦夕處堂之安無制伏安插之道彼方為虎狼我奉為驕子祇有借撫以張賊之談以蓋賊之名官兵亦束手而不敢動將草澤之雄窺見廟堂舉動如此天下事尚忍言哉

八月壬寅朔癸卯慶陽降賊劉五道江劉六道海又反屯余家嶺楊鶴遣智虎臣等以兵四千討之虎臣誘斬劉六斬三百

級又斬餘黨首三百四十級於環縣又斬百四十級西路稍寧

是日官兵於環縣擊賊斬三百四十級 癸丑又斬百四十四級

張福臻曹文詔以延綏兵二千追照燈子山西平陽道郭竹徵以兵來會戰於桑壁鎮霧露山宋家山黃河畔花地宋五戰皆勝共斬級七百都司王世虎守備姚進忠戰死

己酉洪承疇至平涼以鎮原賊熾發甘肅臨洮兵三千擊之庚戌賊千餘人掠慶陽之大小方山蒲河鎮承疇遣曹文詔楊嘉謨以三千人擊斬四百四十級寧夏總兵賀虎臣以千人慶陽防將參將趙光遠以五百人來援諸將分駐保安曲子

驛豐樂鎮萬安監耳朶城西濠杯託寺三山饒陽各有斬獲

討論曰洪公不知文昭
過河追賊故檄之也

癸丑御史吳執御劾閣臣周延儒攬權壅蔽塘報奏章關涉邊

疆盜賊者即託軍機為名密封下部蓋避廷臣摘其短長他

日敗可以為功勝可以致罪也疏三上被切責討論曰進賢
退不肖人之

職也懷陵立意
反之不亡何侍

照燈子有黨千餘不受撫承寧石樓榆林參將苑攀龍神木參

將父萬年擊之是月照燈子襲陷隰州蒲縣

沁水縣城東有寶莊張忠烈公銓之父尚書五典知天下將有

事於此築堡居之翌是賊來犯銓子道濬道澤官京師家人

欲避賊銓妻霍氏曰避賊而出家不保出而遇賊身亦不保

等死死于此耳且我堅守官兵必救賊必不得志敵鄉勇率
僮僕設守賊環攻之堡上矢雨注賊傷者衆乃退他避賊者
皆不免惟張氏宗族完善冀南兵備道王肇生表其堡曰夫
入城

前陝按李應期言秦寇旋撫旋叛 上命令按臣吳牲覆奏至
是牲奏云延慶郡縣及各路營堡延亘數千里山川險阻土
瘠民窮從來多盜前此屢年缺餉又歲漭旱荒軍民交困盜
賊蠢起東路則王加印為首攻破府谷擁衆渡河嫁禍于晉
西路則神一元為首破寧塞破柳樹澗破安邊破保安神一
元先其弟神一魁繼之又破合水圍慶陽此盜之最猖獗者
也督臣楊鶴以三月移鎮寧州遣官招撫神一魁等數十頭

目乞降督臣賞以金帛又給一魁守備職銜安插寧塞者四
千有奇尚有未盡餘黨如郝臨菴劉六等衆不下數萬督臣
五月初旬纔離寧州而賊已紛紛掠環縣真寧之間此保安
合水餘孽流毒慶陽者也延安四載奇荒始而邊軍倡亂繼
而軍餘煽聚米脂清澗各鄉村被掠脅徙者甚衆幾于無民
去年秋冬之間勢若燎原諸盜如點燈子整齊王不沾泥之
類名號甚多延山蔓野莫可嚮適榆中州縣既無可掠遂流
劫延南焚入廬舍掠人牲畜淫人妻女殺人男婦慘不忍聞
是時延綏撫臣洪承疇方收拾東西兩路力不能及延南陝
西撫臣練國事到任未久西安屯卒單弱不能制賊臣奉命
賑賚以三月入關賊掠宜川雒川宜君中鄂等縣點燈子一

起衆號數萬新自山西渡河而歸嘯聚黃龍山一帶聲勢甚熾臣披荆棘而入延安人心洶洶莫必旦夕臣宣布朝廷德意及奉旨蠲停錢糧延北士民始有更生之望惟西安北界韓城白水澄城蒲城富平郃陽直隸中州數十州縣受賊屠戮最慘至殺典史千總都司中軍運糧委官鄉村殘破者以數百計男婦殺死者以數千計此延北邊賊流毒西安者也五月總兵王承恩榆林道張福臻統兵五千勦賊屢戰屢捷賊望風逃潰使督撫銳意圖賊整集兵馬分布堵勦接濟錢糧俾無缺乏則賊可一鼓而殲督臣移鎮耀州下令招安諸頭目掠飽有求撫者督臣給賞花紅鼓樂迎導造花名冊予路費錢待之殊厚亦有臨陣抱旗乞降如滿天星寺榆林道

撫之收入行伍隨從征勤亦不下數百賊見大兵在南遂徙而北延袤長川安定清澗綏德米脂吳堡葭州皆其原籍解散者一二嘯聚者千百鄉村打糧日無寧刻士民稱為官賊人人恨招撫矣點燈子聚衆五六千在清澗旋撫旋叛慶陽郝貽菴劉六等亦受道臣周日強之撫百餘黨披猖環縣合水今之攻陷中部者多其黨類信乎招安為失策也最可異者獨虎等見大兵來已出韓城境潼關道臣胡其俊遣官追送路費錢九十萬賊復索粟米酒肉一一供給惟謹賊夥既衆安插愈難在寧塞者驕憤異嘗在馬欄石梯趙和尚寺者盤據內地有類養虎招降醜禍臣竊憂之又查招撫諸疏皆臣第言慶陽撫神一魁撫臣第言延南撫滿天星寺不言諸

賊既降復掠將來事更破壞為今之計唯有調兵措餉南北
會勦穢渠魁而撫餘黨秦地尚可救也 上遣楊鶴下獄充
軍以洪承疇代之練國事降三級戴罪自贖鶴雖無才誤國
而性和厚不以此怨吳甦

乙卯兵科魏呈潤奏獨虎滿天星一文青工天孫等犯韓城宜
川雒川時焚掠百餘村副總兵趙大胤駐韓城城中不出士
紳促之乃出報斬賊五十級而婦孺之首三十有五奪驢騾
及牛未有一馬且殺良民孫邦從孫大等充數皆陰與賊通
而遣之者也賊結營楊山左大胤以馬兵至上峪口望陣而
遁殺義兵郭心胡趙國英等獻級大胤落職討論曰烈宗姑
息諸將方甚優
日並不
可用

壬戌洪承疇在慶陽又奏乞餉

木瓜堡邊盜飢民二三千人欲掠韓城

戊辰總督楊鶴遣參將李昇遊擊夏有啟李養棟都司許忠分道擊賊斬三十級賊不敢南下

靖邊道戴君恩勦浦賊三百餘人于安塞

郭竹徵曹文詔与延綏游擊談震追擊照燈子至吉州鄉寧縣辛未追至河津稷山分兵邀擊文詔震由西路黃花峪進竹徵由東路馬皮峪進賊沿山而遁官兵復自河津故鎮會之賊見官兵勢重俱願降點燈子不能止文詔單騎至賊營諭降賊目陳爾先白應真一杆槍扒山虎等率七百人降點燈子率百餘人越山北奔

王承恩園中卻獨行狼等賊屢出衝突俱為火炮擊退 是日賊以數百騎衝副將李鴻副營傷十餘人失亡十砲監軍道葉廷桂廊廷道張福臻麾兵死戰始退復圍城

改曹文詔為臨朐總兵侍郎程啟南等合疏奏曰自八月以來賊過河者萬餘石樓永和復作戰場寧鄉孤城聞被圍困沿河諸處偏地是賊然未敢東向長驅者有文詔在耳晉中今歲頗熟賊于秦無可掠必將趨晉為今之計宜調文詔山西一意辦賊 旨下部

神一魁之黨茹成名先狡楊鶴惡之魁亦畏其難制一魁兩次擊虜立功成名求賞不得毆寧塞參將吳弘冠中軍官范孔一魁之心腹劉金見楊鶴於三原鶴密諭之曰一魁能殺茹

成名授守備爾授總旗鶴在耀州攻中部賊

九月壬申朔甲戌劉金與成名俱至軍門鶴執數其罪惡磔之
點燈子率男婦四十餘人逃至石樓縣之康家山與綏德州隔
河相對路止三十里知州周士奇守備孫守法以降丁賀思
賢為導渡河夜襲擊之點燈子出不意裸身提刀出思賢故
識其聲擒斬之

慶陽賊郝臨菴劉五可天飛等擁衆數千一戊子自保安鎮入
趙和尚寺與田近菴等援中部賊分兵一攻南營一攻北營
曹文詔自山西還兵道經中部遇賊即奮擊之賊不意官兵
自別路至大敗奔馮蘭山又走西川程師雍所撫賊隨之去
師雍自悔失策督兵越境勦之至合水有斬獲

茹成名既誅張孟金黃友才等皆猜懼一己丑挾一魁叛據寧塞適吳弘器他往執范礼尹鴻基等髡之以召套人

神一魁黨馬步四五千屯靖邊張應昌以兵攻城前後共斬四百級

混天王曹操等數百人襲破宜川練國事遣參將李卑擊之斬四百級知縣馬自龍逃問

郝臨菴劉道江分其黨屯環縣北合水西張全昌擊合水賊斬八十級

陝按吳姓奏未受撫而當勦者慶陽劉五郝臨菴等有黨萬餘與保安合水賊合延安有中部獨行狼李老柴等其已撫而當勦者劉六道黨延募于環縣安化真寧之間千百成群名

驢兒賊金龍獨虎數萬在延水關欲犯山西西路如謝家窰
俞家窰等乃神一魁餘黨中路如清澗之石背驛綏德之田
莊米脂之開荒鋪及西川數百里之內皆係安插之賊多在
延川文安干谷延安等處剽掠皆撫後結聚之衆甚為民害
十月辛丑朔賊又掠慶陽

賊據中部王承恩練國事屢攻不能拔又出塞引河套中人欲
自保安鎮截糧道甘肅總兵楊嘉謨攻之曹文詔張福臻兵
皆至福臻遣都司王雄誘出李老豺一條龍留之——庶戎攻
下之獨行狼以餘賊奔摩雲嶺追斬七百級副將張弘業曹
明輔戰死

丙辰山西總兵孫顯祖破賊於河津賊走萬泉又擊之斬百餘

級

十一月庚午朔 丙子譚雄破安寨初知縣崇國弼設守積勞
病死經歷胡敦鼐署縣事昏耄失防譚雄高自知等以內應
入城次日即出挾生員郭汝盤以求撫

己卯王承恩擊宜川賊混天王等斬百八十級餘賊北遁
庚辰 己亥又擊斬三百餘級賊踏冰過河至山西

劉道江等復掠慶陽宜川諸處

閏十一月庚子朔延綏大雪人多凍死又投賊者

時陝按吳牲奏延安以北則所在蜂起宜雒之賊自王承恩斬
級百七十餘遂分兩股一北走延安一東窺山西廊州一帶
俱其所出沒却臨菴劉六自張全昌斬八百餘級後亦分兩

股一屯環縣之北一聚合水之西而東西兩川皆其嘯聚之
故地賊據寧塞尚未尅復安塞逸出之賊集于延安郡城百
里之內盡成榛莽已催副將李卑於宜川還勦王承恩復中
部後欲赴寧塞擊賊行至鄜州練國事以宜川賊熾留之合
勦今李卑既赴延安承恩又還榆林西安無備總兵楊嘉謨
以甘肅兵三千在鄜州其兵勁悍可用請留秦餉給之
戊申譚雄復入安塞據之時承疇方擊黃友才于寧塞乃令曹
文詔戴君恩圍城自以李卑等夜趨安塞王承恩兵亦至壬
子抵城下急攻之

官軍方分攻寧塞安塞一癸丑一座城一朶雲薛紅旗等三千
餘人自魚河川猝至安定城下先是安定人殺降賊獨虎而

貧民恨富人為賊內應城陷

神一魁本愚夫為黃友才結之入虜復誘出斬之一甲子以首
獻乞降猶葭寧塞文詔應昌擊之斬四百級友才以千人逃
入鉄角城○流賊有三大巢穴在陝西之北境則有東川西
川在陝西河南湖廣四川四省之交界則有商南雒南盧氏
永寧內鄉浙川南召鄭陽聯綿山谷在江北則有英山霍山
流賊始於東川西川而橫於餘二西川東川深谷太山綿亘
數百里北即塞外東至綏德西至慶陽又西至西安所鎮原
縣則屬平涼府地南通于午嶺黃龍山達鄜州由蘆保嶺馬
蘭山達中部宜君同官耀州近寧塞者有金湯山吳旂營鉄
角嶺環縣之北有槐安堡月落堡米鉢堡皆與東西川接境

為賊巢穴

王承恩等擊斬譚雄等五百餘級安塞平移兵攻安定降滿天星高汝利等數十魁斬萬餘級悍賊皆脫走

降丁白柳溪乃上天猴之黨楊鶴處之廊州是夜劉民悅等夜襲甘泉劫河西道張允登所解餉銀十萬兩允登戰死把總楊勳墮城逃殺知縣郭永圖妻焦氏死之洪承疇聞變檄王承恩勦之自以四百人赴甘泉賊聞安塞破走雄河川允登四川人庚戌進士初任咸陽調繁咸寧守身清肅發姦摘伏如神工官所由為之斂手為房師湯賓尹所怒東林人又謂賓尹門人也以卓異僅轉刑曹歷今官荒亂之餘備極勞苦士民間變俱喪服迎哭罷市三日事聞與郭永圖皆贈官

關賊等犯渭南扶風隴州

十二月己巳朔庚午孫顯祖破賊于聞喜

癸酉甘泉賊白柳溪等陷葭州兵備郭景嵩死之 甲戌官兵擊斬百級

丁丑洪承疇遣曹文詔張應昌等以兵擊蝎子塊等于甘泉賊北走 癸未追至金湯山斬四百級賊目李宰張翼德姚飛龍顧龍張虎楊才等俱死

可天飛郝臨菴劉道江等自中部敗後與獨行狼李都司等蟠踞東西川其近延安者為西川之獨行狼惡虎混天狼滿天星等石油澗其近環慶者為鉄角城之劉五郝臨菴白柳溪等近中部宜君者為盧保嶺之李都司楊老柴黃友才等總

兵王承恩至慶陽。戊子與前游擊趙光遠等擊槐安堡賊，斬四百級。而米鉢堡米倉溝等處數百里內焚殺已空，賊聚衆數萬分兩枝：一西窺平涼固原，一南窺涇陽三原。己丑不沾泥等攻綏德，張福臻擊敗之。

庚戌洪承疇分遣總兵曹文詔游擊左光先崔宗胤李國奇等勦宜君綏德清澗米脂賊於懷寧川黑泉峪綿湖峪封家溝。大戰敗之，追至邠家高梁丑山，斬掃地王。

甲午總兵孫顯祖擊賊于河津，夏泉開喜六戰皆捷，斬六百級。時寧鄉被賊，家甚聞喜，次之參將周應乾被執死之。

戊戌黃友才劉五郝臨菴可天飛崔副將等攻環縣，署印同知趙應蘭自縊死。洪承疇欲以兵南北夾擊之，乏餉，吳甡以聞。

本兵能明過請措置二十萬許之

是月上以新考選官在任錢糧有負下戶部尚書畢自嚴於獄
廷臣疏救 上切責之自是考選唯論錢糧不及撫字士風

一變

討論曰此等無關於寇事而有關於國故記之

吳姓疏彙有曰四年以前致盜由荒四年以後致荒由盜蓋自
崇禎元年旱魃為虐陝西赤地千里以致軍缺餉而譁民缺
食而逃一二奸黠不逞之徒挺而走險袒臂一呼飢軍飢民
互相附和盜因以起使歲稍豐稔人有悛志而二年三年其
旱尤甚盜之燎原不可撲滅蓋起於此故曰盜繇荒致也
四年仲夏雨澤霑足臣發賑之後近城居民亦有荷犁而耕
者臣七月發自榆林見黍苗芄芄秋成盡為賊掠又截我糧

欽定四庫全書

道斷我樵採冬來大雪助虛孤城晝閉井竈俱空強壯者既
化為盜唯存老幼何以守城故內應而破城者狎至此故曰
荒隸盜致也

懷陵流寇始終錄卷四

欽定四庫全書

懷陵流寇始終錄卷五

吳江戴笠耘野

崑山吳艾脩齡

五年壬申春正月己亥朔賊掠洛川

延綏賊惡虎邢紅狼一丈青混天猴先以千餘人攻三水不克
乃詐為米商入直隸壬寅城陷知縣李迪康守備田恭把總
馬麒俱遁麒兵五百被脅入營殺鄉官趙仕父子城民死者
四十餘人次日渡洛河去

上從陝西巡按吳牲奏免延安慶陽新餉洪承疇請留西縣鳳
翔餉銀二十萬以勸寇勸農許之

山西巡撫宋統殷請留所裁驛遞銀十萬以供軍費許之

總督洪承疇奏延綏東西幾二千里隨臣來去止有兵五百僅可防守郡延不能入山擊賊如賀虎臣楊嘉謨曹文詔等各有分地俱去臣數百里何以集事

巡撫宋統毅擊賊斬四百級擒百人

時山西巡按羅世錦奏陝兵駈陝賊入山西以隣國為壑科臣山西裴君錫奏當令陝西撫鎮駈賊回陝西乃議勦撫一時朝士智識如此

甲子前通政使陝西馬鳴世奏廟堂之上誤謂延安慶陽一隅之地不關全陝輕重亦不關天下得失又誤視流賊為飢民無大勢力而不知事有不然者若不亟增大兵指大餉為一勞永逸之計惟如目前官兵流寇東馳西騫天下事尚忍言

哉

降賊申在庭馬丙者據葭州之荷葉坪參將唐通以八百人擊走之斬百級初榆林道張福臻以兵盡入衛不得已招拓亨党雄等收精健五六百人入伍置其衆於石嘴田莊以通南北糧道吳牲賑榆林過其地降丁鮮衣怒馬控弦插羽前驅調征延南賊能衝鋒直進其黨時時掠糧頭目弗能盡制不沾泥反招去攻綏德州掠義合驛義合為榆林通道賊從中發南北路斷晉商不至斗米銀六錢福臻誘亨雄及王得貴高凌志等七人斬之王承恩以兵擊斬二百級餘賊走西川初曹文詔官定邊營時收塞外哈台吉部丁勦山西盜頗得其力文詔向陝西其丁謂定邊空虚潛約河套着力免以三百

騎逼塞上求款文詔在暗門與定邊總兵 應昌同知趙之
庫計議未決——丁卯總兵孫顯祖逃兵誘定邊降套內應着
力免欲入城千總王希武張射奎出城拒戰文詔等合擊斬
百四十級却之千總李世科戰沒文詔奉檄還定邊

黃友才劉五可天飛等攻環縣之萬安鎮固原道王振奇甘肅
總兵楊嘉謨寧夏總兵賀虎臣擊之黃友才中銃死賊敗退
官兵駐曲子驛在環縣南治糧圖再進

山西賊克延家山孫顯祖以內官孫霖之把牌王承詔等分三
路擊之行解店鎮斬百三十級殺隔溝飛等賊逃猗氏官兵
追及復大戰從卯至未追殺十五里外斬賊將三人又追至
夏縣洪水鎮殺賊甚多賊佯乞撫夜劫營有備不得入顯祖

自閏十一月至年終在寧鄉石樓稷山聞喜河津一帶前後
斬獲三千三百餘級官兵纜二千餘而賊飛虎將闖天王石
竈火柞手李晉王樊山虎小紅狼蝎子塊定天紅撞天柱嬾
收拾強天王李存孝翻天鷄曹操一隻虎一字王等衆至二
十餘萬日勦日益

二月己巳朔庚午降賊雲文月叛淳化庠生高起鳳家甚貧賊
掠其繼母秦妹荆媧去索二馬以贖起鳳求得一馬賊予母
留妹起鳳与妹訣曰我去汝即死遂持母歸賊遣騎遮留欲
以為書記起鳳罵曰吾讀聖賢書作盜賊事乎賊怒截其四
指衆刃殺之荆媧年十六賊陳金貝曰唯汝用之媧不語擁
之上馬倒地賊怒割髮裂衣不動砍喉而死

東川西川綿亘數百里高山深澗鳥道羊腸久為盜藪官兵不
至東川東有夔角城西川通平涼固原黃友才死可天飛敗
歸治兵招郝臨菴等協守楊嘉謨賀虎臣自曲子驛以兵深
入二百里至湫溝去夔角城三十里賊數千列營山頭擊之
佯敗乞降

癸酉各山皆賊戰酣伏賊起馬兵先走步兵潰虎臣大營隔山
溝不能救甘肅營參將潘維忠戰死殺傷相當士氣大挫事
聞嘉謨戴罪事由延慶道周日強曲庇虎臣與嘉謨有隙以
致此敗巡按吳牲劾之疏曰周日強本寧縣知縣神一魁圍
慶陽據合水日強力主招撫釀成大亂臣曾參奏之皇上責
以戴罪自贖大兵集環慶時計程甚近而日強遷延不進動

言招安以懈士心楊鶴拔為監司一等莫展楊嘉謨等領兵而西不為預辦糧草致兵士擾害民間去歲劉郝諸賊擁衆萬餘分道侵掠非關內道程師雍越境討賊斬八百餘級慶陽危矣當慶陽被圍士民效死固守十餘晝夜定邊副將張應昌領邊兵三千出賊不意搗其中堅賊大敗走士民皆欲乘勝勦除而日強慮撓撫局蜚語騰湧以致應昌灰心撤兵而還日強所撫劉六劉五安插于鏡角城據為巢窟又黃友才等攻破米鉢堡日強又遣人講撫友才遺書語殊悖逆幸友才中砲死耳否則危矣日強身在行間宜和輯將士以圖克敵而徇鄉戚私情左袒賀虎臣致與楊嘉謨有隙鎮將不和以致此日西川之敗慶陽危地安可容此庸劣監司命吏

部議處

慶陽知府朱純見巡按吳姓於耀州曰賊在環縣山中謀攻郡城甚急惟有甘肅總兵楊嘉謨兵千餘而驕悍難制今制府勦延北賊撫院防禦西安視此地若甌脫萬一失守貽朝廷憂故事巡按治事寧州不至慶陽姓感純言特往慶陽遺書承疇請兵 已卯寧塞賊合鏡角城賊圍慶陽城中固守

討論曰觀吳慶文隆坊慶陽二事不獨忠貞實有膽畧若用以當楊鶴之任賊久平矣○有于此日載集應昌寧賊圍解者乃四年二月神一魁事之說也若圍解何須文詔來救

庚寅混天瑛攻陷廊州僉事郭應響出禦死之

癸巳總兵曹文詔自定邊敗賊于南家壘斬百級

有賊四千餘犯武鄉殺操守張一龍樂平鄉兵六百人禦賊而

敗

乙未前總兵杜文煥下獄以吳姓勘工三年十月在綏德殺良民有實狀也

戊戌孫顯祖部將劉敏元勦賊靜樂逃歸顯祖不治

三月戊戌朔部兵三百人誣索餉顯祖與監視內官孫霖憫止之巡撫宋統殷劾去顯祖

寧塞餘黨合環縣賊李鄧楊老豺等破鎮原知縣董三謨及妻李氏死之屯蒲河澗欲犯平涼練國事自涇縣馳至固原徵道臣王振奇副將王性善守諸要口平涼道徐如翰副將董志義守涇縣馬關諸嶺總兵楊嘉謨遊擊趙光遠緝姦細振奇又令回兵把總海喬扼險堵截賊不得逞退入方山事聞

卹三鎮

卹卹曰有載此于正月又合西灣之戰為一事者大謬也

洪承疇遣曹文詔以兵三千救慶陽 壬寅文詔至按臣吳牲揚言休兵一月賊初聞文詔來懼欲遁去聞牲言意懈分掠近郊官兵出城賊猶未知

庚戌文詔與甘肅總兵楊嘉謨大破賊于西壕文詔所部戰甚力拔賊三屯窮追兩日夜血戰數十合斬級七百承疇所遣副將王振奇王性善斬級三百時稱戰功第一牲從容問文詔曰制府何故不能得將軍心文詔曰制府為人煦煦小仁御士無誠心遇事無雄畧英斷文詔從軍數年有功將吏不錄一人牲問其誰文詔以馮舉曹變蛟等六人對牲薦于朝予官文詔感牲次骨

山西兵不知火器錦衣都督張道濬以建言請戍雁門宋統殷
檄召為軍前贊畫道濬知兵能戰有家丁令督造火器

癸丑游擊王尚義與汾營遊擊劉光祚擊賊于臨縣之三教村
前鋒斬一賊餘賊皆退官兵逐之伍亂賊互鬪光祚大敗僅
以身免賊東出岳陽將犯沁水道濬由浮山間道出賊前截
之

楊嘉謨曹文詔以兵三千五百擊混天猴於寧州 丁巳別賊
圍環縣欲由關山犯鳳翔時練國事兵已赴平涼承疇麾下
無兵惟曲子驛縣在環境有賀虎臣兵三千七百

庚申西濠敗賊二千合鉄角城賊江君友等趨平涼官兵追之
不能及 壬戌賊詐為官兵陷華亭知縣徐兆麟履任才七

日出謁上臺得免殺教官鄒邦榮兆麟竟以火城棄市

丁卯上命所在流民有司發倉賑卹言討論曰不用李詩權之

夏四月戊辰朔己巳總兵曹文詔楊嘉謨等兵至華亭江君友

等遁 庚午王老虎等攻莊浪縣焚城文詔等追至解圍去

文詔嘉謨遣都司靳桂香遊擊曹變蛟馮舉劉成功守備金

守亮李登榜等追擊 辛未戰于張麻村共斬五百級適甘

肅副將李鴻嗣參將吳如京固原總兵王性善兵亦至與文

詔嘉謨合營遣趙光遠方懋功以兵一千五百回守慶陽按

臣吳姓自馳至鳳翔檄關南道防守鳳縣略陽之路關西道

防守隴州寶雞之路

乙亥山西賊犯沁水寧武營裨將猛忠陣於端民鎮張道濬命

家將張道法張璩以家丁助戰忠衝賊入伏戰歿于平頭山
璩陷陣拔出忠兵賊南趨澤州阻河北掠長子

丁丑曹文詔楊嘉謨等追江君友至咸宜關馮舉李登榜等負
創力戰破賊斬百級 己卯文詔等又戰於三股水斬七十
餘級 壬午追至翟家莊賊走隴安司將紀寶難知有備北
走 己丑至清水副將蔣一陽把總徐承麟敗死都司李宮
用被擒掠長寧驛守備劉奇勳千總崔英以兵禦之鳳翔通
判張廷極與賊議撫於涼泉鋪奇勳英以兵自去廷極被擄
後皆治罪賊走張家川文詔從隴安司追至用間殺江君友
官兵乘之戰於水洛城西又大破之 癸巳追至靜寧州賊
走唐毛山曹變蛟等擊之岩磴險絕令遊擊馮舉參將吳弘

器等上山擊之賊潰斬六十級生擒二十賊奔華亭追擊敗

之吳牲奏捷請免楊嘉謨戴罪進文詔官

詞論曰有載此事于四年四五月者

誤以西壕賊賊及楊嘉謨免戴罪証之可知在此為的

不沾泥在西川立十七哨六十四砦一甲午攻米脂葭州延撫

張福臻榆林道樊一衛總兵王承恩率孤山副將侯拱極都

司艾万年唐通署副將卜應第遊擊文鼎心和應薦費邑宰

左光先崔重亨丁世虎都司張天礼守備賈人龍等馬步三

千會洪承疇于雙湖塔壘賊巢為營遣孫守法以兵截河津

不沾泥戰敗走至含峪為馬科所追以二十七騎過河東走

守法追之於河東三十里賊急反鬪守法擒不沾泥劉民悅

斬之于綏德福臻釋俘者李成林令諭出兇黨三百人承疇

續修四庫全書

伏張天礼唐通等於幕下賊至悉駈出斬之

五月戊戌朔 萬安監地聯延慶有米倉溝為平固要道東寇舉足即至自春至夏五被侵掠錄事周弘化能擊賊數有戰功 庚戌賊又至弘化与千總孫愈賢以健丁擊賊於賀家莊賊退去弘化戰死

六月丁卯朔曹文詔楊嘉謨又擊隴州餘賊文詔戰于方山原

在河西 斬百級降七十人 己巳又擊斬百餘級賊宵遁

辛未追斬三百餘級巡按吳姓奏曰鉄箭城賊巢猶縻良民於其中故可有誅有赦平涼隴州本無一賊唯是邊寇流入故臣責成楊嘉謨曹文詔窮勦旬日華亭隴州諸寇俱盡其北逃者楊麒斬二百級固原之賊漸盡自西壕至此血戰十

餘陣斬級三千寧塞餘孽乃盡又恐鏡角城賊西向令曹文詔楊嘉謨還軍慶陽督臣洪承疇不日回劇州勅混天猴即當移鎮其地臣以為當令楊麒駐兵耀州分兵守萬安清平以堵賊西下平涼固原之路張應昌等駐兵金湯吳旗營以成南北夾之勢練國事以張全昌等堵賊南下西安之路令曹楊兩鎮兵合督臣標兵共七八千人洗巢

甲申兵部員外華元誠奏三大可惜四大可憂語傷溫體仁上切責之

丁亥混天猴獨行狼一字王以方餘賊攻合水丁亥掠甘泉之甄家灣倒坐鋪洪承疇都司馮科等一幸罪追之至甘泉山中

趙大胤自富平還耀州縱兵大掠

是月江西流賊自言安攻撫州平安崇仁

是夏山西賊混天王等破隰州據前後二水頭鎮出沒西山自
寧鄉至永和俱被抄掠

秋七月丁酉朔混天猴遺黨合鍊角城賊可天飛劉道江一庚
子又圍合水遊擊陳光先以兵四百與知縣施喬梅固守曹
文詔以騎兵一千八百馳救之至花園寺聞賊攻城銃聲疾
進賊設伏誘戰文詔進至南原伏賊四起不見邊際城上人
望之呼曰曹將軍戰沒闔城譁哭俄而文詔瞋目橫戈左右
馳突匹馬縈迴于萬賊中所當無不碎墮者兵皆殊死鬪城
上望見氣增百倍出兵合擊賊大敗僵屍蔽地奔守保安之

棗林坡——癸卯走銅川橋

討論曰有載此事于本年正月者

乙巳宣大總督張宗衡以兵至山西

曹文詔率都司馮舉遊擊曹變蛟等楊嘉謨率參將方茂功都司李召揚三才等追可天飛劉道江至關泉鎮賊以精騎二萬待戰伏騎賊數千於東西兩溝官兵進至銅川橋文詔陷陣衝賊中軍將士力鬪又大破之斬數百級賀虎以寧夏兵亦至壬午子迫賊營而陣賊老弱已去留精騎待戰大霧四塞承疇以諸將擊賊戰十餘合賊又敗斬七百級

山西賊自沁水轉攻陽城王聲生以兵救之客將徽州吳開先浚沁水擊賊于北留墩殺賊數百火藥盡無援一軍皆沒賊攻澤州前參政張光奎固守八晝夜救兵不至把總劉通賊

城破澤大州也既破全省皆震陽和兵至賊退入霍州山中

癸丑曹文詔擊可天飛於甘泉之虎兒坳大破之追三十里斬

七百級賊大窘

計論曰甘泉在保安南二百餘里

庚申可天飛又以其黨二

三千人欲走掠平涼甲子總兵楊麟邀之安河口斬百五

十級敗賊逃去

山西巡撫宋統殷擊紫金梁等於長子賊走沁水

延綏巡撫張福臻能自擊賊與同時道臣葉廷桂王振奇戴君

恩樊一衡皆有戰功福臻性拘不得物情徭降丁加厚營兵

不伏闕入撫院福臻走免事間治首惡罪福臻罷去以陝西

右布政陳奇瑜代之

己巳慶陽賊千餘自小方山掠蒲河澗曹變蛟擊之殺其半

甲戌曹變蛟擊賊於甘泉斬百餘級後三日又擊斬四百餘級
賊掠川原集洪承疇發甘肅臨洮兵擊之

乙丑楊麒追可天飛等至崇信斬六十餘級

山西巡撫宋統殷聽勅御史郭必昌奏孫顯祖兵變由統殷調
度失宜所致也

八月丙寅朔 戊辰楊麒擊可天飛於白茅山斬五十餘級

曰有載此事于
四年八月者

洪承疇至平涼諭降數千賊庚辰進兵至何家老寨賊何崇匿
可天飛脫去官兵擊斬李都司白廣思齊一勲郝維端降木
幾慶陽中軍官張德以兵二百搜獲可天飛於東川之槐安
堡

山西賊紫金梁等以三萬賊圍賓莊張道濬以其徒禦之賊多
先聞陝西兵將至懼呼於壁下道濬登陴見之紫金梁免胄
曰我王自用也為王嘉胤所誤至此今來乞降老回回亦至
道濬諭之曰急還所俘散徒衆吾為請于撫院有一賊前致
詞甚都雅道濬詰之曰宜川庠士韓廷憲被掠無路自拔諸
賊釋所俘我營西入陽城界道濬以告于統殷曰賊狡未可
信遣人覘之諸賊咸就約惟八大王闖塌天等五營不欲降
紫金梁意未決陽和軍乘不備輕騎襲賊營賊怒分兵南下
犯濟源一壬午參將芮琦遊擊王士英禦之賊遂向陽城紫
金梁由沁陽山中踰太行突掠清化鎮在懷慶東四十里富
室大賈所集盡為賊有募術於武陟輝縣之間

陝西逃賊一字王等於安塞保安據路掠奪戴君恩以都司董
重亨擊之擒賊目行呂布降其黨衆 丙戌一字王在骨都
寺有黨三百戴君恩以常懷德等擊之斬百餘擒一字王薛
紅旗餘賊散走平涼稍安一字王即拓仙靈薛紅旗即薛三
九月丙申朔 壬寅山西聽勘巡撫宋統殷丁憂時賊事孔棘
在廷無肯往者起補任光祿寺卿許鼎臣巡撫山西初陝西
撫鎮擊賊甚厲統殷不能防河以致賊入山西為無窮之禍
時賊分四枝一守岳陽老巢一在沁水一在陽城一在澤州
癸卯有賊從大口入河北境 甲辰自柳樹口犯武安涉縣
懷慶之清化武安之水冶水冶之彭城皆富實賊黨聚回回魏
子塊八爪龍等以黨二萬掠清化 己酉攻清武城卑積薪

竟上屠之知縣劉鳳翔逃去家口被殺典史余守彬教官朱
家彥驛丞張社紳衿侯來同李時華范繼文死者七十餘人
居二日陽和兵至賊戰敗又敗于南營中軍官曹鳴鵠賊入
太行山有山西兵至其將使縣令報功令曰無首級何以報
將曰易耳少頃進千級其中有庠士八十餘人賊逼懷慶參
將黃士英戰死於河內之大山口都司衛某擊賊無援戰死
守道尹仲知府別如綸固守得全

癸亥賊數千掠新鄉三四日癸亥磁州道祝萬齡以毛葫蘆兵
八百人至賊走陵川毛葫蘆鑛徒也其頭目稱腦角又有鹽
兵鹽徒也皆臨時召募者中多亡命難御敢死直於搜山省
兵多祥符人有紀律易制無勇

甘泉賊石耀宇據保安縣之楊家寨與降賊郝維端所居棗林

坡近靖邊道戴君恩誘維端取耀宇立功一庚申歲其首討

曰有謂維端即臨菴非也或其系姓耳

太原府之臨縣倚黃龍山三面絕壁西當大河王嘉胤曾攻圍

八日夜不能破庠士梁明倫與神一魁遺黨豹五通誘道臣

潘光祖招安一甲子豹五襲入城以頓其勢拒守比河曲許

鼎臣令苟伏威馬杰攻之久不下有旨催戰張宗衡以兵來

合攻豹五與永寧山土賊田福田糾為首尾官兵不能制光

祖逮訊豹五姓名王之臣討論曰有紀此事入平陽潞安事中有誤也

甲戌賊復至沁水之端民類得張道濬家丁欲殺之韓廷憲曰

舊縣至寶莊二百里陽和兵貪利而動寶莊何知之不當殺

續修四庫全書

其人以相惡乃捨之廷憲密謂家丁曰三更待我坪上村新
紫賊以婦坪上去端民三里中介沁河乃伏兵河岸下以待
廷憲久結同心者舉事是夜賊攻樓雞鳴未寢或告廷憲可
疑狀廷憲亟奔賊徒追之至河伏兵擊之半渡殺滾山虎等
六人以廷憲及其妻婦次日賊以兵索廷憲甚厲道濬異詞
謝之而潛遣人陰渡上流繞出賊後登張家山發砲大噪賊
驚南去賊既向河北宋統殿王肇生率兵至陵川扼賊北來
之路遣代州陽和二營兵為前鋒遇賊于奪火村力戰破之
賊奔二十里驟遇陵川大軍進退無路死鬪殺傷相當官兵
疲欲還屯石磬肇生疾呼曰退將焉之惟死戰耳道濬下馬
揮刀馳卒張兩翼與賊爭險者踰時昏黑對立營於兩山上

夜半賊緣山而登大噪諸將乘暗逃衆亂撫道皆走失道道
潛以豕丁百騎夜馳至附會村村小無堡壁又當孔道乃趨
九仙臺臺筍立數百丈上寬平可容數百人賊已近臺道潛
持幟疾馳先上臺賊疑為大兵不敢擊臺上人鳴鼓呼噪
賊投石賊奔騎兵逐之奪騾馬百餘器仗無計斬其還鬪者
歸臺賊知無後繼還圍臺

是月張宗銜以陽和兵從澤州躡賊後至陵川擊敗之又擊賊
於潞安之西和大破之斬二千級

吳姓疏蒙云同官北為宜君自中部用兵又劉五郝臨菴等賊
踐掠甚慘同官以東為蒲城北界如宜陽下馬等里地則盡
荒人則盡竄蒲城白水素為盜藪知縣鞠思讓宣示恩威甚

有撫戢之術而殘劫之後生意蕭然矣、不保澄城北接雒川村落丘墟杳無雞犬郟陽則賊逼城下縣城以北無處得免殺傷鄉兵頗多韓城素稱饒富殺掠更甚

吳姓又有疏云西安北鄰延慶韓城郟陽蒲城白水等流賊南下首被其禍五六月內以各色鄉村為食邑七月初旬盡徙而北臣八月初一日行次隆坊始悉焚掠之狀即委西安推官史可法查勘至九月而固耀宜君遺劉郝諸賊焚掠村落慘、不堪言臣并委可法查之可法為臣數難民之狀或刀傷鱗集匍匐而不能行或襁褓呱呱啼飢寒而不能語或鬻妻婦痛良人而血淚淋漓或慘、衰翁悲爰子而肝腸碎裂或一門畢命遺齒骸而莫收或數口流離填溝渠而誰顧或

摧搥斷柱植朽于凜風冷霧之中或敗屋焦垣顛倒于古壁
黃蒿之內野無青草盡為馬噉軍傷樹掛斜陽祇有烏鴉
啖數十年物阜民安之象竟成天荒地老之悲臣聞之不覺
拊心淚下嗟乎秦民亦何不幸而至此極也

十月乙丑朔諸軍皆至九仙臺賊解圍去

科臣李夢辰奏曰賊在河北鄰省撫鎮道諸臣當合力守禦自
衛衛鄰井陘道當駐邯鄲以防北逞大名道當駐長垣以防
連結曹濮兗西道當駐曹縣以防五營竊發冀北道當駐澤
州以防西賊繼至大梁守道當駐蘭陵儀封守大梁東北河
口大梁巡道當駐汜水滎澤斷大梁西北河口蘭陽東則睢
陳巡道駐考城汜水西則河南巡道駐孟津防渡口而河北

守巡兩道俾策應于懷慶衛輝彰德豫撫當移鎮衛輝居中
調度保定山西巡撫胥齒相依四面應援如是則畿南可保
河渡無虞矣 上切責豫撫樊尚璟殺賊自贖晉保二撫分
汛堵禦

昌平副總兵左良玉以其兵二千四百驃馬八百五十至河北
良玉遼東人為昌平總督侍郎侯恂家丁宗禎二年大凌河
圍急恂拔良玉為副將以兵往救立戰功知名河北兵素弱
脩武破後屢戰皆敗賊倚太行山為窟竄沿山州縣凡潞澤
濟源河內脩武武陟輝縣淇縣汲縣湯陰安陽林縣涉縣武
安磁州無得免者樊尚璟悉徵河南兵防守山口多防兵少
而弱遇大賊必敗自良玉至河北始有戰兵然沿山州縣南

北幾及千里孤軍奔救士馬疲困

宣大總督張宗衡兵至高平宋統殷王肇生以兵會之是日破賊于桑子鎮賊趨沁水宗衡遣將追之于南林村又大破之時賊出沒潞澤岳沁間號二十萬

戊辰曹文詔等擊寧塞遺黨於高家畔斬八百餘級

癸未參將楊啓元擊賊于寧州斬八十級

保安賊郝臨菴一堵牆等自負寧過寧州犯三水官兵擊敗之於官家洞安塞遺賊一座城一朶雲掠西川胡岔延撫陳奇瑜遣王承恩擊之喬六郎斬一座城以降延綏稍安

丁亥陽和兵破賊于陽城沁水毛連溝諸處

本兵張鳳等謂山西賊有三枝西則在平陽東則在潞澤北則

在汾太沁遼三路並急議督臣張宗衡駐平陽備東西二賊
所將白安虎大威之四千人加以孤山副將李卑兵一千賀
人龍兵一千左良玉兵二千二百得八千人以平陽澤潞四
十一州縣責之撫臣許鼎臣駐汾州任西北之賊所將張應
昌苟伏威之二千人加以史記頗希牧兵一千艾萬年兵一
千五百寧武兵一千奇嵐代州北樓利民馬站老營兵二千
得七千人以汾大沁遼三十八州縣責之

討論曰此法既行
賊無期矣

十一月乙未朔 丁酉山西賊逼交城

戊戌曹文詔擊郝臨菴壽於耀州敗之斬七百級又破之於確
子山斬八十級將士乘勝騰逐賊窮蹙走據鳳凰山監軍道
樊一衡以山峻難攻誘致于趙和尚寺遣守備雷起春入賊

營為間起春誘其黨殺臨菴及獨行狼以降承疇殺其先狡

者四百人楊老柴黃台吉三台吉郝維新等皆死餘散遣之

自此陝西無賊郝臨菴盤踞棗林坡號召諸賊為逋逃主獨

行狼馬守法乃攻陷中部保安賊楊老柴名加才攻陷華亭

武安賊黃台吉三台吉乃可天飛弟姪吳梅村曰秦寇延綏

土寇仇民逃兵則神木之王嘉靖遠之神一為為野而支

蔓於無德之不沾泥慶陽之可天飛延安之郝臨菴額原之

紅軍及土寇則西川之王左掛苗美清潤之照燈子為魁而

支蔓于中部之李老柴延川之混大猷保安之獨行狼○討

論曰以為寇事之第二節若山西有人不使賊得過河則王

嘉胤柴金鼎與閩獻華併命于此僅如劉六七而已

辛亥賊至高平許鼎臣遣猛如虎虎大威等擊之

壬子鼎臣遣副將苟伏威馬杰等擊臨縣賊豹五

賀人龍李卑艾萬年以陝西兵至山西許鼎臣佯檄人龍自隨

欽定四庫全書

而陰令潛兵介休靈石以入平陽令萬年入黃蘆嶺擊邢滿川上天龍李卑入文峪口擊閻正虎張汝乾張宗衡以三將受撫院調遣恣檄之令還三將惶惑無所聽命

十二月甲子朔 戊辰猛如虎等擊破邢紅狼解高平圍

壬申張宗衡許鼎臣遣兵擊賊 甲戌臨縣賊轉入磨盤山山方六百里時閻正虎盤踞文城文水以窺太原邢滿川上天龍據吳城向陽城以窺澤州

庚辰沁水賊亂世王使人詣張道濬乞降于督撫韓廷憲曰此賊與紫金梁爭婦人有隙令謀者言紫金梁約縛獻亂世王以降因遺書問之亂世王得書款之遣其弟澆天王來請事時歲盡宗衡還平陽鼎臣新受事廷議方督進討不敢受降

道濟權詞謝之曰得紫金梁頭始為請於朝混天王涕泣而去賊內疑分三枝八大王掃地王等西北至霍州紫金梁邢紅狼西南至垣曲亂世王破甲欽等東北至長子

乙酉鳳皇山賊黨斬却維端以降諸將分領其衆還直君

官兵盡在洛陽紫金梁八大王闖將過天星花鬪索等北掠沁水武鄉 壬辰破遼州

是月上令百官進馬三品以上人一匹下者合進納于御馬監小諸閹即以官馬者進者否則駸驥必却之

懷陵流寇始終錄卷五

懷陵流寇始終錄卷六

吳江戴笠耘野

崑山吳文脩齋

六年癸酉春正月癸巳朔遼州賊聞官兵至捨去各將入城殺居民報功李卑獨否晉人稱之賊又掠榆社和順壽陽榆次平定太原大震

時山西有猛如虎張應昌河北有鄧玘左良玉賊不能留地瘠民貧掠食不飽知順德富實欲掠之而井陘劍華蒼巖諸山巉峭難踰故關天險不可犯惟井陘之南北數百里間有諸隘口有保定巡撫丁魁楚分兵設守乃紆道由濬滑邯鄲沙河一丁酉遊騎至順德西山已而至西山者七部多者万人

少五千人延及趙州元氏寧晉獲虎井陘靈壽幾徧畿南賊
距順德城百里大名道盧象昇至城外禦之 庚子順德賊
又由摩天嶺險道至武安仍向陽城 壬寅千總白獻采邀
賊於柏草坪戰死次日犯陽城 甲辰參將芮奇戰死於武
安之徘徊鎮守備王繼統劉景耀戰死於

乙巳曹文詔以兵三千五百至霍州遇賊萬餘渡汾水即馳擊
之斬百級

賊從門道川掠磁州武安 丁未左良玉擊之斬二百級部將
張成戰死

官兵攻臨縣賊張應昌趙民懷苟伏威劉光祚四面列營攻城
光祚監軍內臣之私人通賊不力攻梁明倫為賊謀主稱梁

惠光密勾土賊田福田科剋期劫營縋城出者以告

庚戌巡撫許鼎臣夜遣旗鼓陳國威以馬步兵三百詭稱田賊至豹五迎之賊不覺國威手斬田福餘賊驚潰斬五十級張應昌先登豹五於光祚分地遁去斬梁明倫父子監軍內臣報光祚先登得免三墩村之罰

癸丑以忻代斬獲功進曹文詔都督同知諸將陣於脅從者縱令逃去文詔必盡殺無一存者變蛟亦然

丙辰混世王圍孟縣

曹文詔猛如虎擊殺鑽天鵝上天龍斬千級

辛酉混世王圍壽陽曹文詔擊破之追至定襄斬四百級
猛如虎逐賊黑山擒惡虎殺姬關鎖一營略盡

沁水地廣東距高平東南抵澤州北至岳陽東北至長子西至翼城西南至垣曲西北至浮山皆百餘里賊元五犯沁水去來無時張道濬倡率鄉人築堡五十有四擇才為長給以旗遇警飛馳頃刻而徧各堅壁清野翦賊遊騎賊無所掠數月不敢犯

壬戌僧官守備弘記戰死於下頭村弘記少林寺僧學技於劉德長者也

己丑賊逼懷慶東至孤嶺圍守備張應鼇以毛胡蘆兵四百擊却之賊出五龍口殺万善驛八百人至清華鎮道臣尹伸以鹽兵禦之賊由武陟獲嘉走輝縣知縣張克儉有備城不破殺濟源脩武武陟河內村落民二千餘

辛卯曹文詔兩破賊於榆社斬二百級紫金梁老回回北遁
山西巡撫許鼎臣奏寇三十萬流毒晉地五年今就殲十之五
解散十之三西路賊萬餘遁于王屋底柱祈城中條在濟源
西今令李卑艾萬年從沁州陽城沁水之延巒天井關入鞏
賀人龍李杏芳從垣曲絳州之邵源關礮塚村入鞏此西路
之大概也東路賊二萬餘遁青羊谷赤狄園王莽嶺伏牛山
碗子城大王莊小西天孫臍坡箕山遼山在輝林武涉境中
今令鎮臣曹文詔監軍孫茂林自潞安之黎城入鞏入道標
下猛如虎等自遼州和順樂平之旱落山入鞏太汾西北有
三閭王剛短毛賊二股不滿三千鎮臣進應昌參將劉光祚
任之諒可刻日奏功也時賊勢方張廷臣泄泄然任事者大

聲疾呼猶恐不應而入告如此

削河南巡撫樊尚燦籍以玄默代之

是月河北道臣曹應秋至封丘飢民見柳芽喜曰吾輩生矣

討論曰吳紀有許鼎臣道謀士張寧嘗賊：萬濟之語讀之不解及見許氏所自紀則雖殘唐楊家將中無此奇兵也明代人才如此上豈天哉

二月癸亥朔浞世王在壽陽之解愁村 丙寅後如虎三鼓出

城擊之陽建八大王旗黎明入其營賊猶不覺相謂曰誰家

掌盤子來此合營官兵奮擊賊潰走曹文詔兵至合擊之浞

世王一枝盡死

戊辰猛如虎頗希牧以兵三百擊賊于壽陽東賊自固莊北走

文詔夾擊大破之斬六百級

己巳賊見左良玉孤軍無援悉眾至武安索戰良玉堅壁不出

己巳賊渡磨石山口并陘道寇從化檄守備李定王國璽李

崇禦之國璽逐賊入伏崇馳救之國璽決圍而出士卒死傷

殆盡庚午賊至栢鄉 辛未從小山澗至真定縣境 癸酉

至保定境巡撫丁魁楚兵備虛象昇禦却之

討論曰諸家皆云良玉敗于武

安本文既不詳上下文又無血脈意殊不解惟曹安祖禦寇志所紀如此又謂左帥督孤故用郵帥語有原本得之身歷者必可信也左勝猶不肯窮定軍以孤軍較勝敗

戊辰曹文詔猛如虎逐賊於西堰丁亥於碧霞村皆力戰斬

混天王如虎又與頗希牧擊賊于壽陽之東賊自固莊北遁

適文詔兵自北至遇于開府村斬四百五十級五臺孟縣定

襄無賊 許鼎臣令曹文詔駐軍平定州備太原東張應昌

駐軍汾州備太原西賀人龍為遊兵

賊逼祈縣 丁丑許鼎臣遣陳國威猛如虎馬杰分路擊之

戊寅鼎臣以八大王在樂平和順間之馬坊川遣曹文詔擊之 壬午破賊于大谷斬三百餘級賊千餘走垣曲鼎臣偵得撞塌天在范村鎮先遣劉大化鄒杰等守范村令文詔自榆次東山擊賊背 甲申合擊斬級數千

丙戌賊屯輝縣之百泉書院知縣張克儉有謀略虛心咨訪事得窺要縣以富名在深山中賊依太行焚劫來去必繇克儉增城濬池使賊不能攻鄉民釀金賽神者克儉每月節其餘資以造兵仗籍壯丁立約束平日無相凌役聞警則至計日給餉遠設報馬探賊苗頭報馬旗斂則安心方作旗展則上

寨設備賊在河北年餘輝無失事東作不廢臨漳知縣張尔忠有才實心任事城卑敵築外城裹之以什伍之法部署邑民使鄉丁自為守聲息相通互為應援鼓舞富民市鞍馬造甲仗堅利愈於官兵賊在磁州安陽臨漳平壤縱轡可至懼鄉兵協力不敢入境河北用兵時凡徵取於臨漳者時日不後解戶三日不歸則代者續至民不苦久役凡解軍前騾馬粟麥羊酒所費萬兩不加派不移借樽節不急之費及縣官入索者為之兩臺知其賢而時尚搜刮恐為他縣累不敢以聞其獻討賊之策甚工亦不盡用使河南諸縣皆然賊不得肆可為後世法故詳記之

戊子趙寨在澤州極西與垣曲接壤時官兵在澤州戊子賊數

萬突至勝佛頭都司蔡如薰以省兵禦之急呼河南營將曹
鳴鶴親丁營將馬摧策應二將至仰原關遇賊鳴鶴與戰勝
之夜二將各扎一營黎明鳴鶴提刀逐賊戰至午賊來益多
火藥盡摧斂兵不戰鳴鶴移營就摧陣動為賊所乘二將皆
戰死鳴鶴馬兵千餘在西陽策應半為賊所截主將蔡如薰
不救鳴鶴將種矯捷善戰臨死猶殺數十賊賊碎其屍摧不
敢戰敗卒亦非之賊既勝長驅向濟源

垣曲典史秦宗文以義勇百人逐賊於聞喜先之

辛卯曹文詔擊榆林賊斬二百四十級山西總兵張應昌逗留

討論曰有北是後
艾萬年斬崇金果

三月壬辰朔詔責山西撫鎮玩寇限三月蕩平

賊自陸嶺口小路突至林縣焚掠臨漳淇縣左良玉擊破之於

橫水追賊至河澗口守將千總范希孟戰死賊得逃去討論日原

本謂守將此去是以壬寅日事補之而舊戰死以不沒其實

甲午賊至濟源之武山頭守備連德等力戰賊敗走紫陵村出

大山口經星軺驛往澤州連德衝陣目光如炬所向無前

乙未賊自濟源焚掠懷慶毛營都司丘茂梧自澤以兵至丙申

遇賊於長老灣先勝後敗與守備張鳴鳳賈某千總焦啓沃

等俱戰死

丹河在懷慶城北十里賊據之欲破水北關為紫金梁慶壽左

良玉自彰德兼程至賊退去懷慶人深德良玉指紳皆拜

壬寅曹文詔擊澤州賊大破之斬四百級文詔嘗遇賊於道下

令軍中曰平陽事急先救之竟去人失望抵樊迴軍出賊不
意擊之斬千餘級人又大服

癸卯賊掠林縣左良玉兵至林沼溪賊踰嶺遁追斬南營八大
王擒七十人

時河南兵七千死亡垂盡左良玉敗于礦山鄧玘新有萊州功
兵科常自裕請用玘以兵二千及石砮土將馬鳳儀兵二千
赴河南勦賊許之

山西賊破樂平縣典史張止敬與弟執敬諸生梁應蛟東綦隆
鄉兵趙士常等百餘人皆戰死

賊自河內上太行文詔擊之於澤州之九仙臺大破之張道濬
遣張瓚伏兵三纏四賊分路遁官兵追北行者東走之賊至

三纏瓚突擊之擒斬其魁賊大奔巡撫許鼎臣獻俘奏道濟

功第一

丁未曹文詔破賊於沁水斬五百級

戊申左良玉破賊於輝縣賊從十八盤黃瑞二南走脩武左良

玉在輝縣時有獲於寡婦之門者即斬首懸於其處兵扶妓者杖二百氣未絕即埋之家在磁州數月三過磁不入州守治具邀之辭不赴夜宿城外三更即行有古名將之風後通賄於本兵張鳳翼遂輕視督撫縱掠聚眾

賊知東北有備由脩武西走一辛亥復至清化遊擊越効忠留精勇守妻女於澤州以羸至懷慶道臣使援清化遇賊避登屋墮被殺以戰死聞得贈參將左良玉救清化賊走去刑科

陳贊化劾周延儒通賄

遊擊陶希謙、蘇靜儒將也。在武安，是日賊至，戰於硯水，舖勝之。兵不得食，日又暮，無援，移營。自以數騎當賊中，棒墮溝，死。兵潰。左良玉來救，破賊於三井，擒其魁小秦王希謙。潰兵至磁州，道臣曹應秋收之，得八百人，巡撫以隸陳治邦。

曹文詔自山西援涉縣，破賊于毛嶺。

壬子，左良玉破賊於萬善驛。

甲寅，賊屯紅山嶺，總兵張應昌從靈石東山繞出，賊背猛如虎，以馬兵五鼓至介休，分遣四部將各以五十騎設伏，乘賊下山，分掠直衝賊營，驚潰，斬百級，斬賊魁九條龍。

丙辰，蜀賊攻蒼溪，不下，走廣元。同知張鵬起等敗于二郎關，守

備張應甲黃朝璽被殺

與平知縣楊天際入覲一戊午遇賊於陝州之乾濠鎮被創甚
失稅銀千四百兩諸入覲官道阻不得行

己未蜀賊攻百丈關守備郭需辰陳中戰死

庚申蜀兵擊賊於龍潭斬級百餘被圍而潰賊圍廣元七日

左良玉破賊于柳樹口擒賊渠隔講飛等

討論曰五年正月孫顯祖殺隔講飛矣此

或襲其名者所

賊掠賈北村去磁城四十里士民逃竄道臣曹應秋請盧象昇
來救象昇出賊不意擊之賊敗奔武安

是月上發十萬金命御史陳乾陽賑山西饑

湖南賊破永興自柳至岳殘州縣數千巡撫唐暉不以聞

夏四月壬戌朔丙寅山西賊破平順殺知縣徐明揚

丁卯賊八大王等圍岳陽賀人龍擊却之

壬申賊分隊犯忻州五臺路澤沁水巡撫許鼎臣赴平陽總兵

張應昌不敢擊賊巡按李嵩劾之詔臨鞏總兵曹文詔以陝

西兵合擊賊計論曰有在於此紀索金梁以二十營自陝西渡河而南者大略也

乙亥曹文詔破賊於陽城斬千級俄移文詔於大同廷臣怒文

詔欲令守土以失事治之也上許改官仍令擊賊

兵部調副將李昇以臨洮鞏昌兵張應昌以寧武兵討賊應昌

兵三千至鳴謙驛逃者四百

永寧飢民盧氏礦徒及太康鄆陵等為亂者羣起舞陽葉縣有

毋食其女者

續修四庫全書

己卯曹文詔以兵出平順賊不意急擊之斬千五百級張應昌
亦有斬獲紫金梁老回回奔武鄉過天星奔高澤文詔分追
敗之一月五捷

庚辰石砭營參將馬鳳儀邀賊於永年戰死

河南朝士鄉官請以洪承疇為總督駐潼關節制三省軍事
上不許但令巡撫自參遊以下竟行軍法

壬午保定巡撫丁魁楚奏遼兵騷擾畿內由撫兵王威昏菴侵
漁所致甚至全營八百人俱逃招回二百人餘皆殺賊

兵部議撫臣親履行間督大將擊賊許之然未有承用之者
內丘臨城先有賊一丙戌又有賊數萬屯內立之小西天山知
縣王世泰擊之豹子口弟世寧戰死

丁亥大名道盧象昇以兵入山破賊于侯蘭村
賊犯沙溝村把總范希忠李日華安守祀戰死
左良玉擊賊武安擒上山虎逃去追得之

曹文詔擊破沙縣賊解城圍

王剛據樓蘭山糾短毛賊一庚寅攻交城虎大威擊却之不以
奏 上聞之切責撫按

辛卯曹文詔擊賊於黎城援涉縣

河南巡按曾倜奏文詔應昌擊山西賊若不早為之計一旦駁
入河北將何結局閣部諸臣不以為意

紫金梁成于濟源其黨歸閩將後左良玉擒一賊自言是病死
諸賊厚葬之山中當時諸弁妄言死于箭斃

討諭曰有記六年二月又五年

斬紫金梁
者誤也

五月壬辰朔癸巳山西巡撫許鼎臣以流寇恣掠請蠲通賦不許

甲午戶部右侍郎劉榮嗣等奏調兵蕩寇非守城也而撫臣多派雄兵守城意謂城池亡恙可追失事之責不知賊野掠堪飽何用攻城名為防寇實同縱寇請禁守付有司率其丁壯憑城設險所調之兵專主援勦

賊數萬屯大小西天山中總兵梁甫以兵至屯龍門山鄉勇助陣去賊營三十里大名道盧象昇駐內丘之東黃寺井陘道寇從化駐臨城東——甲午合戰未決——乙未復戰賊敗仍入小西天山中

乙未總兵鄧玘以川兵六千馬騾八百及石砭將馬鳳儀

前云死于

永兵二千至磁州玘年十六從軍至是三十四矣崇禎二年

以兵入衛復遵化先登陞副將復登萊陞總兵目不知書而
口授章疏使人書之事理中窺工與授教習餉故嚴誅而兵
不服身不踰中人有機數所將多川浙人不長于馳突而能
結營屯習火器賊不敢軌攻之兵士善擾民或時劫貨其至
磁州時賊已至近境營長五十里玘駐兵臨壇去州城四十
里賊避去玘以書致道臣曹應秋欲入城應秋許之後聞于
朝謂應秋邀之入詰責應秋阻進兵蓋恰巧人也

延綏巡撫陳奇瑜奏解散降賊七千

丙申虎大威追賊及之小神頭與劉光祚夾擊斬百餘級賊窘

天忽大風揚沙晝晦得脫去

許鼎臣以和順為太行東之衝道——丁酉遣遊擊頗希牧駐防
老回回混天王等賊數萬為鄧玘左良玉所驅遂入畿南依山
自保逼邯鄲沙河諸縣戍戍保定總兵梁甫破賊于冷水舖
庚子大名道盧象昇擊賊于青龍岡親冒矢石不少畏避文臣
所無

辛丑賊逼臨安鄧玘在磁州發兵二千先行至臨壇偶遇賊之
南行者斷其後玘以兵一千往援去賊一二里見賊勢重得
令作排營銜枚不動分兵列後山上如有伏兵後繼者玘以
鞭揮兵齊進賊狂奔部將欲乘亂擊之玘曰吾兵少未能大
創前軍尚未知豈可遽進駐賊集於一所乃擊之必得全勝

壬寅有賊來去於成都邯鄲沙河間壬寅鄧紀左良玉合擊之
紀副將楊世忠敗賊於胡谷村又敗之焦孝

癸卯賊去畿南

一字王黑蝎子閻塌天等九營十餘萬賊是日逼磁州鄧紀兵
至捨去磁有士人女與其嫂皆以美聞賊圍寨指名求之二
女相攜自投絕壁下死

乙巳鄧左合兵彭城賊至不敢攻

賊從水冶四出分掠湯陰淇縣其至衛輝者屯頓方店去城十
五里老營尖手走林縣

玄默檄鄧紀擊淇縣賊調文詔良自輝縣來合擊 戊申川營
將楊遇明破賊於大峰口紀合良王兵追至林縣之清池又

擊敗之殺其尖騎九天聖等八十餘賊擒遼龍飛虎鄧營都
司安重戰死死自以官高氣凌良玉良玉不校以其兵南救
衛輝与玄默擊賊敗之死留擊彰德賊但能救護村寨未敢
殺賊

己酉 上發內帑四萬金蟒段千四百疋命內監陳大金閻思
印謝文舉孫茂霖分監曹文詔張應昌左良玉鄧紀單文舉
玉帶大金犀帶文舉每事讓大金蓋中官舊例以名下為先
後自此於翰林之論科不論位也大金與直文舉細密地方
事實心商量非徒自大者大金在河北半年未嘗參劾一人
後至河南四閱月劾逮一知州提問二知縣道臣曹應秋詰
其故大金曰河南縣官與河北霄壤歲荒糶苦我亦諒之但

閉門堅拒作流賊相待甚至欲懸取敕書上城查驗其無礼於君如此城外百姓任其盡死於盜手余不敢不入告至得罪之輕重則出聖意也其初至磁州自稱軍門欲以撫院儀注到任後議定郡守抗礼縣官長跪矣安陽令鞏煇每託疾不見惟供應不乏大金薦之蓋賊在河北時凡各帥中官撫道羣聚于安陽凡供應驛馬解宇廚饌使兵糧馬秣之類不可以數計皆取辦俄頃而悍卒猶慊凌轢索貨惡狀百出煇故負氣者強忍集事常至嘔血其薦也人兩賢之

唐成曹文詔破賊于小河村

時延綏副將李卑屯陽城艾萬年屯沁水然分兵一走沁水一走石峽溝別支犯沙縣武安

賊一字王領兵王黑蝎子關將關塌天八六王等九大營自武安南下圍毛葫蘆兵四百于河溝村盡殺之

副總兵張應昌破延綏賊于員水川斬四百級延綏稍寧

丙辰鄧部將楊遇春以川兵千人屯林縣！丙辰賊至官兵出戰遇春在前毛兵營將丁守賢繼之南陽營將錢繼功為後隊遇春入伏敗死賊以其旗誘守賢單破之攻繼功不能動賊由是輕鄧玘玘軍少馬不能馳突

戊午左營將張啓陣沒於三井

己未許鼎臣檄賀人龍等平隰州賊寨

曹文詔自黎城進兵擊賊於遼州之毛嶺擒廿四人斬二百級文詔東至涉縣賊在偏店村！庚申文詔以兵夜襲破之斬

級二百墜山死者甚衆 李卑文萬年並以賊衆請濟師馳
歸澤州

時畿內賊方擾左良玉以昌平兵北擊賊鄧思亦西馳敗賊胡
谷村與良玉兵會共逐賊沙河奪騾馬數千賊自邯鄲南走
六月辛酉朔 甲子賊犯涉縣鄧左方擊賊於林縣參將湯九
州以昌平兵二千二百騾馬四百五十晚至邯鄲道臣曹應
秋即馳往邀之竟至武安次日玄默亦馳三涉縣賊聞之退
去

賊圍湯陰敗鄉兵凡林輝涉武安諸縣同在一山賊易侵犯又
有賊自陽城垣曲合于濟源之賊

庚午官兵至潞城賊渡漳河入山

壬申曹文詔追賊於涉縣深山斬百級

甲戌夜賊至和順姦細為應陷城知縣遁去邑紳樂濟衆投井
死殺典史薛君相及士民三十餘人

戊寅鄧玘營於土樵窩太監謝文舉道臣曹應秋同至鄧營鄧
列營山頭賊在對山相去二三里若來攻狀將暮玘曰二公
在我不得專心辦賊宜亟歸城應秋曰賊勢重見我增兵故
不敢動我若稍稍引去將乘虛來襲玘曰吾袖兵若前行者
而使一兵後去若設伏然賊疑不敢動矣應秋乃歸

延綏降盜金翅雕乘旱飢有邊警糾衆二三百復叛于西川掠
雙湖峪下川花家溝諸處延撫陳奇瑜總兵王承恩方禦邊
遣兵勦之于王家至斬四百級一乙亥承恩又擊之于鵝膊

峪斬百級金翅賜王子順之姪原名應響改名成功初從王左掛反後從不沾泥降于西川三反三降歸住舊莊至是又反終被誅乃已

賑秦晉飢民

丁丑洛陽營參將周尔敬率兵二千二百馬騾四百五十至河北

副將李昇破賊于澤州之天井關擒賊渠偷日焰腫虎斬二十五級

左良玉破賊于懷慶賊奔太行山山綿亘千里望之高峻內皆平坡民居稠密五穀豐足官兵鮮至賊樂居焉

庚辰首輔周延儒罷次輔溫體仁擠之也

鄧玘與賊相持於土樵窩五日——壬午玄嘿親督左良玉周尔敬之兵援之湯九州從沙至林忽與賊遇兵士見滿山皆賊頗惶懼九州分一軍駐山下自以一軍突入賊老營矢砲奮發賊大敗斬其渠混天王賊從輝縣奔懷慶濟源玄嘿留九州尔敬守彰德衛輝自督玘良玉一日夜馳二百餘里追賊乙酉畿南賊奔涪縣知縣張肯堂以鄉兵數千禦之

是月河南有旱魃

秋七月辛卯朔壬辰賊屯武安為曹文詔所逼走陽城沁水乙未賊屯彰德汾河 上命閻思印張應昌擊之汾陽知縣費甲穗以迫索供應投奔死

鄧玘破賊於濟源獲騾馬三百奪所掠千八

丙申賊犯湯陰左良玉擊却之

丁酉五更賊至樂平城中伏賊應開東門賊入城

辛丑賊犯永和守備胡貢中擊却之

甲辰曹文詔破賊於濟源群賊披靡時一人背袍駿馬手無寸刃以馬鞭東西指揮則諸賊砲矢叢中意氣安閒敵衆而退賊中人物如此

沁水賊至懷慶乙巳鄧玘敗之於官村左良玉敗之於沁河曹文詔敗之於濟源丁未又敗之於清化鎮鄧玘又敗之于萬善驛共斬一千二百級河北首功無如此之多者

戊申河北賊至孟縣擄知縣馮道亨官兵戰于岢嵐州失利遊擊許國運被創先遼州和順榆次壽陽所在皆賊總兵張應

昌遠避兵科祝世良糾之

曹文詔破賊於孟縣

時河北賊為諸將所破復至山西陳國威破之於澤州之天井關又破之於巴公村擒亂世王等妻子又破之於獨火山

壬子曹文詔擊賊于懷慶之紫陵村擐紅蟒甲陷陣賊無敢當馬首者斬二百六十級文詔有套丁三百為賊所憚而暴橫甚曹變蛟兵尤甚文詔在懷慶巡撫謁之卧不起呼至牀前問答

癸丑鄧玘至懷慶與文詔擊賊於漢高城三戰三勝

令曹文詔之任大同副將李昇統其兵文詔與洪洞劉御史之子不相能劉為河南巡按誣奏文詔左良玉鄧玘擊賊于太

行山北兵大敗文詔引兵從山北下橫擊賊大破之斬級無數戰罷渣渴劉甲未解也劉語失當文詔懷怒叱之拂衣竟去朝官爭文臣體皆怒以功大不能中傷移之間處使不得見才而徐國之後以大同失二縣深文譴戍

山西巡撫許鼎臣罷以戴君思代之

賊屢敗己未從溫孟至武陟入山往林縣湯九州周尔敬夾攻之死者衆奔磁州

副將湯九州駐兵水冶在安陽城北四十里為武安林涉磁州要路 是日追賊至遼州之桑山村賊馳去

是月賊攻溫縣焚門欲入城中惟有典史張祚看取民門扇木器益其火賊不得入

八月庚申朔賊至林縣湯九州與周爾敬夾擊之死者甚衆遂奔磁州

辛酉賊攻濟源左良玉擊敗之賊又犯沙河入邢臺西大嶺

河南巡撫玄默罷

乙丑官兵破賊于沙河

丙寅山西賊自翼城攻沁水李昇在高平王肇生三檄之救不至
庚午沁水陷賊之入晉五攻沁水張道濬城守功多言者劾其離伍巡按馮明珩覆奏沁城既失道濬不得言功成也既離安所逃罪遂改戍海寧衛

湯九州屯水峪鎮常伏偵卒于村民家賊未至已知賊犯林縣

武安磁州輒飛騎擊之賊駭異諸將追賊不至二三十里

甲戌夜九州破賊于九龍山乘月追及百里寨上民拍手歡呼賊妻子號泣奔潰九州石埭人雅素如儒生善謀敢戰御兵不擾奪賊所掠水冶婦女百人鎖之一室召其家引去

乙亥張應昌擊山西土賊王剗斬九十級

上命京營將倪寵王樸以都督總兵討賊統兵六千馬五千賜

弓矢戰馬監以內侍楊進朝盧九德

十一月賊過河峽

職方李繼貞

奏倪寵曾歷邊疆在京營六年使為大帥猶可王樸但從父威分功在京營僅半年遽加府銜總兵不厭人望左良玉李卑百戰之勞位反在下能無解體宜加良玉卑都督僉事副總兵庶無相臨之分可以服其心作其氣從之是日至河南

討論曰種馬之法祖宗遠計孝宗時種馬一十二萬五千匹
首馬七十萬匹其時江南乃有折銀歲不過二萬隆慶間始
賣種馬折中料收地租至萬曆九年種馬賣盡此時太僕光
庫積銀四百萬以後大工大禮無事不借戶部至一千一百
二十二萬工部至五十八萬餘而歲入馬價僅可供各邊年
例迄于崇禎遂無以備討賊之馬論世者宜于此究心焉
丙子參將艾萬年擊賊于岳陽斬三百餘級

時西岸降丁擊零盜數有斬獲

壬午五臺山賊突至井陘屯元氏梁甫擊之石家溝斬百級

癸未大名道盧象昇太監楊進朝擊賊於小西天山勝之

宣雲有警撤左良玉湯九州還鎮

九月庚寅朔賊八大王蝎子塊撞塌天一盞燈以黨四千從高

平沁水犯平山張應昌擊之斬百六十級守備楊芳擒一盞

燈姓名張有義本賀將家丁五年四月與賊戰於高平被擒

賊喜其勇與五百人遂為渠魁

己酉太監閻思印招山西土賊王剗降其黨五百又招他賊三百來降

辛亥湯九州擊賊於武安之桑山又擊賊於其縣之白村皆大破之監紀太監陳大金欵賞賚九州時俘賊數十人大金見五六人貌猙獰欲殺之道臣曹應秋曰不啻論貌問就擒時為拒敵為投降以定生殺九州指一賊年未二十名飛山虎曰此子首倡來降即猙獰之一也乃盡宥之其中黃鶯每衝賊陣重傷不退餘皆敢戰甚收其用

鄧玘待下無恩屯彰德兵多逃亡嫉左良玉戰功因誣奏良玉誘去其兵良玉疏辨云臣守懷慶玘守彰德以彰磁步賊必

欲與臣易地既易之後賊又犯懷濟臣倍道星馳敗賊於沁水於北山玘不念同舟之誼誣臣八德村首功為假冒

庚午賊犯行唐靈壽平山井陘鄧玘擊破之去五臺山五臺山周圍數百里東通畿輔北枕大同西接雁門南距太原賊據繡通寺為巢廬舍芻食俱備固守險阻山深路峻夾擊搜捕虛文而已未幾復南行 庚辰掠脩武京兵與湯九州左良玉兵前後控扼之京兵戰于充候石坡牛尾湯兵戰於青店沙岡皆勝之賊不得掠困甚時諸將少馬鄧左湯周不過四五百匹京兵有騾馬五千數有戰功

張應昌破賊于五臺之清涼莊斬百級賊走平山

甲申趙州賊至寧晉阻清水河不得渡掠南宮梁甫兵在獲鹿

喻期乃至賊已往栢鄉西歸五臺

乙酉賊四五千入犯沙頭臨汝官兵禦却之

兵部議令撫臣親履行間山西巡撫許鼎臣率曹文詔入陽城沁水山中道臣王肇生督張應昌入潞安山中河南巡撫玄默率左良玉由萬泉入星軺驛道臣口口同鄧紀由武陟入少陽關保定巡撫丁魁楚率梁甫周尔敬入小西天山等處其偏裨遣道府督之分勦報可

有賊數萬自順德至內丘臨城一丙戌又有賊數萬屯內丘小西天山知縣王世恭擊之于豹子口不利王世寧戰死丁亥大名道盧象昇督兵入山破賊於侯蘭村

賊犯沙縣把總范希忠李日華安守禮陣亡

左良玉擊賊擊賊於武安擒上山虎逃去追殺之

冬十月庚申朔進左良玉湯九州副總兵選二西討賊

延水關由清澗綏德米脂魚河歸德至延綏築城六百餘里遙
制為難延川縣為入路層崖峻坂羊腸一線馬不能並行紆
迴數十里始達其境黃河繞其東深山巨壑北賊渠開山斧
翻山洞高將軍獨木橋金龍姬關鎖通天往艾飛龍二郎神
毒尾狼穿山甲王本等據之聯絡百里不許過河殺掠山西
濱河州縣負固數年諸賊已入山西鐫天常開山斧獨守之
延綏巡水陳奇瑜陽稱洪總制檄發延綏鎮兵簡七千人自
與總兵王威將之一丁卯至延川乃策馬前行傳令諸將曰
視吾馬首所向疾走延水關賊驚潰斬級一千六百分兵擊

斬金翅鵬一座城宿盜悉平殘賊竄據晉都守奇瑜威名著

於陝右討翰曰奇瑜
酷以高駢

賊犯趙州及寧晉欲東行阻清水河不得渡殺掠南宮村落後

從栢鄉西去總兵梁甫不敢擊華職舉人李讓禦賊死弟
亦死

戊辰調鄧玘於東昌丁魁楚以八大王蝎子塊胸塌天三賊尚

在元氏西山留玘勦之玘還真定

是月河南兵三破賊於原康於甌底於陟縣斬獲飛天聖等二

百餘名賊遂北向焚大石橋直奔五臺山

故關把總朱道淳擒賊渠五虎於井陘即宜川賊
王良謨

陝西大饑降丁渡河劫掠

十一月己丑朔

戊戌京營兵遇賊於武安之柳泉再戰皆捷賊屯猛虎村——
甲辰出不意夜襲之賊敗走追斬二百級混海龍插翅虎黃鶯
子等皆死

時山西河北客兵左良玉領昌平兵二千四百馬八百五十監
軍陳文金鄧玘領四川兵六千人馬七百五十五匹監軍謝文
舉一湯九州領昌平兵二千二百馬四百五十五匹周尔敬領
洛陽兵二千馬三百匹倪寵王樸共領京營兵七千馬五千
匹寵監軍楊進朝樸監軍盧志德志一作九
主兵總營前部兵一千馬一百四十都司蔡如熏領之十月陳
永福代總營左部兵一千馬八十遊擊陳進邦領之總營右

平定通志

部兵八百人馬一百五十匹守備連穩李春貴領之總營後
部兵五百名馬三百匹中軍官許志忠領之新勇營兵六百
名馬八十匹千總孔道興領之後以李璿璣代磁州毛胡蘆
營兵五百六十名馬八十匹守備王以潔領之磁州武營兵
三百名馬十二匹守備董奇高領之磁州毛勇營兵三百名
馬七匹守備夏金花領之南陽營兵四百名馬十二匹都司
錢繼功領之嵩盧營兵四百名馬六匹守備張領鼇領之盧
氏新營兵一千名守備孟邦佐領之舊鹽營兵五百名李世
瀚領之新鹽營兵五百名馬七匹守備夏國鎮領之懷鹽營
兵五百名守備王之佐領之十共主客兵二萬二千餘每月
共支新餉銀七萬兩行糧草料在外而自陝西來者不在其

中客兵共斬級五千主兵斬級六百賊以所掠民与官兵驍

賊馳去官兵唯欲報功取易得者不追驍賊

討論曰朝廷賊貴多矣留曹應

秋所記以見其餘

時賊屢敗不得掠食困甚京屯武安王樸家丁多關中人与賊

親知得賂謬為甘言以惑樸楊進朝盧九德皆信之而驍健

樂亂者多一乙已賊乞降自稱飢民頭目張妙手關塌天滿

天飛邢紅狼關將等叩首言我等皆良民因陝西荒旱致犯

大罪今誓歸降押還故土復業樸等恃監軍高與援欲取大

功許之賊乘間以重貨與兵民貿易裘靴為渡河計其在林

縣武涉者尚劫掠樸等邀撫按同受降皆不往畏監軍勢亦

不敢阻其事一丁未賀雙全張妙手等十二人親至武安見

卷六

帥監及道臣常道立環跪泣請唯命生死進弱等以疏於朝
張妙手善射試之百步中錢孔

在武安乞降賊目名數載之使知渡河後亦合之勢云

賀雙全 斬虎 九條龍 關王高迎祥 領兵山

勇將 滿天飛 一條龍 一丈青 哄天星

三隻手 一字王 關將李自成 蝎子魂 滿天星

七條龍 關顯 八大王 皂鶯 張妙手

西營八大王 張獻忠 老張飛 詐手 邢紅狼

關塌天劉國能 馬鶴子 南營八大王 胡瓜 哄世王

一塊雲 乱世王 大將軍 過天星惠登相 二將

哄天王 猛虎 獨虎 老回馬光玉 高小溪

掃地王

整齊王

五條龍

五顯王

邢闕王

曹操

羅漢

稻黍得

逼上路

四虎

黃龍

大天王

皮裏針

張飛

石塌天

薛仁貴

金翅鵬

八金龍

鞋底光

瓦背兒

劉備

豬天鷄

上天龍

舊云六十一名

辛亥兵部趨保定河南山西巡撫會勦山賊有賊數千避官兵

入順德西山保定巡撫丁魁楚分兵進擊賊奔陽武山中進

至武安官兵敗賊于陽邑之石坡村

倪寵王樸少不更事進朝志德道立庸奴無憚既受降略不慮

變垣曲濟源之間河身寂狹水漸先合成橋狡賊乘間掠門

扇鋪水上覆以土——壬子三道馳馬過河而南登灃池之馬
 蹄窩野猪鼻防河中軍官袁大權倉卒戰死——癸丑防兵王
 才走報署灃池事者袁勳縣人疑才為賊謀勳下之獄議設
 守四更賊在城上殺人眾亂城破獄囚散王才得出復走報
 新安及河南府賊入灃池踰時即出
討論曰此為寇事之第一節不縱過河事已定矣
 旋掠新安伊陽永寧陝州而伏牛商於諸山延袤數百里
 皆為賊巢

賊多未渡河者——甲寅湯九州以兵三千擊之林縣勝於兩岔
 口——乙卯又破之安陽之夏村——丙辰勝之於旁生寨清涼
 山共斬賊四百級擒賊過山龍一文紅樓山虎等時左良玉
 亦勝賊于早生斬百四十級曹變蛟亦勝賊于涉縣守備許

志忠孔道興等併力追勦而前隊亦先走濟源垣曲渡河賊
既渡河無一兵追擊屯於雒陽城西三十里而垣曲山中諸
賊已薄濟源時官兵多殺良民冒功張應昌一日屠汾西一
寨九百二十九人被劫聽勅以副將艾蕙年將其兵

戊午晉撫戴君恩擊賊于武陟斬二百五十級又擊奇嵐賊於
汎溪斬百八十級

十二月己未朔伊陽城頽敵無正官賊至不攻而破

盧氏在萬山中而道路四達一庚申賊至掌印官金如令逃去
賊遂入城死者甚衆

移湖廣總兵許成名鎮襄陽

兵部又議調貴州鎮草兵五千禦賊于襄陽德安

壬戌闕鄉靈室盧氏賊十三營入雒又有賊自內鄉浙川入商南

甲子副總兵左良玉攻盧氏賊斬一陣風飛二豹又擊賊于青山嶺銀洞溝斬首百五十級守備朱明都司陳衍慶戰死

丁卯山西賊犯孟縣和順荐義降丁叛者七百八

戊辰賊二萬人踰王屋山至西陽官兵銃擊却之

賊掠浙川攻內鄉知縣茹毓初力守於城外淫攬地龍於城中引火線發之頃刻火起燒死者無算賊遂犯竹山光化均州又分兵曹操入湖廣邢紅狼入河南過天星入陝西闕將入漢中

賊渡河後勢甚猖獗止有左良玉一軍追賊庚午破賊于新

安之環川一卒未破賊于柳泉魚兒泉賊黨甚繁凡雒陽新
安陝州靈寶閿鄉盧氏永寧汝州曾山葉縣舞陽遂平確山
信陽南陽裕州泌陽桐柏浙川新野內鄉壽州縣無不焚掠
均州之地北通唐鄧內鄉漢中南通襄陽承天光化穀城一壬
申賊至均州之槐樹關

癸酉賊圍羅山掠葉縣鎮平唐縣二千餘賊屯杏山二千餘賊
屯長沙

賊自宜陽由青龍口一甲戌至嵩縣又有賊至內鄉之黨子口
提督太和山太監馮應宸姪存誠禦賊陣歿

御史林銘球劾河南巡撫玄默道臣李春旺縱賊渡河討論曰
京營閣帥也朝論
如此公道何在

陝西賊犯商州官兵禦却之自是雒南稍緩山陽鎮安賊熾
丙子賊犯南召

伊陽賊走魯山攻門不得入走葉縣是日轉焚掠遂平
玄默欲分遣諸將以兵截賊東犯開封南犯南陽之路自以兵
擊賊于新安

丁酉丑賊已至郟城逼開封

賊萬餘犯伊陽官兵拒却之

賊掠西平裕州左良玉擊之稍有斬獲餘將不忿進

戊寅賊由寶豐犯南陽

是日湯九州大破過天星於 之吳城鎮追殺六十里斬四
百餘級

總兵左良玉太監陳大金破賊於保安驛擒一條龍上山虎展翅飛狼山虎李廣

庚辰湯九州破賊於遂平之橫山鎮斬健賊千餘為中州戰功第一又搜賊入山十六戰斬混天王等二千餘級

賊偽為燒香者陷鄖西

上命四川鄖陽湖廣諸撫臣發兵禦賊河南鎮將追殺到底如有旋兵以楚為壑者立斬軍前

賊入鄖陽離城五六里而營

辛巳賊入鄖陽去城五六里立營

賊入隨州巫山店千戶張以謙巡簡朱世蘭戰死賊走桐柏山又有賊掠確山往信陽

京軍至橫山追敗賊於泌陽賊走南陽唐縣
玄默駐確山截走汝寧之道

甲申賊首陸閻王渡河掠確山等縣聞三關有兵由獅子口鉄
佛寺至信陽左良玉以守備許志忠等敗賊於趙庄又敗賊
于平土關黑山

巡撫標將宋際明擊賊戰死於泌陽之平陽關

山陽立城於山下丙戌賊至知縣董三謨率民守城賊於山上
發矢石城遂破三謨死之賊大焚戮事聞三謨子卹贈是夜
破鎮安執知縣趙廷瑞尋釋之是年陝西大旱

曹應秋曰崇禎壬申八月賊至河北掠清華九月破脩武逼
懷慶十月左帥至癸酉正月芮琦戰死于武安樊撫院丁憂
二月曹鳴鶚戰死于趙寨賊至濟源城逼懷慶復至清化左
帥自彰德救之賊入山三月二十日辛亥賊又至清化越效
忠被殺陶希謙戰死于武安之硯水鋪新撫院玄默至任五
月初四日乙未鄧帥至十二日癸卯賊十餘萬盡至磁州攻
彭城鎮不得入尋鄧左破賊于林縣之清池柳泉賊之犯衛
輝者至頓方店六月初四日甲子賊攻涉縣初七日引去是
月太監陳大金謝文舉至楊遇春丁守賢戰死十八日戊寅
鄧帥拒賊於土樵窩二十二日壬午玄撫院恭破賊於西河
村七月鄧左破賊于懷慶賊走山西境遇曹帥大敗賊從溫

孟至武陟入山至林縣湯帥駐水冶鎮八月有陽邑鎮科衆
清涼山九龍山王凱寨原康村湖南七捷左帥有河村補黃
山八德三捷周參將有都里馬鞍山二捷是月太監楊進朝
慮志德京營副將倪寵王樸以兵五千至彭德九月有原康
曾店涉縣三捷兵勢大振賊焚大石橋走五臺十月復回武
陟之地皆賊京營與湯帥皆大破賊：不得掠凱困十一月
賊首賀雙全等在武安者因京營以乞降在林涉者尚焚掠
湯帥戰于林縣者三日廿六日甲寅勝之於兩岔口廿七日
勝之于安陽之夏村廿八日勝之于立方坐寨清涼山左帥
勝之于早生曹變蛟勝之于涉縣諸將急追而賊前隊已走
濟源垣曲廿四日乘冰過河廿六日破滎池又破伊陽賊渡

河後焚殺更甚初一日左帥一軍追賊雖有盧氏銀河溝刀
環川柳泉諸捷而賊衆四掠凡雒陽新安陝州靈寶閿鄉盧
氏永寧汝州魯山葉縣舞陽遂平確山信陽滑州泌陽桐柏
浙川新野內鄉諸州縣賊無不犯十二月十一日丁丑賊至
鄧城玄撫院督湯帥兵夜擊賊於舞陽之吳家鎮大破之廿
二日庚辰陳大金左良玉勝之于保安廿六日勝賊于趙莊
是日左帥與守備許志忠又有信陽州平土關黑山之捷七
五年正月戊子朔按院劉令譽破賊于泌陽縣之牛蹄村得
此三路大捷賊走湖廣二月以後玄撫院親督諸將兵搜山
河南始寧

又曰大抵賊多邊軍有良家子及武弁世職故隱其姓名而

稱緡號殺一人又立一人以應其號如一字王劉小山左帥
擒之于所監斬後復有新立一字王惟紫金梁先其黨歸關
將無復稱其號此賊似能統領諸賊也此賊死後衆賊各自
為隊時分時合其擄掠最重騾馬得婦女作軍裝乘馬以從
遇官軍則全數騎誘之深入大隊兩旁裹之其攻城則先伏
數人于城中外賊夜至城下城內賊殺人城民自亂遂得入
之少行金錢以布姦細有信先知官兵出賊不意擊之必在
四五十里外故戰勝不能遠追賊馬一夜走百餘里積賊先
去委脅從者与官軍殺之報功官軍亦樂其難奔易殺不追
積賊故斬級日聞而賊勢日熾

懷陵流寇始終錄卷六

懷陵流寇始終錄卷七

吳江戴笠耘野

崑山吳及脩壑

七年甲戌春正月戊子朔河南巡按劉令譽以古軍破賊於泌陽之牛蹄村殺渠飛虎斬千餘級

賊為左良玉湯九州所逐分走一之鄖陽一之襄陽掠落湖陂白露店

庚寅山西總兵張應昌渡河擊靈寶賊斬二百餘擒李晉王洵陽無賊辛卯賊掠破之

鄖陽撫治蔣允儀在襄陽防守以道臣徐景麟守鄖陽左良玉兵至誤以為寇銃傷三人良玉以聞逮戍景麟

壬辰山西降盜王剛王之臣通天柱等至太原挾賞巡撫戴君
思設宴斬之共擒斬四百三十人王之臣即豹五通天柱等
義土賊時大旱賊愈衆

守備吳應元率辰州兵擊賊於棗陽敗沒

河南賊自鄖陽金魚口渡江至界山石花街薄穀城

獻賊犯信陽鄧州兵科史可鏡請調用鎮溪軍子二土司兵五
千許之二土司兵不足補以施南兵是日至賊聞之盡往應
山都司周元儒擊却之

癸巳賊攻隨州之唐縣鎮官兵禦却之鎮乃承天德安要路賊
屢犯之 又有賊自鄧州九星院至光化

甲午賊自雙溝鎮至新野

山西官軍破賊於翼城之青城村斬百六十級

丙申賊自均州之州店至穀城掠石花街廟灘鎮又掠於穀城西門外遇澧州兵來援鄖陽擊之傷三十人乃退襄陽舉人常存畏遇賊欲奉以為主不許罵賊被殺又言賊四五千自浙川犯南漳宜城房縣竹山圍均州

賊攻宜城主簿崔文台禦却之

丁酉以張伯鯨巡撫廷綬

戊戌房縣兵破賊于石門溝斬滿天飛

賊偽為官役入竹溪城執縣令俞某其子伯麟請代死賊殺其一家

己亥賊至麗陽驛鹿頭店荊州兵不能遏

辛丑賊焚太和山宮觀太和險絕鄖陽一帶山谷邃密賊據為巢

鄖賊破洵陽逼興安分守道王在臺固守西鄉土寇乘之遊擊唐通方擊土寇而興安賊轉破紫陽平利白河承疇馳救之城得全練國事移兵至商雒范復粹亦至漢中賊奔鳳縣入一犯光化一犯均州其走閔鄉靈寶盧氏於復入商南雒南二邑在萬山中向無防兵商雒之北即及省城盡屋華州渭南諸邑村落富實賊所欲得商雒既破漢中震動

癸卯賊破竹山千戶周文佐逃知縣汪振聲全家被殺

甲辰賊至黃安去桐城三十里

討論曰或於此下有指揮馬如龍戰死副將雲應乾陣歿參將

馮時早失利或又載此於八年正月廿九日然八年二月雷應乾後麻城則七八年正月事皆虛矣集說以成一書其

陝西通志

難據有如此者後
之君子見而諒之

楚撫唐暉移駐承天

賊掠均州之槐樹關襄陽推官江禹緒禦之賊走鄖陽

賊至麗陽驛掠鄉村其渠皆昔年布商也 乙巳攻荆門州馬
賊數千步賊無數

擢廷綏巡撫陳奇瑜兵部侍郎總督陝西山西河南湖廣四川
軍務討賊時賊蔓延四省流突無定廷議以為各鎮撫事權
不一互相觀望宜以重臣開督府統攝諸道兵討賊得許廷
臣以廷水關事舉用奇瑜

丙午賊從沔陽迂迴南下去襄陽六十里千總張其來援戰死
左良玉兵至鄖陽見關廂已焚乃移駐襄陽賊遁去 沔陽或

是村鎮之名
否則誤也

賊見荊州無蒲沙草市多貨物由小路南下已酉偽為廐卒陷
當陽焚河溶諸村鎮去荊州五十里而屯當陽有黑龍冲廣
二十餘里故為盜藪至是流賊據之

壬子副總兵楊正芳以鎮軍兵至河溶夜破賊於斑鳩灘遂至
當陽遇賊萬餘連戰十餘合大破之斬數千級

癸丑賊掠余家冲破遠安一甲寅楊正芳兵至賊走陽平霸
賊數萬自河溶往荊州楊正芳督兵至金沙鋪與賊戰追殺十
餘里斬級百餘夜奔青城

乙卯楊正芳破荊門州土賊退入村落

總督陳奇瑜會兵陝州

游擊陳治策邀擊賊于隰陽村斬百餘級

有賊數萬屯於鄭陽諸山中黑鳩子攻房縣破之傷知縣黃從
貴殺教官馬應奎千戶岳本高鄭陽雖設軍門地狹兵少承
平久恃儉陋向不振刷仕途落度者乃与之至是撫治蔣允
儀計無所出上書請死而已

丙辰賊犯興山逼歸州

巡撫唐暉以棗陽當陽皆有賊獻陵惠藩事重留許成名楊正
茂自衛不顧鄖陽賊過漢水迫穀城立寨均州賊至光化又
自雙溝至新野宜城別有賊自淅川入鄖陽犯荆門直至西
陵襄陽之兵不能四應賊蹂均州草店犯穀城掠石花街諸
鎮又掠襄陽雙溝鎮煮幼稚以飼馬焚劫西門外千餘家村

落無不被掠殺卽西斗大一城百姓聞風先遁賊至當陽遇官兵敗不得攻城往德安經出山店殺千戶熊以謙以次破保康上津房山竹山鄖陽之山綿亘數千里北通秦豫西通四川東通荆襄故賊自始至終以為中頓

南京兵部尚書呂維祺請防泗州鳳陽祖陵乞勅淮撫楊一鵬留意下部

二月戊午朔鄖陽賊間道犯大寧知縣高日臨設守城破死之初科臣祝世美請勅蜀撫劉漢儒督鎮臣張爾奇速統漢土官兵全秦良玉呈馳救援令川北道駐保寧川東道駐達州庶蜀土無恐及是總督陳奇瑜會兵陝州而賊已入蜀賊焚掠宜都之林溪口己未掠松滋之董市古老皆

賊犯西鄉縣五狼口

庚申楚賊破保康知縣方儒逃

壬戌蜀賊五百騎夜還陷興山知縣劉定國死之次日荊州推官劉承纓合女土官丹氏僧黎明等援興山遇賊于香漢平陽二壩斬級千餘遂復興山

總兵鄧玘以兵二千擊商南餘寇於鄖西山中斬七百餘級
癸亥賊犯萬縣

甲子破興山賊合他賊犯歸州方入城劉承纓以施州兵至捨去入川

賊在南漳治臣蔣允儀總兵鄧玘以兵擊破之于黑山斬三百餘級進至鄖陽擊殺五條龍混天王九條龍草上霜等餘賊

入西北山中鄧玘以二千兵追之斬七十級

乙丑賊千騎攻夷陵知縣楊之瀛禦却之

丙寅賊犯夔州巴東無城人能設備賊不得入

己巳漢中賊由東鄉陷通江

辛未歸州賊以八千人走蜀劉承纓遣支羅百戶楊名世截擊之辛未敗賊于巫山縣之赤溪舖擒賊首自來虎餘賊遁巫

峽

賊自大寧大昌破下關城壬申以二十騎至夔州署印同知何承先在教場散兵糧賊騎二十馳至城下獄囚舉火城破承先被殺道臣周士登通判王上儀推官劉應侯知縣譚楚良俱遁

河南賊掠灤川鎮殺巡簡湯九州擊破之追至鳳臺營將軍嶺
斬級三百殺頭目混江龍又名掃地王

甲戌賊攻夷陵七里崗敗去

戊寅命石砭永安濬義兵分掃漢沔荆襄擊賊

庚辰副總兵楊正芳破賊于石門賊奔入山追斬四百五十級
賊萬餘人黃蓋鼓吹攻荆門州

甲申賊破開縣雲陽賊殺蜀人藏窟者室殺之伏林者焚殺之
割童孩之手足曰瓠奴鎗其背于空中曰雪裏鯀置火繩馳
嬰兒數百觀其呼號而死則快飲曰看戲剖孕婦之腹斫善
走之脛碎入肝以飼馬張人皮以懸市

賊未破夔時先繇大寧大昌入巫山破夔之後旋至開縣雲陽

城而東江新寧東鄉儀隴廣元無不殘滅唯梁山有中書徐

原集鄉勇捍禦得全四川巡撫劉漢儒巡按党崇雅請以原

將蜀兵不許

討論曰上既受指名器本兵又唯利是尋所以前棄張道濬此棄徐原坐視國事之壞

賊入鄖陽離鎮城五六里而營

樂平興縣臨縣岢嵐賊王川子等合飢民數萬剽掠陳奇瑜遣

兵擊之

楚撫唐暉奏曰南漳之賊從竹房保康來者總兵鄧玘治臣蔣

允儀擊之而遁興山夷陵之賊從當陽遠安分支來者推官

劉承纓以施南兵勦之而遁楊正芳先奏三捷賊有間道入

秦蜀者有竄逃山谷間其徒實繁鎮守兵抵荆門者二千名

合之先至者共二千五百餘尚在途施州兵至荆者二千容

美兵至荆者五百總兵張應昌率兵八百于廿六日入郢監
紀孫茂霖總兵李卑率兵四千於廿九日入荆門臣馳荆門
與諸臣會議令張應昌偵擊于宜城一路孫茂霖李卑偵擊
於南漳一路

撤倪寵王樸還京

乙酉山西賊渡河合降丁飢民蔓延於澄城邵陽間官兵擊斬
三百餘級有兵北來夾攻之又斬百五十級遂走商雒結十

三營掠洵陽興安

討論曰此事有紀
于五月辛卯者

是月曹變蛟招降盜六百人至汝州仍肆掠

游擊周希諒以千人擊賊於定水敗歿

別賊至黃岡麻城黃陂

三月丁亥朔蜀賊馬步二千餘攻達州五日知州張聯彖禦之
斬七百餘級斬順天王

總兵鄧玘太監孫茂霖等分道勦房縣竹保康均州之賊

竹山竹溪

在今不能辨也所以
省字之法難行

辛卯鄧玘孫茂霖自八道河擊賊於胡地冲賊走山嶺廟嶺界
口蔣允儀以兵夾擊賊敗走商南共斬七百級

山西官軍擊平陽飢盜斬二百級

丙申荆南道陶崇道檄諸生黃良辰等破賊于尖山山在當陽
遠安間

山西大旱無雨八閱月人相食巡撫戴君恩請留新餉二十三
萬并發內帑賑濟上命太僕寺量給

副總兵楊正芳破賊于當陽再破賊于遠安又破賊於金沙
丁酉破賊於官田擒賊目趙進寶崇益孝又破賊于仙女山
監紀孫茂霖副將李卑擊賊於當陽之蓮花坪追殺二十餘里
陝賊破保安孫守法革職旋以勦宜君洛川賊功得復

己亥楊正芳破賊於胡家冲斬三百級

庚子孫茂霖李卑破賊于白溝坪斬六百級

監紀謝文舉總兵鄧紀破賊於南漳又破賊于胡地冲材官趙
女春戰死

辛丑川賊數萬至寧羌州立五營

甲辰川賊犯巴州太平 乙巳官兵破賊於巴州

癸丑陝西賊聞天哨等百人從道場山襲安定飢民內應防兵

開門走城遂陷殺游擊李在川知縣張文耀逃

陝賊破鎮安殺游擊朱應科

一作在科

是月諸將屢勝共斬首三千級賊走入四川詹事劉宇亮等募
流賊蔓延於陝西湖廣而河南鄖陽之兵不肯協力勦滅但
事駭逐於是漢陰興安之賊由東鄉太平鄖陽之賊由大寧
巴東皆入四川

夏四月丙辰朔逮鄖陽撫治蔣允儀以失陷鄖西竹山房縣也
鄖陽無兵止充軍以大名道盧象昇代之

丁巳河南賊焚陳州遊騎及於亳州屯歸德光山固始

乙未陝西賊從口口之羊腸河口突出張全昌擊敗之於大牙

山

川將張尔奇敗賊于廣元賊渡利州河屯陽平白水等關為主
兵所扼走奉節

川民多村寨賊無所掠食老回回過天星撞塌天混世王等有

黨三万自四川回節陽屯黃龍灘張全昌

或作應昌

擊之五嶺山

敗負創還均州總督陳奇瑜在南陽令鄧玘曹變蛟張應昌

赴援賊分為三一從節西窺浙川一從均州窺南陽一從金

漆坪過河往商南又有賊自蜀隴入鳳翔過秦嶺而東入永

寧山中與過金漆坪之賊合二三十万鼓行而東

計論曰此事載于三

月者皆誤也

庚申鄖陽賊万餘為諸將所逐走至白河殺掠

洪承疇以揀漢犯甘肅自漢中由棧道至青橋驛聞寧羌賊急

是日還至褒城發兵由沔縣授寧羌

商南賊千餘壬戌練國事遊擊費邑宰等擊之斬三百級賊遁盧氏山中

乙丑總督陳奇瑜在陝州遣將哈達李國奇等分擊永寧盧氏嵩縣山谷賊：遁往商雄追擊敗之降五百餘人河南府稍安

房縣賊婦倍于男一丙寅張全昌擊之斬百六十級

丁卯寧羌賊從陽平過河掠階州文縣又分從鳳縣掠寶雞

辛未洪承疇至隴州一壬申至成縣欲擊寧羌賊也而時賊入終南山近西安檄副總兵賀人龍劉成功以兵二千遊擊王永祚以兵八百擊之賊東走網峪川入商雄

癸酉階州知州渠遣千戶朱萬春百戶香鳴鳳任惟忠以兵擊賊行三十里至麻壩猝遇賊三千三將皆戰死

甲戌發帑銀五萬賑陝西

掠寶雞之賊漸至沂陽隴州參將吳弘器等以兵至隴州逐之追至五丈原斬二百級又追至七盤坡斬二百餘級賊奪路從秦嶺至商州為遊擊費邑宰所擊走龍駒寨

乙亥鄧玘擊賊於竹山斬百四十級

階州賊數千騎知承疇至成縣乃趨兩當知縣杜世薦逃賊據之

丙子陝撫練國事以兵擊商洛賊有斬獲

陝按范復稔奏曰陝西有三害一盧氏之賊在商洛一川湖之

賊在漢中三延水關之降丁甸引山西之賊鳩張於宜君洛川西安三者漢中為洪承疇在漢中兵少不能制賊乞救陳奇瑜以兵合殲此大賊然後掃盧氏延水關之賊

戊寅兩當賊自黃臣嶺高橋掠徽州之柳林

己卯兩當賊陷鳳縣分其徒一向秦州一向漢中向漢中者官

兵斷雞頭關

在秦城北八里

賊不得過轉由漢王山

宜即一統志之漢山在府城南

二十里犯城固洋縣承疇所遣兵与守兵合擊敗之賊走漢陰

石泉是時群賊皆集于漢陰與安接連商南洛南

兩當賊掠秦州街子口

鄧玘擊賊于口口之麻家渡斬百六十級

癸未賊陷工津都司何國輔中軍官張其猷督畫賈長春潘長

庚指揮賊廉王用徵等戰死

楚撫唐暉遣參將周元儒以辰州兵千五百人擊賊

漢中賊欲走四川不能過漢江乃入終南一五月丙戌朔出黑水峪至盤屋敗于鄉兵還終南

時賊絡繹數百里環興安州境臨洮營將陳可受擊之平利縣白土關失利百戶崔重隆把總楊永職守備焦萬廩千總楊承祖焦萬倉皆戰死

戊子議賑山西飢民時永寧民蘇倚哥食其父母

己丑賊自階州入臨潭驛守備張勳率兵禦之賊結筏渡江去辛卯賊陷文縣民吏先逃時文縣大荒斗米七錢

討論曰破階文有紀于四

月戊辰者

延綏賊分部一掠廊延走綏德清澗官兵擊斬千三百級一掠慶陽斬數百

初陳奇瑜駐南陽川賊六七萬盤踞房竹奇瑜恐賊四出移駐

均州令陝撫練國事駐商南豫撫玄默駐盧氏楚撫唐暉駐

南漳時國事奏云今日有五難曰缺兵曰缺餉曰缺官曰宗

祿勢窮理極曰驛卒人人思遁

破

討論曰有紀年丑賊破盧氏者必謬也玄默駐彼何以能

乙巳洪承疇復往甘肅奏曰諸賊盡入漢南撫臣練國事駐商

南以禦豫楚大寇西安久旱斗米五錢人心搖搖按臣范復

粹駐于省城以鎮臺之謂臣西行恐大寇來犯但邊疆事重

臣一身不能兼顧

龍駒寨賊竄入深山練國事遣署商洛道周士奇督兵勦之大
雨道斷兵不能進辛亥天晴有賊自盧氏來合之共五六千
人奔鎮安

壬子四川副總兵 冒雨擊西鄉納溪賊斬五十級降者
數百

是月秦山盜逸出峪口欲東出靈寶西走閿鄉官兵截之還入

山 討論曰是月十一兩申有載高崇選守盤屋事凡八年五
月十一日庚申之說申氏引李喬語七年正月喬未為洪
撫也○有紀此月廿五庚戌洪公至三原六年六月至九月所有洪
年五月二十日洪公往甘肅○凡七年六月至九月所有洪
公陝西事除救隴
州外皆是八年事

六月乙卯朔

庚申撤還監紀內臣陳大金謝文舉孫茂霖

鎮安群賊漸北至終南山各峪口吳弘器楊芳等兵回藍田與石崇德等防之賊伏銳騎於溝澗以馬步兵二百誘戰弘器中伏大敗癸亥賊出峪口官兵營于原上持賊賊循山西掠郿縣官兵追之寶雞岐山鄉兵夾擊敗之賊掠商州欲出內鄉

丙寅鄭撫盧象昇自竹山竹谿白河等處進勦奇瑜遣標將楊化麟督人龍張天禮等助之勦賊于烏林關

戊辰賊破均州

庚午鄭玘破賊於平利斬千餘級

癸酉詔責蜀撫劉漢儒縱賊入秦各撫協力進勦不得以尾逐塞責

鄧玘追擊竹山竹溪賊斬百六十級

己巳副將楊正芳追擊房縣竹山保康賊及之於金渡河口
鞏昌賊走禮縣

興安州有車箱峽其中有地數十里四向絕壁猿鹿無徑閭將
李過李雙喜顧君恩翻山鷄寺撞入其中山民壘石斷路從
高崖可石擊之焚燬林木久雨弓解馬無芻多死困甚顧君
恩少狡智乃曰重賄羣帥以乞降乃可得間脫走也奇瑜屢
勝輕賊其下得賄慈惠許之甲戌工籍軍門者一萬七千
人閩將李自成米脂雙泉堡人父守忠馬戶無子禱于華山
夢有告之者曰以破軍星為汝子守忠喜且得子不知破軍
何語也萬曆三十四年丙午五月十日丁丑卯時有星自西

流於東北大若孟亦有光焚惑犯房宿六月陝西地震七月
 十八日乙酉雷震朝日壇風拔木大雨雹八月二十一日丁
 巳自成生長學擊刺於延安羅君彥父母死與兄子過為傲
 蕩盡亡其貲同里艾萬年與有怨訟之官被撻無賴數犯法
 縣令晏子賓惡自成荷校於市欲殺之不果妻韓故倡也有
 所私自成殺之與過亡命于甘州為參將王國部卒國奉調
 過金縣兵諱自成殺令及國反聚黨數千人投關王因稱關
 將討論曰此為寇事之第四節○有謂官民被
 將降賊貨財而復反者乃陳奇瑜辨院中條詞
 乙亥張全昌賀人龍以兵三千至清水之張家川斬賊百六十
 級

丁丑張全昌追賊失利都司田應龍張應春俱死討論曰有于
 此紀洪公全

欽定四庫全書

曹文韶于真寧來援者謬甚也洪已往甘肅曹未維戎籍

庚辰撤曹變蛟回大同

辛巳賊圍西鄉陳奇瑜遣賀人龍援之

時瑞王常浩奏本年正月十五日知洵陽已破逼近興安隨破紫陽平利白河三縣督臣洪承疇提兵遠赴單騎布甲出入萬山分毫不擾至漢中月餘臣助銀三千兩又賞勞賑荒銀四千餘兩此時撫臣練國事移兵商雒按臣范復粹馳赴漢中賊始逃奔四川而鳳縣又陷此後川中之賊復入秦州湖廣之賊再入興安六月間遂自興安入西鄉犯郡界游擊唐通張疑設伏不敢渡江日今東有洋縣之賊督臣陳奇瑜現議招安北有鳳縣之賊盤據山谷西則沔縣寧羌略陽所在

騷動臣在萬分孤危之中不知其所終也

興安降賊多綏德米脂清澗人當從鳳翔隴州平涼環慶靖邊以歸即前寧塞賊南犯舊路練國事檄固原鎮楊麒自隴州移駐寶雞以備之

庚辰鄧玘追上津賊至洵陽之七家溝破之斬二百級

壬午楊世芳破賊於石泉壩斬四百級

癸未盧象昇破賊於秦嶺斬五百六十級

甲申總兵楊正芳以鎮筓兵擊賊巢於鄖陽之木竹砭斬六百級

陳奇瑜於硤獅子山擊秦楚遺賊斬七百級弱水死者五千餘

墮崖死者二千餘

秋七月乙酉朔

奇瑜設伏于西鄉之納溪寇至斬首三百級墜崖入江者無數
敗賊走平利興安紫陽洵陽楊正芳斬七十四級

車箱峽降賊既出棧道即破鳳縣殺唐三鎮鄉官辛思齊家一

百八十口四十村落盡為灰燼

討論曰有謂賊于七月朔日據南山陷隴州涇陽富平者

出峽才十日安得如此
速乎此取韓延之言

丙戌河北賊掠武安

盧象昇與張天禮賀人龍等于六月甲戌至此丁亥勦賊于

太平河竹木坡箐口等處共斬級五千六百級天禮人龍等

從長安壩追賊至瓦窑溝任河死敵漢江關南道王在臺率

鄉兵勒山寇亦有斬獲惟上津山陽尚有商南盧氏餘賊象

昇遣中軍官李玉華遊擊周仕鳳擊之鄧玘兵譁象昇還鄖陽

初朝臣陝西李過知等請增兵措餉部議謂原調兵七方已赴臣奇瑜行營乃令王承恩擊廊兵賊尤弘勳虎大威馬科劉光祚擊山西賊

延綏叛兵楊國棟等三千騎抵西安乞撫巡按范復粹登陴自守巡撫練國事自鄠縣馳還登南城檄賊至濠畔講一日夜未決度必西走密檄沿途官兵飭備設伏于盩厔之夾水溝時禾茂泥淖騎不任馳叛兵至伏發殲其半國事又遣官招之

練國事奏曰自甘肅喪師以來防邊不足安能分以勦賊榆林

兵馬三千為陳奇瑜帶去今賊三面入秦臣所將者不過臨

洮固原之兵素弱于三鎮轉盼防秋又當還則兵愈少矣

庚戌徽州賊偽為官兵襲破成縣攻西和礼縣討論曰有載此

賊三十六人上城殺之者乃八月十四戌子寶雞縣事之說
○吳紀謂曹變蛟于文詔元夜加副總兵以肅忠節於情為
近有謂加于此
月者為無端矣

八月甲寅朔時商洛賊入河南洪承疇不能離秦乃以湖廣巡

撫盧象昇總理直隸河南山東四川湖廣軍務勦賊湖廣巡

按余應桂以承天兵三千守陵若秦寇入豫豫寇入秦承疇

象昇合力截擊淮撫朱大典兵二千三百楊御蕃兵一千五

百防南畿護祖陵董用文以兵五千赴彭德防守討論曰楊

非買聞本倪寵以兵三千牟文綬以兵二千赴河南協勦而

河南兵一萬五千九百湖廣兵一萬五千李重鎮關寧兵四千皆付象昇調遣

時賊有自中牟走洧川有自祥符走尉氏轉至禹州許州長葛間

乙卯近畿叛兵與賊合屯盤屋官兵擊之斬百級鄉兵擒斬者七十六人

賊攻清水知縣蕭彥芳禦却之

賊破秦安朱瓘等俱死

西和禮縣賊與秦安賊合共七八萬成縣民投賊者三四百人

西禮二縣周三百里俱賊

丙辰賊攻盤屋知縣田時揚拒卻之

叛兵九百人新楊林請降又自疑走入終南山

丁巳賊攻隆德知縣費彥芳告急因原道陸夢龍遣把總王珍以兵二百往救珍潛遁隆德陷彥芳被殺夢龍以都指揮石崇德遊擊賀奇勳擊賊戰于隆德城下皆沒事聞贈祭賊自隆德破葺亭

庚申張應昌破賊于咸陽斬五百級擒賊謀主劉

癸亥漢南賊三十騎襲破隴州即捨去陳奇瑜遣參將賀人龍入隴州守城闕將道胡山鶴圍之奇瑜遣遊擊王世明往援戰死

丁卯張應昌以兵夜走五十里曉渡涇河遇賊失百餘人還東岸

華州渭南賊奔雒南鄉兵擊斬百五十級

兵科林正亨請遣樞臣視師不聽

車箱峽降賊闖將等至寶雞城下以督府檄請入城知縣李嘉彥汲賊三十六人上城悉斷首擲城外賊捨去盡殺奇瑜所

遣押送官參將柳國銘都司秦守信方英千戶余仁田思萬

等五十餘人

討論曰此事紀者日月前後不一今從韓珽云言

戊辰張全昌擊賊于西安敗績

甲戌西禮賊犯秦州圍伏羌隴右道張兆曾擊敗之

乙亥賊陷同官

丙子江北賊張儒黃文鼎等攻桐城不能破

丁丑伏羌賊渡河北犯通渭秦安參將麻蕞在礼縣不救

戊寅伏羌賊圍靜寧州

己卯闖將等陷麟遊永壽同官與伏羌鳳翔賊合

左良玉敗賊于鄠陵

壬午靜寧州賊犯莊浪縣復入延安慶陽攻秦安隆德安定

是月北邊戒嚴徵湯九州左良玉還鎮兩月後北兵出口加二

臣總兵仍至河南

京朝官李玄李遇知馬鳴世等合奏撫寇之禍貽害封疆陷生
民指奇瑜也樞臣張鳳翼阮奇瑜覆奏歸罪練國事

閏八月申申朔四川巡撫劉漢儒免以王維章代之

乙酉鳳翔賊百餘騎破靈臺執知縣石懷玉殺百餘人西去

戊子莊浪賊逼平涼延安

庚寅賊犯鞏昌百戶顧榮董印舒戰死隴右道張兆曾以廢將
李鴻嗣統莊浪兵守鞏昌賊往西寧

崇信城紀知縣龐瑜脩築未竟一辛卯賊騎五六百至空無所

掠即去一丙申至涇州城連於山賊從間處入知州姜鏞與

州民力戰皆被殺討論曰國柱謂賊陷白水
知縣龐瑜先遁又作姜秀

賊三萬餘破白水知縣婁秀先遁殺二千餘人往涇州

己亥陝按傳永淳奏賊自華州渭南敗後由寶雞之南直抵漢

上絡繹七八百里八月始至寶雞分三道一據漢中一據延

安鄜州一據華州渭南商南洛南

時興安降賊復叛者大熾北至慶陽西至鞏昌東北至邠州西

南至寶雞盡屋可二十萬 壬寅奇瑜自寶雞還至鳳翔見

陝西通志卷之八

之大悔後科臣常自裕疏云奇瑜至鳳翔止有殘卒二百餘人坐困城中若非承疇道邊兵援則幾危矣初奇瑜以寶雞知縣李嘉彥能守城獎賚之至是見賊破城七遂劾嘉彥殺降激變逮問嘉彥及寶雞鄉官士民五十餘人庠生韓珽辨曰賊在漢中時南阻江北阻山西則棧道東則鄖陽有兵十餘萬數載蔓延之寇困於其中土民已絕其出路但奇瑜不聽詐降不用一兵不發一矢賊皆餓死而竟以詐降得脫一出棧道即破鳳縣殺唐三鎮鄉官辛思齊家一百八十口八百里連雲棧橫屍撐拄四十村落盡為灰燼此在寶雞之南豈亦激變所致乎八月十四日賊至益門鎮討論曰寶雞城南十五里有益門渭水之南蜂屯蟻結烽火燭天幸知縣率士民固守不受

賊禍奇瑜於閏八月十八日至寶雞面蒙獎諭賞以十金曾
未有殺降激變之言比過鳳翔見賊破七邑事勢大壞罪責
必及乃歸獄於功臣勞士以蓋其愆縱巧言如簧何能掩三
秦百萬人之口

壬子宣大總督張宗衡山西巡撫戴君恩皆免官以吳姓代君
恩

平涼州縣皆環山繞瘠又大荒人多散亡莫與城守惟恃固原
為控制隆德之敗道將俱死賊志益驕連尅州縣

浹按傳永淳奏掠涇陽富平淳化者為漢中已撫之賊劫寧州
者從長武至劫涇州者從崇信至為鞏昌西來之賊劫汧隴
者為漢南未撫之賊

河南大旱

九月甲寅朔陝西巡按傅永淳奏曰流賊為洪承疇所逐竄于漢中川兵扼險賊飢疲詐降奇瑜受其愚而聽之令所過郡邑饋食衛送纒出棧道遂殺奇瑜所遣監護官五十餘員攻破麟遊永壽勢不可遏

臨潼鎮安山陽秦州平利諸縣皆為賊破山陽焚掠尤甚縣官史大勳彭孝曾死之

官兵至渭南臨潼間賊迎戰退十餘里追之還關承疇親督吏

士擊之

討論曰洪公辛巳始至平定此誤也

河南賊二十餘營自潼關以東連屯百餘里別賊萬餘連營洛南閩鄉又有賊走內鄉鎮平

戊午陝西賊入平涼分攻鎮原華亭汧陽次日華亭破殺二將
癸亥賊破扶風殺知縣王國訓

癸酉官兵擊斬洛南賊二百三十級

賊數千自商州雒南犯北朱陽鎮遂去

鳳翔延安賊俱入漢南

兵部議檄豫兵從潼華入楚兵從商雒入蜀兵從漢興入晉兵
從韓蒲入協勦秦寇

賊掠略陽

丁丑陝賊分二部一由鳳縣棧道攻漢中一由略陽過陽平關
入四川

賊聚屯鳳翔游食涇三原諸處

店南河司諸口陳永福防花園關及屋龍駒寨諸口李璿璣
防杜家店北捧濟南朱陽諸口賊衆兵寡默飛章告急

賀人龍久被圍於隴州關賊以其同鄉人令高杰遺書招之人
龍不應使者歸先見杰圍城久不下關賊疑之遣別賊代杰
歸老營守盡杰大恐 洪承疇自甘肅歸辛巳至平涼遣副
將左光先率兵由華亭間道至隴州賊解去

大賊在鳳翔別有二枝在雒南時窺河南巡撫玄默自率周尔
敬陳治邦李世翰陳宗朱之兵入朱陽關由深山間道壬午
至雒南之臨禹溝賊困山寨將破探馬南出不虞官兵北至

萬擊之賊奔潰分兵追殺大破之斬級五百寨民渴水面目
 焦黑尔故中軍官喬國柱追急賊轉身一斫斷其二指子鳳
 羽年十六奮身擊賊國柱得免賊奔山頂見官兵收其婦女
 躍馬馳下降丁張寵一騎獨前斬一賊各兵呼躍齊進俘斬
 甚多官兵不損一人

討論曰有勅是月初三日丙辰洪公擊賊于渭南者誤也乃
 八年九月初三日事是月初三日洪公在甘肅○又曰許氏
 于官兵解隴州之圍即曰自成大敗以十八騎走入終南乃
 十一年九月潼關原之說

 冬十月甲申朔乙未以侯良柱為四川總兵

兵部奏流寇逼河南上命總兵鄭玘簡薊鎮精兵二千五百
 屯臨洛勦寇延綏寧夏甘肅固原援兵屬陳奇瑜調遣洪承
 疇標兵夾擊陝西山西河南鄭陽四川各巡撫俱分布要害

扼截

兵科史可鏡劾陳奇瑜開門揖盜

癸巳河南賊至霍山英山分掠潛山大湖宿松

乙未遼東總兵王靈寶賊三百騎去城六十里朱陽連營賊張獻忠等三人皆有黨數萬

晉撫吳姓奏秦寇皆聚延安冬間冰結勢必渡河乞勅五省督臣陳奇瑜于十月望前提兵河上自東而西三邊督臣洪承疇提兵鳳平之間自西而東勅延撫張伯鯨陝撫練國事各發銳師定謀協勦勿縱賊渡河

乙巳豫賊陷陳州圍靈寶官兵擊走之

丙午信陽賊自應山德安犯京山間道趨顯陵旋走入山而永

寧賊陷靈寶

辛亥土賊引流賊陷盧氏

壬子遠陝撫練國事充軍以李喬代之特撫事大壞陳奇瑜誘罪國事劾之也喬請調遣兵二万措餉二十萬合河南湖廣山西四川兵入陝西勦賊

時川中賊盡至漢中陝西賊掠華州

總兵左先擊關將於高陵富平間斬四百餘級關將弟死于陣倂乞降於監軍道劉三顧真寧知縣王家永信之自往招諭被留失印賊之走涇陽三原者扼于洪承疇東奔華州渭南者扼于趙光遠遂入終南山而華陽南原之賊出朱陽關兵科常自裕奏賊一股自商雒漸近內浙又一股近靈寶十月

廿九日一股焚掠華州離潼關一百四十里又澠池報賊焚劫靈陝一帶西賊東奔

十一月癸丑朔

丙辰賊自城固趨洋縣

西寧兵亂殺州官遂守道孔聞籍戕其家鎮守太監逃免硬弓把牌多死甘肅巡撫張應辰討定之洪承疇赴西寧鎮壘

戊午賊犯略陽

總督陳奇瑜請各撫鎮分地責成從之時賊勢潰決奇瑜欲誘罪於衆也

癸亥賊自洋縣走石泉

初賊統馬步四五千自盧氏杜關而東豫撫玄默檄陳治邦李

世翰兩營駐靈寶周爾敬防盧氏賊偵知河南兵寡遂入新安境默退屯灑池檄爾敬自盧氏北援甲子挫賊于底兒賊南屯北山底兒去灑池四十里

免陝西四年以前逋租

陝西賊分三枝一枝繇秦嶺入漢南奇瑜調四川副將張令譚大孝及唐通等會承疇所遣副將左光先游擊靳桂香等合擊微有新獲奇瑜又檄守關、南二道監軍會勦之一枝由南山合商雒之賊轉入靈陝奇瑜發標將來胤昌都司楊明等統兵二千及防河參將賀人龍兵一千五百從陝州入河南會左良玉之兵擊之一枝自平涼涇州漸逼邠乾欲待官兵出關向涇陽三原以有備繇潼華入商南奇瑜與新撫

李喬議調兵守隘口——乙丑至潼關督率 賊向河南者又

分三枝過天星關王自商州至灑池老回回從雒南趨河南
府及汝州橫天王從雒南上津踰鄖陽至鄧州結七十二營
戊辰賊至城固五郎口泉水寺 己巳副將左光先擊賊得百

四十級賊走南山

辛未賊犯漢陰 一作山陽

壬申游擊陳永福擊賊於永寧西長水鋪擒賊渠八大王鐵鑪
剛猛虎

丁丑陝西賊自盩厔逼西安督臣陳奇瑜率諸將禦之賊走渭
南華陰入南山

練國事對簿具言陳奇瑜縱賊出險狀與李嘉彥韓珽詞合本

兵張鳳翼奏奇瑜擊賊微階沂隴斬級五百科臣顧國寶劾
奇瑜罪并劾本兵張鳳翼罪 庚辰奇瑜落職即訊以洪承
疇代之

壬午鄭撫盧象昇龍賊于龍駒嶺失利游擊童某千總孟某俱
死

十二月癸未朔乙酉左良玉以兵三千擊敗賊於確山追至蔡
家坡斬六十級

參將賀入龍破賊于陝州之梁村斬八百級

閣臣溫體仁乞罷不許

賊向鄭陽者二十萬前哨至鄭後隊未發漢南綿地八百里鄭
之密兵盡去止留兵二千許成名調入陝西楊正芳及算子

將張 戰死軍兵折亡幾盡隨州德安荆門賊飄忽無地
不掠

丙戌以丁魁楚總督薊遼保定

掃地王過天星大夥從商山洛南入靈寶札營各村連綿不絕
或向米倉或向杜關或向松園陳治邦周尔敬兵少不能戰
丁亥賊犯鄆西再宿官兵至乃去

戊子左良玉破賊於靈寶之露井山及南川口擒五條龍賊往
朱陽

庚寅陳永福擊賊于魯山縣之瓦屋斬百餘級擒閩陣王于陳
德

辛卯永寧參將周尔敬擊賊于長水西川袁家窰斬百六十級

犯總尤國光戰死

壬辰賊至襄陽一從鄧州構林關入一從內鄉黨子關入一從新野新店鋪入掠蔡陽鋪雙溝鎮大里碑歐家坪歐或作姬癸巳前總兵張全昌曹文詔下獄充軍

商洛賊入內鄉西峽口關在內鄉西北

賊自嵩縣李清店抵安阜山下營離南陽城五十里

甲午左良玉擊賊于永寧連破之于槿浪高山

乙未御史劾左良玉鄧玘媼縱下巡按評覈

辛丑秦賊破河池靈寶

壬寅參將馮時早敗賊于隨州賊走應山

先是湖廣巡按余應桂料賊必犯淮陽奏請設備南極呂維祺

請嚴飭江防尤慮鳳陽陵寢軍外宜為之備本兵張鳳翼無

他規畫唯請勅下鳳陽山東二撫臣又操江嚴備要害而已

陵變之後罪譴紛然而鳳翼無恙安可謂請勅非明哲保身獨惜懷陵事自用而不知適為人用也鳳陽巡

撫楊一鵬內閣王應熊之座主巡按吳振纓內閣溫體仁之

鄉暱皆庸夫也守陵太監楊澤貪虐斂怨軍民指揮侯定國

恃澤勢恣橫是日兵亂殺定國投書道上曰以上元引流賊

撫按弗為意

甲辰以總兵孫顯祖鎮臨洮左光先鎮陝西

乙巳賊攻唐縣焚門

命秦翼明率戰兵二千赴鄖陽

左良玉擊宜城永寧山賊于柳泉斬其哨騎賊南行自嘉縣伊

陽犯汝州官兵追擊斬百三十級良玉又出於戎家莊賊仍屯裕州魯山寶豐之間攻汝州

己酉都司陳永福擊賊于泌陽之牛王塚斬百六十級永福又破賊于西華之新口斬百餘級

辛亥闖賊過天星獻賊破盧氏

是月左良玉軍灑池陳永福軍南陽鄧玘為援時山西平陽汾州防河兵多逃自靈丘廣昌走五臺陝西鄜陽俱告警又有賊舟數百下常德兵部徵邊兵二萬益新餉二十五萬合湖廣山西二萬五千人討寇關中

陝西又大荒

懷陵流寇始終錄卷七



懷陵流寇始終錄卷八

所據書

吳江戴笠耘野

崑山吳安脩齡

八年乙亥春正月壬子朔襄陽賊十六營掠唐縣泌陽又秦賊

蓋集洛陽南陽河南巡撫玄默告急

左良玉等破賊于汝州之璘家川追至滕家店馬頭山蘇村葛

落店雙廟諸處斬賊渠二條龍雲裏飛穿山虎等百八十級

甲寅職方主事再劾溫體仁竊庸誤國請外

賊掠沔洋城固南鄭游擊唐通戰沔縣斬二百餘級副總兵左

光先戰城固斬百四十級

楚賊攻破清溪伯家寨繇星子山入蜀

賊數十萬有出大小巴山者有出陽平寧羌者

刑科吳宇英奏曰去春賊圍廣元臣族兄吳宇詹戰死今賊又

入巴山星子山洪承疇不宜失機自誤

討論曰此事吳紀載于四月而曰由楚清

漢泊星子山入然觀吳宇英疏語則星子山近巴山可知是
陝賊非江北之賊是清溪之伯家寨非清溪泊也訛謬既多
故并日月亦
捨彼取此

乙卯賊攻上蔡郟城又有土賊萬餘人掠歸村徐寨瓦店與前

賊應鄧玘兵至賊已去

承天賊北行自葉縣掠郟城唐縣泌陽遂平上蔡攻汝寧息縣

商水 有賊至鄭州西三十里

賊攻鞏縣門將破城人舉火於門不能入走汜水丁巳穿城入

殺鄉官禹好善繼至滎陽乘縣官出謁入城焚掠殺貢士張

紹載馮德懋等左良玉兵至斫賊二十人餘賊走梅山漆水
間

戊午賊攻固始破之前有固始李某任徐州衛經歷捕得劫賊
四十七人淮安同知釋之李仍斬之盜甚恨至是殺其一家
自固始至開順殺巡簡六十餘人

時兵科給事中嘗自裕奏曰中原天下安危所係今賊一從商
南雄南趨河南汝州一從鄖西上津走南陽雖有左良玉一
旅塞新安澠池陳昭邦喬國柱張巖數營扼汝州陳永福孤
軍堵南陽賊勢日衆大小七十二營有二三十萬蜂屯伊嵩
宛雒之間有侵汝寧鄭宋之勢今遣張全昌曹文詔秦翼明
鄧玘諸將馳勦而兵不備數千以杯水救車薪之火督師承

時乙自西寧還秦乞更選關寧兵五六千天津兵三四千統以廉勇之將遣大臣視師以救膏腹之患

己未洪承疇以標兵三千往擊河南賊而西安賊南至盤屋過渭水北掠乾州扶風河南賊又入漢中陷寧羌自沔縣略陽轉入臨洮

庚申賊自固始破霍丘知縣公出家人俱死縣丞張有俊教官倪可大何炳若邑紳田既庭等俱被殺有賊掠正陽鎮：在壽州南六十里每賈所集又有賊向廬州時南陽諸縣俱中賊

揚州兵屯紅心驛賊圍而殺之盡

賊遊騎至天長六合間巡按張某發狼山徐州兵擊之退去

壬戌掃地王階穎州指揮王廷俊戰死西門千戶孫陞田之震
戰死東門指揮李從師巷戰死知州尹夢鼈擊殺數賊被傷
墜水死第士寬與妻崔氏二女俱死殺鄉紳張鶴鳴等及教
官諸生數十人諸生楊于世武舉李承訓百姓王國等皆被
殺一貞婦梅氏武氏等死者四十餘人賊分攻六安壽州鳳

陽廬州

計論曰關將在此中吳紀誤也

兵部奏調西兵二萬五千人北兵一萬八千人更發關寧鉄騎
二千以總兵張外嘉尤世威統之又發真定標兵五千赴臨
洛等處天津兵三千以徐來朝統之自臨清濟寧赴歸德陳
州又徵白草子羅壩土司兵三千以川將譚大孝統之由夔
州赴鄭陽河南共兵七萬二千備餉七十八萬六千又留湖

廣新餉十三萬四川新餉二萬供軍興詔可

張全昌曹文詔釋罪自効率兵出太原從吳牲薦也二將各有
健丁數百衝鋒破敵賊聞而憚之吳牲云山西諸將標兵遊
擊陳國威太原營都司猛如虎平陽營都司虎大威汾州營
參將劉光祚勦賊都司趙民懷薛敏中數人予與商勦事察
猛如虎虎大威二人忠樸可鼓賊中有猛虎之稱陳國威有
權術可以佐之劉光祚狡趙民懷薛敏忠兵弱而能持重共
計兵不滿五千精銳夷漢丁僅七百人各將聞予在秦鼓舞
曹文詔及申巖紀律等事皆策勵願自効

江西巡按梁雲構奏去歲流寇入蜀蜀多山寨而少村落不得
不急去豫楚不然萬家之鎮千家之村三里一莊百步一宅

皆無列柳以自樊到處皆為戰場宜倣邊方之制村鎮各一堡莊宅合一堡聽士民合資自築萬堡基列勢聯聲合盜賊可自緝矣

癸亥賊圍壽州

乙丑兵科給事中史可鏡奏秦賊繇漢趨鄖者數十萬商雒賊又數十萬今在汝州南陽而鄧玘曹文詔張全昌洪承疇皆自西北而之東南賊必駭而入楚楚之驍將楊正芳已殞所部軍卒存者無幾賊至何以當之宜調川東兵數千令其由巫歸而達荆南調鎮溪篁子兵餘辰營而趨荆門

鳳陽無城留守司統四衛所官軍承平日久侵牟僱募同於無人賊圍霍丘所備太監楊澤不為意壽州被圍始集議令留

守朱國相迎敵楊如桐後應知府顏容暄理鄉兵防守澤貧
虐商民洶洶想之巡按吳振纓閉門不受商民集其門三日
益多適澤遣人至商民群毆之擁至太監署鼓譟振纓逃去
無鎮壓者亂民迎賊于潁賊分闖王曹操過天星西行至太
和

丙寅掃地王太平王來霧趨鳳陵留守朱國相指揮呂承胤千戶
陳弘祖陳其忠迎戰死賊焚享殿釋罪宗太守顏容暄匿於
獄梓而杖之堂下二十殺之推官萬文英子某代父死指揮
陳永齡千戶盛可學百戶趙國俊死之舉人蔣思宸與妻女
皆自殺軍民紳士死者四千人剖孕婦以賭勝負糊標嬰兒
以為笑樂 自成留關中東來 淮撫朱大典調徐州總兵

馬彙睢州總兵駱舉為援皆逗留不至南樞呂維祺職方即
陳洪謚遣參將薛邦臣驛探趙世臣守浦口

上以賊勢披猖於關遼兵三千令祖寬將之勦賊教撫臣協力
命總兵左光先控臨洮鞏昌西安漢中曹文詔扼河南南陽
鄧玘隨方交擊督臣承疇出關節制諸鎮撫期以六月廓清
立頒上賞如留餘孽督撫諸臣立寘重典巡按御史不奏并
論上復諭承疇撫鎮不遵節度援師干犯軍紀者分別參
治務期依限蕩平進止舉不中制

時兵科常自裕奏臣鄉編地是賊賊捨川岩走平原破記水滌
陽攻上蔡商水逼陳州郟城周崇二藩皆在燎原之中非有
勁兵數十萬不能禦之止有左良玉陳永福數千之兵其何

以濟

丁卯洪承疇發西安率軍赴河南駐中道提調各兵

戊辰太監盧九德總兵楊御蕃以川兵三千援鳳陽總兵倪寵

以京軍赴滁州將騎過賊於朱龍橋分兵至池河定遠

賊掠全柵陳家市離和州七十里

賊攻壽州三日

己巳戴安鎮土寇導流賊圍全柵滁州和州

鳳陽賊分至池河呂維祺調提督趙世臣率浦口選鋒禦之又

發都司薛邦禎屯全柵世臣不時至池河守將死之賊至全

柵知有備西攻廬州堅守得不拔維祺劾世臣罪聞擬反咎

謂者蓋將去維祺矣

討論曰丙寅之薛邦臣且即以薛邦禎也而參將為虛銜都司為實職耳又與

本年十二月
有年事相似

賊渠張大受入鳳陽城率衆賊去連營紅心河池二驛殺守卒
大掠南京兵至賊西南至定遠焚藕塘距全柵十八里石碑
橋卜于神不利割像而去在道殺掠無遺西返歸德睢州總
兵駱舉屯兵紅心驛去鳳陽六十里不敢進巡按吳振纓不
以實奏歸德賊轉攻寧陵

張獻忠南攻廬州裸婦人數千詈城下少媿沮卽銳以矛盡銳
仰攻梯以入踞北城樓知府吳大樸發砲擊之賊樓俱碎城
得全

潁州分枝之賊由太和至鹿邑焚掠杞柘城掠村集又掠寧陵
至睢州焚掠李八集尹店集走杞縣通許向密縣不及千人

左良玉在許州不擊

掃地王攻亳州知州葉景先守東門戊辰賊數萬騎至有備不能攻暮退于柏樹林潛遣兵劫東門義兵奮擊殺數十人五鼓賊拔營赴北關餘賊徑去俄哨馬數十騎又至庚午掃地王全隊亘百餘里旌旗蔽空伐木填濠衆賊奔擁城上百計禦之賊知景先東門悉衆攻之景先發火礮擊殺十四賊賊伏濠內伺懈景先遣健丁三千餘入夜縋城銜枚疾趨于五里外聲言淮兵援亳次日開城外揚兵賊走歸德分掠永城虞城商丘時賊掠六省騾馬一晝夜馳二三百里諸將步兵日行五六十里賊不入城郭散屯郊原占地百里不可得圍日殺民民愈少日掠民賊愈多去年賊由豫楚入鄭此年賊

由鄖久豫焚七十二營二三十萬不避官兵諸將所駐名都
大邑偏為走集鄖竹僻陋殊不屑意相去洪月賊勢大異
賊圍黃陂孝感官兵敗之其集姓劉陝西舉人

辛未洪承疇出潼關

癸酉真定巡按吳履中劾大學士溫體仁王應熊及監視內臣
上切責之

甲戌鳳陽賊分破巢縣知縣嚴覺及妻莫氏死之子有記以身
蔽父死之典史徐諸生葛遇明同妻尹氏死之覺一作彥芳
又攻舒城知縣遂安章可試設備塞三門關西門賊入陷于
坑奔潰死者千人又掠霍山合肥臨淮圍六安掠民間婦女
數千裸之置于城下少媿沮即磔之聚焚嬰兒以哀號為喜

笑剖孕婦男女出所斷婦人足大小以較勝負食人心以示
勇生剖人腹實米豆以飼馬

乙亥河南賊過尉氏

總兵鄧玘敗賊于裕州斬三百六十級

鄆城知縣李振聲擒賊渠紫徽呈扒山虎

丙子賊攻碭山知縣宋坤守城被殺

上出內帑二十萬助勦餉貯適中處開封府以太僕寺銀十萬
付西安又留與本省銀十萬以湖廣餉銀十九萬資鎮巢等
土司兵四川留銀四萬以鹽課二十萬貯淮揚備用初戶兵
二部議調兵七萬二千馬一萬五千匹每兵日銀三分米一
升五合每馬日草一束為銀二分豆三升為銀二分作五月

計請發內帑三十萬

洪承疇至河南請勅四川撫鎮移駐夔州援襄漢湖廣撫鎮移駐承天襄陽鄖撫移駐襄陽漕督移駐穎亳進援汝寧歸德山東撫臣移駐曹濮援江北江南山西撫臣移鎮蒲州援靈陝西撫臣移鎮商州調度漢興漢中河南撫臣移鎮汝南南陽保定撫臣移鎮邯鄲磁州以為南北策應一秦楚等現在兵馬聽各撫臣先行料理是日進兵部尚書賜劍得便宜行事承疇慮西安兵少令來昌胤以千人往又令張全昌以千五百人往助守

戊寅巢縣賊自舒城抵廬江邑人具貨求免許之夜復圍城三晝夜雨甚銃盡城破殺教官典史及鄉紳盧謙舉人張大受

畢伊周等知縣吳光龍被傷得脫

承疇既出關閔鄉靈寶盧氏賊乘虛西向巡撫李喬不防潼關

是日賊至南原去關五里潼關道李焯然恒獲無措六七萬

人安行入關遂掠西安州縣潼關乃驛道小徑尚多巡按傅

永淳疏曰流賊入秦有由閔鄉馬店深入南山往西南奔華

渭者有由閔鄉西南王旗屯奔華陰者有繇靈寶奔鞏驢關

北朱陽者有繇盧氏入蘭草南朱陽奔雒南者有繇內鄉浙

川奔商南者不獨一潼關之路正月二七日壬午賊從南山

來直至潼關南原陶家庄李焯然不能禦

計論曰傳公疏所言者乃稍遠于關

之道也其切于關之小路亦不少在關城南者有石門關也
底關溝西關大略關上關楊灣關禁溝關冀井關五莊關水
門關麻峪關連峪關在城東南者有古城關寺角營關中峪
關西峪關在城西者有南渡近者二三里遠者三十里唯其

續修四庫全書

皆有路可通故有閔名須人力把扼不可專恃地險者也其
中禁溝閔即唐僖宗時黃巢攻潼關張承範守之閔外飢軍
踏開禁院賊隨而入夾攻官兵潼關遂破若也元之兵力猶
屈于潼關況賊自此年過閔之後視如康莊臣欺其君君樂
于受欺雖生鉄室終于一敗况潼關乎○潼關在周為故牛
桃林之地春秋屬晉所謂桃林之塞也秦得晉之河外五城
其後置函谷關去今關百二十里漢武帝時樓船將軍楊僕
恥為閔外人請得以家財移閔于東在今新安縣地潼關初
設不能考其為何年而曹公征韓遂等則以潼關為要
害以後王鎮惡宇文泰等事則歷代史班班可考矣

賊自黃梅至無為州饑民洶洶城不可守遂破又掠宿松潛山

太湖

賊攻桐城急調鄧玘援之玘暴掠有名科臣桐城孫晉奏止之
本兵張鳳翼謂晉曰君何憂賊賊皆西北人不食南米馬亦
不飼南草君何憂賊聞者駭笑桐城固有遊擊潘可大兵三
百與知縣陳尔銘設守

庚辰應天巡撫張國維率吳淞總兵許自強以兵三千救之

山西土賊顯道神高加討焚巢穴掠于靜樂忻州定襄間巡撫

吳姓遣參將猛如虎與援勅總兵討之 辛巳賊方掠射擒
之長七尺馬上運格重三十斤斬于市人食其肉至盡王剛
餘黨歸底兒等數千人猶焚掠定襄

河南賊自杞縣襄城許州屯新鄭密縣山中之東蘆村至大槐
村連營二十里是日左良玉陳永福分擊破之密在層山中
後遂為土賊屯聚處又有賊犯新蔡沈丘商城

陝西羅南賊掠咸陽長安盤屋諸縣

湖廣巡按余應桂奏賊入豫者十之七八在楚者十之二三豫
之視楚尤急撫臣兵一萬二千而鄖兵不與襄樊有道將所

練鄉兵可保無虞德安之應山隨州賊尚蔓延亦繇將吏懼怯鎮臣許成名自房竹移黨子口又繇光化移樊城步步向內並未見賊

是月吏部左侍郎賀逢聖奏曰賊自漢江趨鄖陽者十數萬自商南雒南南陽汝趨襄陽者更數十萬秦賊又從漢水上流坐大船百艘二瀉千里賊既取道于水則濱水府縣荊州常德承天東至留都南至長沙皆可憂矣秦翼明曹文詔張全昌鄧玘等駭之於後而楚無重兵以堵之於前安能支也臣鄉兵力非二萬餘不可望樞臣毋易視之也本兵不以為意後流賊果亂湖廣

吳氏曰八年正月賊自盧氏拔營攻鞏縣將克之城積薪

焚門賊不散入東圍汜水知縣劉通與邑人御史禹好善守
城殺傷相當夜賊穴城入屠之好善死遁追免明日分攻滎
陽知縣楊守節已走賊斬關入舉人張治載馬德茂率家人
巷戰殺賊三十餘人賊愈衆不能支為所害賊憤老稚無遺
移兵河陰入其郭焚之不克與汜水賊合聞左良玉兵來移
屯梅山漆水間次日攻鄭州知州趙世用與較官呂涵炳邑
紳魏尚賢等設守賊從郟城攻下蔡拔之圍汝寧燒其郭守
將陳治邦禦却之別賊自襄陽北還分困唐縣泌陽中原千
里北至大河南連楚界蔓延皆賊而官兵之在中州者南陽
陳永福新安颍池左良玉汝州陳治邦兵皆數千奉詔分地
責成坐甲自保不能夾勦賊每營數萬更番迭進所至皆因

糧宿飽官兵數寡而備多樵蘇後爨士有菜色又賊介馬有

副去來如風一日夜馳數百里官兵馬少走不逐飛勝賊之

期遠矣此吳氏語以其無日故置於月末

討論曰流賊如野燒隨處可熾是以難討若有期會謀畫非
流賊矣吳紀載七十二營頭目會議者榮陽賊也且自成不
出關而謂解曰賊之身不亦証乎故不取○是月或謂洪公
遣秦葵明往徐州捍江北之賊恐無是事

二月壬午朔賊攻廬州

南兵部尚書呂維祺罷范景文代

滿天星國權謂是張蓋乘輜於桐城呼降矢中腰走討論曰或

年二

張大受掃地王破天王等賊十餘萬分掠潛山太湖霍山宿松

諸縣山民習獵藥弩窩弓甚設所在結寨賊入山屢敗

癸未獻賊陷潛山知縣趙士彥重傷卒諸生張清雅父死方殮賊欲焚棺清雅從屋躍下抱棺哭賊斫之仆地子超藝伏父背求代父子俱死賊憐而悔之以草覆二屍乃去

左良玉擊賊汝州斬百級

江北賊破霍山縣教官龍其元祥死之霍山綿亘三百餘里參天蔽日一夫當險萬旅却步者有數十處可耕可居蕪芋徧地出山南則安慶北則光山固始東則舒城廬州西則蘄州黃州皆三日程

賊攻歸德城外殺人數萬城中死守賊破土堤不能入

甲申江北賊西去圍麻城抵漢口副將雷應乾援之失利楚將許成名屯棗陽不敢進

乙酉英山賊攻羅田伏賊內應破之殺署印官梁志仁等

太和無城丙戌賊至知縣金元始據濠以守姦民通賊元始被傷自殺

國柱云金應元

賊至宿松官逃民迎賊仍殺掠

寧夏總兵祖大弼破賊於儀封

河南賊破新蔡知縣王信死之

丁亥御史王肇坤奏驕兵為禍乞勅洪承疇凡鎮將以下皆得便宜行事

洪承疇擊賊於睢州斬六百級

時賊扼於楚兵者仍走大湖扼於豫兵在南陽者走應山在汝寧隨州棗陽者走麻城在鳳陽穎州者走英山霍山於是斬

州黃梅潛山廣濟黃陂黃州皆被其害鎮草土兵二千餘施
南女官冉氏土兵五千餘分護顯陵其盧氏靈寶陝州鄧州
內^新川賊由潼關雒南入秦中約六七萬蹂掠渭南作四大
營北渡渭水屯涇陽圍興平醴泉諸縣平涼慶陽之賊東掠
三水淳化出耀州蒲城河南老回回張獻忠又過商州至秦
川山西之賊在垣曲岳陽翼城臨汾沁源土寇助之初掠黃
梅鄉官梅之煥率鄉勇集毒矢火砲分列要害又潛築別墅
沈莊以為犄角賊繞城南去不敢攻

鳳陵事聞戊子下詔罪已命總兵楊御蕃以兵駐鳳陽衛皇陵
馬嶺守徐州尤世威秦翼明諸將亟馳鳳泗聽督臣節度以
兵部右侍郎朱大典為淮撫逮罪楊一鵬吳振纓時所調兵

俱奉至松潘副將秦翼明在河間部令自歸德趨鳳陽鄭紀繇
麻黃往安慶劉榮嗣赴泗州趨狼山副將王佐才以兵設防
劉澤清倪寵獲漕特勅馬鳴世斂鹽船于南岸防江
己丑詔免被寇州縣六年逋租滁州和州全拊量蠲仍折本年
現徵之半

賊掠武昌巡撫唐暉移駐漢陽避賊科臣王正志劾之
蕭碭賊攻永城

應天巡撫張國維吳淞總兵許自強以舟師至安慶賊已去國
維令守備朱士胤等以兵趨潛山把總張其威守備項鼎鏞
指揮包文達等趨太湖追賊文達客石電錢士選于鸞等三
十五人皆東吳技勇知名士欲立功自見壬寅至宿江入伏

血戰石電等下馬奮擗步鬪騎賊墮地紛然迴馬遠環之令

刀擗不得及發矢如飛蝗國維發兵不給甲電等皆中箭先

兵亡失半朱士胤亦戰死討論曰國維載此事于二月壬辰當從之猶憶當時傳語不在夏也

載于四月者誤

命湖廣巡按余應桂守承天應桂以罪贖銀十餘萬徵施南土

司兵五千設守

睢賊攻考城指揮殷洪基百戶薛應華侯加奇戰死鄉官袁樞

率民固城得全

陝西賊掠慶陽四百里內村堡無遺

甘泉宜川土賊數萬轉掠山陽商南守將卜應第言缺餉不能

禦賊

欽定四庫全書

上命湯九州援開封歸德張全昌援鳳陽壽州

辛丑麻黃賊奔南陽左良玉破之于城下賊從南召奔鎮平山中良玉追擊之斬四十級

壬寅賊攻廬州知府吳太樸斬通賊者金國光等擲首城下馬曠駱舉兵至賊去

刑部主事胡江劾溫體仁降一級

丁未鄧玘援湖廣兵掠麻黃吏科周純脩劾之

洪承疇之兵掠許州洧川尉氏兵科史可鏡劾之戶部尚書侯恂與承疇書曰賊來兵去兵來賊去賊掠於前兵掠於後賊掠如梳兵掠如刺總督之令不能行於將帥將帥之令不能行於士卒今日之事其何以濟

宣大總督楊嗣昌自請討賊旨褒之

山西三大寇顯道神高加討活地卓賀宗漢鄉里人劉浩然加討已死吳柱間賊黨劉任祥斬活地卓党二虎計執鄉里人於永寧

南樞選參將徐元亨以兵二千三百駐滁州使內援江浦外接

池河

主事賀王盛劾內閣溫體仁庸姦誤國請外

討賊是時此月而後應撫河等情其詳見前卷
於已之說其詳見前卷其詳見前卷其詳見前卷
包文遠天于三月以為十二月江浦者誤也

辛亥洪承疇由河南府登封禹州許州郟城上蔡諸處三月辛

亥朔至汝寧奏曰江北鳳廬之賊有繇潁州霍山入光山固

始信陽轉入南陽有繇桐城潛山大湖徑奔麻黃襄陽犯麻

黃之賊又轉掠芍感雲夢後出新野唐縣與南陽賊合繇浙

欽定四庫全書

川內鄉上津奔入漢南商雒臣發賀人龍鄧玘左良玉衣翟
文隨賊連擊

壬子總兵左良玉破賊于鎮平山中斬三百級俘二十四人
癸丑湖廣賊攻麻城

甲寅桐城賊走潛山大湖

丙辰科臣劉含輝乞捐陝西八年以上逋租不許

戊午賊圍黃州之團風鎮又圍岐亭

己未左良玉破賊于唐縣斬二百五十級俘二十人

湯九州革職提問所統昌平兵交左良玉

庚申楚將許成名夜擊賊斬五十級

蕪黃大盜起天王擁衆八百人村民擒之身長八尺倡亂十二

年破十州縣新姻九十有七其子日咳人心髮目皆赤
先是安慶賊奔蘄黃洪承疇在汝寧令總兵鄧玘副總兵尤程
文扼之又令總兵曹文詔邀于光山應山隨州間副總兵賀
人龍劉成功移鳳陽之兵分駐信陽泌陽斷河南之路至是
賊入襄陽之雙溝鎮欲寇樊城會雨唐白二河溢不得渡從
松林寺窺承天總兵許成名避之不敢擊

壬戌賊犯陽邏鎮

河南湖廣之賊自興安漢中襲陷寧羌州

丙寅陳永福擊賊于嵩縣山中擒賊渠靜山王扒地虎

近潼關賊及雒南賊見承疇東去復入陝西承疇至汝寧曹文
詔張應昌尚未至鎮葺石碣白杆羅網兵遠隔數千里乃即

麾下見兵隨賊所向分擊命賀人龍崔重亨往鳳陽鄧玘往
麻黃左良玉往南陽惟以靖遠副將尤翟文千四百人自隨
俄又遣翟文赴麻黃 丁卯承疇繇確山抵信陽徐來朝至
陳州令趨嵩縣秦翼明至次蕭縣令趨六安尤世威至亮令
趨汝州可備

兵科常自裕奏鳳陽焚劫四日而馬燦至歸德圍解三日而鄧
玘來穎亮安廬之賊返旆而北尤世威等信尚杳然賀人龍
等各處遙掠承疇紀律安在

討論曰請上發餉乃為
經濟不然紀律安敢用

庚午曹文詔張應昌等兵至信陽

總兵張全昌擊魯山等賊斬四百級
官兵破雒嵩賊于平札店

陝賊焚興平抵涇陽掠村堡又攻三原富平壬申賊掠乾州醴泉官兵擊斬百級

丙子賊犯應山隨州戊寅曹文詔冒雨擊賊於二十里店斬三百級賊自應山隨州出泌陽劉成功於固觀鎮斬百四十級左良玉於夏家崗斬百級曹變蛟追勦隨州之賊斬飛虎金翅鵬

守備周爾敬破賊于伊陽斬四百五十級

山西總兵尤弘敬擊賊于靜樂斬三百級

是月科臣劉含輝奏流賊驅掠良民戰時棄之與官兵斬首報功間有逃出者兵民縛之以獻功從賊非心歸家無路臣以為專差御史接引難民審非姦細燂還故土

夏四月庚辰朔陝西賊攻高陵臨潼

河南賊攻嵩縣令吳浚禦却之

內鄉賊以盧氏有官兵由間道掠伊陽嵩縣是日周尔敬擊敗之於潞川

安慶賊分趨英山六安蘄州黃州

陳永福擒順天王於西華之五女店

討論云此事又載正月無以定之

河南賊犯襄城鄧玘兵至賊捨去

滿天星攻真陽羅山知縣王信戰于涂店被獲賊欲挾以取城不從與同執者六人俱死鄧玘追賊斬四百級

辛巳戶部奏今歲錢糧入者六百八十萬出者七百八十萬何以謀國

癸未川撫奏川北七盤神宣一路俱失守賊破廣元踰險深入
將犯成都

兵部奏河南賊有三枝一自鄭西黨子口復內鄉浙川鄧州鎮
平一自應山信陽擾上蔡西華尉氏禹州郊縣汝州將奔雒
西一在商城固始間而雒西有瓦背餘孽伏盧氏永寧山中
今左良玉已往江北宜選河北周天命之兵精勇二千南捍
開封而陳禹河雒諸道標兵多者千餘少亦五百當令與鄉
勇劉洪起陳見劉劉際會李懋芳馮有儀等合力

焚賊犯德安焚閭廂

甲申賊圍黃陂孝感叛民迎之入蘄州諸生徐元夫脫母于險
還戰死布衣王牧民代父死

乙酉賊犯應山施南兵擊敗之

老回回八大王邢紅狼九條龍等從商州入陝西

河南賊掠魯山伊陽屯鄭縣新密山中潁州西去之賊合之分
掠汝寧南陽為官兵所逐南陽賊走應山隨州汝寧賊走麻
城黃州

嵩縣盧氏靈寶陝州近潼關者又入陝西雒南賊六七萬焚掠
咸陽盤屋諸縣又有四大營屯涇陽犯三水淳化出耀州富
平蒲城剽掠

晉撫吳姓以陝西河南之賊近河欲渡移駐平陽遣虎大威勦
靈石霍州賊斬六百級

丙戌御史范復稗奏前者賊十三營今乃至七十餘營凡秦之

西安豫之大梁楚之鄖陽南直之潁州鳳陽淮安泗州山東
之曹州濮州臨清皆賊欲掠今賊已過鳳陽至廬州山等大
谷如虎負嵎而地方亂民土寇到處為賊嚮導如入無人之
境戰將不過左良玉鄧玘秦翼明左光先等數員兵少薛伍
未肯用命即曹文詔張全昌素稱戰將今易地蔽罪何以制
賊

整齊王等數萬賊圍青山寺別令精騎數百馳至白沙祖大弼
率謝貞榮等禦之擒二虎追斬百級遊擊周時盛戰死
戊子賊掠平涼慶陽村堡俱盡

御史楊希旦奏陝賊破寧羌至黃霸宜防廣元
計論曰
是大霸
尤世威解盧氏之圍斬百五十級

入關之賊六七萬分掠咸陽長安盤屋涇州又有楚豫之賊從興安漢中陷寧羌州轉入臨洮鞏昌麻黃之賊自棗陽襄陽鄭陽入陝西陝西故有兵五千分防諸府王錫命王根子防西安承疇出關至雒陽時又遣來胤昌以兵千人助守西安又遣張全昌以千人入陝西全昌未至而錫命根子胤昌縱兵剽掠西安大擾賊之由武關入陝經七盤坡遇靈雨馬蹄穿爛黨衆飢疲初承疇令李喬駐商州為之備喬不至藍田兵少不敢擊賊得與先入潼關之賊合

陝西至河南之路潼關為大僻逕則有北朱陽關鞏鞏關蘭州川南朱陽關吳村瓦屋裏北朱陽關鞏鞏關在雒南縣東北通靈寶陝州蘭州川南朱陽關在雒南縣東通盧氏永寧嵩

縣吳村在商南縣南通浙川黨子口瓦屋裏在商南縣東通
南陽之內鄉而由鎮安山陽亦可至浙川內鄉其入楚之路
則自西鄉平利至鄖陽之竹溪可達襄陽

辛卯洪承疇至汝州大集條佐曰制賊當有長策我至豫而賊
走秦我走秦而賊又走楚豫是自弊於道路而郡邑皆殘破
矣天子嚴旨刻期六月滅賊今當分信地扼之令不得流吾
自率麾下搏擊使無遺類令左良玉以五千人守瓦屋湯九

州以五千人守吳村

餘夢莘北盟彙編紹興三十一年五月復魏州事有朱陽縣

今尤世

威以兵五百人守蘭草川徐來朝以兵五百人守北朱陽陳
永福以兵千八百人守盧氏永寧諸隘口以備漏出之賊令
鄧玘尤翟文張應昌許成名分防漢江南北諸隘口河南

兵一萬四千湖廣共兵一萬一千移文山西防河請敕朱大典防江北又令張應昌尤程文自鄖陽循路擊鳳縣兩當徽州略陽之賊轉赴興安漢中與總兵左光先游擊趙光遠等會兵而自率賀人龐劉成功入秦又檄曹文詔以師會於靈寶乃行承疇為策盡善而餉乏兵驕法久不行徐來朝兵譁不肯入山鄧玘待下無恩被焚死張外嘉為其下所縛譚大荐峒丁半載不至

壬辰寧夏總兵祖大弼之任道出高陵巡按傅永淳見其家丁精勇上疏留之與張全昌同擊賊

丙申賊萬餘自肅州至蘭州焚先肅王墓殿

丁酉賊自終南山出掠富平乾州官兵擊殺蟒甲賊云是闖賊

之弟

鄧玘赴襄陽乙巳至樊城標將王允成家丁索餉薛焚屋露刃入營殺玘二僕玘踰墻墜火中死承疇以其副將賈一選周繼先分統其兵有旨聽秦翼明節制而亂兵卒從左良玉

洪承疇奏曰賊敗于麻黃俱奔南陽臣暫駐汝州適中之地各賊陸續入秦已催原任總兵張全昌從汝州繇嵩縣出新安星馳入關以南陽委豫撫玄默襄陽光化委楚撫唐暉鄖撫盧象昇親臨調度而四川要害則移川撫王維章督總兵侯良柱控扼臣于十九日督成功賀人龍兼程入關

丙午承疇至靈寶令秦翼明以兵二千駐光州張外嘉以兵二千五百駐內鄉南召魯山文詔至承疇料老回回寺以商州

雒南為巢穴官兵從潼關入則追不及乃令文詔自關鄉取山路至商雒襲之樹曰道路險遠勞苦甚王事重大非將軍無敢行者吾集關中兵以待拊其背而遣之文詔躍馬去洪承疇奏川將張令楚將譚大猷兵九千臣未敢輕調聽蜀撫王維章總兵侯良柱率之赴秦楚交界處相機勦撫已酉承疇至潼關知賊在涇陽馳赴之

是月御史元璋奏曰民窮極矣弱者為鬼強者為盜此皆貪吏驅之也夫人一入仕路唯圖溫飽其自好者不過苟且因循以俟遷轉誰有真心作事為地方求治安者乎兵驕極矣縛將縛撫殺良冒功朝廷徒費金錢曾不得其禦侮之用何不寬有司之征使民得致力於保甲如古之寓兵于農修軍政

而備禦侮人自為戰家自為守則賊可弱而兵可銷矣

西安官兵左光先趙光遠靳桂香共三千四百其在漢中者孫顯祖兵一千五百在臨洮鞏昌者卜應第吳弘器兵二千在平涼者艾萬年兵一千而王永祥等兵各守信地其隨賊援勦者曹文詔兵二千張全昌兵一千五百張外嘉兵二千五百而關中之賊以十萬計 五月庚戌朔承疇還至高陵城南賊在醴泉具平承疇渡渭向西安謀討商雒老回回等甲寅商雒賊至郿縣之青花鎮張全昌擊之秦王嶺斬二百級賊奔終南山及興平縣

祖大弼張全昌擊賊解醴泉圍奪賊所擄良民

文詔冒雨至商州賊屯火滿山去城三十里乙卯文詔令參將

曹變蛟守備曹鼎蛟候一位等為前鋒都司白廣恩繼進二

更發兵行至五峪賊設伏來誘文詔轉戰至金嶺川賊敗走

斬百級變蛟文詔兄子勇冠諸將賊聞大曹小曹膽落討論

曰回亦以是日至西安則知在巢者零弱故易克捷若賊全營未去而文詔孤軍深入真身之獨先見矣曹將軍傷勇而

共公不識以持關王獻賊老回回亦於是日薄西安官兵在

重至今畏之夏杏村相去五十里承疇命賀人龍截于午谷劉成功王永

祥斷北路張全昌自醴泉至賊夜渡渭至郿承疇追之一丙

辰至王渠鎮賊方掠南山賀人龍統賀文煥等五十餘將劉

成功統劉成威等三十餘將王永祥統李政等相斫四十五

陣賊退走追三十餘里至大泥峪各有斬獲次日諸軍會於

郿之秦王嶺遇賊擊敗之庚申追至藍田賊走細谷川欲奔

河南以內鄉有左良玉兵折回雒南將走盧氏聞蘭州川有尤世威兵乃走興安平利

乙丑鄭撫盧象昇遣兵守蠻川豐陽二關奏曰賊奔商州鎮安山陽有復犯豫楚之勢夫賊在西安鳳翔平涼固原可繇棧道徽階以入漢南賊在商雒鎮山可繇內鄉浙川鄭西上津以入襄陽南陽臣甚憂之洪承疇調張應昌由南陽鄧州尤翟又繇德安黃州從鄭西上津出洵陽至興安又遣許成名以算子兵三千六百由保康房縣抵竹溪為後應繼而光化黨子口苦無防兵總兵秦翼明領鄧玘所遺川兵二千十六日發蠻川豐陽二關防禦

滿天星蝎子塊等圍平涼官軍固守不拔乃走鎮原慶陽承疇

遣艾萬年劉成功擊之闕王八大王等最強圍鳳翔張全昌
賀人龍往討丙子承疇自以曹文詔等追之

原任大同巡撫石崑玉奏黃梅遭賊江撫解學龍遣將袁斌渡
江獲之賊退宿松學龍又遣道臣王思任督兵駐黃梅之清
江鎮閩臣沈壽崇札營孔壘為之犄角而山東道臣唐顯悅
之兵亦至追斬賊四十級賊越萬嶺走英山

六月己卯朔賊逼雒南

壬午河南巡撫玄然削籍下法司陳必謙代

乙酉陝西巡撫李喬削籍甘學潤代

巡按傅永淳疏云洪承疇往河南時逆知賊必回秦令喬駐商
雒扼賊乃喬不至商州數十萬賊于淫雨中紆回萬壑至藍

田七盤坡下馬蹄盡穿疲困已極此時數千兵將正集藍田若乘機勦之可得全勝乃乘夜潛歸賊繇是殘盤屋過渭河以至不可收拾又關王等西犯鳳翔有督臣往勦而商雒之寇邢紅狼等尚繫喬當分路勦滅乃乘賊西去已遠飾言勦賊其誰信之命免官議罪

秦賊搖天動遣其黨二十餘人傭于西和門者雇之刈麥夜代守更搖天動夜至守者汲之上城陷知縣耿桂芳遁

靖虜堡僻遠賊掠之已丑副將繼勳以兵戰于虬馬川深入被圍中軍劉弘烈被執死之署道同知馮福謙遣指揮李鼇等救之不及

賊在終南山攻掠山谷堡寨搜掘芻糧既得食連營出山有衆

二三十萬大小百十頭目分為七八股多者四五萬少者三萬自臨洮鞏昌至西安二三千里氣勢相應

戊戌誅故鳳陽總督楊一鵬

己亥總兵張全昌副總兵賀人龍率兵三千擊賊於清水之張家川斬百七十級追之入伏都司田應龍張應春死之二將力戰得脫賊掠涇州富平

乙巳副總兵劉成功艾萬年游擊王錫命以三千兵擊闖賊于寧州之襄樂鎮殺千人日莫還兵被圍于巴家寨賊急攻萬年曰自成故與我有怨今攻寨為我也出兵戰死失亡千人鎮國成功錫命俱重傷

丙午承疇率諸將追賊 丙午太子少保都督僉事援勦總兵

官曹文詔以兵二千進遇賊於真寧之嶽頭鎮前鋒參將曹
 變蛟直前衝賊斬級百餘追三十里文詔自以步兵繼進賊
 伏發數萬騎四起合圍飛矢雨集知是文詔戰益急援兵不
 至文詔氣弥厲手擊殺數十百人力盡自剄死如可賻分
人萬其身裨
 將陣沒者二十餘人皆文詔比也承疇痛哭請得贈卹以變
 蛟為副提兵以厲衆心文詔弟文耀戰死河曲變蛟後于松
 山之役絕食死曹氏一門君子傷之楚豫諸將聞文詔死喪
 氣討論曰此事傳永淳疏言承疇率文詔追賊則吳紀所謂
因艾万年死而發憤者誇也且戰于真寧則是慶陽之賊
 滿天星蝎子塊也以為終南賊者亦非
 戊申授陳永福都司

時混世王蝎子塊在臨洮鞏昌有黨十餘萬閻王壽乘勝屯淳

化耀州欲攻西安左光先張全昌在漢中召不得至曹變蛟
收散卒合他將兵僅得二千人不能成軍

秋七月己酉朔與洪承疇屯於三原張疑設伏埋根決鬪賊不
能測虛實未敢竟進

戊午太康伯張國紀奉命祭告鳳陽祖陵路經單縣卒文綬部
將吳尚文等二千人白晝陳兵遮阻索過關例銀百兩不得
毀棄香帛殺水手較尉兵科劾之曰太康懿親香帛法物此
而可劫何不可劫關為何關例為何例兵橫至此而可望以

敵王愾哉

計論曰吳紀
九月十日

關王見承疇不可動乃自耀州東走朝邑欲渡渭出潼關己未
承疇南至華州待之賊還北工承疇疏云先時賊避兵逃竄

今則迎兵對敵左右埋伏更番迭承則勒殺之難也賊人人有精騎或跨數馬官兵馬三步七則追逐之難也賊深入山谷便可據險負嵎官兵相持一日則坐誤一日則時日之難也况衆寡之勢官兵不能當賊十分之一合省直守勒僅四萬餘兵其勢不敵明甚賊屯淳化耀州境上眈眈涇陽三原臣駐三原標下止有關門兵二千五百張疑設伏賊不得南下縣耀州奔富平北界東走同州朝邑欲渡渭河走潼關辛酉混世王蝎子塊等由鳳翔郿縣盤屋掠西安境上辛酉承疇入省城

河南推官湯開遠遊擊趙柱擊賊雒陽有斬獲
澄城知縣毛昂霄初至出謁上官闕王以萬人攻之姦民內應

癸亥城破衙官李可受戴一相學官丁應觀及妻李氏皆死
之賊圍郟陽

洪承疇所召諸將左光先張全昌趙光遠尤翟文智人龍等以
兵至議擊闖王于郟陽 乙丑混世王蝎子塊等奄至西安
城外官兵疲不出次日承疇令張全昌曹變蛟由間道至渭
南華州截賊攻關之路自督兵至紅鄉溝遇賊逆擊李效祖
柏永鎮等力戰賊却登山以出關扼於變蛟全昌乃已
是日闖王捨郟陽趨平涼

庚午混世王蝎子塊等賊萬餘從大峪口走商山雒南合於關
塌天老回回掌世王整齊王走豐陽關監軍道苗柝土副將
賈一選周繼先拒之賊不得入屯關外關後有小運旱川口

可通鄖西鄖撫令遊擊周士鳳守之秦翼明乘夜架梁絕壑

透入賊營後山連破青崖河吳家區袁家坪三寨斬百五十

級賊退攻珠陽關

討論曰北事起者非止一年二年然以吳紀攻豐陽不得過而轉向珠陽之語為的

○胡三省通鑑永和九年九月註云豐陽川在上洛郡南陽新縣有豐陽城後魏道豐陽縣劉昫曰唐商州豐陽漢商縣地晉分置豐陽縣因豐陽川為名

徐來朝守北朱陽關於回回整齊王等至脫身走一軍盡亡甲

戌賊屯索峪河南尤世威兵隔在淮南

討論曰破珠陽關者疑非一賊并疑非

攻豐陽之賊

乙亥掌世王整齊王老回回闖塌天等屯黑龍潭欲出輓轡關

豫撫玄默奏洪承疇發總兵張全昌趙光遠出潼關赴靈寶

來副將正在索峪河交陣賊馬闖輓轡關朱陽危急又大谷

陝西通志古堂藏書

魏谷等處賊警甚急

承疇奏兵少上以延綏兵五千甘肅兵五千鎮漢草子洞丁二千蜀兵九千與之

尤世威軍守蘭州隘暴露久大疫丁酉子賊至戰失利與遊擊劉肇基羅岱皆被創兵潰而平涼慶陽之賊馳犯三原臨洮鞏昌之賊到處焚掠洮州又有土賊王春招之不從又有

賊犯龍駒寨

有云左帥擊之尚且非也

八月戊寅朔時老回回等由商雒東行漫山遍野不下數十萬越盧氏至永寧丁庚辰玄默率兵禦之魏略鎮戰於魚古寺自辰至酉數十合賊不得過默又調左良玉陳治邦陳永福截東路

老回回整齊王掃地王蝎子塊等皆往河南唯關王關將留關
中壬午破咸陽殺知縣趙躋昌東走同官富平關王西走扶
風武功黨各七万甲申張應昌左光先擊關將斬四百五十
級獲其軍師劉 賊走涇陽屯醴泉之石鼓趙村別部屯七
里原在淳化耀州間討論曰有紀趙躋昌事於七年
八月者非也時關未至咸陽
丙戌左良玉追賊于鎮平之廣陽山擊斬三十級賊走南召魯
山

丁亥上發銀三萬給洪承疇備滿兵巡按錢守廉及京朝官多
劾承疇玩寇惑師上不為動

庚寅商雒賊入鄖陽

河南兵俱在永寧盧氏馬賊飄忽東來丁酉攻中牟省城止有

撫標將李璿璣馮良友等陳必謙欲使賊不測伐成遣璿璣等直趨中牟斬其前哨賊南走尉氏必謙慮賊由通許擾歸德睢城再發祥符兵截之又檄各縣堅守以待援兵庶子賊至開封城下去攻長葛扶溝令皆秦人能守得不破攻陽陵左良玉往救敗賊于張橋部將李雲程馮文又敗之彭祖店賊走西華商水焚沈丘陳永福從鹿邑邀擊賊分兵一走項城一由上蔡入太和一走潁州蒙城宿州而合於太和之賊必謙云河南之壞由於吏部為人擇地不為地擇人巧者得江浙美地唯關起無能之人生名填缺百城皆然一片暮氣寇至則逃入山寨中中原千里之地拱手授賊職此之故

庶子闖王圍扶風

閻將妻邢氏美而多智掌軍貨凡給糧仗必翻山鷓高傑與邢

氏會計因有私常自疑畏前在隴州代婦謂事露大恐幾自

殺辛丑遂竊邢氏返正遊擊孫守法挾之擊賊于富平之馬

家窰斬二百級討論曰高杰之降吳紀在此年此月諱氏在

州代婦守森之時未暇竊邢氏以來也

癸卯進楚撫盧象昇部院總理直隸河南山東四川湖廣五省

軍務與洪承疇合勦流賊時兵部奏陝西之寇半至河南上

於七萬外又發李重鎮兵四千祖寬兵三千山東倪寵兵三

千牟文綬兵三千楚兵再募七千俱赴行間合舊兵得九萬

有奇寇在關內屬洪承疇關外屬盧象昇奉旨承疇勦西北

象昇勦東南如賊復入秦象昇統兵進關掃蕩其監軍道河

吳漢王送古堂藏書

南則戴東受湖廣則苗胙土南直則史可法討論曰賊白事兵三十萬征楊

應龍六三十方今不及十方國力人情可知

以宋祖舜撫治鄖陽

上召諭戶兵二部以淮撫兵二千三百楊御蕃兵千五百扼要害護祖陵以董用文兵五千赴彰德倪寵兵三千年文綬兵二千赴齊豫之交相機調遣劉澤清推孤山副將未行令暫防曹濮馬燝移鎮潁亳陳洪範所募健丁三千護陵又以龍固關參將李重鎮兵四千遼東總兵祖寬兵三千先後馳援河南

彭祖店賊西走汝州尋至高州襄城臨潁

太和蒙城有賊淮撫朱大典與巡按張任學總兵楊御蕃護陵

遣副將劉良佐援太和遊擊朱子龍擊賊于懷遠之龍岡集
與所將廟灣兵五百人皆戰死

上以南京武備久弛丁未命兵部尚書范景文同內守備整飭
九月戊申朔庚戌加祖寬援勦總兵

洪承疇追賊於渭南臨潼間賊退追之還關官兵力戰破之
河南賊奔內鄉鎮平至花園關

左良玉追賊於郊縣之神堂山賊連營數十里更休迭戰良玉
收兵不戰趙柱被圍幾不得脫

趙柱擊賊於上蔡斬百四十級擒賊首與世王
河南賊自光山羅山趨德安麻城又趨羅田犯蘄水

湖廣兵一萬八千人。丙辰五省總理盧象昇以三千護陵千
六百人守鄖陽。四千四百人備襄陽。光化參將馮時早領軍
子兵千五百人。援應山。隨州。孝感。都司周元儒領軍子辰州
兵二千人。援麻城。黃州。蘄州。總兵秦翼明以川兵四千。軍子
兵一千。駐隨州。棗陽。自率楊世恩。雷時聲。以兵三千人。赴光
山。羅田。擊賊。

河南賊自嵩縣。趨邙縣。禹州。於侯家溝。洪山。壩。結隊圍密縣。知
縣苗之庭。擊賊于城下。斬三百餘級。百總張進。第力戰。殺多
賊。馬蹶。自剄。死。賊解去。李重鎮。私於張鳳翼。必諫。令援密。五
日。半行。二百三十里。比至。圍已解。三日。監紀推官湯開遠。促
之。追擊去。賊十里。二日。不動。村落剽掠一空。以解圍。報必譙。

不敢參劾鳳翼猶謂必謙各賞苛求必謙與許譽卿書有云
督撫身臨賊地偏裨佐貳宜聽其隨才選用勢成臂指年來
守巡二道標下中軍官無一不從部授一切部中走差偵探
乞恩進奉之人皆題授兵官名曰酬勞此輩非中官廝養即
市井油滑既乏智謀又工躲閃見賊奔遁事敗彌縫恃有部
主情面少加訶譴卽布流言至于領兵大將官非功授氣以
勢盈嚙壁旣罕去來由已如往歲左良玉移催數十次始為
一行甫見賊而掉臂去之弟所以有調兵如請客馭將如驕
子之疏又如李重鎮一賊不殺而樞臣焚其重賄屢疏代為
鋪張左良玉畧加抨彈使腹目攘臂於朝曰如何難為我將
官弟所以有將官不殺賊則罪巡撫巡撫參將官之不殺賊

則又罪巡撫之疏諸如此類未易枚舉

討論曰非晉侯則陽明無以成功張鳳翼

而在位七年非流賊之亡明也

以楊御蕃為鳳陽總兵專護陵寢

討論曰勞逸不均必有為之地者矣

混天龍至潁州南臺集欲渡淮而南陳必謙以祖陵重地遣陳

永福出境二百里擊之遇于淮岸夜襲賊營大破之賊走霍

山江南將閻雄劉尚仁以二百騎逐賊賊走楚境

豫賊攻信陽州汝南道童嗣謀率李國楨破之於城北追至中

山鋪斬三百級百戶葉正芳先斬十餘賊被獲罵賊死千總

劉鶴之義民喻定國劉國賓等俱戰死

辛酉豫撫陳必謙檄陳永福等東防固始左良玉等西勦澠池

永寧之賊必謙奏曰入豫之賊其前隊先趨開封諸縣屬者

敗折于中年長葛扶溝鄆陵之後分為二枝一趨西華商水為睢陳道兵所敗從沈丘以突穎亮即陳永福所敗之賊也一由上蔡趨光山新息真陽確山復折還固始商城而輔上賊半合焉其數較穎亮之賊為多穎亮有穎陳兩道兵自足以當之臣又調真保游擊之兵赴陳截其西還而固始商城之賊有上金剛臺俟冰凍渡河之意金剛臺在商城境內小徑盤紆六百餘里直逼淮楚此不可恣賊為窟也固始東連霍丘鳳陽故遣陳永福自穎州趨固始遏其衝突又調李重鎮兵為犄角此東南兩路防勦之局也其自嵩縣西華以趨如縣禹州攻圍密縣者是後來西北大夥既為密令所敗又為左趙所驅遂遁而繇登封入嵩縣擾澗水已撤左趙羅奇

赴勦北西路勦堵之局也臣提兵千餘東西分顧為難望祖
寬馳赴以圖救寧臣今已自禹州郊縣趨雒陽深以南陽汝
州為慮俟陳李二將至再為調度

壬戌宣府總兵張全昌與蝎子塊戰于潁州

一作沈丘

之瓦店集為

賊所執卒六百餘守備張有義等死者三十八人初洪承
疇遣全昌與趙光遠截大峪口路兵譁殺掠陳必謙檄之援
盧氏不應光遠擅歸秦全昌兵入崇澤劫庫殺人至是賊脅

之以攻蘄黃又為賊乞降於盧象昇

討論曰有紀此事于十月者

賊自固始據麻埠為巢在六安霍山間丁卯賊入二城官皆先
遁焚掠而去又掠米家溝土橋岡燕蛙池蔡家溝札營青山
又至銅山

己巳閏王以賊數萬圍扶風一月知縣王國訓固守救終不至
己巳賊運土填壕作土山攻入國訓與夏建中等先之火焚
三日城破後官兵至追敗賊于郿縣皆奔武功乾州山中閏
王偽乞降科臣趙志孟奏臣邑扶風去省城僅二百三十里
被圍一月竟以無援致陷臣弟生員趙志益倡義被殺却報
恐激聖怒先以武功郿縣點綴而帶及扶風之陷何欺飾也
賊掠縣之天長鎮巨室王氏女年十五有殊色賊欲犯之不
可以刃劫其母母勸從之女曰吾畏刃賊置刃女歛起取刃
自刎死

時百官捐俸助鳳陽脩陵之費工科范淑恭奏諸臣可捐助惟
王應熊不當捐助鳳陵失事由楊一鵬撤防又由王應熊擬

旨不擬此旨其助多矣今日捐助何補萬一應熊大慚引罪
辛未掃地王等至霍山石佛寺嶺據天陽山尋至麻城之雙城
驛

賊怒密縣官民再破其兵一甲戌盡力攻之城卑攻圍三日夜
苗之庭憑城而戰殺賊三百河南監紀推官湯開遠將步兵
左良玉將騎兵自郊援之賊乃去開遠在行間勞苦等於武
臣

丁丑遼東總兵祖寬以兵至開封

是月陳必謙奏朱陽蘭草敗兵不可用上意欲盡去之張鳳翼
欲各去其半必謙謂徐來朝貪而懦其兵月餉八千兩見賊
即奔查點即詳兵將當盡撤之尤世祿不可用其兵去病方

者留千二百人以世威部將劉肇基羅岱領之

討論曰昌平總兵陳洪乾

之文王君則曰昌平額兵二萬虛糧八千人以供主將文結內侍閣中却中又遊容并入索之用實有兵一萬二千人各遠昏然今徐來朝所將即為二千中之兵也而無用若此明之兵政可知矣

左良玉擊西陽城守備董友才張世恩千總李春把總吳雲材官蔣學禮百總趙石林俱戰死賊亦不敢再犯南陽

冬十月戊寅朔李自成過天星圍真寧七日知縣王家永不得已自入賊營勸令就撫以緩攻闕將弟先在扶風被擒遂挾縣印信求易其弟已先送縣官出從三原往來鮮掠總兵左光先王世欽率副將曹變蛟等追至高陵擊破之追殺三十里收兵富平斬四百五十級

總理盧象昇至羅田召李重鎮陳永福來會整齊王從信陽趨

欽定四庫全書

應山芬感其衆甚盛參昇命重鎮時聲永福以兵六千自羅山信陽南向楊世恩鄧祖禹以兵二千自麻城西向秦冀明周繼先以兵五千自東陽隨州東向合擊賊退去

已卯黃梅賊由宿松犯潛山大湖小池殺人五千潛山官逃住十日捨去應撫張國維遣吳淞總兵許自強防安慶操江王道直以水軍遊邏安池道史可法以兵入潛山之天堂寨搜捕河南賊掃地王等別自霍山向英山分掠潛山大湖而英山霍山舒城皆陷賊國維募土人二千守安慶賊攻六安青山鎮不能克鄉勇張大翼戰死

庚辰下詔罪已唯犯祖陵者不赦脅從俱宥罪

壬午江北賊從英山入蘄州羅田癸未安池道史可法駐安慶

禦之賊退入楚地

甲申闖賊過天星掠三原左光先追敗之於高陵斬四百餘級
壬辰闖將犯淳化知縣趙之琴擊却之

甲午盧象昇在羅山整齊王等從信陽走應山孝感甲午象昇
遣李重鎮雷時聲陳永福等率馬步六千餘自羅山信陽而
南楊世恩鄧祖禹等步兵二千餘自棗陽隨州而東欲先靖
光山羅田麻城黃州隨州應山之賊不令與陝州聖寶永寧
澠池之賊合也討論曰此事有載於
庚辰者無血脉誤也

乙未兵部奏岐山鳳翔寶雞平涼賊熾扶風尤甚
丙申洪承疇率兵三千至三原

高迎祥越鳳翔犯寶雞

欽定四庫全書

混十萬自陝西至靈寶陝州守備洪萬年赴虢略鎮授之掃地
王過天星九條龍八大王等屯聚澗川口偵官軍至越虢略
鎮而東

丁酉遼東總兵祖寬兵至靈寶城下賊皆屯朱陽之地澗川口
則混世王萬川口則獻賊水頭則整齊王俱自潼關初至

討論曰吳紀有陳必謙湯開遠
左良玉是時破賊于靈寶未然

豫撫陳必謙書云三年以前流寇尚畏官軍邇來勢益強熾有
伏路靜聽以防襲殺有前撥倒撥左翼右翼以備策應收一
壯丁即給一良馬授一美妻逃出即殺其管隊一陣退縮立
置之死故人皆為盡力死鬪

關王屯乾州戊戌左光先至沂陽分道擊賊賊累敗於盩厔武

功分隊渡渭官兵至鄠縣關王設伏河畔自披銀甲督戰為
誘中矢墮馬脫去斬三百五十級俘二十人

混十萬等攻圍靈寶辛丑陳必謙以湯開遠左良玉祖寬擊之
賊退入澗川口寬分兵四路疊進一日二十餘合賊死者甚
衆左良玉擊斬百六十級賊奔西山必謙遣朱三才趙永寧
戴東旻策應又遣錢繼功備南陽

癸卯麻黃賊入鄖境周繼先失援一楚按余應桂奏周繼先年
將八十統鄧玘之兵八九月中大賊在麻黃總理檄之邀擊
逼留不前雖副將楊應思雷特聲追敗之不能大創賊于十
月二十六日抵鄖繼先先期至隨越宿可至而遲數日總理
揀汰其兵隸之楊雷二將夫繼先一老敗于蔡陽舖再喪敗

于唐縣乞勅部議處章下所司

獻賊聯三大營於靈寶新安以待陝賊乙巳土賊引之攻盧氏
知縣白楹禦之中七矢城夫皆潰毛兵退縮楹自刎死城中
死者無筭盧氏在郡城西南幾四百里與商雒接壤深山窮
谷一邑孤懸賊自出岐州復奔靈寶入盧氏聲息不通豫撫
促祖左等進攻而道狹馬不能並行

賊至潼關副將趙光遠擊敗之賊逃南原透出朱陽關至靈寶
閔卿

延綏總兵王承恩追高迎祥至華州柳子鎮斬二百級時秦兵
于渭河南北三擊賊共斬千餘級丙午闕王自華陰南原絕
大嶺夜出朱陽左光先追之失利曹變蛟力戰解之

信陽賊復從應山德安犯朱家河掠京山巡按余應桂調秦翼明援之都司鍾鳴銜戰死

賊自京山間道趨 顯陵次日入山

江北賊據六安山

是月山西巡撫吳牲令賀震夷防芮城陳國威防禹門虎大威防吉鄉以河西河南賊近界也

陝西賊一股入中州一股向湖廣一股向慶陽其入中州者又分三股一為閩王率大隊自盩厔武功分道渡河一為老回回犯南陽鄧州而西一為九條龍出潼關大隊東馳濶四十里絡繹百里老弱居中精銳外捍

十一月丁未朔九條龍入閩鄉城與張獻忠合勢是日老回回

犯南陽知縣何騰蛟擊却之

左良玉捨大營以騎兵至靈寶東祖寬在靈寶西相去七十里賊衆不得合左軍為營於高坡一處成賊伏兵誘戰良玉不動賊竟東行左軍未食不能追大雪夜半混十萬乘間入陝州執知州史記言於城樓不屈死

辛亥整齊王掠永寧之長水張村載東吳監劉聲基羅岱朱三才李雲程等相持於蘇羊斬三十級

闖將老營札三原之北自陵前麥子鎮掠至富平左光先王承恩各統兵六千在宜君雒川間不能擊承疇劾奏之

甲寅闖王自澠池趨河南屯雒河

老回回犯鄧州

破陝州賊合靈寶永寧山中舊賊攻雒陽乙卯陳必謙率兵後

之賊解去關王趨偃師鞏縣必謙督左良玉追之考證曰吳

陽分兵向汝州者非也汝州之賊由蘇羊而來有
記戴東是後雒陽者亦非戴在蘇羊原報可證

洪承疇遣王承恩孫守法擊關將於耀州將官王嘉鎮戰死賊

走宜君同官丁已欲由老鴉坡延水關乘水渡河山西有虎

大威等防河而陝西王承恩左光先有兵一萬三千何以隨

賊不擊請敕承疇催兩鎮兵沿河擊賊臣以虎大威助其聲

勢與其待賊過河而合擊於晉不如未過河而合擊于秦

盧象昇聞河南警急歷節襄南陽日夜馳千里至汝州戊午以

戴東吳劉肇基擊整齊王等勝之賊退祖寬以遼兵至斷賊

前象昇躡賊後辛酉大破之於汝西之圪料鎮橫屍二十餘

山撫吳整奏曰

武備三述古堂藏書

里為當時戰功第一

洪承疇自曹艾戰死張全昌降賊張外嘉為部兵所殺王承恩

新來屬未甚效力威望稍減廟算使然非洪公過象昇受任在汝時馭

將甚有威畧以楊世恩雷時聲之兵合之祖寬羅岱趙柱之

兵合之左良玉置劉肇基朱三才之兵不用罷周繼先秦翼

明自曹文詔死怯不敢戰糾之責後效軍令明信所向有功

壬戌洪承疇督左光先曹變蛟等兵六千於蒲城白水黃龍山

斷關將入山西之道甲子擊之於雒川斬百六十級賊走廊

州計論曰此在陝西者關將也常自裕疏以為關王何在今日之多誤乎

整齊王等既敗于汝州與關王掃地王闖塌天攻雒陽連營六

十里乙丑祖寬自汝州救雒丙寅過賊於龍門白沙賊分兵

牽緘伏起衝官兵為二寬親鬪兵士無不一當百自晨至夜
半賊又大敗左良玉部將亦破賊於宜陽之黃澗口

戊辰賊掠靈壁

己巳左光先等兵至鄜州關將走臨鎮高渠次日王承恩至宜
川左光先至甘泉臨鎮

八大王關王關塌天順風王掃地王等十三營皆據汝州山村
象鼻在南陽倍道而馳壬申入汝州督李重鎮雷時聲擊賊
于城西三十里守備田祿先進与家丁各射落一賊：蜂擁
而至天大風晦冥賊發火炮擊官兵營少時風止賊眾三面
環攻官兵火炮擊賊多死知縣林見龍送乾糧至兵飽益奮
大戰半日賊始退斬百八十級生擒自來虎等連戰二日敗

之

賊在永寧新安澗池者欲北渡總兵左良玉遊擊趙柱都司韓三才等容兵七千遊擊陳永福陳治邦李雲程等主兵三千視緩急禦賊祖寬李重鎮楊世恩雷時聲王容兵一萬視賊分合而擊別有羅岱劉聲基援兵一千三百再視賊南北分兵以為調遣

特晉撫吳牲奏陝中零賊皆從宜君澄城過河而芮城禹門皆水堅可渡鄉吉一帶甚危

左光先等留屯延安賊分枝南下有由白水蒲城山中取道富平西走涇陽三原又數股繇雒川奔韓城郃陽又數股繇中郃縣店頭掠河沿山奔三水郃乾

陝西賊為官兵所追逐從咸陽渡渭至華州總鎮王承恩斬獲頗多賊又於省城南西走一卒未焚先秦王饗殿華州之賊欲入閩鄉為左良玉所截竄入朱陽山中

閩王等自白沙敗後奔光州固始至霍丘逼鳳陽掌盤子者有搖天動掃地王張妙手整齊王闖塌天九條龍老狃迴過天星草裏飛就地滾而闖王最強掌盤子謂管營也 淮督朱大典以標兵二千五百馬壙徐州兵二千五百狼山兵三千楊御蕃淮兵五百倪寵京營兵三千俱赴壽州以王夢尹巡撫湖廣

湖廣巡按余應桂報鄖陽襄陽承天德安賊勢披猖蔡陽鋪標將陣沒兵馬傷亡過半

甲戌江北賊屯宿州浮屠集分犯永城蕭縣

乙亥王承恩左光先追賊至三川驛不能前承恩兵夜至鄜州城中不納兵飢北潰去左光先駐中部

關將有黨七八萬不得渡河州縣堅壁清野賊飢東西分竄承疇檄寧夏總兵祖大弼屯涇陽甘肅總兵柳紹宗屯咸陽檄勦總兵副將曹變蛟扼潼關合兵大破之過天星走關鄉諸將追擊之窮促乞降關將退屯興平武功中部宜君諸將亦

屢勝之乞降分掠山寨得食走漢中

討論曰吳紀此月自成出關誤也

戴笠曰賊莫狠于獻忠莫強於自成彼其驍桀自雄蓋未嘗為人下者大寇盡入中原而關過獨為秦師所遮不得東渡兵威屢挫而二盜勢窮翦滅之亡遺不再計矣賊屢以撫恩

我而我終不悟乘兩川之虛出押而竄于承疇何誅乎

十二月丁丑朔城鳳陽前故有城弘治時墮之

高迎祥等圍新蔡突舞陽前隊向遂平確山謀從信陽東西分
犯時遂平等縣土賊起 辛巳流賊至汝寧千總張維敬擊
賊戰死

癸未總理盧象昇遣祖寬韓三才劉肇基王進忠馬步五千截
東足監軍自舞陽遂平追賊自督副將雷時聲李重鎮等馬
步五千由裕州唐縣繞出賊前期會于信陽

河南巡撫陳必謙劾李重鎮疏云重鎮領兵至汴見其軍容甚
整密縣告急臣遣救之自汴至密僅二百三十里行五日方
到密圍已解四日乃自詡戰功今在光山固始又然兵備李

之茂茫無料理臣何所持

關王曹操等賊數十萬自羅山息縣圍光州一乙酉賊昇大礮
二十攻城然二礮城崩城中火作賊乘之入屠戮無遺

滿天星蛤蚧圍等六營從藍田至河南與關王合一丙戌祖寬
擊破之于確山

入關之賊復至關鄉列十三營攻城知縣黃鉉堅守陳永福以
步兵由正路進左良玉以騎兵間道擊之斬五十級賊走南
山

副將李景同都司白惟明領騎兵三百追賊至六安之二十里
舖轉戰十里殺賊甚衆景被傷墮馬死惟明力竭被獲罵賊
死

江北賊攻六安州知州何鳴鳳禦之賊走舒城

辛卯盧象昇以祖寬破關王於確山斬六百級

閩將攻韓城知縣左懋第禦之 丁酉洪承疇遣遊擊崔重亨
以兵千人援韓城

壬辰河南賊蝎子塊老回回闖塌天等佯乞撫前隊向潼關謀
入秦

陝按錢守廉奏潼關土城不高其云天險者以土城北臨大
河南據連山也城北水漲則路沒水涸乃有小路馬不能並
行城上下石人不能過城南一帶四十餘里皆土山凌夷人
馬可上以其高平故名曰原今趙光遠等馬步兵不又二千
欲其內守關城外堵南原其勢誠難

獻賊敗於龍門關王敗於確山癸巳自光山固始攻廬州知府
吳太樸合肥令熊文舉堅守南樞范景文檄提督杜弘域
坐營薛邦楨以兵渡江屯浦口賊聞之頓廬州不前

乙未川兵破漢南賊于馬麗坪賊走洋縣

丁酉南兵部尚書范景文檄提督朱國璽遊擊高世龍援廬州
又遣別將閻雄陳猷劉榮等分路進兵

曹變蛟復職加銜左光先張兆曾議處從洪承疇奏也

洪承疇遣甘肅總兵柳紹宗副將賀人龍等統兵四千餘分防
涇陽三原以遏邠乾之賊

戊戌黎雅參將羅尚文破賊于漢南斬百級窮追至子午谷奪
得被擄子女三千賊奔饒風關

己亥洪承疇左先兵至白水江

廬州被圍時巢縣含山官民皆走城門不掩庚子賊入巢縣
辛丑入含山皆無所得

壬寅閻雄以邊兵救廬州偵卒二十騎遇賊于店埠立馬高岡
發矢賊疑為誘未敢仰攻雄以全隊至偵卒馳突合戰賊退
去見官兵邊粒夜走兵留戍廬

閻將久據韓城之薛峰芝川癸卯督臣發曹變蛟崔重亨等領
兵擊賊於咎村馬莊斬獲百餘級變蛟受調赴華州渭南閻
將得北道趙家山隔河即寧鄉之船窩乾柴坡師家灘晉撫
吳甡遣兵守之又令虎大威防大寧永和

含山賊攻和州初南樞范景文遣新江口坐營遊擊薛有年往

和設守而營故隸標江勳臣不時遣賊至舉城欲潰知州黎
 弘業與馬如蛟率眾守城大風雪寒甚守者見賊散掠村落
 乘間墮城走城破弘業全家死之學正康正諫通判馬如虬
 御史馬如蛟將官周廷儒生員馬如某訓導趙世選俱死吏
 目景一高妻龍氏罵賊死薛有年不知城破以兵來至烏江
 退賊敗死事聞旨不責逗留責調之者內閣別有意也人以
 知南樞將去官討論曰此事與本年正月薛邦補事絕相似
 必有一說然以將去南樞觀之則彼是而此
 也非

賊攻江浦城中有應天巡撫張國維所遣標將蔣若來同守除
 夜若來巡城內迫踞堞為厠見賊襲城登堞揮刀擊殺之踵
 縈於視失足墮城外即獨與賊鬪額中刀矢著臂鬪愈疾城

上聞呼噪，遂壯士助力，賊退城全。

討諭曰：此事若來而述者，

曰：張公被降十三級，以我六合功得復職。此甚有據而紀者，皆以為江浦其餘可知。

懷陵流寇始終錄卷八

續修四庫全書

第三冊 續修四庫全書第 6 卷

懷陵流寇始終錄卷九

吳江戴笠耘野

崑山吳及修齡

九年丙子春正月丁未朔總理盧象昇大集牟文綬祖寬諸將
薊遼關鎮之兵於鳳陽泗州

庚戌應天巡撫張國維遣標將陳于王救江浦殺賊三百賊犯

六合永生洲參將程龍以兵截之賊聞銃聲不敢進

討論曰
余猶憶

昔時永生洲參將被調不肯行張公細責四
十則必非程龍也龍宜別是一官記者誤耳

賊捨和州攻江浦南樞臣范景文所遣標將汪之斌以兵七百

在城中神機參將徐元亨以兵從葛城來屯城外山上賊數

十騎至之斌以四百騎出戰斬賊十級退去又數十騎至之

斌射紅衣賊墜馬復退追至板橋入賊伏受圍數重裨將姚
 九疇馳就元亨請救發砲手四百人李得春將之與九疇同
 往殺賊甚多九疇射殺賊將戰甚銳風迅火藥自焚陣動為
 賊所乘九疇力戰被獲不屈與李得春皆死之元亨素有疝
 疾馬蹶遇害之斌力戰突圍得出賊復攻滁州討論曰將若
 若在城中必無生守之理以
 亦若來在六合之一證也泌陽生負焚以屏集鄉兵禦賊

豫撫陳必謙奏河北輝林脩和等縣與山西接界土寇出沒
 夏游擊井底一戰賊皆星散

辛亥閩塌天犯全柵知縣方應昌令士民以金幣賄賊遂過城
 不攻

關王關塌天搖天動等七家衆數十萬聯營百餘里疾攻滁州
知州劉大鞏行太僕寺卿李覺斯率士民固守賊穴地填濠
百道環攻城上火球火炮殺賊甚衆佯退夜復急攻穿溝洫
濠水冒進城上發火炮擊之賊殺婦女倒埋露其陰向堞城
上火砲自裂或不鳴取廁踰懸堞以屋之火砲乃發賊大創
憤攻益急總理盧象昇遣總兵祖寬以關遼勁兵為前鋒自
以兵分道進時賊之守營者散掠村落精銳攻城隳羊馬牆
破在頃刻不虞救兵忽來一甲魚黎明祖寬躍馬擊賊背賊
失措接戰諸將齊進戰于城東之五里橋游擊羅岱斬賊梁
搖天動首跨其駸馬大呼突陣官兵見之踊躍賊沮喪副將
李明輔戰尤力賊連營俱潰諸軍喧噪逐賊塵埃漲天賊狂

奔象昇自定遠以楊世恩等繼至象昇援袍大呼追五十里

至朱龍橋所獲無計殺闖王精騎二千

討諭曰有謂朱大典揚世恩來者誤也世

恩楚將不關朱事而沒九台戰功矣

其東奔者遇朱大典所遣劉良佐兵扼之

於廣武城乃走池河池河守禦劉光輝把總陳正華陳三善

以五百人設守南都志有也乙卯賊至者

數萬孤軍格鬪賊環攻之者百重三將力盡赴水死一軍皆

沒賊以官兵衣幟渡河者不覺得脫去江浦提督杜弘

域追之不及光輝在任築城掘濠募鄉兵千餘為戰守計撫

臣調其兵故陵遂致敗死南極范景文為文祭之

滁州潰賊大隊西向鳳陽直犯陵園漕撫朱大典太監王裕

民總兵楊御蕃發銃擊之乃去攻壽州邑紳方震孺設守不

得破趙鹿邑陳必謙道祖大樂陳永福禦之

丙辰左良玉與關賊相持於關鄉三日陳永福援之斬賊百級

又有賊自桐柏唐縣逼隨州

討論曰有紀賊以甲寅攻固始者非也

丁巳河南賊自桐柏泌陽屯于棗陽之胡陂黑山土賊廖三袁

世儒李玉石以牛酒迎之張樂高會遂入賊營掠紅花店破

張家土城分屯張家店柿林河

陝西賊陷麟遊執知縣吳鳴世官兵至退入山

己未賊掠顏上

鄭陽零賊屯落湖坡松林寺吳家集副將馮時早擊之奔隋州

棗陽山中

紫微星攻懷遠朱大典倪寵在鳳陽癸亥遣劉良佐苗有才援

之而是日賊已破城殺知縣及人民六百開兵至出城良佐擊之戰于蒙城之陳橋橋殺傷相當賊奔霍丘潁州

甲子滁州敗賊八大王掃地王等至永城屯于城外又有賊入亳州境屯龍湖山知州葉景先以鄉兵千餘人分守要害禦之

乙丑紫微星攻靈壁劉良佐援却之紫賊又圍虹縣逼泗州朱大典留倪寵守鳳陽自以總兵楊御蕃擊賊

永城賊分掠夏邑虞城碭山太康營于歸德之蔡家道口去城二十里陳永福嚴守初兵部發遼將祖大樂以邊兵赴河南討賊因使道丙寅選輕騎夜行至永城北村集賊掠歸德還營方解甲脫胄弛弓矢歡飲邊兵奮擊之賊波迸不成戰斬

混天王小秦王擒渠魁六奪還所掠婦女百口騾馬千計逃賊復聚屯虞城碭山而祖寬是日亦破賊於河南

商南賊一日夜馳三百里至內鄉與東來賊白虎頭神合營架雲梯攻城分兵上漳口至竹林

鄭襄賊焚穀城士民空城走

關王合羣賊渡淮北行淮徐兵備徐標邀之宿州賊囊土填河欲東行扼于官兵不敢進戊辰自濟口破蕭縣

邊將祖大樂心羨祖寬滁州之功常懷悒悒竇吳二部將偏師挫賊于白龍廟大樂怒其貪小誥逐之二將志捨去走數十里遼監軍道王繼謨自趨繼謨顧從者秣其馬徐慰之曰賊旦夕且至王將密用君為伏兵也何謂逐耶二將信之謝去

賊以亳州守嚴至城下不攻竟趨歸德欲懈守者反乘其虛
知州葉景先覺賊詐告大樂以賊情地勢一字王曹操掃地
王五營將由歸德趨開封辛未大樂至歸德城北之石家樓
設伏羸師誘之遇於雪園接戰佯退賊爭利來遂至穀熟集
伏兵突出賊駭亂狂奔竇吳二將以其屬驀頭斫之賊愈駭
散走曰何處來此鍔帽子羊耶斬級一千四百器物騾馬萬
頭夜潰賊復集攻亳州景先與守備查應才擊之又斬二百
擒三十人事聞進大樂援勦總兵
山西兵破賊於柳榆寨斬四百級
壬申鄭襄賊屯光化之伍家集城中入夜鎗出舉火大譟賊驚
移營去曉攻城不克

均州賊自內鄉過板橋走浙川

鄖襄賊自保康之月兒灣渡河分兵一往均州一往浙川

河南賊焚閩鄉從南原至潼關不得入

關王等連營向徐州官兵設伏於雞村山敗賊前軍賊又合掃

地王攻徐州不克犯碭山城守嚴不能破轉犯虞城一癸酉

走開封遇左良玉兵相持六日陳永福自歸德馳百四十里

至朱仙鎮出賊不意報良玉夾擊之死者千計逐一銀甲賊

于岳王廟中殺之

討論曰謂遇良玉兵于開鄉者誤也

兵部奏報歸德之戰曹操及南營八大王并掃地王搖天動

之餘黨殲勒過半是以亳州永城鹿邑等處各賊竄奔所在

鄉兵報擒獲者累累關王精銳在汝州時約四五萬人滁州

敗後率其餘孽繇碭山虞城以遁僅存二萬餘豫將陳永福
又截擊于朱仙鎮兵科常自裕疏云合秦賊在宜君者不遇
李自成當責秦撫豫賊在靈寶閿鄉盧氏永寧者止馬守應
數營當責豫撫此當時大勢也

有賊自舒城至廬江邑人以金幣求免許之去二十里乘夜還
襲破城殺典史

甲戌雷火焚芍陵樹 河南賊至高維

乙亥群賊集於野雞岡遂屯蘭陽盧象昇在鳳陽遣副將祖大
樂自鹿邑赴開封防賊象昇劾罷總兵朱三樂降秦翼明三
級

河南巡撫陳必謙劾奏徐來朝革職尤世威提問來朝領天津

兵見賊即奔世威怯懦營多勁卒而不能用故罷之以二將
兵屬劉隆基羅公

時象昇有疏云賊橫而後調兵賊多而後增兵無人不落後局
兵至而後議餉兵集而後請餉時時寓有危形况請未必敷
致卒從賊而將為寇是八年來絡繹而請之兵反樹賊黨積
累而用之餉適賫盜糧也督理宜有專兵有專餉請調咸寧
甘固之兵屬督薊遼關寧之兵屬理山林奔竄騎兵不善板
緣再調川軍滇黔兵便習險阻者一二萬佐騎兵所不及每
月需餉銀各一十三萬而聽承疇辭三邊臣辭全楚所在撫
臣不得以一方有賊輒求調援分督理之兵餉各省直撫臣
俱有封疆重任一處有賊一處求援一處需兵一處求調不

應便成吳越分應何以支持夫粉飾太平尚可調停遷就用
 兵勦賊豈容委曲那移又言臺諫毋從中苛求俾臣不得專
 心辦賊彼不問事之難易不顧人之先生一味求全責備在
 識力不堅者必至因人言以自餒不肯向前即清白自矢者
 亦且畏謠詠而灰心從何展布又云中外勿惜浩費討論曰
陵也只此一字万万有司毋憚苦難諸省直毋吝餉金諸紳
 士勿事橫議討論曰洪公時受廷臣苛求而無一言自明
致真定戰死哉凡廷臣苛大家齊心合心討論曰有是理乎
求洪公諸既此書俱不故大家齊心合心懷健惜錢逞智內
閣背公无黨本兵達迎納賄以致賊禍至此而效順除兇待
 賊悔禍乞降再議散道安插然後輕徭薄賦血死弔生保固
 元氣此則勦蕩之大局也事在今日臣与承疇有勦無堵有

續修四庫全書

戰無功

是月洪承疇在臨潼渭南華州間屢破老回回關塌天蝎子塊
寺俱從峪口逃遁乃專力勦關將遂有海喇都乾鹽池寺追
戰

起左通政王夢尹為湖廣巡撫以象昇請辭焚撫也

二月丙子朔

丁丑賊陷潛山知縣已遁

賊攻密縣不利走登封

戊寅賊攻蕭縣登高樓射守者皆走賊入閩官兵至引去

老回回犯盧氏永寧陝州靈寶

己卯總兵牟文綬劉良佐遣把總田奎莊信以兵五千與賊戰

于龍泉二將戰歿查師二千

賊至大湖姦民餽賊羊酒乘間渡濠陷城知縣被執不屈自殺
賊大殺掠

時靈寶陝州永寧盧氏之賊東去秦賊從雒南來據之此四縣
地北近秦山南通南陽汝州賊每於此避兵合黨

盧象昇在陳州恐賊南下檄淮撫扼潁州亳州蒙城宿州霍山
壽州焚撫扼隨州應山鄖撫扼光党子口南陽檄關寧兵從
鄧州嵩雒夾擊

援勒副總兵祖大樂擊破關王等於汝州之楊家樓及孫家口
斬三百餘級賊奔華清山大樂追之走顯山寺

庚辰大湖賊犯宿松署縣官先遁吏民出迎殺村人千餘賊突

曹單鄒滕

壬午祖寬王進忠周維壩擊闕王壽於汝州斬四百四十級

癸未進忠維壩趨登封之郟城鎮掩賊前祖寬陳永福追躡之

斬三百餘級獲馬騾五百賊走石陽關合伊嵩賊

討賊曰有別起陳必

錄夾擊者即此事之說也

前總兵湯九州擊^嵩縣賊深入無援敗績陳必謙奏云革職總兵

湯九州請自劾臣以連穩孔道興隸之令其伏於魯山待賊

走而乘之約左良玉赴嵩縣夾勦九州斬賊二百三十級良

玉中道返兵九州恃勇乘勝窮追四十里誤入深崖無援一

軍陷沒又云趙柱擁衆三千坐食靈寶半月任賊出入朱三

才駐兵雒陽報一字王寇雒而一字王前已殺於祖軍陳治

邦長水敗後與樊以屏合勦治邦憚秦山之險於村落殺良

民冒功

討論曰有紀湯
事于五月者

竹山自七年陷屠後知縣黃應鵬居草舍數椽至是賊復至應
鵬逃有糧六百石賊盡食之去

關將有三四萬人過天星滿天星混天星皆有二萬人承疇以
兵二萬追闕混二賊自澄城歷韓城郃陽宜川雒川郿州延
安環縣慶陽固原海喇都西安州登於看透山下還追至萬
安監丞疇聞過滿二賊在真寧合水山中焚掠高陵三原乃
以兵南下令諸將追闕混闕混分路遁走混賊至葭州又至
延綏復與闕賊合承疇擊過滿二賊於中部過滿合于闕混
西奔將犯蘭州承疇檄左光先與甘肅總兵柳紹宗合甲申

紹宗與賊戰於乾鹽池

討論曰有謂寧州者非也

大破之賊繞塞東走

討論

曰海刺都在靖虜衛南非番地也于鹽池亦相近

寧夏饑卒弒巡撫王楫兵備丁啓睿撫定之斬亂首虎大教等

七人承疇聞變乙酉自邠至固原遣副將羅尚文譚大孝以

川兵六千自長武邠州赴西安助防自與祖大弼至寧夏鎮

壓

承疇往寧夏聞混二賊勢復振潼關守兵天雨積時火藥濕弓

矢解二賊突至不戰而潰

丙戌張其成等以六百人援宿松至十里鎮龍山入伏敗賊傷

亦多退去

嵩縣永寧內鄉浙川山中皆賊屯聚焚賊又入鄧州之禹山關

王自密縣敗後留駐禹州邙縣登封境中左良玉擊賊於永寧之張村斬二十四級丁亥擊嵩縣賊斬三十級賊飢疲甚慶陽賊掃地王黑殺神一丈青等萬餘賊屯狗狗墓孫守法擊破之

辛卯副將曹變蛟馬得功等擊賊至慶陽之廣阜寨繇曲子驛環縣抵賈家駟營于永華川

陳永福擊賊於南陽城西之李家營追至李茂山斬三百級

甲午南陽敗賊南下至襄陽過荊州援兵千戶張某戰死敗賊別有走內鄉浙川至靈寶商州者

乙未亳州知州葉景先守備查應才敗賊於盧家廟賊走永城考城儀封蘭陽陳永福夜襲斬二百級

丙申賊至襄陽時巡撫陳必謙有疏云賊之敗而北折也高迎祥使別賊從陳杞西奔以當官軍之鋒自走中牟登封深山僻逕以避諸軍之銳而官軍一由葉兒走鄧州一由魯山南召之路村落荒涼樹皮剝盡兵寇俱飢二月二十一日潰入襄陽亦有走內鄉浙川者別部出商南或擾靈寶

戊戌總兵楊正芳擊賊于當陽大破之

討論曰正芳死久矣非人孰則日月孰也

過天星滿天星為諸將所感辛丑乞降陝西巡撫甘學濶受之令監軍道劉三顧安置其衆數萬人於延安未幾復叛三顧罷官關王等走裕州至南陽知府何騰蛟設守有方略賊不得逞必謙以兵馳兩晝夜癸卯至南陽賊屯安臯山騰蛟具稟糧必謙令陳永福陳治邦夜薄賊營擊破之象昇自葉縣

至裕州以祖寬祖大樂羅岱等戰于七頂山大破之閻王有
精騎七千朱龍橋為盧象昇降殺二千登封朱仙鎮楊家樓
七頂山連敗精騎逃死略盡前此官軍多陝人與賊親故對
陣猶相勞苦賊棄以牲貨即縱去邊兵言語不通交手便斫
故賊輒敗二祖皆有降丁寬五百大樂倍之凡戰賴以摧鋒
飲食性情不與華同非可以法會使淫掠不下于賊大樂兵
強于寬人亦恭謹 甲午象昇追至南陽令其下曰逐賊至
此功垂成矣諸君努力毋令脫去遣祖大樂趨唐縣新野防
賊走汝寧祖寬趨光化防賊趨鄧州入山必譙以親兵趨鎮
平自建大將旗鼓由大路徐進期會于鄧州檄楚撫王夢尹
鄭撫宋祖舜分守襄漢諸隘口扼賊去路

討論曰此與孫公
潼關之味小曹公

公潼關原之勝皆破賊之大節目此時楚師無合力者潼關原賊根未盡而撤洪孫曹北工可為痛心

三月丙午朔關汪闕塌天竭子塊九股賊於鄖州之舞陽河均州之沙營光化之羊皮灘渡漢南走鄖陽有兵五千宋祖舜不能禦

兵部請潼關以外宜陽魯山南召至于浙川賁河南巡撫陳必謙自浙川西至上津鄖西竹山房縣谷城至於九江賁鄖陽撫治宋祖舜西安之商州漢中之興安等處以至潼關賁陝

西巡撫甘學濶各任防截計論曰五年十月曾行此法于山西此無總督致諸將坐甲自保不

相應援貽禍河南今有督理二臣使專擊賊以諸撫專守城邑聞盜賊不得流皆洪盧本意而終無效者所用非才賞罰

失當賊在秦豫山中間其糧米多由浙川水運以通荆襄賈取可艘而致之宜令南陽府推官往浙川斷運上報可豫

撫陳必謙言于盧象昇曰宜禁龍駒寨販者若并禁浙川則絕官軍之食

丁未九條龍張胖子從南漳掠穀城之官山鎮焚掠保康知縣楊鏡逃匿山谷

山西大飢聞喜沁源人相食靈石霍州有人肉市巡撫吳牲以聞發銀三萬五千兩賑之

庚戌九條龍等自清溪河陷竹溪房縣知康保城虛不入

辛亥總理盧象昇遣總兵秦翼明副將雷時聲等由南漳穀城入山剿賊

時登封敗賊逃石陽關伊嵩之寇萃于汝州魯山向南陽往來倏忽均州土寇合流賊焚武當侵鄖西渡江掠襄陽浙川陝

西寇亦出關鄉靈寶入內鄉浙川山中

壬子陳永福同副將王進忠游擊劉肇基從浙川入山至興化寺孔家峪諸處追殺三十里斬級百餘

平陽參將虎大威破賊於交城斬二百級

諭兵部勒總理盧象昇及各巡撫剋期勦寇

時陝西北路諸賊奔慶陽之合水真寧西路沂陽麟遊諸賊一奔寧州一奔靈臺

甲寅渡漢之賊自鄖陽犯興安未渡漢者掃地王等從鄖西香

口黃雲浦奔上津至山陽鎮安

討論曰有載滿天星在此者

得在此

賊在內鄉浙川山中者尚有二三萬邊兵習騎不便險阻客鬪

無持久心見賊深入非時日可靖將吏市香扇諸物作歸計
象鼻使進擊皆不從諭以朱龍橋穀熟集前功勉使終事颺
俛而聽至党子口不進象鼻無如之何上疏曰豫楚大山綿
亘林菁深密馬不能行而賊于榛莽間抵突出沒無端路皆
羊腸驢不能運一夫負米二斗踵兵而行十日不見賊兵夫
俱餓死千兵千夫運萬兵萬夫運其難若此可出臣章与有
識者共商之

討論曰盧公于此
何不用土兵耶

以鄭崇儉巡撫寧夏

四川總兵侯良柱擊賊于鳳縣之三江口斬四百級餘賊逃入
山中

九條龍入竹溪知縣魏鎮安已逃城中無人

諸賊掠荊州諸縣其犯鄖陽者象昇以兵擊敗之

秦翼明擊闕塌天於鄖陽一辛酉敗之界山追至青石舖三道
並進大霧賊不覺倉皇接戰退精騎千餘奔山逐之還關翼
明分兵繞山嶺而下賊墮死者無數又勝之於道河花園斬
首三百殺黑煞神飛山虎闕虎

陝西巡撫甘學濶不知人事舉動為笑秦士諱于朝癸亥巡按
錢守謙劾之削籍聽勘孫傳庭代傳庭代州人邊將子長身
沉毅有大畧為治嚴徵發期會一用軍法秦人愛之不如承
疇而才足集事與楚撫余應桂為一時實心任事之臣

甲子唐王奏南陽洊饑有母食其女者

乙丑闕王蝎子塊等自鄖陽至興安分掠石泉漢陰

老回回入永寧陝州

己巳上津賊至鄖陽戍將孫茂昭有兵五百人見竿子手賊數百至與知縣劉伯元皆逃去時竹山知縣黃應鵬亦逃

辛未監紀開封推官湯開遠上書言事逮治巡按金光宸奏其軍功得旨戴罪討賊自贖開遠疏曰皇上於撫臣用懲創一法於鎮臣用優假一法所少者分別之一法耳如撫臣並失事也有怯縮不前有抗擅自命有兵食克而才力不及有才力裕而兵食艱難有任事而料理無聞有初至而綢繆不及有將士用命而調度失宜有布置已周而所使違指此可概加以嚴譴乎武臣並專閫也有紀律頗嚴有淫掠無忌有爭先赴敵有觀望逗留有養士費財有侵沒軍廩有計功索賞

有虛張偽級此可概容以寬假乎聖諭怒諸臣不乏有才力者乃寧甘號職而不肯做事不敢做事此有故也其不肯做事者蓋以做亦罪不做亦罪也其不敢做事者蓋以不做之罪猶輕做之罪更重也望上宜與諸臣更始寬文法厚責成反覆於功罪之間求其分別不概收亦不概棄則人心勸而事功立矣疏開嚴旨令回詔開遠奏云臣聞帝王磨礪天下止賴賞罰然無分別之賞賞不足勸無分別之罰罰不足懲臣不敢漫引姑舉事關辦寇者言之如秦晉本無賊而致有賊本可撲滅之賊而致成不可撲滅之賊者有撫臣胡廷宴劉廣生仙克謹宋統殷許鼎臣何以當日處分視後皆極輕有練國事玄嘿承其極弊掣肘之畫空掌之搏雞無救於燎

原而勤勞可錄何以處分視前及重近日皇上為辦賊而誅督臣速撫臣褫撫臣按臣并速道府州縣不可勝計然帥臣有逮者乎不特大帥偏裨有逮者乎

張鳳翼請罪諸撫以死諸類也

臣任中

州再以中州一二事陳之按臣曾個於舊撫去後力障寇鋒捐贖銀八千兩以濟師理兵防河苦心勞力值玄嘿至懷慶方歸汝州無纖毫失事竟坐逮既將來無肯做敢做之按臣矣道臣視萬齡在河北時經營兵食穀食俱登疽發于背猶復戎行竟致削籍將來無肯做敢做之司道矣宜陽令史洪讓寇從滎池突至偵探有素孤城得全而今歲六安州之守禦弘讓之功為多科臣人之敘功疏竟坐褫革將來無肯做敢做之州縣矣永寧鄉紳張論捐貲募士夙夜登俾其子鼎

近代父乞恩皇上卽慎重名器何至并奪鼎延之官將來無
肯做敢做之鄉紳矣臣伏讀明旨謂失事處分俱經確核皇
上所謂確核者以議處有吏部也議罪有三法司也稽核糾
舉有按臣也皇上試思下之吏部卽議降議罰議革矣有執
奏曰此不當以考功之法繩之者乎下之三法司卽議杖議
配議戍矣有執奏曰此不當以司寇之法繩之者乎至稽查
糾核在按臣不過舉失事以聞有推原功中之罪罪中之功
將全局籌量又前後著數一一分晰為皇上陳之者乎非諸
臣之不肯分別也知皇上一意重懲言必不從反其諸臣之
罪故不若分別之為愈也聞遠臨川人顯祖子鄉科就選
討論曰曾何為趙是所糾被遠原無大罪然個疑孫太監之
惡涉全趙永隆而糾參提問趙是嚴邑佳全而枉之如此宜

受在報此言應秋天中記
事兩載個亦非端人矣

鄖陽七縣盡失宋祖舜戰敗失印甲戌削藉監軍道苗胙土代
盧象昇調四土兵及算子土兵搜均州山賊

是月鄖陽賊張胖子等渡漢東犯南漳穀城宜城皆賊又有自
光化渡漢至襄陽者荊州無兵沙市賊所欲掠總理盧象
昇遣祖寬李重鎮等禦之不敢進

工部右侍郎劉宗周上奏云皇上即位之初銳意太平而施為
失序屬意邊場賊臣進五年滅賊之說遂至戎馬生郊震及
宗社皇上始有輕士大夫之心矣由是廠衛司譏察而告密
之風熾詔獄及卿士而堂簾之情離人人救過不給而欺罔
之習轉甚事事仰承睿斷而諂諛之風日長甚者參劾之法

惟重徵輸官愈貪民愈困而賦愈逋總理之外又設監紀權
愈分法愈廢而盜愈多夫君臣相遇至難也得一文震益而
單詞報罷得一陳子壯又以顛直下獄市井襍流謂陳乃操
其訛說投間抵隙得希進用國事尚可問哉乞皇上體上天
生物之心而不徒用風雷念祖宗學古之益而不輕言改作
以寬大養人才以拊循收人心還內廷以掃除之役正儒帥
以失律之誅慎宗賢以改秩之授特頒尺一遣廷臣齎內帑
為招撫使巡行郡國肆赦星誤收輯流亡陳師險隘堅壁清
野聽其窮而自歸誅渠之外不殺一人此聖王治天下之大
道也疏久不報

夏四月乙亥朔王進忠之兵譁於三峽口劉肇基羅公之兵多

逃

免上津等十五州縣田租

戊寅漢南賊犯洋縣

總兵秦翼明勦賊於南漳深山中轉戰五六十里敗之襄陽穀城均州漳南稍靖

庚辰左良玉朱三樂擊賊于盧氏永寧賊遁入山

壬午總兵鄧祖禹破賊於鄖陽

陝西賊犯靈寶陝州左良玉擊老回回於陝州斬六十級擒六人

關將自鄜州掠延綏犯西川欲從綏德渡河越斷頭山定遠副將張天禮以馬步二千擊之於羅家山力戰士卒殺傷甚衆

賊徐引去

癸未過天星掠同州又掠宜君中部宜川雒川郿州
賊犯朝邑

丁亥閩將犯鞏昌北境左光先曾變蛟擊敗之於同原之沐家
營賊東奔合於混天星統出慶陽官兵擊之斬百甲級

時江北河南之賊俱在秦楚蜀間萬山之中一己丑總理盧象昇
自南陽至襄陽與楚撫王夢尹進兵擊賊豫撫陳必謙亦
討內鄉浙川賊祖寬李重鎮以兵自荊門至荊州防其奔軼
秦翼明楊世臣等搜捕祖大樂由光鄭夾擊

庚寅關塌天九股賊入房竹到均州據武當山奪民麥掠穀城
欲渡漢不得犯襄陽南漳王夢尹遣秦翼明楊世恩分禦之

於宜城荆門世恩敗于穀城一辛卯翼明擊賊於上津之花
嶺岡又燕子溝共斬三百級翼明又與賊轉戰五六十里敗
之襄陽穀城均州南漳稍寧

守商南富水通判武位中行次鈇峪鋪遇賊被擄殺千總張有
庫揚昇

真定順德在太行東麓西麓卽平定盂縣其間深岩大谷人跡
罕至王剛餘黨匿焉山西荒盜起贊皇內丘皆被賊官兵擊
之遁鄉兵孫永旺戰死

過天星黑煞神張妙手屯于宜川雒川宜君佯乞撫老營駐韓
城

乙未陝按錢守廉奏曰賊復入秦據西安州縣攻殺寨堡延安

南北屍積原野血泛荒河賊本起于延安官兵多其親舊每對陣時拱手寒溫贈人事寄家信委以財物牲畜人口斬級報功故賊困于他省必還陝西為禍無已

戊戌關將左慶陽為左光先所截由白馬城奔賈家驛至環縣官兵擊之追至阜成寨斬百級賊東去

混十萬欲渡河犯平陸為官軍所截奔濠底河頭峪西向熊耳

山去討論曰原文云自平陸謀南犯非也混賊在河南故及

己亥奪左良玉副總兵勦賊自贖未幾兵部奏良玉擊賊盧氏

永寧間深入賊巢斬二百餘級仍復官討論曰陳廷撫謂良玉賄通本兵即此响

應可証

河南賊掠靈寶之澗川口

過天星滿天星等賊從鄜州雒川入宜川境破山寨十餘庚子
監軍道樊一衡驅之于岩村賊走清澗延長

上初聞邊兵屢勝甚悅已而聞其淫掠怒璽書切責兵部請練
鄉兵代之象昇奏曰賊皆百戰之餘邊兵驍悍僅能挫之今
議鄉兵議鄉兵若用土團則病坊備保適為賊笑若募壯丁
買一戰馬所費殊大從何取辦乃止

鳳翼進迎而已
何嘗謀國乎

辛丑總理盧象昇至洛陽會師

癸卯詔赦陝西河南降賊脅從飢民

賊五六萬至襄陽屯于九里冲磨旗山去城三十里指揮謝成
名以兵出偵遇賊戰死於七里店盧象昇以兵二萬援襄陽
河南流賊勢衰必謙乘暇擊平諸土賊是月永甯傷稼土賊復

起必譙奉詔賑濟徧行汝雒之地大雨連日夜平地水丈餘
熱疫人多死南召山賊行牌府縣令施藥救民

陝西諸賊為官兵所擊皆北走

五月甲辰朔閻將至綏德分掠西川義合驛靈臺縣

討論曰有謂閻鳩同

夥者非也鳩賊在漢中

丙午過天星掠吳堡之虎兒塢朱家川諸處與

山西之永和縣僅隔一河

是日象昇必譙遣祖大樂赴永寧李重鎮赴靈寶擊賊

漢中久雨城壞閻王等至綏不守一戊申承疇遣總兵柳紹宗

以兵由略陽援漢中承疇奏曰閻王闕塌天蝎子塊等自江

北敗後由襄鄖興安以趨漢中臣在同官遣總兵柳紹宗以

兵三千由畧陽赴援此數十萬賊非三千官兵所能制也陳

必謙云賊入漢中因洪公以寧夏之變遠赴西鄙應兵補綏

賊已入險遂不及禦討論曰吳紀謂關王在漢南自冬徂夏大誤

曹操九條龍一丈青等諸賊掠均州秦翼明擊之擒馬超討論曰滿

天星關城元在關中
有紀于此者誤也

己酉降河南巡撫陳必謙三級新按臣楊繩武迎內閣溫體仁

意以湯九州失事及陝州盧氏之破劾之也

辛亥蝎子塊欲渡河副將虎大威禦之於隰州大寧不得渡討論

曰蝎在
即陽

延綏總兵俞猗霄擊敗過天星於高梁賊從懷寧川奔安定保

安猗霄追至安定恃延撫高光斗在綏德為援揮兵竟進遇

賊戰敗副將李成先陣亡猗霄被執先之鎮之精銳千人盡

吳江古堂藏書

沒共失三千人賊以降兵從井兒山至米脂知縣溫應星力
守得全賊違謀入榆林將攻之賀人龍伏兵於鎮川堡之卧
羊山以待賊至城下峰舉伏兵起降兵于賊中應之殺賊甚
衆會大雨無定河溢溺死者無算僅闕將劉宗敏等數百騎
脫去高一功以萬賊從固原來合隊沒犯邠州羣盜並起陷
延川綏德米脂賊多延安人錦衣晝游其親故從亂如婦
闕將在清澗過天星掠綏德又掠韓城承疇分擊之

甲寅詔下兵部大赦山西陝西脅從群盜

庚申華亭知縣郭養民入過天星營招之被留俄歸之失印
河南賊得陳留貢生石鳳均欲以為軍師拒之賊將死於穀熟
集者其妻愛鳳均儀表媚誘百方鳳均怒罵益厲割舌碎身

死事聞卹之

癸亥興世王壽犯沔縣 己巳關王破石泉攻漢陰

前總兵湯九州擊賊於嵩縣敗績死之

總理盧象昇以孔道興領趙柱兵駐靈寶左良玉羅成駐宜陽
永寧祖大樂兵分駐雒陽汝州就餉即過內鄉浙川透出嵩
縣盧氏之賊陳永福守吳村周維壩守花園關備內鄉浙川
時河南荒殘甚無以供餉邊軍客久皆洶洶流言方苦無策
而洪承疇謂邊兵皆騎不利山險關中平曠可用卒未出關
與象昇定議拜表以聞

均州宜城穀城上津凡山皆賊縣官多逃秦翼明以步兵逐賊
于南漳深入轉戰累旬不能大創賊焚武當太和宮聚于襄

陽楚撫王夢尹不能制

蒙昇令陳必謙搜捕內浙自入楚勦之

是月延安降賊過天星復反欲渡河入山西關將老回回混十萬等自楚豫入商南洛南真定順德王劉道黨又起

六月甲戌朔老回回混世王整齊王等從商州鉄塔鋪攻圍商南不克

河南巡撫陳必謙冒雨追賊至奉張村郾城知縣李振聲報舞陽賊盛必謙同守備尹先民與賊戰于新店殺四十八生擒八大王閻大亨謀知土賊楊四行劫王丹寺夜伏兵待之楊四至遇伏驚散斬首百級標官崔嵩擊賊于李村斬二百級先是閻王既去遺黨散匿靈寶永寧山中必謙絕其糧道令

左良玉劉肇基等搜之

乙亥過天星等破延長走宜川

時吳村黃河尖角梳洗樓黃巢反屋半川巡簡司板橋一帶皆賊屯混十萬老回回張四天王等傳統齊發一股由花園關犯內鄉一股由板橋一股由黃河以丙子犯浙川必謙令陳永福馳至孫崖賊伏尖山溝圍官兵乘高雨射永福璿璣力戰幾殆遊擊江桓兵至賊退登高山驟雨火藥濕而埋伏大統傷數十賊相持七日雨不止知縣王鼎銘送餼糧至士氣得振

洪承疇奏陝西兵實數共步騎一萬三千七百有奇四川步兵五千三百主藍田商雒截擊往來之賊初闖將有黨三四萬

過天星滿天星各有黨二三萬合攻延綏安定安塞關王高
迎祥自鄖陽奔漢中秦楚豫皆可犯

丁丑商維道邊蒿督川兵擊整齊王於山陽奪歸通判武位中
整賊走合回混於浙川

余應桂遣參將馮時早等率兵三千四百擊賊荊門有小捷
戊寅總兵祖寬等統兵入關陳必謙與人書云發祖李兵入關
既應秦急又省豫餉祖兵前在鄖中歸心已動入秦大非其
意總理疏敘諸將戰功以鼓舞之而兵有捍綱者總理將正
之以法適有三原遼兵之變此亦洶洶幾致不測必謙多方
告誡始得成行

壬午陳永福與混十萬若回回整十萬戰等十家死賊戰于蘇

家溝賊傳砲一聲四面皆至兵受重圍自晨至暮力戰乃退賊移江南依山據水自東西關各至鄖陽亘百里

關將與滿天星自延安至波羅响水又轉而東行是日滿天星自安塞率衆二百餘人來降自成追止之滿天星與戰而來監軍道樊一衡道副將趙光遠賀人龍追擊關將俄滿天星復叛於靖邊滿賊姓名趙應舉

乙酉授陳永福都司

賊在關峪高山歇涼辛卯陳永福以兵暗渡都司錢繼功等從西山口進參將江楨等從東山口進二更兩路齊上賊奪路

走南山

陸崖自相踐踏獲軍師金龍勝斬五十級

關塌天九股賊渡河至南漳

大字

吳道工述古堂藏書

乙未闕賊過天星犯朝邑渭河水漲不能渡官兵左右截之登

黃鹿山

丁酉老狃等賊屯盧氏紅塵頭

賊欲東南去掠食聚於白亭清泉山永福從鳥道潛上夜深襲
之賊驚分兵一由江北張壑店一繇西北種子坪一繇江南
朱家扁內鄉浙川夜半俱到興化寺永福分軍邀之賊死戰
至次日午首尾不相顧逃入深山樵谷一帶追斬二百級是
後陳永福以二千饑疲之卒日與數萬劇賊死鬪四十餘日
周維墉王進忠屯兵內鄉若罔聞知巡按楊繩奏之旨于永
福無獎詞以都督王威鎮延綏

乙亥必謙至南陽令知縣何騰蛟招浙川賊不聽總兵解進忠

入賊營諭之被殺

唐子陝西州按錢守廉奏延安南北州縣被焚掠

是月混十萬破郿城擄知縣李振聲贖得之又犯禹州村論曰混時在

川浙

秦翼明報襄陽之賊八大王從均州至老回回從新野至蝎子

塊從唐縣至共二十餘股可二十餘萬科臣史可鏡奏盧象

昇高卧汴梁置全楚于度外下旨切責象昇遣兵救襄陽戰

於牌樓不大勝 秋七月癸卯朔 戊申象昇率師自鎮平

渡浙河而南賊又向汝雒

己酉京師戒嚴

成縣三里之城崇禎七年曾破於寇城北枕山名曰古城民多

續修四庫全書

秋七月另行

築室其上天柱一筭破城焚掠縣官遁上古城

壬子廷臣共舉盧象昇為宣大總督兵部徵山東劉澤清山西王忠猛如虎大同王樸保定董用文山海關祖大壽又援勦祖大樂李重鎮馬如龍諸總兵共一萬七千人入援

鄭撫苗柝土在襄陽城中四野皆賊一筭莫展甲寅張胖子致書慫動寒暄柝土得之驚喜命兩弁迎之入高會至夜盡歡而別才出城即焚掠

上召羣臣問足餉方畧皆無足採上曰莫如捐助為便丁巳免應天五年以前逋租守土官匿旨催科自若寶坻破縣官皆死

戊午老回回誘總兵王進忠入營議撫燒殺之出馬口山去

陳必謙自魯山至南陽道監軍道戴東旻督羅岱孔道興發靈

寶南行

討論曰以前應有賊犯何也此
後必有戰之勝敗皆不可得

壬戌陝西巡撫孫傳庭擒大賊關王高迎祥於陣獻闕下誅之

關王破石泉由子午谷出將至西安傳庭率兵戰於盤屋之

黑水峪擒之又賊將黃龍劉哲送京磔于市此賊多降丁精

甲仗練隊伍於諸賊為最強既誅人望克定焉關將李自成

得其衆走西川之苗城又出沒階徽間

討論曰彼時如口謂
迎祥獨卧病山中彼

獲梅村辨之然此語必曾達
於天聽故待孫公甚薄也

癸亥定興房山陷

己巳左光先曹變蛟追過天星寺由中部宜君出淳化三水已

己賊從邠州長武入麟遊靈臺山中

是月總理盧象昇奏曰州縣庫藏如洗折色萬難措處本色顆粒無資勦兵所至率多閉門堅守靜聽參等臣以功令責之則曰餉銀原無款項從何設處凡勦寇用兵之地即兵荒應免之地偶有一二完邑所輸無幾不足以供防兵况勦兵乎賊行甚速且無定向窮兵力以追之尚虞不及今支領芻糧即使隨手立辦定稽半日之程稍遲一日再遲二日斷無及賊之理矣據臺省動以尾擊責臣等持論非不甚善但均一勦也有追之者必更有一二重兵或堵之或扼之始無潰決之患若前堵者旁無扼者止賴一追即有縮地之法遠出其前而賊巧于避兵轉身他向仍然尾賊也

八月壬申朔浙川大賊左田田混十萬整齊王張四天王掃地

王及背王興世王共七營突犯南陽汴梁境陳必謙以陳永福申汝裕援汴由通許繞出賊背夾擊賊奔密縣

乙亥詔大赦發帑金二萬遣職方郎包鳳起賫赴軍前

鳳起奏云撫則當講撫之地今日寇黨俾回原籍鄉人指目一善話署彼不甘心則原籍不可強之使回也西安延安河南安陽屠掠之後有兩城可并為一城兩村可并為一村以空城空村即為安置按戶口編里甲給牛種三年而起稅南陽豫葉間遠者百二十里人烟幾斷于中路設一尉徙流民實之此所謂撫之地也撫則當講撫之資彼渠魁挾厚利脅從者多赤手宜酌行賑貸牛種諸費此所謂撫之資也撫則當講撫之人以解散屬各撫以安挿責司道守令必專心料

理如可居可耕新附樂業在舊民不擾須擇才幹縣官專任
其事縣務別行委署事畢優敘此所謂撫之人也

丁丑降丁楊四盡殺張四天王之黨於北吳渡舞陽人楊四張
顯明泌陽人郭三海遂平人侯馭民秦至到裕州人張五曾
山人何孟魁皆踞險聚楊四竄強徵糧勾丁會羣魁於槎枒
山郟城令李振聲與大梁道中軍尹先民屢擊破之七月楊
四降泌陽令李蕃長擊降至剛馭民敗於劉洪起逃去尋與
三海皆降先民說楊四討賊立功是日諸流賊屯於舞陽之
北吳渡楊四出賊不意夜發兵襲擊之殺張四天王之黨幾
盡遺其徒陳百谷獻首級三百言共殺二千餘賊時浙川諸
生李宗理長葛郟城密葉令皆有殺賊名

討論曰此為官
為盜為儒生皆將

村也奈与涂
原同案何

固安被攻幾破破文安永清攻涿縣遂安雄縣

混天星等聞官兵至由間道襲涇陽三原富平官兵追擊之賊
走蒲城丁丑遊擊孫奇法與高傑襲之斬四百級奪所掠婦
女百二十人

闖賊過天星等聚沂隴山中舊總兵張全昌在秦安縣過賊與

張妙手因之以乞降 討論曰蝎子塊在河
西有教于此者誤也

庚辰老回回焚開封西門 乙酉順義破

丁亥加洪承疇兵部尚書餘如故

甲午楊四據郟城

庚子左良玉擊賊于登封之唐莊又深入自辰至申戰數十陣

賊從金店西奔一股越北山向鞏縣去

九月壬寅朔盧象昇追賊至鄆西京師戒嚴奉詔入援尋改宣
大山西總督不復關寇事是日敵兵相載奏凱而歸

河南巡按楊繩武召左良玉旋師雒陽護藩必謙往來汝邠間
混十萬等營於邠縣之神垆山甲辰尹先民掩擊之斬八十
級必謙調諸將扼之良玉等皆不至陳永福獨戰于高樹坡
斬百級一賊走葉縣必謙遣戴東旻督羅公車登科躡賊後
自以陳永福孔道輿繞出其前小丁未賊在舊縣官兵乘月
行三十里渡淦水進賊南走一戊申又之獨樹坡賊還鬪勝
之斬四十級獨樹坡去葉縣八十里一己酉老回回自舞陽
之曉涼店過唐縣河孔道輿李守業劉承訓等渡河追擊二

十里賊據高岡拒敵降丁飛豹陳孔江分兵夾擊斬百級賊走鄧州之九里堰官軍至已遁入浙川山中永福欲竟進擊之必謙曰若從夾山進恐賊斷後宜從埠口進行二十餘里賊據高以待道興先登斬二馬賊諸軍齊進賊亦无鬪自己至申官兵饑疲而退賊追來生兵三百繼至擊賊乃去羅岱車登科擊唐河敗賊又勝之

蝎子塊敗于河南走入關於延安乞降尋走靈臺奔涇州長武群盜擾河南三年汝穎光固開歸關廂村落皆為丘墟無雞犬聲遺民伏谷壑中採食野穗田壠間亂木杈朽拱把虎狼成羣非人世矣

壬戌賊犯登封甲子賊犯尉氏丙寅賊犯汝州禹州

洪承疇以焚一衛左光先曹變蛟等至邠州擊蝎子塊已已奔
三水追及之隔溝不得進賊走寧州

陝西賊哈喇圖至河南與混十萬合前犯汝雅時有七營張四
一營已破掃地王死惟混賊多騎為強整齊王次之老回回
為謀主屢敗怒殺四管隊退入內浙山中

龍在田以雲南兵至襄陽先是總理盧象昇調雲南兵比至而
象昇已去鄭撫陳良訓請留之有旨屬之總理熊文舉數有
功比禁軍至在田告病乞還上不許總理盧象昇在任特以
流寓知縣侯弘文才志不羣薦之疏曰原任萬年知縣侯弘
文以守制道阻僑寓襄陽見臣叱馭窮疆遂投袂而起散私
財以募死士介馬從征臣欲昌言其功彼輒長揖告去臣比

叨總理弘文大義規勉意氣凜然因言及中原步兵不能追
賊臣思得滇黔之人用之弘文願以孤身奔走萬里為臣奉
檄往募有臣如此敢不聞于主上乎上從其請命為監紀已
而象昇移任宣雲弘文率所募兵重繭至楚王家禎誣為騷
擾有旨即訊象昇不勝憤上書曰弘文破家為主捐軀殺賊
身罹法網臣竊痛焉臣初聞弘文譴問即遺書責之其報臣
初不及已事惟以滇兵莫為緩輯兼乏餉為虞身雖對傳義
切封疆懷忠報國之氣可繫從而抑沒之乎今羣臣欲以誤
用弘文罪臣推其意且有故激滇兵生變以甚弘文罪者總
之臣不請弘文為監紀必不至此此臣誤弘文弘文不誤臣
也未幾象昇戰死真定弘文罪竟充軍

討論曰家禎何怨於
盧侯不過以迎嗣君

月

閏將過天星潛伏沂隴間見官兵北行擊蝎子塊欲出犯鳳翔
冬十月壬申朔蝎子塊為左光先等所逐走環縣

丙子前工部右侍郎劉宗周上言往者袁崇煥誤國之罪是實

其他不過為法受過耳小人借此以脩門戶之怨舉朝士之

異己者概入崇煥之黨中以危法自此小人進而君子退中

官用事而外臣疑疎今日之禍指京師實已成嚴已釀成之也且

張鳳翼溺職中樞而與之專征何以服王洽之死丁魁楚失

事于邊而與之戴罪何以服耿如杞之死豈昔之為異己駭

除者今不難以同己互相容隱歟臣于是知小人之禍國無

已也皇上惡私交而臣下多以告訐進皇上錄清節而臣下

多以曲謹容皇上崇厲精而臣下奔走承順以為恭皇上尚
絲核而臣下瑣屑苛求以炫察觀其用心無往不出於身家
利祿皇上不察而用之則聚天下之小人以立于朝而有所
不覺嗚呼八年之間誰秉國成臣不能為首揆體仁解矣不
報俄進體仁少師兼太子太師中極殿大學士庶一子中書
舍人

丁丑老回回整齊王闕塌天一堵墻張胖子等自內鄉浙川山

中東出圍棗陽三日秦翼明救之解去向承天

討論曰或紀此中有娼子

塊者誤

地按余應桂奏賊盤踞之地自荆至襄凡如南漳襄陽宜城荆
門州當陽江陵枝江遠安夷陵民之存者十無三四鎮臣秦

翼明安坐襄陽反若局外老狃狃于襄陽東陽間自去自來
絕不相聞翼明自言以二千餘騎與閻塌天等賊十萬于豐
陽于界山于均州于官山于觀音閣于麗陽驛于七星店真
武山大小數十戰雖未曾敗而賊勢不衰

蝎子塊走郭登寺官兵從萬安監東逐之賊奔大小方山山在
萬山中素為賊藪壬午曹變蛟追之至方山過溝擊賊賊不
支戰而走得去斬三百三十級三更收兵西濠

漢中靈雨城壞道臣劉宇陽且築且防工未畢甲申二更賊龍
破褒城又破沔縣何永禧茹進盛俱死瑞藩乞師於蜀禮部
侍郎劉宇亮道臣劉宇揚之弟入都道過侯帥勉以大義良
柱乃命游擊侯應輔都司劉貴率兵一千四百人隨宇亮救

漢中兩戰皆勝

起存制總督楊嗣昌為兵部尚書三邊總督鶴之子也李之遜
田朝野紀云由田皇親遙唱以入天聽遂得用

丙戌老回回等賊據隨州唐縣鎮副將楊世恩攻賊被圍楚撫
夢尹自往救之入伏敗秦翼明繼至援脫之

丁亥詔增鳳陽守兵二千以衛陵

丁酉荆襄賊破五龍山寨

是月洪承疇率副將趙光遠賀人龍等自邠乾而南擊關賊
關塌天九股等賊欲渡漢而北水深久駐掠襄陽南漳境中余
應桂奏曰水潦將涸秦翼明不以時進兵勢必縱賊北渡翼
明遣部將李同陽剝大婦以兵五百守漢江淺處之廟灘

十一月辛丑朔闕場天等於深處羅漢灘竟渡

壬寅副將楊世恩賈一選於唐縣鎮突圍出賊走宋家河至京
山

河南邊將祖寬李重鎮皆入陝西尋同祖大樂入衛陳永福為
兵主精兵良馬多隨其子德護總理勤王去而永福戰功為
兵部所格快快不用命楊四郭三海勢同養虎陳必謙奏曰
臣區區一身內無同心之助外無片甲之援九年新餉不許
動支內庫折色地畝均輸盡歸理臣提兵所過郡邑不能供
頓皆叩頭請士馬無淹久三年為之氣盡事勢如此臣能舒
兩臂捍賊耶至是巡按楊繩武懷舊意以賊給殺總兵王進
忠劾必謙輕撫罷官王家禎代又以上寇未盡更投流賊兵

部追論必謙削籍鄭撫苗胙土以通判祝錫範招賊被殺罷官陳良謨代象昇既去以總理事委家祔

己酉賊破山陽

辛亥賊擄舞陽知縣吳應祝于博望驛

泌陽生員樊以屏集兵起義土賊反正者皆歸之陳必謙罷後降者復叛以屏遇害巡按楊繩武奏之得贈

庚申兵部奏左良玉捷于內鄉浙川嵩縣宜君斬級百餘山西賊小裁縫并孫虎遺黨八大王千餘賊已巳掠文水守備嘗捷擊賊申家圪落崖而死

十二月辛未朔內折賊老回回壽前鋒至黃陂丁丑至承天官兵禦却之

連前

戊寅破應城混十萬軍襄陽附之己卯應城賊渡襄全隊共十
三股至黃州城外弼月屯掠殺入六七萬守兵止五百王夢
尹不能救城幾破

丙戌蜀賊入大壩關越四日去

戊子調浙兵三千護泗州陵

乙丑賊犯英山是夜至光州

甲午黃州賊數萬屯宿松懷寧桐城間明年正月二十七日官
軍至乃去安池道史可法身當賊鋒屯大湖城外賊又由間
道突過石牌鎮至大石磯去安慶二十里

乙未總理王家禎家丁三百人大譟燒汴梁西門掠黑尾營殺
五十餘人家禎登城慰賞之令往南陽勦土寇揚四始定

乙未曹操闕塌天等賊犯黃梅

鎮軍營守備高遷夜襲賊營破之

山西榆次汾陽等賊平吳姓二年以來斬級六千有奇撫者二千餘人

時江北淮南無地非賊本兵請勅留都防捍責之南樞范景文
江防責之文武操江王道直李弘濟荜陵責之南和伯方母
一元風陵責之總兵楊御蕃泗陵責之潁州道淮撫朱大典
分標下兵協力各整所部互相應援江西巡撫守九江浙江
巡撫守獨松關應天巡撫分兵駐京口

得何以久在中樞也守獨松何以志仙霞大庾

討論曰不費一錢大事已辦深中上意故

懷陵流寇始終錄卷九

續修四庫全書

第一冊 續修四庫全書 第 0 版反內

御覽加派州共二百九十九萬四千弱又工部九萬山東萬餉
五十五萬五千七百共三百六十四萬浙江加四十二萬三百江西
加三十六萬一千零福建加十二萬八百零河南加六十六
萬弱山東加五十萬六千弱陝西加二十六萬三千零廣東
加二十三萬一千零南直加三十八萬二千弱鳳陽撫屬加
二十七萬七千弱北直獨免外延慶州加一千弱保安州加
三百弱

續修四庫全書 史部 雜史類

四五四

續修四庫全書

懷陵流寇始終錄卷十

吳江戴笠耘野

崑山吳爰脩齡

十年丁丑春正月辛丑朔日食免朝賀

曹操等遣其黨入麻城為內應捕得斬之癸卯攻麻城都司李
懋功以鄉兵攻賊營殺傷數十人營堅不得入退入南門賊
已從他道攻入北門懋功不脫甲與鬪殺傷數人賊引去
甲辰復攻城都司石某戰城下馬蹶被殺城上發火砲賊多
死乃退前撫院梅之煥斂鄉人保沈莊以丁壯出戰獲賊謀
某之闖境以免王家預疏曰賊自麻城分而為二東行者由
商山固始蘄州黃州英山霍山六安徘徊舒城廬江桐城安

慶之間又半月東轉而窟於蕪黃商城大山之中西行者復轉入黃陂孝感

是日蕪黃賊屯于桐城之雲田坂曹操屯黃安

丙午老回回等掠安慶趨相城

丁未秦翼明援麻城戰于白塔河賊精騎數千轉鬪至胭脂嶺翼明自松林中突出擊之賊下山疾走追斬數百武昌監軍道張天經以兵來會連營躡賊

戊申安池兵備副使史可法擊相城賊賊走舒城

楚按余應桂劾奏翼明兵在襄縱賊北渡李源怯驚不前妄報首功俱議處劾鄧祖禹縱兵擄掠下撫按提問穀城應山等感黃陂失事各官俱全覈奏

己酉湖廣巡撫王夢尹罷以余應桂代之黃岡鄉官晏清等奏
黃岡為賊殺掠對父斫子面夫媼妻戲嬰孩於鋒刃割孕婦
為馬槽流血盈溝積屍成壠廷議以為夢尹不救罪故罷應
桂守獻陵捐罪贖十餘萬養兵上以代夢尹罪贖例歸巡按
而陵務至重不敢他諉湖南湖北皆有賊應桂困甚

辛亥總督朱大典率牟文綬等兵至舒城賊走霍山大典駐鳳
陽

賊破應山知縣張星煥死之事聞于邱

癸丑賊犯宿遷大湖

甲寅賊犯桐城焚倉米二萬石

丙辰張獻忠老狃狃整齊王等犯黃岡丁巳秦翼明張天經潛

兵至馬鞍山賊伏兵董路背老回回屯白羊山後翼明天經
分兵山前後俱進一戊午翼明兵入董路背伏起翼明奮呼
火器並發殺賊數百都司許名臣誓羊山夾攻之賊首尾不
相屬騰山跳湖分四路遁一走羅田一走黃岡之團風鎮一
走蘄水一走岐亭

陝按謝廷諫奏混天星侵軼商雒過天星盤踞汧隴小紅狼在
漢南蝎子塊入河西斷非目前之兵所能制

陝西兵久乏餉承疇用弱僅得無事孫傳庭法嚴許忠等九百
人與千總賀汝雄謀變會傳庭遣忠等一軍勦商雒賊戊午
行至藍田劫庫縱囚引混十萬與大軍鬪左光先曹變蛟西
追過天星於汧隴巡按謝秉謙一作德檄二將迴軍咸陽忠等

隨混賊去傳庭自劾且言兵少上不之罪與入衛川兵四千
傳廷擒關主破賊於渭南豫賊不敢西向又破賊於咸陽秦
賊不敢窺涇陽三原威望赫然又忠反三勝之氣遂以沮索
時關中飢甚朝論謂賊饑易勦實則民飢入賊軍飢法不行
終致自困先是吏科耀州劉含輝泣告於上曰承疇戰兵八
千人缺餉一月外西安斗米銀四錢兵索餉承疇無以應溫
言諭之請益堅則頓蹙曰必不能留者任汝自為計兵多散
去者傳庭才足辦賊但三千人止可守城當與之邊兵一萬
於春夏間賊飢馬疲州縣守城堡川兵守隘口諸督撫合力
追擊可致蕩平上不能用

計論曰此言而未易行也州縣
守城堡諸督撫合力二語懷陵必

無以
得之

應天巡撫張國維遣參將潘可大以兵二千援安慶一辛酉賊
解圍向桐城可大救之賊北走扼於廬州鳳陽官兵仍還桐
城步騎兼行累日不絕國維又遣安廬兵備史可法督劉河
守備張賡載以兵赴桐城巡撫張瑄亦檄許自強策應賊分
掠皖口焚樅陽桐城守嚴賊不攻抄掠四境可大捕野掠者
桐城諸生王曰善妻左氏十八守節已二十年賊至焚掠左
氏首擊夫棺痛哭自經死賊捨不焚貢生璩伯崑妻王氏罵
賊不辱被肢解

壬戌陝西長竿子賊萬餘自鎮安山陽入上洋據車家六郎關
癸亥霍丘賊走定遠

甲子穎亳賊於潘子河潛渡前鋒至滁州之朱龍橋

乙丑安慶桐城賊至霍丘

丙寅潁州亳州賊全隊至池河屯據山谷無地非賊儀真六合之民荷擔而聽

淮撫朱大典發陵兵多部將劉良佐能戰有旨令大典合擊撤河南左良玉徐州馬嶺之兵援安慶丁卯馬嶺擊賊於桐城之羅唱河破之賊即移營去良佐於次日又擊之於大安集戊辰池河賊從尾埠至大樹街走易家集庚午至滁州屯西門外

是月洪承疇檄調川鎮侯良柱兵五千援漢中時滿天星過天星自慶陽入漢中蜀兵戰敗王希甲劉貴等力戰負傷百總胡正高戰死賊破三寨漢中空虛盜賊充塞

關將犯涇陽三原

都御史某奏督臣承疇道曹變蛟等追蝎子塊至臨洮西距省城漢中俱數千里小紅狼等剽掠漢南自棗城至城固絡驛二百餘里過天星犯省城混十萬等自河南入關而撫臣傅庭率標兵二千西截過天星去咸陽三十餘里還討混賊雖已挫敗猶走伏商雒山谷間漢中止有川兵數千他如秦隴土寇亂民潰軍所在日起今日之增兵增餉萬不可緩也

左良玉勦平楊四堆官湯開遠以功陞安廬道

二月辛未朔副將閻雄以邊兵屯全柵賊渠頂破天以步騎數萬屯西門外江南大震賊聞城有邊兵遂自黃山西去

甲戌副將劉良佐擊賊於廬州之雲田坂

陝撫孫傳庭報河南賊盡入陝西又報賊擾漢中乙亥上命傳
庭合洪承疇王家禎并檄祖大弼兵合勦漢中賊同蜀撫合
擊

丙子監軍同知楊正苾督遊擊楊正宗都司張士儀陸宗美
備表思擊賊于陶城鎮又擊賊於沙河

賊掠潛山官兵擊敗之

劉良佐擊賊於六安州之茅墩

戊寅左良玉以部將羅岱孔道興率兵往六安遇桐城敗賊于
舒城擊之兩戰皆勝賊潰入蘄黃其後隊奔宿松陳溪諸山
及舒城桐城之戈園茅嶺小田諸隘

辛巳鳳陽巡撫朱大典率副將牟文綬等赴六安

科臣羅志儒劾總理王家禎畏懦不討賊家禎奏楚賊

臣遣張大經率龍在田李元許名臣等以鎮兵九千追楚則東江之賊遣左良玉由六安年文綬繇潁州劉昌祚繇壽州視東賊所向處援勦臣駐光州四面策應而劉昌祚竟不至安慶以致江南兵敗于鄴家店

王夢尹遣秦翼明楊世恩擊敗闕塌天于細石嶺擒賊將一條蕙新來虎斬百五十級闕塌天自王家樓復走江北

癸未賊破鄧州及閔鄉靈寶

考証曰疑是陝州

兵部奏 嵩縣之戰毛兵營中軍張君寵敗死知縣何復收餘兵與胡承疇等擊賊前後斬二百級守備和萬勝擊靈寶之賊小隸藍田叛兵附賊萬勝潰回陝州

安池道史可法遣守備趙蔭擊大湖賊時築城未畢知縣楊卓
然以民兵禦賊於濠隴間甲申蔭偵賊在雞飛灘黎明以兵
往擊之賊來者二三百騎蔭擊卻之追北至通湖括山立陣
有賊百騎至山前挑戰千總楊鎮國以銳卒二百當之射殺
數人而賊大隊從山後突登攻蔭蔭力戰手殺十餘賊無救
力竭被執不屈罵賊死討論曰蔭字慎鄉吳江人癸酉秋與
石電將若來同在太倉寓聚本寺余
一燕知之說
丈夫也

南樞范景文遣提督杜弘域守江浦討論曰江浦是浦口金立功閻雄以
邊兵助之

乙酉全柵賊走霍山

桐城敗賊入潛山之天堂古寨

天堂在光山固始美山太湖
間徐壽輝都此殿礎猶存

險僻足五穀欲據之久駐耕牧左良玉兵在舒城大淫掠寡婦胡氏守節二十年被辱自經死朋淫殺陳氏妯娌三人丁亥張國維以陳于王蔣若來等率兵搜捕三召良玉不應河南監軍力促之乃移兵六安

戊子張獻忠破隨州知州崑山王燾死之隨州為河南胡廣孔道屢遭殘破城野蕭然燾拮据勞徠得疲兵數千厝置衣糧推甘忍苦衆皆感動效死獻賊合衆數十萬圍城燾親冒矢石率守備鄧祖禹溫時存等斬獲甚多生擒陳月顯江宣等二十餘賊應城賊數十萬復來攻兵民不滿六百燾憑城力戰楊世恩許名世統兵在近不救城破罵賊被殺賊屠城事聞上嚴失事之罰不與卹甲申乃請得之於江南

經歷何敢伯奏賊從秦豫犯楚有四道而兩道必經隨州其一自党子口歷光化新野呂堰樊城趨襄陽而經隨州為皇陵後背其自新野走鹿頭吳山達隨州而至京山應城即皇陵左肩其兩道不經隨州一則出党子口走鄧州唐縣相柏信陽一則出耒陽等處走汝州新蔡汝寧皆可通達光山羅田黃陂麻城之間或別走雲夢或及應山德安之界則隨州又為總扼之會宜屯大兵以塞要害

襄陽賊突入雙溝逼樊城副將楊世恩援之

三月庚子朔賊掠鄧州巡撫王家禎遣陳永福擊之賊遁之均州未數日永福還開封賊即襲破鄧城

庚戌陝西賊犯洵陽土賊千餘掠白河又有賊陷階州

辛亥江北賊掠大湖之陳漢山旋入湖廣

時臨洮鞏昌漢中皆有賊承疇以臨鞏為急盡發左光先曹變
蛟馬科等與祖大弼孫顯祖合擊之漢中被圍兵部請令和
應荐賀人龍張令孔全斌之兵從郿縣寶雞援漢中

辛亥教邊功進首輔溫體仁太保廕一子中書舍人討論曰廣

崔天為
之哉

壬子滁和賊從舊路西去南京解嚴

朝鮮失平壤王京其王李倧降發兵救之

鞏昌賊屯成徽山中

安池兵備史可法駐安慶樂賊參將程龍守備陳于王將蘇州
兵三千游擊潘可大將安慶兵九百屯宿松之鄞家店——

吳漢王送古金鼓書

辛酉賊遊騎焚近營民居官兵擊之殺一騎賊餘引去——
壬戌賊三千至可大勒兵出戰矢砲殺賊百餘程龍以兵夾擊
賊敗遁日暮二將合營設伏二更賊至入伏營中兵突出賊
急退伏兵起夾擊賊自相蹂踐斬首七十級可法謂賊勢重
兵威已振宜退守要害可無敗二將謂不當示弱列營壘設
偵卒守鄴家店

癸亥河南巡撫右僉都御史陳必謙削籍

是月兵部尚書楊嗣昌請以精兵三千扼潼關疏曰秦豫接壤
之處岐徑頗多有繇閩鄉馬店里深入南山往西南奔華州
渭南者有繇閩鄉王旗屯奔華陰者有由靈寶奔鞏轅關北
朱陽者有繇盧氏入蘭州南朱陽奔雒南者有繇內鄉浙川

奔商南者不必盡由潼關惟是間道崎嶇一人守險千夫勿能過此須責闕鄉靈寶內鄉浙川諸有司募練鄉勇守之而別選一能將統精兵三千專扼潼關使寇不得奔越臣年弱寇遍歷秦中要害自省城東走臨潼華陰則直出潼關為一路關門有兵扼守則旁出關南達閼鄉之王旗屯為為一路自省城南走藍田商州東歷龍車寨過梳洗樓出浙川為一路縣商州東南走雒南出盧氏之南朱陽為一路縣盧氏出靈寶之北朱陽為一路商州正南由山陽而東走小津出郟西為一路越山陽而西走興安出漢中為一路如賊在陝西必須有控禦之兵使無竄逸于境外又須有戡勦之兵使無橫肆于境內然後可圖臣所以有十三萬之總計也

嗣昌非無才者徒以心術不正逢君心顧已私
比小人說君子遂至貽禍于國家

夏四月庚午朔左良玉以兵深入解廬氏之圍吳紀曰良玉達
節度陷浙川

撫寧侯朱國弼劾溫體仁私庇唐世濟逐兩御史專擅威福工
命廷臣議處體仁奏辨謂以宋學顯年例外轉觸廷臣怒見
攻上慰答之

壬申救高麗將白登庸陳洪範自皮島逃歸

逮降賊總兵張全昌逗撓總兵王忠楊嗣昌有口能揣上意以
決兵事上大信向之

推上自決者鳳翼探得上意而以己意
決之德中上意者嗣昌皆是上意自決

耳時乏餉一月中藍田汴梁亳州沙市四告兵變左良玉新
有功縱掠山西總兵王忠投河南託病數月不進上臨朝

歎曰如此何以使人嗣昌進曰尤世威張全昌皆聽勘全昌

兵敗又降賊宜斬之以懾諸將上大善之益奇其才并逮王

忠討論曰亡國之君各贊其臣以此之謂矣使人之道自在湯
問遠二疏殺全昌殺人龍未見左良玉之知畏也

癸酉年文綬駐壽州衛泗州鳳陽二陵

戊寅蕪黃賊圍大湖知縣楊卓然禦却之

乙酉勅蜀鎮侯良柱駐漢中

洪承疇督祖大弼趙光遠費邑宰孫守法等自徽州進兵至略

陽以救漢中

孫傳庭兼任總理事

丙戌在光先孫顯祖曹變蛟等破鞏昌賊于成徽山中斬四百

餘級

丁亥賊殺黃其奏竭子塊求撫階岷尚多寇

庚寅其科給事凌義渠劾左良玉救舒城縱兵淫掠命下總理
回奏

辛卯革賀人龍職殺賊自贖贈曾榮耀表明官

獻賊破潛山大湖潛山無城知縣朱家相執在賊伺賊睡懷印
逃出大湖知縣相應春教官沈洪起妻懋履不屈死兵官張
寶山張韜王培基戰死潛山諸生徐普妻石氏遇賊奪刀自
刎不死罵賊亂斫殺之儒士謝增新女同父被執說賊捨
其父欣然上馬去稍遠出刃袖中自刎死太寧有五烈婦
安寧知州陳所學妻唐氏被執投水死高唐知州雷永祚妻
江氏諸生章于國妻蔣氏賊入城自經死王氏劉氏姑婦也

望見賊入水死

老回回八營賊欲入六安深山過夏扼于官兵散入潛山大湖
諸山中遣搖天動掠石牌壬辰衝青口諸路至醉石嶺距安
慶四十里

癸巳賊七營數萬人圍鄆家店軍發矢如雨官軍無甲火藥盡
大因許自強兵至不敢擊賊乘高發斃程龍等遙見衝突賊
多不得出潘可大陳于王詹兆鵬等下馬短兵奮擊各殺百
十人乃先程龍自焚死蔣若來親履絕力善走雜馬圍得脫
周嘉婚未周月從軍不返妻號哭不食死應撫張國維以累
年力擇東吳良家子成一軍盡沒痛哭而已時已暑十日後
得于王屍面如生事聞皆于邱豫撫王夢尹遣其將劉昌祚

救安慶逗留不至程龍孤軍致敗

時秦州徽州逸賊轉至平涼鳳翔賀人龍等追之敗于柳林丁
明恭等戰死

陝撫孫傳庭清理屯糧屯卒詳傳庭理正事故定撫標兵舊食
勒餉此舉得隱沒十三萬以給標兵人皆稱之

洪承疇以兵擊漢中賊小紅狼一條龍等 癸巳祖大弼至沔
縣乘夜擊賊斬六百五十級又賊目小黃鶯上天龍等圍解
漢中稍安

戶部尚書李遇知奏臣鄉漢中東西南北千有餘里深山大澤
為賊所藪數年來從西虜入漢中者由連雲棧子午谷從商
鄖入漢中者由洵陽石泉從臨鞏入漢中者由宜口略陽一

條龍小紅狼自去年十月盤踞于今十閱月聞過天星賊五
六万又從慶陽來漢中合于舊賊不下十餘萬畢聚關南未
陷汝者獨郡城及城固洋縣西鄉耳所調四川步兵二千五
百不能戰又監軍羅將以三千兵至挫于雞武敗于棗城
遂不復振小紅狼等攻圍沔縣六七晝夜控城已穿民飢欲
潰一條龍等攻固原既久直是城固屯寶山截斷汲道兵莫能禦
南鄭城固洋縣俱旦夕莫保督臣洪承疇提大兵從徽州來
于四月廿三日至沔縣祖大弼疾走奮擊殺賊數千沔圍始
解一條龍舍寶山而東有乞撫意

戊戌川北兵擊賊于壹樹垠北斬百級俘五人
聞賊過天星自金牛川得志之後折回階成據險設伏

潛撫朱大典請城英山設兵守之疏曰賊自潛山西遁已入蕪黃境為楚兵所扼勢必復入英宿諸山英山縣西距羅田數十里東距霍山三百六十里俱懸岩絕谷若為賊有則官兵進退無據安可不築城置兵況此山北至豫西至楚南至桐潛東至舒六周遭七百餘里若從一路進兵此逐則彼逃終以隣為壑

是月四川地震者七

上下詔求直言科臣李如燦奏自軍不用而兵設民始不得安其身自屯不耕而餉興農始不得有其食有兵不練兵增而餉益匱有餉不核餉多而兵愈冒屯者核實之使四出而倍克屢聞占冒不減可謂有政事乎魏呈潤詹爾選李化龍

劉宗周皆以一鳴輒斥今下詔求直言倘赦其前惡收之左
右則直言不求而自至矣若夫輔成君道尤在相臣今此顧
彼瞻結黨徇私又何怪水旱盜賊之疊見哉上怒下如燦于
獄左諭德黃道周上言陛下求直言而進言者輒斥清刑獄
而下獄者旋開大臣雖清強曾何益於治亂之數上切責之
新安衛千戶楊光先與魏疏劾陳啓新并劾溫體仁曰首輔
治平天下持危扶傾休休有容是其責任體仁柄國以來外
兵兩薄都城流賊蔓延各省國危而不求所以安民怒而不
思所以卹忠告不受睚眦不忘三者無一惟有引罪以去庶
幾不誤國家乃悠悠忽忽一利不興一害不除覲顏戀棧苟
不送盡天下蒼生不已也光先屢疏攻體仁上怒廷杖充軍

閏四月己亥朔朱國弼又劾奏體仁不聽奪爵尋還之

賊陷襄城川兵敗於漢南王希甲等力戰負傷賊破三寨東犯

府城

討論曰此事或載于正月或載于四月

兵部奏陝西賊大隊折回西安湖南土寇戕殺衡州永州諸府請勅該督撫協勦

辛丑安廬巡撫史可法以兵四千駐防六安調安廬道湯開遠

北營霍山調副將劉邦域勦賊于李家集賊遁入山官軍駐

霍丘之間順可法奏職自皖移駐英山

楚寇已向西北聚於信陽羅山光山固始一帶切近六安職

又赴六安以防東突今曹操搖天動地至即上年蟠踞安

廬之賊居則以英霍為巢出則廣掠四境

壬寅以熊文燦為兵部尚書兼右副都御史總理直隸湖廣河南四川山西陝西軍務督勦流寇王家楨自守本官文燦廬州入俗好役屬峒丁輒自許知兵以在福建招鄭芝龍還兩廣取芝龍貨萬萬善以海外奇珍賂遺朝首意在常保其官而頌譽四溢上好微伺群臣而耳目所寄皆餐飫文燦者也乃遣內侍以他事過嶺南見文燦飲次言又寇事文燦被酒奮曰此行間諸臣過也若文燦在事豈至尔耶內侍告以上意文燦出不意深自悔夜設五難四不可明日言之欲自解內侍自任必得于上不得已許之後之特設督餉侍郎奏事不由通政皆此中事嗣昌見寇事急畏自行欲引人代盧公以官留以自代臣主禮部侍郎姚明恭善文燦言於嗣昌曰文燦

才望久著簡在帝心若遂舉之因行掉臂也嗣昌王逢迎遂薦為總理

癸卯河南賊至商城

河南巡按張任學改總兵鎮守河南

討論曰吳札極任學然其為總兵後屢立戰功則

亦有志功名實事者也其罷官以羅成羅斌山之敗夫主將良玉止于戴罪任學不在行間反教削籍廷臣惡其越職見才故阻之耳梅村不為表自隨差詆之可慨也

甲辰混十萬等至開順

屬霍

敗還固始

有賊至信陽城南獅子口千石坂

乙巳御文許自表劾溫體仁大姦似忠大詐似信唯事報復不為朝廷用一入行一政致民生窮蹙賊滿天下上怒降自表

官

丙午流賊馬士秀杜應金降于左良玉

賊自湖 至大湖安廬巡撫史可法駐霍山禦之

太監劉元斌遣副將張應元黃得功以騎兵三千至固始擊破
混賊於張莊白廟又敗之淮河斬百餘級死于水者甚衆

甲寅鳳陽監軍同知楊正茲防陵副將牟文綬破賊於桐城之
石井舖又破之於桂車河吳紀云時老回回已死其妻掌營
事搖天動等八營二十餘万人屯于桐城迤袤六十里淮撫
朱大典遣監軍同知楊正茲督防陵總兵牟文綬援舒城巡
按張瑄挽之以救桐城之急甲寅文綬與劉良佐合步騎九
千人擊桐城賊破退之又緩留兵二千於桐城又破舒城賊
彭氏謂此時全軍而還未嘗勝賊

川北兵擊賊於趙家院斬七十級俘三人又擊賊于九井橫梁
子壽舉斬三百級丁巳擊賊於白石埡凉水井石笋溝斬
五百級游擊沈應龍撤柿子埡守兵二千於七盤賊攻埡都
司任可先戰敗七盤游擊羅文垣不救賊破埡諸隘守兵俱
退至廣元兵部奏大壩為秦蜀要地而壩之左右甚多歧徑
賊既越壩犯壩官兵即當扼壩禦賊乃張勝袁華等輕離信
地賊得闖入黃世俊傳帝夢之兵共事守城不能撲勦非談
撫速調兵將趁攻南江之賊壘拒不去而從間續入者亦不
止巖垣一處也張勝袁華等雖陣亡不當議卹張鍾彭大道
與黃世俊易謙傳大昌傳帝夢等難免脫亡之罪

討論白詳
撫軍是詳

鎮士考
之記

洪承疇遣王承恩孫守法擊關將於耀州將官王嘉謨戰死賊
 走同官宜君是日欲由老雞坡延水關乘水渡河山西巡撫
 吳姓奏曰山西有虎大威等防河而陝西有王承恩左光先
 兵一萬三千何以隨賊不戰臣請督臣催兩將之兵沿河擊
 賊大威等佐其聲勢待賊過而會勦于晉不如今日未渡而
 夾擊於秦也

整齊王將至汝州戊午戴東吳與劉肇基等先至賊退祖寬軍
 適至擊賊前肇基等追賊一辛酉大破之於汝西之圪料鎮
 橫屍二十餘里為當時戰功第一圪料鎮又名姑家廂計論
從戴東吳原報
之文餘不可信
 壬戌承疇督左光先曹變蛟等兵六千先于蒲城白水黃龍山

洪承疇王述古堂疏書

斷關賊入函西之路一甲子擊之于雒川斬百六十級賊向
鄜州

整齊王等既敗於汝州甲子與高迎祥掃也王闖塌天等攻雒
陽連營六十里

乙丑祖寬自汝州救雒丙寅過于龍門白沙賊分軍衝突官軍
中斷寬力戰兵士無不一當百自晨至夜半大克之左營別
將亦破賊於宜陽之黃澗口

陝撫孫傳庭清理屯政軍詳尋定撫標兵三千舊食勦餉傳庭
清出侵沒屯課十三萬以給之時傳庭與楚撫余應桂為實
心任事之臣

乙巳左光先等兵至鄜州關賊走臨鎮高渠次日王承恩至宜

川光先至甘泉鎮

五月戊辰朔己巳川北兵擊賊于褒城之雞翁山斬千餘級
丙子兵部尚書楊嗣昌疏薦前總督薊遼傅宗龍巡撫陳新甲
及張伯鯨李棲鳳李邦華劉澤深方孔炤李繼貞俱可佐樞
上是之

秦翼明遣副將楊世恩援荊州追賊入伏部將王光耀趙漢陳
起蛟黃梓姚雲龍毛成功楊茂富崔萬良高登第張岐山陸
加祉等陣歿

官軍徂于褒城之捷輕賊陷伏敗于鉄索關喪失士馬千餘參
將潰邑宰游擊祖傑所備劉國勛王澤鴻夏景仁張合功馮
丙孝千總蒲茂才材官張文錦守備王建業何珍中軍費命

千總雷起龍陳顯明莫員爵把總李榮然俱戰死又有東來
太賊陷漢陰事聞承疇等俱歿死者官

戊子崇信伯費天澤等劾溫體仁欺君擅權不聽

己丑前給事中傅朝佑上疏請行寬大之政併劾溫體仁六罪
下之獄

辛卯左良玉自許州進兵擊光山固始賊至秋始報捷

川鎮侯良柱擊賊於陽平關斬二千級

丁酉兵部尚書楊嗣昌奏曰賊一在安慶桐城大湖間一在楚
豫德黃南汝間皆潛伏山谷俟秋而動官兵通計不滿四萬
見兵可勦賊者惟洪承疇部下總兵四五員馬六萬四千餘
匹而賊在臨鞏漢沔間者兵至則匿山谷兵去則攻城堡臣

請調四鎮兵將助洪承疇責其于六七月間盡蕩秦賊然後發選兵之應回鎮者選其精銳出關而東與總理諸撫合圖河南湖廣江北之賊堵之十面聚之中央庶賊可蕩平也賊入上津官傷印失

是月楊嗣昌請改因糧為均輸從之

廷議大發兵計臣苦于無餉嗣昌建議改因糧為均輸以濟軍食制下廷臣議可否嗣昌方貴任事廷臣無以難之因加賦三百萬兩詔諭戶部曰流寇蔓延既久生民塗炭已極不集兵會勦賊不能速除不多措錢糧兵不能大舉帑部匱絀設處無方廷議改因糧為均輸累吾民一年除此腹心大患籌思再四萬非得已所慮有司奉行不善或勒耗如羨暗歸

私索或衙役埋甲乘機作奸公家僅輸一分窮民已剝數倍
殊堪痛恨今責成所在撫按大張榜示備述朝廷為民除殘
多方軫恤至意偏集官吏嚴行戒飭遠布鄉村詳加勸諭使
遠邇盡知貧富均納果能遵行無擾自然好義樂輸勦功告
成一體敎錄如有勝臆多徵借端需索指參等問盡法究懲
毋得養重偷安先嚴後怠徇情曲庇漏重摘輕違者撫按官
定行追論各昭道里遠近勒限奉行回奏

熒惑盡現犯心房楊嗣昌奏曰占王中宮后妃今僖廟成妃登
引正所占白不之會也又歷舉漢光武明帝唐憲宗宋太宗
皆月食火星不為災其論漢明帝則云是年立馬后德冠後
宮科臣何指駁之曰臣不知嗣昌何所指斥且心為明堂前

星後星皆太子之屬恐奸人踵邪說以危東宮時田貴妃父弘遇交結朝臣謀傾中宮嗣昌由田氏得進故措又之

六月戊戌朔京朝官河南劉之鳳等奏賊一支自潼關入陝州向永寧一支自鄖西圍浙川通內鄉鎮平南陽一支自潁川至上蔡西華等處河南五府皆賊雖豫撫兵應有一萬五千而現兵不多尚須召募左良玉又聽理臣調遣止有陳永福羅岱孔道興等疲兵數千何以制賊

戊申大學士溫體仁引疾免賜金幣遣行人護歸體仁之駝除異已必因事發之上殊不覺為相八年全不以流賊為意使之大熾以至亡國天下歸罪焉

己酉以虎大威為山西總兵

丁卯賊匪趨廬州併攻城陰襲全椒六合

山東河南飛蝗蔽天大饑

賊自羅田至麻城

秦賊聚於臨沱鞏昌岷州

兵部司務黃某奏秦寇入楚以來鄖陽襄陽荊州漢陽黃州德安俱被荼毒巨鄉長沙隔在湖南賊猶未至今江西賊五六百人劫瀏陽帶庫殺湘潭守備捕官時江賊呂疲子等煽動齊安興國大冶山中亡命過絕行旅臨武蓋山之賊入湘鄉窺衡州

傳語有六月望日賊破六安事宜在此年而左良玉七月至六安亦宜為破城也

秋七月戊辰朔辛未過天星犯寶雞陝按謝秉謙奏闕過賊自

金牛川得志之後折回階成

考異曰金牛得志折曰階成疑即魏索問事

據險設

伏左光先曹變蛟之兵強半染疫今賊之探騎直王隴沂寶雞倘盡折而東兩帥豈能必勝漢興之賊盤踞如昔趙光遠兵駐漢上不能制其奔軼也

辛巳賊自潼關犯陝州分掠永寧鄭西浙川南陽上蔡西華

乙酉左良玉兵至六安

賊在潛山大湖山中至是復出丁亥由來安攻六合無兵三百不戰而潰杜弘域屯東葛不敢救城破知縣鄭同玄逃去賊攻天長及操江王道直兵至發火炮擊賊解圍去破含山由鷄籠山小路襲破和州縛官去至六安聞大炮聲轉紅心

吳通王述古直隸書

驛合大紅山老營被賊逼儀真瓜洲揚州太監楊顯名遣把
總王以寧守備程宏遠設防諸大商合資募監丁鄉勇助防
賊至僧道而退

滇將龍在田楚將許名世擊獻賊于鄖陽山中斬級二千餘賊
走南陽

賊入開封之曹州門某官李春桂戰死傷官兵二千四百半是
祥符鄉兵事聞春桂等亦卹

商雒道邊嵩勦平長杆子賊姚世太

己巳立偏沅巡撫用陳睿謨為之又以光山羅田廣濟黃梅隸
安慶廬州設安廬巡撫以安滁道史可法為之嗣昌欲併與
江浦六合上不許可法善弓馬有膽略謀諸將中同能陷陣

賊急時連月不解甲緣鬚領對客捫葛之論才與功建節

非過而張公實費多金得死重負

討論曰以江浦六合與史公則應撫安生矣先帝未

藉不知其甚自獲短耳

劉之鳳有疏云七月二十八日豫撫奏云秦賊自潼關入陝州

以逼雒陽楚賊自鄭西以逼南陽江北之賊自潁州入上蔡

以逼汝寧開封歸德其事皆不可考

兵部尚書楊嗣昌上平賊方略用兵二十萬分陝撫斷商洛鄖

撫斷襄鄖楚撫斷德黃皖撫斷英六鳳撫斷潁亳應撫斷潛

山大湖江撫斷黃梅廣濟東撫斷徐州宿州晉撫斷陝州靈

寶保撫王延津一帶

欲滅賊先制其流此甚可也

總理將邊兵監臣將禁

旅楚豫二撫以左陳等兵合勦中原不盡不已指餉二百八

欽定四庫全書

十萬其法有四均糧增溢地主穀驛遞主裁事例主勸庫內

甚豐獨不言中帝主許之即家起傳淋訓為總督省直勤餉

侍郎得自用官吏分部郡縣不及額者以乏軍興論嗣昌即

請以今年十二月明年正月為師期勅疆吏無留賊重煩百

姓貽主上憂聽其言賊若可剋期盡上亦欣然曰非卿莫能

辦也嗣昌殺盧公問洪公而欲與熊文燦常道立輩建非常

良進小人也此時用人而一端不

八月丙申朔戊戌商城賊入黃岡段家店三里畷鄉兵拒之卒

生夏日常前死于賊妻易氏逾月生一女賊復至破寨去失

易所在隣婢自賊中逃歸曰易奪服抱女為賊所執大罵賊

誘脅之罵益厲賊焚殺之家人以婢言處求得其屍懷幼女

於灰燼中易萬曆乙卯生

戊申賊入鳳陽掠器械渡河分道往河南泗州

以信陽羅山光山固始討賊功復左良玉劉洪起官

己酉賊掠虹縣睢寧

乙卯秦寇犯寶雞鳳翔

河南巡撫王家禎罷以常道立代之賊走鄭陽突德安黃州破

隨州至焚荆藩陵園故罷家禎討論曰家禎應去久矣而代以常道立何與

命年文綬轄鳳陽廬州淮安揚州徐州

甲子劉良佐被圍于泗州十日淮撫朱大典遣馬彙解之討論曰舊

紀張國維遣馬彙非也宜是大典

是月張獻忠詐稱官軍駐南陽城外左良玉適至使人召之獻

張獻忠王送古堂城書

忠惶遽避去良玉追及射之中眉心又貫其指于弓上刀斫
獻忠面流血其黨一堵堵力救而免走麻城屯于官渡一堵
堵即孫可望

九月丙寅朔即陽賊奔據鄖西山中分突漢南襲襄城犯漢中
丁卯 上發禁旅勇衛營一萬二千人以內官劉元斌盧九德
副將孫應元統之至江北與盧象昇同討賊 上諭元斌等
曰若等有不戰其下苦郡邑者悉論如律勿以禁旅故覲貸
兵科孫晉請止禁旅專任大臣督師不許

樞臣楊嗣昌請以重兵防雒城

嗣昌奏河南原派兵一萬五千除左良玉三千外尚該一萬
二千合撫疏報舊兵則有陳永福車登科羅岱之兵共六千

八百名新募一千二百名解省之兵四千二百名共計五千四百名是一萬二千之數已有餘矣然曹門之敗新兵已損二千四百而陳永福登封之衝散頗有損傷舊兵又不知折數多少又言臣部計兵不足不得已而以祥符知縣左懋恭南陽知縣何騰蛟所募鄉兵充數李春桂曹門之敗其中有祥符鄉兵一千二百安得不潰雜城密迤靈虛尤為狡賊出沒之所當駐大兵於此以為扼擊長策

澠池無城知縣李邁林築敵臺未竣賊梯而入邁林被執不屈死訓導朱魚亮被殺

丙子賊掠廣濟之大金坂

辛巳黃陂賊攻麻城

小紅狼久在漢中境諸將畏險遠不往擊科臣凌義渠以糾承
騎中斗星猛虎關賊等又敗於寶雞奔漢中與過天星合攻
漢中總兵曹變蛟以兵度棧道過雞頭關夜入城賊不之覺
戊子賊至城頭寂然近壕雷鼓喧天旌旗山立矢石如雨而
下賊驚奔變蛟出兵馳擊之射殺關賊所乘馬裸身涉水逃
去

甲午老回回屯圍風鎮三台河戚家嶺黃絲坂在黃州東境順
義王聞塌天屯花園鋪淋山河在北境華裡眼等又一時並
集延袤三百里皆賊

吏科劉含輝劾鄭撫陳良訓殺良民冒功
賊攻孝感已攀堞有喻勇士持礮擊賊首殺之喻亦墮城下死

賊退城得安全者七年

冬十月乙未朔文燦至安慶已募越兵二千置麾下又請得左良玉為親兵良玉宿將意輕文燦不受指使縱兵與越兵鬪曰制府自有親兵安用我輩文燦不得已遣去越兵而左兵終不為用請調邊兵上怒嗣昌請得以馮舉苗有才之兵與之氣稍振

丙申山西巡撫吳牲罷宋賢代

丁酉關過諸賊破寧羌州寧羌古白馬氏所居地劉宋為東益州有百穿關七盤關間道五百里至朝天嶺通廣元秦蜀之咽也

總兵侯良柱前於賊出蜀時撤各隘守兵屯廣元巡撫黃維章

爭之不得一戍戍過天星等入廣元結十七營屯于烏龍山下良柱戰死屍失其頭賊分兵守二郎關

壬寅賊從凌灘子過河破昭化殺將官張起明張虎等知縣王時化自縊死贈尚寶丞城民死者無筭川西二道常任賢張定志皆之成都

癸卯賊犯劍門關官兵塞石牛道不得過還屯江口

甲辰攻劍州吏目李英俊千總吳鳴鳳以兵拒賊於紫南垭皆戰死城破知州徐尚卿死之贈僉議王維章在保寧遣道

臣吳麟徵率兵赴綿州而什邡彭鄔新都西充遂寧皆已前破

丙午賊破梓潼巡撫王維章遣參軍朱庭一以兵入援至漢川

而敗 巡按陳廷謨檄黎雅參將羅尚文川南道劉士璉援
敘州馬湖等兵三千赴援守成都

河南巡撫常道立奏新安宣城東城雒陽俱有賊

丁未獻賊闖塌天革裏眼老回回等十餘萬屯黃州麻城熊文
燦檄監軍道張大經太監劉元斌從舒城六安固始光山進
擊

戊申蜀賊分三路一之鹽亭一之綿州一之江油

庚戌川兵敗於綿州賊漸進逼成都土寇附之

丙辰闖賊等掠郫縣主簿張應奇死之贈僉事賊入崇寧知縣
劉旋被執死遂寧諸生劉應魁不屈死賊逼成都陳廷謨飛
章告急賊之入川編增馬士驍疏有云逆宗道守之士驍又有

奏曰大竹白蓮教妖孽朱英一與王維章內親金初妮暱荐之于維章聘為參軍提調全蜀兵將副將以下皆聽節制與旗鼓李以貞出入撫署又賊圍廣元廷一守保寧坐視不救縱兵搶掠調集兵將于潼綿廣閬之間五萬有奇皆逗留觀望其奮力拒堵者僅郭起柱秦翼明談大孝劉遠數將鄉紳呂大器募兵數千且守且戰孔全斌等非潰卽逃今賊匿階文山中倘再折而西走愈不可收拾白水青川窄險羊腸馬難孟進販夫逐利偷行使賊啟疆若剷塞此途獨駐兵于陽平要險速檄張令秦翼明談大孝等分守信地以絕重來有旨兵一金初撫按提問

南道劉希伯奏賊入蜀破三十餘縣莫發一矢撫臣遣千兵尾

至漢川而帥以妖妄之朱廷一為賊所乘老師六百獨張令

背城力戰殲賊數百人侯良柱遷延不進雖死如封疆何遂

遠維章斬西市傅宗龍代

計論曰有載是月代中凱尚文成
燭子塊于廣元者謬也恭雅去廣

元甚速况人陷諸賊乎馬士驛
沈云羅尚文守成都可証矣

楊嗣昌奏曰漢中之捷在九月廿六日寧羌州之陷在十月初

三日緣曹變蛟之兵止二千六百駢馳棧道疲困已極不得

不少休而寧羌距漢中城三百餘里阻隔沔縣不能急援賊

剗州城後徑走蜀之七盤廣元各邊馬兵于叢叢鳥道技無

所施故回鳳翔北股大賊非盡入川中或潰走潼關党子口

以合東賊或竄伏寶雞鳳翔深山中秦賊襲破寧羌一半透

出內浙之間此必繇漢興走商雒或走鄖陽均州而至河南

撫按所報賊已有在儀蘭杞縣陳州之間又有尚在光山固始信陽羅山之界禁旅邊兵詎非兵機但賊在南兵在北遂南向勤之恐通賊往無兵之地南去愈遠為害愈大臣欲轉易其向使兵先南而賊在北則禁旅邊兵既足障之陵重地而河北山東山西諸將必得就三面之夾攻是為不易之策該督極言官兵入蜀之難似不堪驅之以所不便但出蜀一步即為漢疆瑞藩重地僅留兵三百大非穩着必將延寧續調之兵酌留成階漢羌之間以與蜀圖夾勦而該督則提左曹兵或出潼關或出商雒以追逸出之賊

十一月乙丑朔庚寅兵部尚書楊嗣昌請限勦賊之期令陝撫斷商南洛南鄆撫斷鄆西楚撫斷常德黃州安撫斷英山六

安鳳撫斷穎毫應撫截潛山大湖江撫截黃梅廣東撫截徐
宿晉撫截陝州靈寶保撫扼延津渡口一帶總理文燦與太
監无斌以禁旅豫撫以左良玉陳永福等合力蒐剔使無遺
跡上是之

討論曰張鳳翼并此空
言無有烈宗喜之何也

漢南賊大天柱爭管王邢家等在徽州山中搖天動一條龍等
在城固山中合土寇猛捧手思竊發官兵擊徽州賊斬三百
餘級擒五十餘人擊城固賊斬四十餘級賊奔深山楊嗣昌
以為宜乘川賊未返先劫此賊令撫臣東斷商維
道臣劉宇揚副將趙光遠等勦城固賊道臣張兆曾副將賈
承芳等勦徽州賊

癸巳賊盤踞蘄州

欽定四庫全書

蘇州賊拔營入山西申熊文燦至廣濟遣左良玉張天經等搜捕文燦謂賊難勦專主撫文燦既受事神志恍惚疏言兵事宜知彼已為舉苗有才之五千人力不敵再請邊兵又曰臣至蘄黃見被賊近一歲而野有雞鶩倉有稻粱沿江饒給盜之招也若盡遷民與粟閉之城俾賊無所掠當自退見者無不嘲笑嗣昌亦非之上覽奏怒曰文燦特簡受事師期將踰不能一有所出請邊兵需發而後往是玩寇也命戴罪嗣昌力引救予以前調真保山西之兵各三千人示不逆所請又以順上意那再勦邊兵為兩善也

丁酉安廬巡撫史可法駐宿松招集流亡

河南賊踞神皇山安滁道僉事湯開遠隨撫臣赴汝却遣陳永

福夜馳至許州

令總兵王觀國守德安承天

癸巳江北賊陷靈璧

甲午夜土冰二星同度占曰敵勢縱橫將權未一

是月京軍敗於光山一賊十五六萬入河南分向光山固始商
山太監盧九德督黃得功宋紀壽追之于光山千德張國柱
被圍游擊苗有才救之山下積雪馬不能馳方收兵賊大至
四面合圍兵潰

豫撫常道立檄左良玉陳永福趙國柱等援却縣擊敗興世王
時聞 在白沙整齊王在宜陽掃地王在浙川俱詐降
十二月乙未朔老回回闕塌天自德安應城京山至承天

戊戌瑞王奏漢中被圍詔責洪承疇不力勦

己亥晉撫宋賢駐平陸遣總兵猛如虎等以兵八百渡河防陝

州

兵部奏云混關苗頭西上又有賊在熊耳山向上塿一帶掠入
畜此或凡背餘孽向來出沒雒西者非混關輩也熊耳乃灑
池縣道旁小山而乾壕土塿接張茅峽石一帶即古之靖陵
道狹多阻其旁蹊曲徑無不遇陝州者虎大威等扼守于此
便可東望灑池南望宜陽北望河底諸村水陸情形無不備
見賊若潛趨間道則以偏師據險擊之如或混撞等賊盡數
西趨則禁旅理兵俱當馳勦大威不為孤注也
獻賊屯麻城南之白果村聞官兵至偽乞降左良玉擊之于官

沒獻忠冒雨雪兩日夜馳七百餘里從鍾家灘過河一壬寅
至穀城營於王家河擁黨數萬

參將馮舉破整世王搖天動十反王順義王於真陽標將裴治
國盧定邦深入戰死

戊申太監劉元斌擊混十萬等戰于羅山斬級千七百

楊嗣昌請撤鄭撫以總理兼之辛酉得勅書而江北寇急駐總
理于安慶議留鄭撫前後措措兵科都給事凌義渠駁之曰
鄭撫在天煤必不可兼陳良訓必不可用宜改敕書選賢能
以速鎮之得許用戴東旻撫鄭

是日劉元斌盧九德以禁軍至安慶

壬戌黃梅賊攻蘄州知州唐世焯拒之

是月給事中鄒士楷疏稱河南賊犯茶陵逼袁州鄱陽入都昌
殺南昌通判

零賊出沒甘肅巡撫湯道衡總兵柴時華不能禁

關中大寇悉踰隴

時有三制府大典文燦皆有中官同事得以伺主意關中樞承
疇在遠不結與援以積勞苦竭忠信受上深知又得秦人心
舉朝歸之嗣昌心庇文燦遂如承疇陝賊入川川士交口怨
承疇縱賊亦以迎嗣昌意也陝撫孫傳庭與承疇公忠相倚
而以雄略自許頗視承疇為小慈未能建兵食誅勦大計奏
事中微及之亦急于平賊耳嗣昌得之即以間于上曰言者
責臣不去朱大典大典於事平平又謂熊文燦不足任大

典雖失五縣而有發陵功代之難其人文燦用甫三月承疇
 在任已七年言者顧急繩文燦而捨承疇縱賊入川傳庭有
 疏摘其瑕且屢為臣道之矣惟上裁察嗣昌欲上譴承疇可
 文燦無過師期又以寬也縱使上誅法公封文燦以茅土寬
起熱在為此何益此輩上逆探其情變色曰督理俱責及時
 平賊奈何以久近藉口上亦屢見嗣昌心術
矣終不能捨何耶

懷陵流寇始終錄卷十

懷陵流寇始終錄卷十

懷陵流寇始終錄卷十一



吳江戴笠耘野

崑山吳及脩齡



十一年戊寅春正月乙丑朔戊辰大賊闖塌天姓名劉國能降于左良玉辛巳九月死節葉縣者也其黨十四哨五六萬人多散歸老田：革里眼文燦為國能乞赦罪令得立功自贖國能曾為岸生被掠入賊不得返正遂以智勇著名性孝婦降奉其母命也

辛未命山東巡撫顏繼祖防盜徐宿總兵牟文綬防鳳陽倪寵防河往來曹單尋以五營土盜謀引流寇而河南土盜程良才又起遂撤繼祖回曹單移倪寵徐州

前歸德推官萬元吉巡撫玄默劾之罰俸三月適丁憂旨令起
補日降級調用至是史可法以其有異才薦為舒城知縣使
禦賊吏部以前旨格之

二月乙未朔賊自陳安趨鹿邑

戊戌河南賊曹搆搖天動復至江北

混十萬敗于熊文燦所遣之兵又敗于陳永福又敗于羅山敗
于堰城己亥攻固始又敗于白廟

瀘溪知縣陳惇擊賊于張家山敗之賊傾巢至庚子闖賊陷瀘
溪時陝賊盡聚川西洪承疇嚴守要害賊不得掠飢困承疇
伏陝西勤兵于梓潼以四川羸兵誘戰闖賊率群賊逐利入
伏大敗斬千餘級闖賊以殘黨數千北奔

計論曰臨漢宜是
連漢凡闖賊敗逃

後事人又言殊皆不足信谷氏曰自成
卧病半年則洪公逐至巷中者誰耶

游擊李文胤遣陳瑄以兵至百丈列營江口劉達兵亦至庚戌
賊圍瑄達于長灘堦文胤遣千總蒙應祿援之。龍安府原
報云賊屯紙房溝割溝係白水對岸官兵已調于廣元僅存
王昌明等六百人洗金灘陳進忠兵五百人不足禦賊故陳
瑄失利于三堆賊過河登嶺由小關而去三堆即長灘堦
壬子蠲漢中逋租仍賑之

癸丑太監劉元斌擊混十萬等賊于郾城

乙卯吉王奏宗人由裕應賊

丁巳總兵黃得功擊賊光山固始間四日三勝得級三千癸巳
又大破賊于舞陽有旨叙資文燦引為已功上不許得討論固

忠勇然日後戰功皆與中官同事則此亦且中官主之故叙賚如也

是月上分遣京朝官往各省催逋賦

三月甲子朔

己巳賊破桐城闕箱撫臣史可法遣劉邦域擊走之

九家賊曹搃整齊王搖天動左金玉混世王滿天星過天星批

在蜀南營九條龍等屯于光山固始間熊文燦率總兵左良

玉等擊敗之斬級數千賊奔開順開順在六安西百二十里

西可犯商城南可犯霍山

辛未曹搃等賊從茶山趨霍立為官兵所截走商南

熊文燦調獻忠兵不應

老回：自郢城五溝星橋西走葉縣舞陽

熊文燦王述古堂藏書

羅山光山塢壁數十民入保者累十萬過天星混十萬曹恭等
五家賊破之無遺盪路息縣光州殺人汝水為赤老回：于
黃安之大霧山張旗呼噪聲震原野麻城蘄州隨州信陽間
僵尸相屬總理巡撫不以聞兵部侍郎李若星入朝言于上
嗣昌猶以文近為文燦解釋

丁丑蜀鎮羅文垣盡撤諸隘守兵于廣元

戊寅寇走階文間

科臣吳宇奏劾孫傳庭縱寇入蜀失于協勦詔總兵曹變蛟堵
截仍命傳庭趨鄠縣策應

時楊嗣昌以勤限踰期上書言奉職無狀薦職方郎趙光抃自
代知上意不次用人以此自媚也上慰勞之即令察行間功

罪乃奏曰總督洪承疇專辦秦賊者也秦賊入蜀時數十萬

出蜀時僅數萬左光先曹變蛟擒斬不過五百人賊之衰滅

乃蜀人功非陝人力而承疇云賊以秦兵至故出蜀賊若畏

秦兵則必東西奔潰何北逆秦軍而出秦軍入蜀則秦路空

昌兵由襄入蜀賊何以故無功有罪者承疇也總理熊文燦

辨楚豫江淮之賊者也自安慶出師一月不奏功臣因請旨

督責近日光山舞陽二捷斬馘數千劉國能張獻忠最強已

就戎索其餘以漸招納楚豫可定故有功無罪者文燦也又

謂朱大典過同承疇而功勝之以河撫常道立為功之首其

顛倒是非上亦知之特以秦蜀事類督過姑用其章削承疇

尚書奪左光先曹變蛟等五級科臣吳宇英奏曰陛下用一

任學而天下知勸處一承疇而天下知懲其傳會時相意如此及六月秦賊又入川二撫傅宗龍自為拮据不歸答于承疇嗣昌諤不得行

夏四月甲午朔混十萬敗于河底孰崖頭負矢走靈寶朱陽山中

龍安府報云乙未官兵追至南龕寺對山劉達李文胤等兵亦至賊分三股迎敵官兵亦分三路劉貴等繇中路沈應龍等

繇左路趙士俊等繇右路與賊戰有小捷賊入秦

計論曰宜是二月事

陝西土賊一斗粟為官兵所敗潰入蜀界木橋廣平河等處

賊屯聚信陽羅山射塌天順天王等自二郎坂攻破白雲等寨

茶山在貴州城北東抵英霍六安南及潛山北至商城西接麻

城羅田盤踞百餘里己亥曹搃等攻破六安寨屯于茶山
辛酉張獻忠降于陳洪範據殺城獻忠為賊久有精騎三千分
四營：一將其一姓薛歸城人內閣國觀之族子盲一目多
智每勸獻反正保富貴壽考洪範宿將功名在遵化登萊間
中廢黃緣內臣得掛平賊將軍印與文燦同征行初獻賊為
王威部兵與十七人同犯法將斬適洪範見威為之請威曰
三犯媼掠不可恕洪範見獻賊狀頗傑曰此兒可用獨捨之
令自効贖罪威鞭之一日免其死獻賊感洪範甚自稱為父
每食必祝及此洪範久忘之矣獻賊遁戰敗乏食其黨多散
去聞洪範在軍中大驚喜飭名姝裝細馬襲竒寶遣人自歸
曰獻忠昔蒙我父賜以命懷恩未報今遇于此天也敢不率

所部隨馬足効死

計論曰洪範輕財又有舊思獨主其事不至速禍

洪範以告且言

舊事文燦固畏戰大喜猶挾故智責取金寶鉅萬乃許之遣

監運道張大經往受降通闖賊餘黨攻城夜兩守者急獻賊

襲入之告士民曰闖賊不道夷城邑焚廬舍已發兵逐去今

釋甲歸命爾等無恐遂頓其家口于城中言于制府能使鄭

陽襄陽承天德安數百里中無一賊左良玉與巡按林銘球

分巡道王瑞旃欲誘而誅之文燦不可獻忠屯其黨于四郊

名始歸順處曰太平鎮文燦使留精兵二萬給餉餘散遣之

報稱皆精兵須十萬人食遺薛盲至都出入相邸徧見群公

皆致厚餽

計論曰此事仿即芝龍若文燦不請貨或不亟叛

賊狡甚制府檄至再拜

嗚咽自白誓以死報文燦銘球皆信之為請官得許

計論曰此時別

賊尚多以賊攻賊使功
高官大能自變重也

壬子老回：隔裏眼赴木蘭山寨佯請降

丙辰混十萬遣其黨白雲昇至汝州州乞降于常道立

洪承疇前自階文還兵知闖賊由松潘走臨洮鞏昌乃西向窮

追之賊出長城入西羗曹變蛟張天祿賈呈芳等大戰羗中

羗人見兵入境官兵與賊遇者即鬪諸將既擊賊又禦羗左

右搏鬪不解甲者二十七晝夜賊還入塞變蛟又大戰于洮

河敗之是日傳檄于蜀云出川返秦之賊已一破之于番地

再破之于洮河八隊六隊一連鶯一座城闖將等賊必復竄

入川宜預防守孫傳庭以零賊犯慶陽寶鷄徵兵不時至以

聞嗣昌之徒皆言承疇避賊姚思孝素知承疇亦尤其輕視

根本提書至上曰吾固知承疇不避賊：又由山徑南走階
文

壬戌文燦遣監軍道張大經於麻城追賊自回光山居中調遣
定師期于五月十三日合勦茶山賊

獻忠索浞池陝折閭鄉靈寶新安五州縣處其徒

先是河南湖廣之賊十有五家闖塌天劉國能八大王張獻忠
混十萬馬進忠老回：馬光玉射塌天李萬慶曹恭羅汝才
過天星惠登相革裏眼賀一龍左金王蘭養成九家為著名
又有順天王順義王順天病死順義後為劉喜才所殺更有
安世王胡可受改世王許可變一文青一條龍王國寧常國
安楊友賢王光恩馬士秀杜應金等諸賊國能獻忠士秀應

金已降曹拯分一丈青小秦王一條龍及已為鄭縣四營過
天星王國寧常國安揚友賢王光恩為均州五營文燦作招
撫心示張之通衢許降者待以不死

是月兵科李焜奏曰賊有三窟北在平涼鳳翔諸山西南在鄭
襄東南在英霍今鄭襄之賊既撫于穀城秦賊自闖將西敗
過混東奔黃龍一戰賊勢披靡餘寇雖逼岷州而督臣洪承
疇駐紮^州鎮臣祖大弼與曹左二帥先後入鞏昌又有臨洮
階^州諸部合力夾勦自無難撲滅矣安慶之賊未經大創盤
旋英六之間今禁旅左兵扼之于固始河南總鎮扼之于商
城總理熊文燦扼之于光山羅山賊竄無路倘勦殺未盡非
繇舒桐奔楚必仍入英霍各山當責總理左帥督率合圍以

圖蕩平然欲滅秦寇則潼關一路不可不塞欲殲皖寇則舒城潛山大湖一路不可不塞恐秦寇再奔入豫皖寇再奔入楚則勦蕩未有期耳

時樞臣楊嗣昌奏三月初賊長驅入蜀又迂入秦督臣洪承疇率左光先曹變蛟擒斬五百有奇總理熊文燦舞陽光山之戰大奮兵威次則楚撫余應桂斷德安護陵寢戴東爨地方未聞有賊史可法所轄府縣亦無失陷孫傳在陝西賊不敢

至商維計論曰此月中旬賊為洪公所逐足不得停方征思謂其寇襄陽走穀城誤也

五月癸亥朔混十萬在朱陽山中常道立招之賊佯許丁卯走棗陽又走唐縣合革裏眼

庚午龍在田許名臣督兵入天井山擊曹搯左金王紫薇星過

天星混世王十反王整齊三等八肢大賊：潰繇岐亭出黃
 陂德安復會托天王小秦王整十萬革裹眼射塌天老回
 順義王于界山圍京山縣熊文燦以劉元斌盧九德張大經
 將邊兵至南陽合左良玉孔貞會兵冒兩進解京山之圍
 乙亥諸路會兵擊曹崇于茶山

辛巳左光先以兵二千擊賊于固原大寨進至秦州州遇六隊兩

哨混天王四天王仁義王等十餘賊走礼縣擊斬二十餘級
 降混天王仁義王四天王及其黨五百討論日有紀于六月甲午昔

茶山賊悉西奔與西賊分道犯承天逼顯陵戊子楚撫余應桂
 以好至承天庚寅賊從洋子店奔豐樂河討論日西賊宜其即圍京山之賊

後兵科姚思孝疏曰文燦受事以來止有舞陽光山二勝至

于茶山合勦明是倖得兩筮吉日徒效揣摩各路進兵總屬
觀望豈可獨効余應桂以卸責應桂不堵黃麻之隙糾恭何
辭然于南陽迎頭截殺者理臣也賊欲突南陽則縱火掠殺
矣欲合營屯聚則混十萬與曹搃十三肢首尾呼應矣賊分
犯內地則自唐縣而泌陽而裕州如入無人之境矣理臣身
在事中可責人以飾已乎茶山事紀者不詳留此以參考

六月壬辰朔

楊嗣昌進東閣大學士仍典中樞召吳銓為兵部侍郎

太監劉元斌盧九德報遂平解圍斬獲三千餘

混十萬革裹眼等皆集于唐縣鎮甲午熊文燦師至葉縣保安
驛令監軍張大經與邊將苗有才盧鎮國等自保安發禁旅

孫應元黃得功等自南陽發合擊之官兵至施家店賊已入唐縣山中己亥官兵進勦十三股盡來迎敵從曹家店水連店侍齋公橋直抵唐縣五里茶虞歷三日二夜連戰五十餘合降丁馬士秀杜應金白元等皆用命遂大破賊乞降庫子陳永福擊賊唐縣饒良鎮

過天星等敗于三水邠州勢窮奔竄總兵曹變蛟副將賀人龍馬科等分路勦之壬寅賊從寶鷄出山降

闖賊匿于洮河止有六隊初總管兵及爭世王殘衆隨之馬科守河拆州祖大弼守沙羊堡丙午總兵曹變蛟率岷洮副將賈呈芳等以兵至西和成縣合遊擊卜從善等馬步兵進至階州山中冒暑深入十日三戰擒斬二百五十降九梁星飛席

等賊將三十餘人爭管王初總管皆闖賊掌盤子兇悍變蛟
遺降人說飛天龍混肘虎混海龍等使密圖之庚戌飛天龍
斬爭管王首至徽州降邢家常家餘賊八虎草上飛等至階
州降丙辰承疇遣監軍道張兆曹副將趙光遠遊擊孫守法
等至陽平關又發副將賀人龍以兵千餘副將馬科遊擊崔
重亨等統兵三千至關協勦闖賊由陽平關白永江舟入四
川巡撫傅宗龍以雲南兵三千人與總兵羅尚文禦之飛天
龍姓名折增修混肘虎姓名張成善混海龍姓名張成福
辛亥逮胡廣巡撫余應桂以方孔炤代之應桂剛直負顯陵功
為上所自擢不隨文燦詭遇茶山合擊之役賊逃去者在湖
廣兵分地文燦乘機劾應桂後軍期誤機事上知應桂不能

如永疇之深嗣昌從中驗証文致遂下吏初文燦欲調獻賊從征應桂曰彼請守節義是不肯隨征也且與劉國能相惡國能今在麾下調必不來則傷威矣文燦不聽調獻賊兵果不應：桂知其包藏禍心又謂文燦曰惡狀已見宜先發制人文燦又不聽獻賊知之移文節撫曰公等疑我以應桂語為徵詞甚悖文燦以此再糾應桂曰南中譁傳獻忠由應桂倡言挑禍如國事何下刑部併按文燦謂上欲安反側必重治應桂具獻忠反則激變有人自得脫罪人皆惡其居心應桂對簿不自辯但曰請假臣命一年若不及斬臣頭以謝賊文燦謂應桂露此意于醉後之牘應桂不伏人謂文燦乃獻賊之座主不自白于文燦而移文節撫則文燦洩之以陷應

挂耳

丙辰進宣大總督盧象昇兵部尚書

南陽知縣何騰蛟練鄉勇二十四營賊至即殺又收用左帥叛兵邑人賴焉遷兵部主事御史李雲鳴以為靖中州亂非騰蛟不能疏留之不許

戊午賊破光山南關己未逼羅山

山計論曰有云破南城未知光

也世俗多混用未如即城門否

庚申以陳新甲為兵部右侍郎兼右僉都御史總督宣大山西軍務嗣昌所薦也

秋七月壬戌朔癸亥陝西監軍道樊一衛督副將馬科賀入龍等自陽平至白水蜀將羅尚文副將孔全斌等兵亦至同擊

闖賊斬百餘級賊奔大堤

張任學至羅山督叅將羅岱同左良玉擊曹恭紫薇呈順義王射塌天諸賊追殺五十餘里至何家塘樓家店

甲子熊文燦擊賊葉家店斬三百餘級賊遁確山

乙丑賊自羅山奔遂平聚于城南黃得功擊破之

上見熊文燦大言無實戊辰下詔誚讓之曰三軍所重惟威與斷熊文燦事權在握諸將多逗遛養寇卽縣之被賊者隱匿不言不能嚴黨賞罰行刺舉徒盛氣謾罵恣睢浮淺何以御人且進止機宜輕言寡斷軍之所大忌也如不懲改欲以身試法耶上于秦督用璽書封蜀人所上章示之并以諭曹左二帥曰廷臣言秦將吏失亡多皆有狀朕以行間暴露良苦姑

賞其罪今洪承疇五月不能平賊展期一年一年者謂今冬即抑何時也詔書恩貸不可數得宜速以時進兵兩人得讓皆悚懼

丁丑以馬科為寧夏總兵

河南老回：混十萬八大王等人馬強盛以其衆箕踞而西關吏以報將士失色孫傳庭曰我國將討之今送首可勿受耶持兵出關嚴陣以待賊恃衆直前傳庭揮兵擊之賊拔營奔去

八月辛卯朔陝西總督奏關中賊盡命出關征豫楚賊傳庭約文燦道立合力卒無應者待久將士疲乃遣總兵曹變蛟原任總兵王洪往西鄉令遊擊孫守法防南山口自以兵還西

安

分揚燕恩領十分之一于孫公今日讀之稍解推曾泣血矣

科臣李清李希伉御史羅

起鳳皆奏文燦道立坐失事會

禍根在副昌不殺之必至亡國

朝士河南劉

之鳳等皆力言招撫非策上亦見關中督撫事有成畫文燦

絕非其比各副昌所薦失人

兵事不可微梓護目用之副昌用護副昌所用之文燦蓋欲爭

勝于黃石齋軍亦居道固如是乎

馮賊在南鄭縣南江外之平河大山樊一衛左光先兵至南鄭

又兩山各成溪半月不能進甲午出兵乙未賊望見逃入深

山追斬三百級擒其老管隊黃鵠兒陳虎山賊入南山暑雨

奔馳病者眾出王即口渡江左光先擊敗之追六十里斬二

百級擒三十餘人王即口去成固十五里一衛遣兵截巴州

通江之路督馮科賀人龍等合川兵入險追擊賊疲甚不得

四流遂盡出川北向階州文縣成縣徽州及西鄉皆有官兵
曹變蛟以兵扼思渡河要路左光先在漢中夜渡江斬二百
級闖賊初有黨男婦三千人至是存半遂東奔昇仙口及朱
陽關皆有兵不得過張妙年祁總管等皆降
壬寅太監劉元斌請收河南土寨沈萬登等用之軍前許之
癸卯江北賊自紅縣破睢寧

己未曹參合過天星托天王十反王整齊王小秦王混世王整
十萬革裏眼等于陝抵靈寶南走內鄉犯襄陽

河南巡按徐一范奏值可勦賊之機會具能勦賊之物力俱以
招撫廢閣九月辛酉朔熊文燦至襄陽賊左金王革裏眼射
塌天老回曹參順天王等據險焚掠諸將晨見請曰數月

勦撫不決今將吏憤踴致命肯令秦人獨擅其功耶文燦謀分其兵乘便掩襲盧九德曰兵分則力薄一處失利全軍必搖莫若厚集一路并力擊之勝則餘衆瓦解矣衆曰善乃以道臣張大經監左良玉陳洪範之軍通判孔貞會監滇兵副將龍在田之軍擊賊于雙溝鎮大破之斬二千餘級曹拯等九營奔均州射塌天以黨三人走光山固始

壬戌賊破五河

丁卯河南遊擊羅岱擊賊于宜陽之運家莊

壬申命洪承疇傅宗龍協勦蜀寇

乙亥羅岱擊賊于鄭州之雍家莊斬千級

河南叅將孔希貴與左良玉擊賊于中牟之馬坡斬百六十級

混十萬犯永寧丙子河南遊擊宋環擊之于祥符之杜家莊斬
七級賊遁去遇山東總兵倪寵之軍于滄德乃率衆詣新鄭
乞降

御史謝紹芳奏宜乘入川之賊未返亟擊滅階文之賊又奏獻
忠既降須令立功自贖部衆數萬宜置于房竹間開荒自給
楚撫以重兵扼險毋令得入洞庭江撫駐兵扼守毋令入鄖
陽旨令熊文燦調度

辛巳墻子嶺青山口失守京師戒嚴令宣大總督盧象昇主軍
事衛京師

冬十月庚寅朔盧象昇以兵三萬扼昌平象昇欲戰本兵楊嗣
昌與領兵太監高起潛合謀內外沮撓之

戊申御史郭景昌以東事調度失宜劾楊嗣昌且曰庇一熊文
燦煽禍七省私一常道立流毒中原宜誅之以正誤國之罪
不報

洪承疇謂孫傳庭曰我曾與闖賊戰羗中知其伎倆已令曹變
蛟馬科逐之階文將由岷洮舊路入陝且至矣賊至必走潼
關原公當設伏以待可使匹馬無脫者傳庭從之每五十里
伏一軍變蛟自奮長刀斫賊：戰敗走至潼關原伏發亟走
欲休息炊食伏兵又起如是累日困甚大亂自相蹈藉變蛟
等以官軍跳盪馳擊死者蔽地賊棄馬上山：中人遮險盡
擊殺之闖賊棄妻女與劉宗敏等十八騎逃伏峭函山中是
時曹家兵最強諸將皆倚為重賊聞曹將軍喪魄

北舉大曹
與日于九

原變蛟每戰輒數日不食與士卒同甘苦能用降人得其死

力收得闖賊親近周山厚遇之每臨陣山必挺身叱賊曰吾

在此矣爾欲何為莫不錯愕退散計論曰闖賊入蜀人三十

紀以為數萬誇也轉我半年矣
可知兵紀不出三月之語亦証

十一月己未朔洪承疇孫傳庭奉詔入衛以白廣恩左光先馬

科柴時華張天祿尤捷崔仲亨賀人龍劉光先王存仁王孟

顏金守亮李國禎阿吉素等率兵出關以丁啟睿為陝撫鄭

崇儉為總督

曹搵羅汝才在均州知闖賊已破聞洪孫兩公以兵出關謂為

勅已大恐率其黨八營一丈青小秦王一條龍過天星王國

寧常國安楊友賢王光恩告武當山太和宮太監李繼政乞

降繼政為移咨文燦許之汝才猶豫未決房令郝景春身往

諭之以劉國能為徵乃以其眾詣軍門降文燦會諸將大宴

汝才等及所部于迎恩官署供費不貲奏授汝才遊擊分駐

之于上庸房竹溪保康唐汝被賊久閑田甚多且以駐之使遠于獻賊自言不願受

官領糧頗為山農耕稼自贍而潛與獻賊相應初降自必反劉在處置得

宜獻賊據穀城屯群盜于四郊文燦束手無策鄭撫戴東旻

曰賊有野心不可不早為計文燦不聽

編修楊廷麟以東事劾本兵楊嗣昌丙寅改為兵部贊畫主事

赴總督盧象昇行營嗣昌陷之上信而行之也

戊辰高陽破前督師閣部孫承宗及子柝死之

癸酉衛水武邑棗疆雞澤文安霸州阜城相繼破辛巳威縣破

魏漢王送古堂藏書

總督勅餉傅淑訓罷張伯鯨代

鄭陽撫治戴東旻奏曰荆襄重地暫處一西營已不勝隱憂今
數省大寇環聚二三百里羽翼已成號召如意將有不可言
者然各賊盡聚鄭地四面合圍有釜魚穿獸之勢以理臣各
鎮現在兵馬再合督臣承疇發秦兵繇興安馳赴協同掃蕩
渠魁授首脅從盡散無家可歸者隨地編藉此實蕩平之機
也時孫傳庭洪承疇劉元斌盧九德皆入衛京師朝議文燦
獨力不勝已之

十二月己丑朔上入揚嗣昌請欲以孫傳庭代盧象昇嗣昌不
令象昇得解去與閣臣薛國觀面奏臨敵不可易將乃奪象
昇兵部尚書以侍郎總督辛卯命大學士劉宇亮督察各鎮

援兵

丁酉深州破平鄉南和沙河元氏贊皇臨城高邑獻縣相繼破
盧象昇兵不及萬敵兵甚盛象昇與之戰于慶都斬百級上又
切責乃分兵援真定自以五千人往保定決戰高起潛走臨
清不相援兵乏食象昇北向再拜以死誓衆兵皆泣兼行至
賈莊遇敵射中一騎敵合圍我兵疾擊之敵退象昇曰敵必
復至次日戊戌與虎大威楊國柱衝敵陣身中二矢二創馬
蹶被殺年三十九大威國柱潰圍出千總張國棟以報嗣昌
欲沒其實國棟不可拷掠脩至終不易辭曰死即死耳忠臣
力戰死敵而以為逗留退怯心可欺乎高起潛亦惡言象昇
戰死嗣昌又遣帳下三人訪之還報死狀嗣昌痛杖之二人

語摸稜有一俞姓者曰盧總督費戰死不可誣也竟以杖卒
順德知府于穎覓得其屍刀矢紛然麻衣血漬士民祭而哭
之楊廷麟以事聞時死狀已明上入嗣昌語猶謂死由調度
失宜所致諭四年嗣昌死言者追訟其寃乃予祭葬贈兵部
尚書謚忠烈楊士聰謂盧公之突陣覓死由嗣昌譖于內起
潛迫于外計不返顧

北都援兵大集無不觀望逗留乙卯東昌陷又連陷昌平寶坻
平峪薊州霸州景州趙州清河良鄉玉田

辛丑混十萬紫微星等屯于信陽之洋河店龍井店蘄水之六
廟柴家河松山

初馬士秀杜應金以八千人降左良玉處之許州良玉及諸將

之人口貨財俱在馬左久征不歸士秀應金在軍中偽請急
歸夜半兵從府第出燒南城樓劫庫殺職官教人挈其貨投
李萬慶

戊午老回：葛歷延順義王順天王等營于蘄黃羅田間之三
里坂乞降以其間破滴水巖楊家寨

賊黨劉喜才殺順天王降于信陽道宋一鷄
兵部尚書楊嗣昌以勦寇逾期自劾

懷陵流寇始終錄卷十二

吳江戴笠耘野

崑山吳爰修齡

十二年己卯春正月己未朔庚申濟南破副總兵祖寬被逮死
西市巡按郭景昌埋死屍收得十三萬景昌劾本兵楊嗣昌
計畫顛倒以致名藩陷沒禍及宗親上怒下景昌獄中上
書再奏嗣昌罪云其父楊鶴已誤國然猶庸拙未嘗報怨于
吳姓嗣昌姦姦構高起潛內外夾攻使盧象昇發憤戰死
後又欲毀其名節天下之人切齒唾罵唯皇上不知其事耳
自今流賊正橫而中樞如此必至假手流賊屠戮忠良以禍
敗國家皇上至彼時而後知其姦惡事無及矣上覽疏愈怒

景昌克軍

壬戌左良玉擊賊于隨州

青縣破

甲子武昌監軍道袁繼威以辰_州兵擊老回：次日至馬鞍山

丙寅至白雲寨賊奔三里坂官軍追至油河嘴賊又奔商城

射塌天屯于德安之千石畝老回：營于黃陂之木蘭山栢木

港戊辰楚撫方孔炤以都司楊大相等分道擊之乙亥老回

回等屯于信陽_州之欄杆店又西移平昌關九營官軍擊敗

之

甲戌東平破乙亥莘縣破又連破營立館陶

壬午南京兵部尚書范景文劾揚嗣昌罪削籍李邦華代

癸未河南巡撫常道立削籍以山西叅政李仙風代之道立貪穢持軍不律本依文燦取容又恐撫局壞連及欲先自異會議裕州時潜伏唐泌間賊去乃出遇零騎殿者懼墜齒相擊陳永福嚴陳以待賊自去道立報大捷揚嗣昌惡之驗與劉盧二內侍所報異下巡按覈實又令科臣解學尹深文劾之上怒推舉主嗣昌兩月前奏其功無以應也十一年十二月道立調左良玉之兵于陝州賊乘盧氏空虛遁入內浙熊文燦乘此劾之遂逐去

改編修張縉彥為兵科都給事中縉彥為清澗令調繁皆在賊叢中無日不攻圍能拒守城皆不破在朝言兵事屢中窾上欲用之故改官

孫傳庭已督真保賜劍丁丑進兵部右侍郎兼右都御史傳庭
與洪承疇同入援承疇兵多道亡到又遲有詔迎勞召陞見
諸將皆有賜傳廷先至不得朝坐軍事得公罪忤中官意降
旨切責心快：以失聰辭位上主先入之言怒甚後竟以托
疾欺罔下獄東事無裨西事自此大壞矣

慶雲東光海豐連陷庚辰冠縣陷癸未壽張陽穀被掠
二月己丑朔楚撫方孔炤率兵擊老回：於木蘭山大破之
己亥馬士秀杜應金復降于左良玉

華裏眼射塌天等東走合于混十萬分掠信陽光山

壬子蘇松巡按王志舉劾本兵揚嗣昌調度無能封疆壞極上
責其借題自護

丙辰劉國能降

老回：請降于監軍道孔貞會未決韋裏眼射塌天東行合之
分掠信陽光山

三月戊午朔上欲顯擢劉國能以風動其倫手詔下兵部予官
其部曲有功者分別陞授獻忠能率衆圖功者視此蓋左良
玉入援北上恐國能留則有變挾與俱行也

甲子韋裏眼混天星集于固始黃河守兵嚴不得渡

戊辰敵兵出口凡深入二千里破七十餘城惟盧象昇曾與之
戰嗣昌既不知兵又知上自用每得一敵信必審酌機宜上
聞候旨指揮得旨而後報又至前說不可用矣自軍前至得
旨必十餘日與兵形不合諸將束手是以殺掠視前尤甚

庚午革裏眼等攻霍丘

六安兵北去衛京師壬申群賊趨六安息馬茶山謀度夏

督餉侍郎張伯鯨以寇漸平餉重民弗堪請汰兵不許

主宗慶功罪未行點陟欲法行自上甲戌天學主揚嗣書奪官視事射塌天西行熊文燦調左良玉移軍新野由郭家灘趨南陽賊

保唐縣之姚梁辛巳官兵分為三金聲桓曰我志傳定邦為

左軍李佑何日德何大傑陳光裕為右軍王修政許謙亨審

崇節為中軍左軍進擊賊敗突入三山追奔五十里王修政

武力絕人乘勝趨利挾矛躍溝馬陷于淖賊攢刺之傷胷墮

猶殺數十賊乃死陳國泰等五人皆戰死中軍盡沒賊乘官

兵之勝邀其乏謂之打倒翻官兵常墮其計文燦收左右軍

舟使良玉覺敗至內鄉

時楚賊俱至河南總兵張任學奏五日八捷三月十三日遊擊
宋懷智破賊于陳州之里口都司孔道興破賊于遜母口十
七日賊犯襄城紅白旗王應龍破賊于穎橋十八日恭將尤
之龍破賊于紀家廟十九日將官李鏡忠破賊于蔣營宋懷
智破賊于霍堰店都司靳茲瑄破賊于黃虎灣二十二日副
將羅岱與之龍懷智茲瑄破賊于葉縣之黃山討論曰此奏
縱誇必非全
虛矣吳紀何
以極試任學
是月上台問楊嗣昌丁啟濬何如人嗣昌曰承疇傳庭久與共
事皆稱其才必可用上頷之因進曰知人實難卽撫戴東旻
前在河南監左良玉軍為著節勞臣今撫卽功效不進上曰
苟知其不可宜核之因諭誰可任保督者時孫傳庭以病請

忤上意思易之也嗣昌曰傅庭才可惜雖有罪宜激使自贖
今易傅庭難其人承疇陞見時亦以傅庭請上默然

夏四月戊子朔安廬巡撫史可法丁憂鄭二陽代

鄭陽撫治戴東旻罷王鰲永代獻賊反後東旻以梗撫議下獄
瘦死

順天王既為劉喜才所殺其黨推改世王王為長辛郊左良玉擊破
改世王及射塌天于河南之鎮城射塌天退屯內鄉依山負
險連營百里取食民麥欲降畏誅不決將奔合獻忠

滇兵副將龍在田擊破老回于固始斬三千五百級信陽道
宋一鷄置毒誘賊死者千人

戊戌大賊射塌天李萬慶降辛巳十一月死節襄城者也文燦

恐有詐使陳永福等以兵迎之萬慶退遣劉國能往偵且諭
降萬慶望見馳就國能賀其貴顯且言為賊久慚且歎實意
欲返正為朝廷効死得立名節以前拭生平過惡即遣其副
朱國強隨國能見良玉言許州叛人于汝虎為梗請縛以自
明遂執汝虎以二十四哨各一二千人降處之內鄉城
下萬慶請自効得比劉國能見賢思齊視彼請孔孟位公相而諸洪公殺盧公者何當天壤
文燦給以餉予官守脩辛亥混十萬馬進忠亦降于良玉賊
自孫傳庭潼關之勝兗勢消沮惟李萬慶馬進忠輩裹眼老
回尚強而萬慶稱首至是進忠萬慶馬士秀杜應金劉喜
才皆反正賊徒傳相恐動皆無固志計翰曰此為寇事之策六節若文燦不然貨不
救獻賊之忠處置其黨得所誠有太平之望

五月丁巳朔己未河南總兵張任學破賊于固始斬六百餘級
革裏眼走商城別賊走光山

庚申楊嗣昌薦四川巡撫傅宗龍自代徵拜兵部尚書邵捷春
代宗龍

命李昌齡鎮延綏

壬戌獻賊復反于穀城獻賊既襲據縣城不放兵不應調不入
見制府巡按林銘球至橐駝迎境上亦能跪拜文燦多取其
貨遂怒生惡心日夜與潘獨熬輩密謀造伏練兵立闕于河
權稅為餉反跡大露左良玉請擊之曰賊利野戰不利守城
出不備擊之人有駭心糧無後繼諸部觀望必不齊心賊寡
我衆賊散我合攻之必拔襲之必擒一失此機後悔無及琅

賊能將也若不設督撫專任賊事其破滅也久矣

文燦苦禁之至是竟反穀城知縣

桐城阮之鈿仰藥未絕索印不與死之賊居穀城久不甚屠殺書壁以告楚人言反由總理酷取其貨具列上官姓名疏取賄多寡日月且曰唯襄陽道王瑞海不取一錢初文燦出嶺道經廬山見所善僧空隱語次知文燦必撫賊誠勿取貨至是果以貨敗鄖陽所屬皆灌莽房令郝景春召民收保城野粗完羅汝才依之耕牧獻賊欲汝才同反攻房：有卒二百人景春子諸生鸞時稱萬人敵見汝才說以不可同惡汝才唯：知其心變與守備楊道選授兵登陴斬賊將于城下庚辰獻賊曹賊合兵攻城呼曰予我城保無他也以張大經檄諭降景春罵之鸞戰且守使人詣文燦求援十四往不報

發大銃下礮石賊多死傷守五日賊負板掘城驚走殺之擊

獻賊傷足殺其驍騎兵民俱奮

時文燦唯戰慄耳費則賊偵
困于壘城之下

得獻賊卧處驚欲夜突擒之守門指揮張三錫文燦所遣以

監降衆者也乙酉開門納賊張大經欲景春同汙使賊脅降

不應賊殺餘官以怖之景春驚益奮罵與僕陳宜皆死之均

州降人疑懼王光恩奮曰丈夫須自立獻忠反而我隨之是

下人也唯群子能我則不能衆憮然稱善衆請軟血光恩遽

齧指出血曰此不堪軟耶王國寧亦然惠登相常國安揚友

賢皆決誓均州通房竹之要地三王國寧請守分水嶺常國

安請屯江廟惠登相請屯白果樹三人兵強故敢自力王光

恩揚友賢武自強為之輔約曰賊至痛斫之光恩上書制府

恩揚友賢武自強為之輔約曰賊至痛斫之光恩上書制府

欽定四庫全書

以自明請同力擊賊又告李維政使奏上知降人中有願為

國家死者已而五人脅于賊唯光恩誓死不染事聞文燦削

官戴罪自贖

計論曰此為冠事之第六節。有謂賊殺林銘球者誤也次年四月銘球薦馮雲路學行

癸未山西按察副使魏士章請遣京官搜刮天下錢糧充餉從之

是月上出三十萬濟餉命所司他日償之

六月丁亥朔

獻賊既據房縣窺襄陽聲言走漢中己丑文燦請以方孔炤防

荆門當陽鄭撫王鰲永防遠安江陵巡撫丁啟濬蜀撫邵捷

春各嚴兵守境而秦督鄭崇儉提師合擊陝西兵多隨洪承

疇北行惟崇時華中道還其肅崇儉請還曹變蛟于秦軍上

不可崇儉檄延綏寧夏及時華兵皆不至出師士馬單弱李國奇在秦抵以千人趨命步卒八百梁于略陽剽瑞王國租秋七月丙辰朔川撫邵捷春屯兵于呂之思路溪賊屯螺螄舖砲傷賊將下得海

丁丑獻賊入山文燦遣良玉追擊之良玉謂路險餉艱不可追

文燦身入禍門不暇審計強使行辛巳良玉以羅岱同發良

玉易岱為前軍而隨其後去房八十里至羅換山皆作羅換糧已

盡兵食樹葉羅岱與副將劉元捷分進州木蒙密至連山坡

伏兵四起岱馬足挂于藤斷之蹶復進敗棄馬上山矢盡被

執賊磔之良玉大敗奔還失印棄軍資無計死者萬人事聞

良玉戴罪自贖岱贈官良玉具記前後與文燦論兵事語以

聞于朝嗣昌念良玉無罪故其督師急為請挂印又致開縣

之敗以羅岱故張任學華職

計論曰良玉止載罪任學不在行間而華職者舉朝庸：姑其

越祖自見也國事尚可為哉

回賊屯浙川縣令郭守邦知其中改世王許可變安世王胡可受有善意遣庠生王霖招之可變隨霖至可受猶被格

揚嗣昌自念專主寇事以得上寵薦文燦招獻賊既復反咎將及已請自行以塞上意上既奪廷諭用嗣昌恐諸臣究文燦舉主無辭于天下亦望嗣昌立功以靖眾口亟許之嗣昌薦左良玉為挂印大將張克儉等為監軍合練餉勸餉為一以

濟軍興無不從請

計論曰宰相督師與君王親相親此行國威盡傷國力盡竭民亡必矣

八月丙戌朔壬子命大學士楊嗣昌以原官兼兵部尚書督師

討賊賜劍

太監劉元斌總兵黃得功以兵歸浙川掩賊後副將周遇吉刀
明忠當賊前陳洪範以兵會之己酉至小黃河口遇賊恭將
馬文秀偏將曹雄張召等進戰賊退登山呼曰我胡可受也
昨與許可變同約降矣將軍至請歸命遇吉駐馬受之老回
回屯王家寨守禦甚嚴孫應元馬文秀擊其南黃得功林報
國擊其北河南兵守鎮平之華陽關賊不得肆大敗斬首千
級老回：遁去元斌至浙川露檄除可變可受罪予官選精
銳四百人給糧餘散遣之上疏自張非殺城比文燦以此勝
有生望謂洪範曰賴將軍得紓死獻曹欲入陝西鄭崇儉以
副將張應元汪之鳳

谷作鳳

賀人龍李國奇守興安賊南犯興

山太平等縣屯于永寧關大巴山分水嶺分水嶺在西鄉南二百餘里秦蜀之

交又分兵一從義溪走馬家洞沙子嶺窺通江一從鹿耳坡

高竹坪窺大寧川撫邵捷春以副將王之綸方國安兵二千

守險戰于湯家壩之綸力戰不能支都司何翔明戰死裨校

多傷討論曰近巴嶺者通江也吳紀以為合江誤也

九月乙卯朔給督師楊嗣昌揭賚銀四萬兩賞功牌千五百面

蟒紵緋絹各五百段督撫鎮俱聽節制便宜行事庚申陞辭

賜詩祖宴

是月蜀將方國安岳宗文譚鈗破賊于三尖峰又破之于黑水

河獻曹分軍自白水之碧魚口入秦通江之蕭家坡入楚文

傑自審禍及群帥不受調發不知所出張縉彥奏秦督鄭崇

儉兵一譚舟譚駐師興安莊無進取總兵陳洪範逍遙何地
左良玉掌河南總兵關防未見成功河南總兵慮否別推用
河南巡按高名衡劾文燦表用之監軍孔貞會以撫愚文燦
貽禍國家嗣昌在道䟽爭之且微探上指輕重曰流寇支蔓
不可勝誅熊文燦受命以恩信納降楚豫江淮十得六七獨
獻忠再反八營惶惑遂搖西附以敗岳成之功今以一青廢
置并所用之人而訾警之庸為通論文燦亦自辯上不省
癸未督師嗣昌至襄陽入文燦軍

冬十月甲申朔督師嗣昌大誓三軍方孔炤左良玉劉元斌自
當陽陳洪範自鄖陽來會嗣昌固有口加以將相威重述上
語申訓誡又自以受厚恩誓必滅賊誅賞必行副將以下皆

失色退與文燦語頗尤之文燦訴餉負六十餘萬無以使人
而新附諸人不從逆均州五營雖亡去其中多思自拔者嗣
昌疏聞張伯鯨以乏軍興貶官司官王揚基等白衣視事先
是御史張肯堂奏自今有以以撫為勅立說者議出編氓行
伍以教姦細論道將紳衿以通賊論督撫以誤國論故嗣昌受
命以勅賊自任甚力

初革裏眼左金王撮金王爭世王邢紅狼等賊掠葉縣圍沈丘
焚項城聚光山縣之七里鎮花山楊藩橋等處連營百餘里
副總兵黃得功與張琮乃明忠以禁軍從縣西進行九十里
踰山越險丙戌黎明抵賊巢賊大營已移銳賊還關前鋒射
殺賊將二人知光山吳敏師齎糗構至士益奮追奔四十里

斬首一千八百級嗣昌稱詔頒賞

彗星見傳旨修省

逮熊文燦下獄治罪

丙申兵科曾應遴奏陳洪範輕信五營之兵遣將官馬廷寶徐啟以兵百二十為彼協助今并為賊携去洪範亦幾被虜陝督鄭崇儉奉旨協勅出門而兵譁畏賀人龍之兵惟恐麾之不去

丙午左良玉挂高平賊將軍印良玉在行間且十年僅掌河南總兵關防羅漢山失事待罪嗣昌知良玉才欲收其用表掛印良玉既為大將耻一察韃禮見以書來謝嗣昌銜之屬意賀人龍面許之印乘其戰勝時亟請加官良玉覺之後于瑪

瑤山之戰違令立功印不可動人龍又以食言恨嗣昌致開
縣之敗并陷襄陽

是月武昌分守道袁繼威擊降李瘦子以功轉鄖陽監軍道
十一月甲寅朔是月嗣昌辟永_州推官萬元吉為監紀元吉不
應嗣昌奏請之旨以元吉為大理評事赴軍前

王國寧常國安脅于獻賊不忘反正以千人五百馬舟自歸願
從左良玉得比李萬慶嗣昌受之處其孥于樊城

十二月癸未朔庚寅_州道李一鰲汝南道劉正衡遣左營將
廖應登李自春擊左革于雙河口斬五百餘級

辛卯嗣昌調副將黃得功以京軍討河南賊

嗣昌傲楚營將楊世恩羅安邦沅營將尹先民蜀營將王之綸

同擊曹恭沅蜀兵不時至世恩安邦獨進射曹恭墮馬殺賊
千餘進至陽浪坪孔焯再奉督師檄令撤兵回遠安辦糧復
進不聽又進至施家溝安邦欲逐世恩以監軍羅維新曾譏
其逗留怒不肯退壬辰上羊角山絕頂之香油罈為賊所截
無援兵糧盡水絕二將力戰殺賊千計矢盡刀折罵賊死之
時嗣昌已檄孔焯往襄陽二將敗嗣昌諉罪于孔焯罷官充
軍以宋一鶚代之巡按方承詔奏世恩安邦兵雖敗績而忠
勇難沒孔焯不自辨為二將奏其事皆予卹
兵部尚書傅宗龍下獄初上甘張鳳翼之事：請命故又置之
中樞死後姦賄畢露臧怒欲發洪承疇請推總兵劉肇基部
議不許上以為索賄也責以違旨藐抗故意阻撓輕視封疆

宗龍革職下獄欲以大振法紀大臣小故被重譴舉朝戰栗
嗣昌在軍中聞之亦心動
是年畿內山東山西皆大飢

懷陵流寇始終錄卷十三

吳江戴笠耘野

崑山吳文修齡

十三年庚辰春正月癸丑朔壬戌左金王革裹眼南營八大王
老田：搖天動合兵屯蕪_州何家鋪馬賊數千攻熟米寨丁
郊漕督朱大曲所遣淮兵至奮擊敗之迨十五里至涼亭斬
七百級夜賊劫營有備復敗之田革善購土人為間諜星卜
市販之流多為所用官兵多則竄伏少則迎敵搜山清野則
突出郊闌及列陣平原又負險深菁賊為主兵反為客是以
多敗賊偽為官兵給掠土寨而兵之淫掠不下于賊故寨民
見戎服者至不問兵賊設弩射之兵勢益孤懷寧阮大鍼與

鄭二陽書曰大湖西南四十里為茶巖山：有二卽河之
右有山曰梅得坂寬平三十里民有餘糧上距黃梅中離宿
松下去大湖俱寥廓隔絕官兵進勦賊每據此抄絕餉道四
面進攻為難吳淞兵及潘程二將之敗俱于此地止可劫營
設伏而不可以屯也大湖南走望江有香茗山高峻可據大
湖諸生黃上襄建大堡于山下周三十里大湖望江俱藉為
聲援河西有土城地居大湖潛山懷寧三縣之界史撫曾駐
師焉大湖東往潛山平岡大坂傍河多大山有四面小寨張
家冲寨土人張華一陳宗一皆射獵之雄大湖至潛山四十
里潛山無城多山寨最險者莫如天堂地控三縣之界人多
可用大湖北抵蘄州百餘里至英山五十里名朱棗峻嶺別

一道抵霍山界則二百里繇禹山出潛山地名朱紫關中有
司空山寨山下左右多大坂左曰白沙坂平廣三十里米粟
甚多賊每據此以抗官兵大湖有龍山羅溪河嗟峨寨最險
惡與潛之羅家庄通又上六十里羊角河十八澗焦山寨烏
雲寨亦最險通潛山之泥潭又控英霍小路丹上則薛家河
老潭峯妙道山此山高大居潛山大湖霍山三縣之界又進
則進河禹山矣兩路俱夾司空山故司空山控潛山大湖蘄
州英山霍山五邑之勝環司空遠近有大潑寨三十寨黃栗
寨司空寨山脚周圍亦有十餘小寨其餘山寨百餘山中之
民喜射獵少壯精悍輕足善走虛機藥弩往：殺賊偷馬為
賊所畏近因市租為害人皆懈于敵愾但能申飭山寨收羅

英勇授以方畧為官兵鄉導羽翼則滿地皆兵也賊之破寨每假官兵以賺之而兵之擾寨不減于賊故寨民不論是賊是兵槩不容納宜召其寨長與以暗號待臨期比驗取信但有纖毫擾寨立梟以殉其各寨有利賊金繒陰與相通資以糧畜者即洗勦之則結寨者皆良民所結之寨皆堅壘撤川楚之兵營于天堂司空兩山最險之地各山隘口咸以木石壘斷之地砲弩床緣險張設偵賊所入從高瞰下憑而殪之環山四攻豫師從光山固始攻其北淮師從舒城六安攻其東皖師從潛山大湖攻其東與東南楚師從羅田麻城黃梅廣濟攻其西南而禁旅三千屯霍丘之開順以為防遏則賊可盡也

丙子以陳新甲為兵部尚書

嗣昌以賊勢獻忠為重必先討之是月大計兵食于襄陽立軍

府監以道臣張克儉濬重池設機橋門置一副將驗文移出

入餉百甲仗累鉅萬申明號令會師于射堂斬後期者與安

路監軍殺太白

計論曰有載是月嗣昌發兵十萬入山擊獻賊
獻使賀白虎詐降嗣昌廉得其情設伏以待

獻未刻營大敗之者終也間月方發兵
有二月馮瑞之長何曾正月有兵事

閏正月癸未朔河南賊皆至湖廣敕留宣府潞澤兵防楚合淮

安：慶兵擊左革諸賊

湖南人善用鉅頭形如丁字橫板闊厚能拒馬遮矢石槍弩以

衛全伍湖南寇起鉅手多入其中寇平伏匿山谷萬元吉知

其可用言于嗣昌即令元吉往募得千七百人泛洞庭而北

壬寅至荆門

通鑑為梁列陣數十里其張而進胡三省曰列宿之象其張舒其宿四星下二星宿而相

近上二星用張列陣前後扶故曰其張即合軍中言紀頭也則如此其之在行間其未久矣

乙巳左良玉以遊擊馬進忠等擊獻賊于枸坪闕敗之良玉請從漢陰西鄉入蜀追之嗣昌令鄭從儉率賀人龍李國奇之兵從西鄉入而以良玉駐興平安利發偏師追賊良玉知嗣昌不使立功自以兵竟發嗣昌移檄問故良玉飾形勢利害為辭以答嗣昌不能難

辛左屯何家寨連營于黃岡蘄水間丁未黃得功與副將林報國等擊之賊遁官兵追至羅田之三里坂又追至白雲寨賊屍盈野距蘄水百里賊入大山不可窮追

曹嶽既擊殺楊世恩于羊角山與其黨結營于歌馬大池之間

續通王述古堂藏書

出沒興山遠安南漳房縣楚撫宋一鷄發兵禦之辛亥賊分
四股而出一股由下河口步崆口焦洞口至三會口一股走
羊頭坂出大昌一股由五溪一股由黃泥坂透關口時入川
者九賊曹恭過天星花關索整十萬掃地王小秦王金翅雕
托天王

獻賊屯太平縣之大竹河良玉屯魚渡溪崇儉兵亦至獻賊移
營九滾坪又移營瑪瑙山糧盡遣人四出抄掠不得糧即殺
之所遣賊窮投良玉二月壬子朔戊午良玉遣劉國能以壯
士為為掠者以糧歸賊不覺開營納之國能直入奮擊獻忠
脫身遁去大兵踵至短刀四斫賊奔迸填委間壑追奔四十
里斬首二千三百級內有掃地王曹威白馬鄧天王等名魁

十六級張大經死于亂兵獻忠妻妾九擒其七降賊將張一
 川等三四百人得良玉所失敕書此戰良玉功第一人龍次
 之謂獻忠已死索于林莽中三日不得獻忠以殘眾五百人
 已出險去上先以閣臣勞苦行間調遣有方賞罰明信有詔
 書慰勉之者切至發御前賞功銀一萬兩賜嗣昌斗牛服御
 廐良馬金鞍使者甫出國門而瑪瑙山露布告捷上大悅時
 陳新甲進兵部尚書召見賀楚捷上免嗣昌良玉戴罪再發
 銀五萬兩錦幣千疋為軍賞令新甲定功狀促進兵平賊論討

曰獻賊瑪瑙之賊紀者之說不一夫獻則賊喪敗至此必有
 意外之變為尹繼倫之於耶律休哥諾莫馬之于玉保者
 也故獨從中
 氏據報之說

固原道呂大器遣兵破賊于狹岸堡生擒紫微星橫飛虎守備

李茂華千總孫棟梁戰死

討諭日或于此中
有可天飛誤極

乙丑賊掠泌陽

獻賊既得脫餘賊聞而歸之者漸衆丁卯楚營將張應元汪之
鳳擊之于水右霸斬級九百賊走岔溪千江河庚午蜀營將
張令方國安又擊破之令故奢崇明降將年踰七十馬上用
五石弩發必殺人賊憚之

獻賊由千江河之十二灣轉入柯家坪崇山錯峙菁薄綿亘賊
依止其中戊辰張令分兵五路奮勇深入賊來者益衆方國
安遁歸令被圍絕坂中猛氣彌厲挽強持滿發必應弦殺賊
死者甚衆水絕兵渴天雨得濟圍終不解

辛未革左諸賊掠信陽破光州州屯固始安慶麻黃間楚撫宋一

鷄遣郭金城等以兵三千擊之

計論日有紀是日事
曹林為之者誤也

三月壬午朔曹過等賊突至巴東之上寶山羊頭坂

戊子撤各鎮監軍太監高起潛等十三人還京師

鄭襄道張克儉馮軍入川言于鄭崇儉曰張令忠勇棄之何以

使人已丑發張應元汪之鳳從八台山入賀人龍等從滿月

槽入應元先至令方與賊鬪呼聲動山谷内外合擊賊解去

令以五千兵當數萬賊力戰十三日所殺千計終不被折人

皆壯之庚寅秦將賀人龍李國奇高杰等復進兵追獻賊及

之寒溪寺又及之盩井

盩井近
與安州

共斬首一千五百級賊將三

人以所部降楚蜀之兵皆至擊之木瓜溪斬一千三百級擊

之黃墩斬三千級獻賊遁入興山房縣深山中

防守昌寧叅將劉貴遣守備龐來等伏兵于魚注溪尾密溪金班崆以待賊乙未羊頭坂賊至大昌之巴霧河半渡貴躍馬衝陣伏兵四起斬賊千餘不得渡

丙申嗣昌次荆門以步兵立大勒營紀頭殺手隸之以騎兵立上將營諸降丁隸之猛如虎以誑誤坐法袁繼成薦之嗣昌表用為騎營大將

獻賊既遁入深山左良玉屯兵興安平利諸山連營百里兵將憚險圍而守之賊重賂山中入市芻米盜酪人反為之耳目獻賊收散亡養創夷氣稍復久之走白羊山即巫山也

楊嗣昌駐軍夸陵時標兵三四萬幕中衣繼成萬元吉皆一世奇士猛如虎宿將賊有立滅之勢而嗣昌虛浮自用煩瑣無

大畧賦詩飲酒流連山水素好地學每遇梵宮丘壠必訪問
興廢以決中否元吉以為不急廢務亦不敢言文簿細密反
成叢脞軍行必自裁進止千里侍報動失機宜偏裨駕馭難
周經年無所調發將吏解體鄭陽撫治王鰲永因闕門共事
舊誼屢乘間言之終不聽夏四月壬子朔甲寅自解去嗣昌
奏鄭陽監軍道袁繼咸代之鰲永上疏曰賊情瞬息變移檄
文來去動稽時日比至而情形已改又須再請所以有經年
不戰之兵其將自所出奇僅有瑪瑙山一勝若邊督輔之命
則良王之兵坐守興安無此勝矣臣謂督輔之責成撫鎮不
必人、而授之機宜止令條上機宜擇其當否足矣嗣昌又
謂華嚴經第四卷可誛蝗已早下教郡邑且以上聞朝士皆

歎息

下河口賊一棍鬚以萬人至巫山縣境整十萬小秦王花關索
隔籬鷓上天猿等數萬賊掠原博寺等處守隘口將趙祥兵
少奔巫山知縣沈向率鄉兵堅守賊之在平陽三壩者移屯
也三會舖晝夜攻城乙亥賊騎萬餘逼仙女鎮向以鄉兵與
戰小勝之是日嗣昌至夷陵沈向進計曰賊今在巫山若得
由開縣出川北平原曠野豈能夾勦賊之老營與縣城相對
鄉兵守城不畏其攻邵撫院之兵阻河而陣巫山險阻甚多
以寧河為最要自江東嘴至落門鎮守兵四千百子溪有水
可據守兵三千大寧大昌有險可據宜移會撫院發兵二萬
順流至巫山閣部以大兵夾擊釜中之魚可以立盡不能用

五月辛巳朔嗣昌檄萬元吉守夔州諸隘口

曹搆在巴霧河扼于劉貴不得過率其黨死戰貴不能敵賊得

渡河而進

討論曰吳紀謂此中有敵賊謀也

癸未諸賊皆至夔州元吉調守

三峡女將秦良玉以兵還夔乙酉賊十三哨魚貫而進曹搆為殿官兵望之不敢擊

丙戌秦良玉舟行阻風騎而西見捷春元吉于夔州城樓

討論曰有

紀是日負人龍擊敵賊于開縣者誤也

丁酉賊陷羅田

曹過諸盜自夔折山後走屯田涂壩官兵守隘賊無所掠食是

日過天星掠鄭家寨副總兵羅子莘率降將黃虎以仁合營

兵馳擊之追至上下背賊還闕斬其管隊韓延壽獲首數百

級擒數十人過賊走田涂壩于莘還屯土地垵群賊既困欲
奪尖山西走鄭嘉棟張應元汪雲鳳遣都司熊應鰲先以兵
據尖山誘賊別遣陳自興何昂臣以兵別道出襄坪會戰于
尖山

戊戌莘左陷羅田黃梅舉人吳卿奏云左莘諸賊最善傾走官
軍在穎襄彼則奔鳳淮一日夜行數百里往來吳楚必自光
固走高山舖或自英山走白沙河或自漫山走唐家嶺或自
六安走桃花渡北曼關踰險冒阻量我無兵臣意欲改蘄州
道駐兵高山舖汝南道駐兵光固與安池合勅此步：扼吭
計也然賊分則寡盡則賊騎相傾夜則賊營遠哨且賊日馳
二百里酣酒耽色渴睡不醒若將卒勇敢啣枚夜襲賊不能

覺也今兵不殺逆賊唯殺良民搜深山中逃難者割首獻功以愚主將主將以愚監紀監紀以奏朝廷此弊久已通行所當痛懲者也

己亥曹過等攻尖山寨鄭嘉棟賀人龍李國奇之兵皆至合力齊進熊應鰲寨中突出內外夾擊陳自興何昂臣兵復自襄坪至橫衝賊陣中斷騎賊陷泥淖中不得馳突川兵騰躍如猿獠標刀不虛發賊大潰自相蹂躪追逐四十里斬首八百級棄甲仗騾馬無算賊退屯羊橋鈔掠石碛都司秦篆追破賊于留馬垵斬來山虎得級三十賊屯譚家坪水口壬寅川將張世裕于自成曹志耀王光啓與副將羅萬象羅文垣會兵分道並進賊于譚家坪南北山帳幕鱗次望見官兵南山

賊先拔寨衛老營度山去北山賊馳下迎戰官兵奮呼弓弩
仰射賊死者衆退駐山頂嚴守不動官兵分一枝繞出山後
與山前兵齊登諸將下馬躡革履持白梃畧陣兵戰不力者
揮棒擊之緣山逐賊洒汗喘息不休自龍溪追至上田下田
積屍蔽地斬級一千二百賊退屯水口仙寺嶺陡溝子恭將
張令以川兵七千屯開縣雲陽諸隘總兵羅尚文聞秦楚兵
追賊遣令以守隘兵助戰癸卯鄭嘉棟會楚將張應元川將
張奏凱羅萬象羅文垣羅于莘合兵同進嘉棟率恭將賀勇
都司范百勝遊擊童守信以秦兵出賊右應元雲鳳督降將
常國安以楚兵出賊左與川兵俱集嶺下賊于嶺上憑險發
木石不能仰攻嘉棟曰川兵柔不能植陣角乃以秦楚兵當

賊鋒分川兵為左右翼置陣未交遣常國安往諭賊且覘虛實過天星對國安泣下自白作過非本懷國安勸之遂正逡巡未決張令自雲陽以兵至望見谷中旗幟謂陣已交自山後疾馳上過天星見山後塵起罵國安賣友拔刀驀斫國安帶劍走賊張弓奔及競逐國安走迴射之山頭賊馳驟蟻附而下官兵遙見鳴角如墻齊進國安下嶺矢已盡入大兵易馬服矢即出關賀勇閻國卿童守信白顯揮刀大呼擊殺數人秦楚兵雲合刀搥縱錚賊大敗越崖騰澗官兵乘之斬首七百川兵四圍捕散走者斬首三百雲陽前鋒將王祥都司劉起龍降將一條龍遇賊祥先走賊乘之殺起龍部將楊先聲張鳳翔竟騰蛟許成仁皆重傷兵多死張令陷陣中天墮

馬秦兵奪得曹恭大旗擒老管隊什塌天白顯深入賊圍之
力戰突出入川兵營大寧恭將劉貴援之歸賊乘雲陽兵亂
突出走夔州之羊耳山竄七箐坎入于乾溪張令回營卒

計論

曰吳紀張令之
死全似平話矣

過天星屢敗欲走楚過夔州巴霧河水漲不得渡丙午還走下
關城邵捷春在夔州恐其西還檄嘉棟應元雲鳳以楚兵自
夔州出雲陽大道邀賊前令元吉督人龍國奇將秦兵出羊
橋間道疾走尖山以截之夔州山蹊險隘曹過七股賊俱屯
下關連營數萬林樾不勝張幕酷暑毒熱臭熏十里蚊虻草
間人馬俱病乃分道西行曹恭率小秦王混世王一連營五
營從老虎坡走雲陽尖山壩過天星花關索二營自多坪桂

壩走雲陽水碓約會于關寧

計論日次月王子過屯建州南
俱以待會則知所約者南將也

雲陽開縣要隘甚多守兵隨張令去死傷過半唯郭起柱川

兵一千五百設防秦兵輕銳羊橋至尖山路又直戊申人龍

國奇自開縣西行賊知秦兵將至老營先發簡精騎殿後人

龍擊破殿者長駟直進曹搃戰且走至老虎坡逾山人龍追

之夜抵馬溺溪壑賊壘而軍

六月辛亥朔昧爽蕩賊營賊奔官兵窮追不置賊三分其兵還

關秦兵亦三分人馬應之大呼奮擊賊驚潰鬪追奔四十

里斬級一千三百俘獲六百赦一桿槍自來虎伍林隸諸將

為軍鋒

計論日此前戰地只
在夔州西開縣東

壬子秦兵追賊度必設伏乃遣都司李仲興高光榮以輕騎先

駱人龍國奇自將輕兵繼進仲興光榮度平南槽入隘伏起
兩山間圍之數重二將馳突諸賊蟻傳戰方酣人龍國奇兵
至噪而揚塵聲振山谷圍中咄叱斥賊圍開四潰斬首五百
餘級擒管隊攜山虎等十六人曹賊精騎二千降殺幾盡狼
狽東奔與四營合保其婦稚走大寧之小嶺子火陷堽欲趨
房竹

過天星花關索自弓坪走淨堡路直嘉棟應元雲鳳兵不及二
千欲繞出賊前自雲陽過水碓至淨堡路出弓坪背勉困扶
傷比至賊已屯虎頭巖郭起柱川兵營水碓口距淨堡二十
里應元兵未成列賊鳴角張懺陽攻起柱軍陰從淨堡宵濟
屯于南壩以待曹搃捷春跨馬馳至雲陽令嘉棟應元雲鳳

奏凱諸將渡河追賊令人龍國奇以秦兵扼夔隘拒曹恭五營

過天星花關索知曹恭已東竄官兵皆集乙卯還走開縣

丁巳捷春駐梁山鄭嘉棟等追二賊及之觀音閣逐北二十里至臨江共斬二百級嘉棟自臨江馳至開縣令應元等追至竇山遇賊百餘騎擊之殺二十騎餘賊呼托天王請降應元止戰裂帛作書令常國安所部抓地虎持諭之過天星曰必托天王自至乃信也庚申昧爽賊將高守達以二百騎繞竇山來降過賊逐止之邀去者半以七十三騎入轅門皆關西健兒常為軍鋒托天王常國安故稱也

辛酉過天星西走諸軍拔寨追之至新寧西門外賊騎三千不

戰而走官兵三分以逐之降丁高守達輩陷陣深入賊亂稻
田交橫馬足不得拔驚嘶相騰踐諸軍馳而射之驅殺二十
里抵李子坎赤日卓午刀光生烟馬汗成雨泥滑不得馳歛
兵壁于風烈舖共斬二千餘級擒賊將流金鐘金狗兒等

壬戌曹搆等陷大竹

計論曰大竹在齊寧西二百里曹賊在東為賀帥所隔何以能至大竹証以七月癸

卯所紀則是壬戌為之耳

過花二賊自李子坎東奔達州屯于袁壩張應元等自風烈舖
起營次河包寺賊進營石橋丁卯常國安前驅遇賊川兵楚
兵並進攻賊營斬首二百奪其營賊奔還長壩驛官兵追之
二更乃還賊離驛十里設伏溝澗中四山營火出林間螢斷
星移者二十里

戊辰張應元等各以兵搏戰令常國安將紅旗沙浪高守達潛
繞谷中破賊伏還衝陣脇大軍戰方接國安突出掩擊槍擊
競發四圍奮呼賊死者彌山寨間斬首八百生擒十七人甲
仗無算嘉棟兵斬百四十級擒滾地狼等十七人降管隊可
天虎等四十人捷春令建武恭將李上達擊賊戰于老虎壩
殺傷甚衆追至虎子灣賊返兵圍之谷中上進力戰墜崖而
死

己巳都司鄧田追賊至老鷹壩遁去

獻賊既入白羊山聞官兵斬集益入深箐掩旗息馬寂若無人
辛未以二十騎測巴霧河淺深遇茶客挾之去以減口轉入
梁山

過花二賊東奔開縣羅于莘等追及之嘉棟西兵不諳地利因
與于莘川兵合是日二賊長駟向城諸將分營出戰嘉棟將
中軍于莘將左軍固原中軍官楊旭降將也可興一隻虎將
右軍戰于城下斬首二百賊引去癸酉二賊折回南壩郭起
柱以千人迎戰潛遣三百人抄出賊後伏于虎頭巖賊趨利
入伏敗走擒斬七十餘人

嗣昌頗聞獻賊不死遣都司曹進功白顯曹志耀以紅旗二百
騎入山偵之甲戌小舟棹入百子溪又入鉄叉舖小峰口朝
陽洞登極頂四望寂無烟火山民自刈燕麥得賊賂不言蹤
跡乃還

秋七月庚辰朔過花二賊自龍溪渡河走大昌遊擊趙祥陳世

勲黃耀朱王懷忠守備葛起鳳以兵追及之大昌之譚家嶺
癸未賊奔楊店渡河

曹恭小秦王上天王混世王一連鸞金翅鷲屯大寧萬元吉遣
人招之曹恭以香油坪殺二將或不赦死走房縣又至興山
屯舒洞口金翅鷲與曹恭相惡潛降于楚營將王允成王之
綸孫應元癸巳諸將以兵擊賊于香爐峯復擊之于白草坪
豐邑甲斬級二千三百生擒五百小秦王等降乙未曹恭脫

去

計論自有載此中
有滿天星誤也

左良玉進屯竹溪扼興山遠安諸隘分兵搜捕獻賊窘往投曹
恭納之分與人馬軍資

時盛暑諸將士馬居山谷中病死者相繼京兵在荆門雲南兵

在簡坪楚兵在馬蝗坡久屯思歸多夜亡去關河蝗旱大飢
人相食土寇蜂起癸卯嗣昌上疏乞恩請罪上切責之發帑
金五萬醫療軍人二萬賑飢民鄭崇儉謝病不許使以鄭嘉
棟歸陝西留人龍國奇討賊而秦之長武楚之羅田蜀之長
寧大竹皆陷賊嗣昌不得已招降革左全營自歸王光恩說
其舊黨八營來降嗣昌復不能決皆賜去

乙巳左良玉自房縣竹溪興山發前鋒十六哨至大寧

過天星素與獻賊不合新寧陣上已有意返正至是知獻賊復
出曹恮與之合將為已不利決策欲降自楊店渡河屯水田
坪移七坪里花關索屯熊坪左良玉遣都司李萬慶徐勇馬士
秀等襲擊花關索丁未花賊滾：東行官兵分枝抄出賊前

夾擊之賊亂逐北三十里斬首四百擒二十四人餘衆猶六
千四竄良玉乘勝移師七里坪過天星等乞降嗣昌命隸良
玉其黨七十簡精銳入軍籍置其老弱于鄭西以掃地王李
晉王隸萬元吉過天星姓名惠登相後事良玉父子有始終
癸未二月不肯掠池州者也

是月有賊又陷隨州隨屢次被賊堆堞幾平民盡逃亡

獻曹二賊既合欲復入四川嗣昌令邵捷春駐大昌萬元吉駐
巫山縣八月庚戌朔捷春調內隘守兵防巴東巫山諸隘沈
應龍以千三百人守雒門羅于莘以千八百人守百子溪賈
聯登莫宗文以八百人守東坪胡泗高羅洪政以三千人守
巴霧河檄秦將賀人龍李國奇楚將張應元汪雲鳳合川將

張奏凱等會兵擊賊

癸丑張應元汪雲鳳等自達州至夔門營于土地嶺賀人龍在
開縣言之糧不至

時曹恭屯巫山縣北之摩旗山獻賊屯于後山是日元吉遣降
丁招曹恭不得入營布帛書于道而還嗣昌又遣降將金翔
鵬部人飛上天入營招之獻賊日以必死恐鳴曹恭勿降飛
上天不敢輒見其管隊黑旋風致督撫意獻賊聞之言于
曹恭共執飛上天訊之黑旋風棄妻子來降嗣昌賞之更遣
與任有印招曹恭賊意未決萬元吉請遣惠登相往招必聽
不能從

花關索既敗聞惠登相降益懼嗣昌幕府監軍道萬年策遣守

備白良輔曹自賢至白石坡入其營招之花關索見二人皆降將得官遂誓約來歸

土地嶺一營舊兵三千新募二千人龍不至獻賊知應元等無後繼已已悉銳來攻應元雲鳳遣千人搏戰以安民儼勁弓四射殺數百賊降將李長茂射賊管隊劉東陽墮馬獻賊以白搭擊長茂幾墮白顯馳援長茂馬蹶步關死獻賊中流矢降丁張肥射殺秃尾狼小關索兩軍殺傷相當晨而戰日中未決賊分兵繞後山馳下突入營中新兵亂賊乘勢奮擊二將見老營被襲率兵死鬪應元中流矢與長茂率牙兵揮刀奮擊圍開突出賊已至巴霧河應元馳至河上登舟燃滅虜砲擊賊魁墮水羅文垣胡汝高嚴守河水櫃藥弩鱗次射殺

欲渡賊數十人至暮不得渡雲鳳他道走脫小將潘映奎戰死諸將皆自東坪散回巴霧入夜潰并稍集雲鳳戰苦山行渴飲水斗餘卧血凝臆四更卒軍列河上擊刁斗自警幸賊退屯圓渡坪不來攻萬元吉馳赴軍中慰勞戰士哀卹死傷以雲鳳兵屬之應元

乙亥嗣昌見楚地稍靖舟發夷陵西上

群盜擾河南田疇荒穢赤地數千里飢民相煽所在蠶起豫撫李仙風勒兵按行河南發副將卜從善以磁懷兵渡河擊賊從善戰于李家莊斬首五百

革裹眼左金王尖霍山大湖間上命太監劉元斌監禁軍六千馳赴河南北合院豫兵討賊戰于霍山大湖大破之斬首千

餘賊盡竄麻城羅田陷麻城黃梅

丁丑進揚嗣昌太子少保

國推紀是日忠登相降誤也

戊寅發帑金三萬賑真定山東河南飢民

計論日有紀是月辛酉左帥在鄆陽發十

六哨至大昌者非也

九月己卯朔監紀同知許明佐監軍道萬年策舟遣人招闕索

乃出見明佐于壽陽坪遣其副王祥見督師

丁亥獻操過水口夔隘雖設守兵而舊習不改虛名冒糧不發

偵探或將領不在戍所賊得乘間而過

河南巡撫李仙風遣遊擊高謙擊賊謙自禹州趨郊縣是日大

破李際遇申靖邦任辰張斷一日三捷斬首三千三百

己丑督師揚嗣昌至巫山將上雲陽許明佐引花關索王光恩

明倫彙編 事考典 卷一百一十五

謁于舟次光恩率其副楊光甫等數人頓首涕泣請死嗣昌
慰勉之給以銀牌蟒段遣回營候監軍鎮道安置家口簡精
銳從征光恩年二十三安定人光甫年三十鄖陽人其黨多
死傷現存者三千皆就撫于壽陽坪

闖賊既敗于曹變蛟潛伏峭函山中獻賊反闖賊復出舊黨漸
集陝撫鄭崇儉曰圍師必缺且伏兵武關道中縱而擒之賊
竟脫走鄭嗣昌在西陵時王光恩招之同降不聽官兵困之
巴西魚復山中輜重隔絕不得至窘甚求死養子李雙喜止
之闖賊知其徒有意返正乃與李宗敏步入道旁叢祠坐謂
之曰人言我有帝王命汝盍卜之吉則從我不吉殺我而降
宗敏三卜三吉乃殺其二妻曰自此生死從若矣其徒多殺

妻子以從者乃輕騎走河南

初嗣昌檄川撫邵捷春專防大昌外隘大昌有上中下馬渡捷春遣兵守上馬渡遊擊邵仲光謂其地形平濶河水淺涸難守乃于隘前十里水寨頭令百總張問禮以兵百人守觀音巖令守備郭先登千總冉魁以兵三百守夜又嚴守備周良登以兵三百守架上三黃嶺磨子嶺衝鋒嚴廷俊以兵百人守下涌把總聞正道以兵百人守李家灣庚寅獻賊以虛聲縻官兵突入隘口達州李長祥則曰捷春使總兵方國安守三十二隘嗣昌使猛如虎至變助守國安部將張茂選覃思岱不協思岱以通賊諧茂選捷春殺茂選以其兵屬思岱兵不服委去賊從此入諸口驚潰賊既破夔關元吉捷春至雲

陽令方國安截賊于譚家嶺及小嶺于七筆坎乾溪諸處

日長祥土人又與兵事所見必確吳紀謂嗣昌欲
如賊入川再入番嗣昌小人非愚人焉得有此

壬辰胡汝高羅文垣羅于莘賈聯登莫宗文五營俱扎雲興張

奏凱屯淨堡邵捷春又檄羅洪政沈應龍協守淨堡

癸巳曹獻二賊由竹菌坪突過淨堡屯開縣輜重婦女甚衆行

則發哨遠探止則息馬抄糧官兵送尾賊後莫敢截擊

嗣昌劾奏川兵玩寇疎防陝兵譟歸扶餉逮問川撫邵捷春前

陝督鄭崇儉署總兵賀人龍副總兵李國奇等官戴罪討賊

蜀之朝士欲得馬乾為巡撫內閣蔣德璟謂軋鄉科不許會

嗣昌薦川北道廖大亨遂用之捷春有惠政就逮時民巷哭

蜀王為請不聽竟棄市

卻捷春猶在事以楚兵守梁山大道賊見梁縣以下河深難渡
欲自達州過河西走恐官兵守之乃自開縣西行忽東轉趨
達州庚子方國安兵至二賊亦至令其下必西渡若不得渡
盡殺婦稚

是日韋左走英山霍山逼鳳陽

壬寅獻曹二賊以其黨奮力渡達河國安屯城下捷春屯梁山
皆川兵不敢截擊賊既渡達河長駟西入嗣昌命元吉監諸
軍追之

甲辰誅熊文燦

討論曰有紀于十月
癸丑者

陝西兵破賊于函州賊走延安慶陽

督師楊嗣昌至夔州抗州推官楊卓然掛吏議被謫稍遷大湖

知縣以鄉人同姓干嗣昌得為職方主事軍前監紀賊既西
去卓然進計曰回革無紀可先破之以奏成功獻恭既走川
西秦楚之兵強蹙之廬州絕地坐而斃矣嗣昌乃命元吉監
諸軍追賊自東去討回革元吉等諫曰師相親承天語再三
獻賊罪大在所必誅曹恭以下咸許迨正貸罪今舍獻賊而
逐回革何以復命乃止

討論曰主上信嗣昌則
昌信卓然將奈何

是月嗣昌以降人雜處非策乃置小秦王于房縣惠登相及混
世王于竹溪川東道康四海鄭襄道張克儉處分新附日不
暇給賊得免死牌不肯散自擇善地連營數百里河洛大飢
就食襄漢者無數賊雖其中無可揀制克儉憂之以告嗣昌
傲然笑克儉為怯奏上曰臣嗣昌怯懦奉神靈揚威討逆獻

指日授首然後掃除餘孽拜見闕廷上信之出其章示廷臣
兵科張縉奏曰督師奏章前後不符既云瑪瑙山獻忠奔
亡未幾而突出巫山抄掠巴東所在見告既云革左全營歸
命不數日皖將又以陣亡今謂混過束手就撫已無內顧之
憂許歸巫而進師臣不能不慮之也

討論曰縉為清濁令改皆在賊叢中無日

不攻固終不能破其為本兵時國事已大壞不可支矣此奏亦非庸者也

督師嗣昌遣楚將王允成揚文富自夔州東行勅回革楚撫宋

一鴉自興山赴蘄黃協勅十月戊申朔自發夔州西行

討論曰有

紀已酉嗣昌會疑成良玉于鄭陽者無是理也。事案至此豈能兩全革左尺胤且姑緩之而專力于獻賊無奈而算之不然也

辛亥嗣昌移咨太監劉元斌令盡撤京軍出山以護顯陵以張

一龍馬進功拒德安孫一元為遊騎標將張琦駐承天德安
間方應星往來防遠安而盡發王世恭楊智羅成耀蕭應訓
毛顯文往斬黃以夷陵兵三千分屯興山羊角寨以防當陽
遠安之西南以河南兵拒保康房縣簡坪壽陽坪防當陽遠
安之東北

陝賊王老虎至慶陽城下巡撫丁啓濬兵至解去

丁巳陝督鄭崇儉罷丁啟濬代

入川之賊整十萬掃地王小秦王金翅鵬托天王過天星花關
索相繼俱降唯曹恭不降與獻賊渡達_州河西走壬戌破劍
_州甲子趨廣元從間道出百丈關欲入漢中署總兵趙光遠
守平陽關甚固賀人龍李國奇兵又至乃踰昭化走保寧

戊辰副將張應元令川楚兵擊賊于梓潼小勝追之被圍殺二

百人應元兵至援出之賊兵四合川將張世裕曹志耀王光

啟及段氏三小將揮兵死戰賊退降將掃地王張一川張得

壽揚載裕陷陣被擒賊以之元吉郵其家計時日有記丙寅

此事之
死也

辛未即捷春遣兵擊賊于綿州州賊渡綿河而西

兵部尚書陳新甲請于斜谷等關及西安鳳翔設立山寨

十一月戊寅朔

以職方郎楊卓然監督楚豫皖兵勅革左二寇

河南巡撫李仙風督游擊高謙等擊河北土賊叅將李建武破

賊于菜園斬首千三百級

庚辰監軍萬元吉饗士保寧以諸將進止不齊申立軍約推總
兵猛如虎為正總統副將張應元素專一軍與如虎不相下
乃以為副癸未應元發保寧丙戌至綿州

丁亥萬元吉至潼川遣猛如虎郭起柱等由別道趨綿州與應
元合嗣昌亦遣監軍道孔貞會與總兵陳可立駐兵潼川

庚寅賀勇李國奇以秦兵屯江油趙光遠屯昭化劍州及碧魚
口人龍以兵屯安縣

太監孫象賢奏羅田有賊二千刁郭二將與戰被圍救過得出
甲午猛如虎郭起柱諸軍至中江萬元吉令賀勇李國奇守階

文小路

中江屬潼川州

乙未賊趨樂至後隊屯猪窩斬逼簡州

計論日辛未賊往綿州西甲午賊帥至中江此

日何以賊得至樂至耶且下文又曰趨射洪將拒蓬溪待賊何也

丙申萬元吉督諸軍自潼川由間道趨射洪將拒蓬溪待賊
庚子賊攻濮州撫臣王國賓總兵楊御蕃恭將馬岱合兵勦賊
斬級五千其骸盡為飢民所食

壬寅萬元吉進兵遂寧

癸卯賊在安岳周里場縛一老僧訊知大兵自遂寧且至乃走
大足內江間屯于新店子土司將毛文擊賊大破之殺賊將
曹四

乙巳萬元吉選驍騎三千從如虎逆賊應元營安岳城下遇賊
歸路

保督楊文岳勦交河武強土寇

內丘土寇數千人據周土寨真定官兵與九縣鄉兵攻之不克
是月安池監軍道湯開遠卒

十二月丁未朔己酉以王裕心為陝西巡撫

賊破隆昌走瀘州州萬元吉以諸將追之

楊嗣昌欲進兵雨雪斷道賀人龍在廣元不至初良玉知嗣昌

欲奪其印與人龍久懷怒人龍又以許印不與怒嗣昌良玉

深阻不露辭色人龍粗獷顯謂人曰閣部不足為盡力元吉

聞而深憂之嗣昌弗為意庚戌獻賊破瀘州良玉陽請追擊

元吉欲令前軍躡賊後軍繼之中軍拒賊歸路討諭曰中軍

路則自為一軍使不得還走嗣昌輕慮不聽令諸軍同進甲

子賊破南溪癸丑猛如虎前鋒至永川城下知縣戴堯雲已

逃去覓嚮道不能得甲寅大兵至永川城中無民諸軍屯西
門空屋中熟睡火焚民居乙卯元吉兵至瀘州之立石站瀘
州三面濱水止立石站一路可北走賊已入絕地元吉本謀
伏兵玉蟾寺大兵自州治背擊其老營駭使北走合擊之諸
將進止不齊元吉兵至賊營已移官軍隔水不能及嗣昌所
遣標將陳可立擁兵牛頭山置酒奏樂觀戰元吉召使擊賊
自馳去計論曰有謂人龍擊賊于瀘州者誤也

乙卯賊破營縣

丙辰湖廣河南安慶兵大集田革等賊懼乞降監軍負外楊卓
然入賊營定約安置于潛山霍山大湖之地

丁巳獻曹自瀘州北走秦兵隔水詭云追之不及戊午破仁壽

知縣劉三策不屈死癸亥賊越成都破德陽乙丑元吉追至籍田舖丙寅賊渡綿河東行

闖賊既至河南諸寇雲合至十餘萬杞縣諸生李信個儻有才畧曾以千金賑荒隱民德之父大司馬精白名在魏黨逆案中鄉人擯信不與交信怨之士賊起督撫與信劄付官保鄉閭信因得報所不快者衆益怒之賊魁紅娘子故高緝伎女挾衆攻畧開封偶擒得信強婚焉脫婦不快者發其事下獄紅娘子來救隱民納之德出信殺官大掠信初圖自白及是事不可已適闖賊至投之闖久聞李公子名加禮重以為謀主改名巖闖賊嗜殺人心不附巖教以行仁義收人心據河洛取天下闖賊從之卜者宋獻策長三尺進符讖曰十八孩兒

主神器闖大悅禮之等嚴自是以所掠施貧民造為謠言仁
義之聲傳播是月丁卯破且陽不殺平民唯殺官庚午攻永
寧獄囚引賊破城永寧當賊衝向有舊蜀撫張諭以川勇助
守賊屢攻不破諭死子吏部郎昂延繼之至是始破殺萬安
王昂延遣督弁免破偃師知縣徐日泰罵賊割死熊耳以西
民聚保者四十八寨破之無遺闖賊在陝西時為飢民在山
西時為祿：賊出車箱峽後為大賊至是群策群力居然以
英雄自命神宗國帑以及礦稅所刮盡與福王留寶踰于天
府是年河南大荒人相食王不賑一錢援兵過洛陽王如不
聞皆詛詈鄉紳呂維祺以大計勸不聽有陝西叛兵數百過
洛陽巡撫招之守城巡按以聞詔捕首惡王出三千金搗兵

總兵王紹禹匿取之兵懼且怒

乙亥川賊詐稱楊閣部兵得進巴州：官携印走免州同教官被殺

丙子內立土寇千人據神頭鎮楊文岳遣虎大威擊平之

是月徵總兵楊國柱王朴唐通曹變蛟白廣恩吳三桂王廷臣合兵十萬馬四萬騾一萬出關東征

是年北直山東河南山西陝西皆大飢人相食河南土寇起開縣表時中聚眾反諸盜先後敗死時中自走河南

蝎子塊死

懷陵流寇始終錄卷十四

吳江戴笠耘野

昆山吳旻修齡

崇禎十四年辛巳春正月丁丑朔庚辰二賊自巴州沿通江走
達州焚斷驛舍七百里監軍萬元吉自保寧單騎馳儀隴殺
渠大竹至萬縣無人烟之地賀人龍留駐廣元不進猛如虎
所將僅寧夏固原兵六百騎聽指使餘皆良玉兵驕悍不奉
法前從良玉優遊不戰今從如虎日夜馳逐山谷中皆不樂
唯恭將劉士傑忠勇有討賊心元吉深憂之
己丑如虎率諸將及賊于開縣之黃陵城日暮兩作諸將咸以
人馬乏請詰朝而戰劉士傑曰自瀘州逐賊馳驚四旬今遇

賊而縱之誰執其咎請為諸君先策馬竟進如虎從之士傑奮前搏賊陣數交勝之賊退奔山巔獻忠憑高而望見軍無後繼左軍皆不進因以精騎繞出官軍後大呼馳下左軍先走士傑及游擊郭開如虎子先捷皆戰死如虎率牙兵苦戰中軍馬智快如虎決圍出印燾俱棄賊長驅東走壬辰至雲陽過淨堡癸巳元吉至夔州遣人趨猛如虎收殘兵赴夔河南總兵王紹禹與闖賊戰于宜陽永城敗甲午率副將羅恭劉有義至河南府請入城福王止之不聽兵盡入泰與有義夜走七里河投賊乙未賊以羅兵火炮攻城丙申王出重賞募壯士擊賊乃退夜半紹禹兵與城下賊相笑諾屬刃于道臣王胤昌頸索餉紹禹為解兵推去之焚樓殺守兵開北門

賊入王逃匿賊跡得執之道遇李維祺謂王曰生死命也名

義至重王母自辱皆被害賊燔王肉與鹿炙集眾公查稱福

祿宴王宮寶貨山積悉為賊有討論曰賊既用李岩之策又得福王之財雖即李在當時

不能禦也唯有求成吐蓄借兵一路耳

獻曹至夔州宿于軋溪元吉在白帝城望賊壁：不及二千騎

丁酉攻巫山不克疾走興山房縣深山中元吉往開縣收潰

兵祭戰死者哀動三軍嗣昌在雲陽聞敗悔不扼歸路幕下

皆以湖步兵不能追賊討論曰開縣之敗良昌在行間而有謂獻賊過達河時良玉在漢中者誤也

革四川巡按陳良謨職帶罪殺賊自贖命胡廣巡按汪承詔監

諸軍

大戍三邊督丁啟濬馳赴漢中奏曰獻恭復折而東行則西鄉
華紫陽平利興安俱可虞臣以解文英等截紫陽趙光遠截西
鄉興安道截平利興安追賊開縣大寧入秦之路陳監軍督
賀李之兵視賊所向進勅

嗣昌在雲陽癸卯以猛如虎等兵退還重慶傳箭收潰卒順流
東下

甲辰山東土賊李廷寶李鼎鉉陷高唐州及東平州

時東平東阿張秋肥城所在皆賊兗州二十州縣嘯聚響應
唯濟寧滋陽無盜京畿道梗省直餉銀數百萬俱阻于兗州
東平州吏胥倡亂迎賊入城據之巡撫王國賓發六道官兵
防兗州檄總兵劉澤清擊破東平賊復其城

沈正宗云山東臺兒莊沭口賊不下數千砲馬備具賊首李
恭將曹州劉鎮叛兵

河南土賊艾一侯二侯四嘯聚千人封丘知縣蘇茂相擊破之
與忠勇營練總趙國昌攻破賊巢斬首二千人擒賊首

時獻操同入楚惟搖天動在川東萬元吉留川陝兵千八百人
屯白帝神女間斷其入楚之路二月丙午朔嗣昌令元吉以
川湖兵三千下荊州護惠藩

丁未鄭撫袁繼成率兵扼賊獻賊留曹操當之自率輕騎至宜
城

闖賊犯汝州知州錢祚徵中流矢力疾乘城督戰己酉城上以
礮擊賊風逆火反樓堞盡焚賊乘之入祚徵被執

獻賊于道得閣部使人殺之取其文移令箭簡獲賊二十騎持
 之偽為使人趨襄陽自以兵繼進是日將暮偽使至城守者
 驗之得入夜縱火殺人獻賊至知府王承魯奉福清王逃去
 獻賊踞殿坐襄王于堂下酌以卮酒曰吾欲斷嗣昌頭遠在
 蜀今借王頭使嗣昌以陷藩伏法王其努力飲此遂害王發
 銀十五萬以賑飢民巡道張克儉推官鄭曰廣署事知縣李
 天覺死之承魯後以被逮自經死良玉家口盡失左營諸將
 家多在樊城守者聞襄陽陷斷浮橋癸丑獻賊渡江破樊城
 又以兵南下破當陽接應曹操同去

至唐縣者非也不救
 荆州在道淹留足矣

討翰曰有謂嗣昌遠良
 玉救荆州而良玉行途

闖賊搜掘河南富室窖藏俱盡以十一賑貧民設立偽官以書

吳漢王述古堂藏書

辦邵時昌為總理燒王府席捲所掠整兵而行以餘贖貯府庫命時昌守之時昌募飢民為兵月給銀伍兩飢民趨之如鶩簡五百人以賊旗設守

辛亥賊陷汝州知州掖縣錢祚徵死之

河南巡撫李仙風偵闖賊已去遠丙辰以遊擊高謙等兵至河南府收時昌斬之知府馮一俊知縣張正學指揮馬汗赤皆待罪叅議王胤昌以創重為解守道勅書關防道府衛縣印皆在惟推官衛靖忠遁去不出士民咸保留知縣張正學仙風以縣印暫屬之戴罪治事修復城池器械以馬汗赤領河南衛印收集軍丁防守各官俱在唯白尚文不得云已死免為飢民所食獲劉有義羅泰斬之

河南土寇元碓子一斗穀等皆歸闕賊丁巳率之以攻開封七
晝夜負洞子鑿城巡按高名衡推官黃澍祥符知縣王燮死
守燮尤親冒矢石周王恭枵出銀五十萬立賞格殺一賊五
十兩重傷及戰死者與殺賊等傷者半之兵民俱奮賊死者
多巡撫李仙風以高謙等一日夜走三百里至開封陳永福
背城七戰皆勝斬二千級高謙一日三捷斬首七百賊退
革左稱降劫掠自如揚卓然每掩覆之以自解及襄陽維陽皆
破闕獻並橫革左大肆攻剽詔諭兵部革左肆毒掃蕩無期
必分地責成庶克底定今命劉元斌扼光山固始盧九德控
潛山大湖宋一鶴截蘄州黃州鄭二陽駐廬州牟文綬防鳳
陽泗州錢中選護承天張懋爵往來潁州壽州亳州宿州稽

核功罪楊卓然贊畫搜勦朱大典進總督節制各路撫鎮等
官進兵英山霍山專理督勦

逮河南總兵王紹禹棄市

勅保定總督楊文岳督總兵虎大威赴河南討賊文岳遣虎大
威張德昌以兵渡河從豫撫李仙風于偃師兵少未敢進文
岳親至軍戰于鳴皋山下賊退入山汴洛稍安仙風在偃師
時聞土賊孟三據河陰率高謙張德昌擊滅之欲以自解仙
風與巡按高名衡相攻訐至是詔逮仙風自經死以張克儉
撫河南已死襄陽乃用名衡為之

癸亥楊嗣昌至夷陵聞襄福二藩皆陷賊驚不能食至荊州沙
市卧病徐國幼左良玉奪職戴罪立功自贖

獻賊入碓山境明港寨巡簡劉龍拒敵父子皆死之

以陳永福充總兵官都督僉事鎮守河南朱尚義都督僉事掛
征西將軍印鎮守延綏

山東寇益熾自徐州至德州二千里白骨縱橫村落僅存壁井
父子相食行人斷絕賊圍東阿汶上甚急巡撫王國賓臨清
總兵劉澤清會兵二萬五千勦賊是日破賊于東阿殺賊數
百國賓及充西道俱駐東阿鎮壑

乙丑夜獻賊以飛梯登光州北城次日入南城

總督河道尚書周鼎發兵討山東土寇于寧陽岡群盜四萬餘
屯陽穀油姜寨魯王捐金數萬募兵官軍四道圍之焚其寨
諭盜魁能擒剽群盜貸罪聽降

丙寅河南土賊孟三夜入河陰知縣成正中叩頭得免復據城
丁卯夜偏頭關天鳴

獻賊既破光州於是羅山且縣信陽盡破聞楚撫及禁旅在蕪
州戊辰燒圍固始分軍為二一上茶山走應城德安守將出
戰砲矢殺賊甚衆攻應城應山皆不下

壬申嗣昌疾甚萬元吉與上荆南道王永祚入問重裘擁爐膛
目手戰問元吉曰秦師已至夷陵當從何途進發良玉報闕
將陷雒陽部下降將劉國能馬進忠等家在舞陽葉縣咸請
歸救諸降既去恐良玉勢孤不能當獻恭元吉請與諸將共
議之退列狀曰闕將陷雒罪與獻均宜令良玉以全師擊闕
而川湖兵合秦師以制操獻癸酉元吉等復入視疾嗣昌不

能言元吉乃趨監軍御史汪承詔赴荊州調兵食承詔便宜分布諸將以京楚軍萬人駐承天德安賀人龍等兵六千人屯荊州楚撫兵萬五千扼應山隨州太監劉元斌軍二萬屯黃麻

乙亥曹賊陷商城殺鄉官馬剛中擒知縣去

御史張肯堂奏各省巡撫任本不輕祇緣冠屐數省故不得已而有督臣之設然封疆以內撫臣之責成自如也若為撫臣者各自歛其智能垂其方略束手以聽數千里之提挈則非矣自今以後督臣自任勦撫臣自任守

戶科給事中左懋弟劾嗣昌用兵二載費餉三百三十餘萬事例之數不與迄無成功又言嗣昌受事以來虛欺詐在楚

則徵巴蜀之精兵自衛而張獻忠得入川在川則徵楚豫之精兵自衛而李自成得陷雒陽使藩封死亡社稷陷危而身獨存嗣昌之心尚可問哉上不問

嗣昌敗後諸將皆不受令左良玉至以平牒倨侮嗣昌慙憤三月丙子朔仰藥自殺監軍萬元吉封賜劍敕印旗牌貯荊州庫馳表以聞乃以上將營降丁盡隸猛如虎從正者心未堅盡發襄陽寧家以署鎮陳可立轄之其護藩大勦營湖南兵亦隸猛如虎為步營益以寧夏騎兵三千元吉監二軍駐蘄黃防獻搃東逞且殫墊回革五營命叅將王希甲游擊閔一麒即啟貴都司周晉以川草兵四營扼隨州棗陽上聞嗣昌死恨且憐之得元吉表歎曰督師功雖不成志亦堪憫宜用

輔臣禮歸葬既而詔諭群臣嗣昌二載辛勤一朝盡瘁雖有瑪瑙山功不能掩其闖獻鳩張兩藩羅禍之罪下所司會勘以聞中外皆知上欲寬之以議功為解傳輕典上可之後賜諭祭一壇壬午三月叙甘州功贈太子太保

談氏曰二月悔為嗣昌誕日宴沙市徐園左良玉檄至責視師玩寇貽害嗣昌不悅朔旦自縊兵科張縉劾嗣昌云襄雒舟陷獻闖羽翼已成督輔總各口之兵開縣一敗猛帥寥寥數百為賊所乘賀李特角不聞以將予敵誰之過欽賊從陸路奔突督臣乃水次逍遙御賜鞍馬曾一攬轡否若左良玉督輔特題大將也既報繇襄陽夷陵巴巫而進又報興安進發進止不由軍令豈以瑪瑙山之捷不由督輔調遣遂狂

恃至此乎迎頭少一擊之力賊兵入無人之境卽無哀繼成
楚撫宋一鶴非督師破格推薦以秉鉞者乎太守萬年策巡
道張克儉非督師不次疏擢以守土者乎負朝廷誤封疆雖
東身國憲有餘恨矣督師在部核功罪首罪洪承疇首功能
文燦功罪一紊用人行軍咸倒置矣

丁丑副將張德攻圍河陰七晝夜拔之擒孟三殺二千入復縣
城

辛巳督師帳下遼兵盜馬縱火于沙市一軍驚擾萬元吉猛如
虎率兵捕逐斬百餘人乃定

癸未土賊一條龍袁老山攻潁州鄉兵破之

陝西總督丁啟睿以賀人龍李國奇從興安出鄖陽至當陽

兵部尚書陳新甲上書待罪貶三級仍視事

乙酉獻賊破光山麻城

己丑山東巡撫王國賓革職王公弼代

命楊御蕃劉澤清合勅曹濮賊澤清屯曹州御蕃屯臨清

工科沈胤培奏畿輔河南山東淮徐土寇群起

庚寅陝督丁啟濟至承天

登封土賊李際遇合于闐賊

計論日有戰聞賊于是月壬辰賊歸德梁以祥逃去者以次年事之

也說

辛卯逮鄭陽撫治袁繼成充軍以王永祚代之革宋一鶚汪承

詔職充為事官戴罪勅賊自贖

以汪喬年為右都御史巡撫陝西

兵部奏汶上袁家口等四十餘村為賊焚殺幾盡

癸卯兵部咨鳳督朱大典集徐淮泗兵掃蕩礦土諸賊進兵英
霍以殲革左半文綬以兵四千守鳳陵兼調浙兵三千護泗
陵

革左犯固鎮去五河百里士民皆登舟避賊知縣陳翔鳳練總
許曉以鄉兵數百守空城副將楊振宗以兵赴五河總兵劉
良佐擊賊于固鎮賊引去癸卯大典以兵自泗州溯流過五
河城中無人隔河賊舟數里呼之不應賊逼亳州知州朱君
宏指揮戴明瑞乘城設備君宏性疎脫揚：如平時守陴者
置弓弩銃砲于地呼譟而博君宏不問良佐兩入其城為之
申號令繕器備叅將郭世祿率鄉勇戰守亳州獲全大典劾

君宏翔鳳罪

乙巳保督楊文岳率兵至開封先遣虎大成趨汝州

流寇攻寧津三日破之殺知縣朱敏汗光祿寺卿魏持衡

夏四月丙午朔

庚戌工科給事中李如璧刑部主事雷演祚追論楊嗣昌罪不報

壬子革左圍黃陂獻曹分兵南犯至麻城之潑陂河乙卯宋一鷄屯蘄州

彭氏曰皖桐諸軍與革左五營相持議戰守未定聞獻忠東來自潛山大湖走麻城以勾之時巡撫宋一鷄拒隨州應山德安太監劉元斌以京軍駐蘄水一鷄聞左革將勾獻忠進

兵屯蘄州禽賊謀焚舟斷渡

丙辰楚按汪承詔奏革左諸賊盤踞蘄黃太監劉元斌主撫主
事楊卓然通判邵

往來賊中欲與通商互市成何國體

卓然降三級

戊午獻賊以兵三萬攻英山知縣章日輝禦却之

乙丑進丁啟濬兵部尚書督師賜尚方劍節制陝西河南四府

湖廣鳳陽應天安廬仍兼督陝西三邊軍務兵部尚書陳新

甲初聞嗣昌疾革密請勅秦督丁啟濬星馳出關赴督師軍

中便宜視事既而豫按楊

報嗣昌在荆自裁兵潰無紀

新甲復請以啟濬代督師討賊上從之

計論曰新甲薦啟濬
與嗣昌存之案同

獻曹沅劫光黃汝陳間獻又犯 陽宋一鷄以寧夏西協兵守

孝感雲夢

獻縣二賊攻隨州知州徐世淳三遣使走郢告急楚撫發偏師來援巡道趙某勒之守郢庚午賊聽北城以入世淳巷戰死子肇果妾及奴僕死者二十人弘光朝贈太僕少卿

丁啟濟以秦師在承天 闖賊聞獻操逼麻城欲渡江北擊之監軍御史汪承詔曰楚地兵力已厚秦師宜救豫歛船不得行留五日北走樊城至鄧州鄧人閉城不應兵飢西向內鄉呼于城下有鮑粟與市者知縣執而鞭之啟濟令諸監軍以銀錢通市以而予粟貴甚兵不得飽啟濟率諸軍行荒山中割騾馬燎野草啟濟先大爵以安衆心因劾承詔及鄧州內鄉官吏有旨切責初有詔重督師事權所遇餉不給者以乏

軍興論而汪承詔止切責以承詔言正也

前閣臣周延儒門生張溥合貲二十萬賂中官是月延儒復召入閣未幾溥死吳昌時用事卒致殺身之禍

獻賊酷惡刀劍不離手談笑間片言不合即殺之所至必殺人焚屋雖老弱病廢亦斷手足割耳鼻每安營即焚撥馬四路偵探一里一撥直至二百里外有警即知將攻襲郡邑必前遣奸細偽為僧道遊客商賈入城結納奸徒為內應若獲名家大族必質其父母妻子遣教賊扮僮僕押行至城外呼曰我某也被擄得脫至此守者知而納之計成厚遺之以示信也每戰必先出金帛良馬美女約戰勝者賞之乃選一人當前名曰領頭子其餘魚貫而進頭子不過五六有進無退若

受傷遊騎飛報重傷呼換其人始退次者序進退步必斬易
三頭子必鳴金收兵率衆奔突得勝則盡以前物賞之故兵
不多而戰嘗勝

五月乙亥朔

河南巡撫高名銜屯開封保定總督楊文岳屯禹州左良玉屯
南陽

獻操北向欲合關賊猛如虎以寧固兵托德安黃州疽發背不
能戰退屯承天

以山東寇熾令劉良佐駐徐州楊御蕃駐臨清張汝行駐通州
天津淮督張四維加兵部右侍郎提督之

河南土賊袁時中以十餘萬人至江北窺鳳陽泗州入蒙城土

曠群盜附之屯義門丁丑總督朱大典太監盧九德以徐州
淮安諸將及禁軍擊之

庚辰賊陷泌陽

計論曰
即六月事

丙戌東阿降賊李青山夜攻東平掠索駝二殺一千總官兵二
百總兵楊御蕃以兵萬人至東平詰責賊許送索駝六頭每
兵賞銀四十兩

泰安土寇十餘萬掠兗州至曼鎮劫沙溝嬰釋不遺

癸巳出原任兵部尚書傅宗龍于獄以為兵部侍郎仍充為事
官總督陝西專辦闖賊宗龍坐獄久志氣衰沮部曲離散上
才其宿負用之俾必死當寇

丙申總督朱大典太監盧九德擊破袁時中于義門賊棄牲畜

餌官軍率其衆走守險丁酉總兵劉良佐將淮兵署總兵宋
玘將禁兵簡驍騎自義門追至龍門寺五十里賊奔竄深林
敗屋藏匿者俱搜盡過取堆集走界溝戍戍昧爽追及之賊
散走村落官兵連營並進分搜殄之官軍追賊大隊及于界
溝奮擊之賊扼險拒守天炎河枯日卓午官兵稍休後軍火
砲至復戰發十餘砲賊還兵死鬪官兵呼擁而前賊大奔屍
橫百里甲仗塞道或自殺或降或竄二十萬人散盡時中以
數百騎走河南所獲山積已亥旋師蒙城

庚子泰安賊犯徐州知州朱某列大銃于黃河岸擊走之朱某
被沉矢卒賊入滕縣桑集村官兵夜劫賊營陷伏中五百人
盡沒賊數萬焚掠至揚州南沙河店

壬寅賊燬徐州北門擁眾數萬至亦山燒漕船十六艘復入東平土寇十餘萬圍鄆縣城二日徐州賊數萬合之攻城愈急是月蜀撫廖大亨奏嘉定彭山青神丹稜土寇蔓延總兵虎大威破一條龍于郾城

汶上賊乞降知縣以善花酌酒冠帶以榮之賊首故與胥吏結盟表裏為奸白晝縛諸生入寨拷掠索貨強占屋廬民不敢爭癸酉賊首張黃蓋列儀仗呵殿入城練總周祚隆拒之賊抽刀相向祚隆揮刀斬之賊格鬪走回寨巡撫王公弼方勒兵行近境即檄副將羅岱圍而殲之五百人無一遺焚其巢

計論曰羅岱死于懷羅山此別一人耶

六月乙巳朔泰山盜萬人侵兗州官兵禦却之

河南巡撫高名銜奏登封新安失陷

庚戌革左五營陷宿松攻山寨官兵救之敗遂破英山縣屯白
沙嶺通大湖道也

賊袁老山衆數千屯壽州時盧九德禁兵屯六安州劉元斌禁
兵屯固始朱大典駐師壽州造長鎗選烏銃各三千大閱合
州縣鄉兵共萬人刻期入山搜勦賊方分掠諸縣聞之合營
潛山

獻操合兵攻南陽冒兩穴城知府顏日愉指揮王汝章禦却之
日愉尋卒獻忠攻破信陽獲官兵旗幟假之以趨泌陽是日
破之知縣雲南王士昌死之明日良玉兵至賊已去兵大掠
賊又圍唐縣

癸亥獻曹二賊圍應山楚兵擊敗之又犯德安京楚兵銳矢殺賊甚衆甲子賊拔營走隨州復攻應山冒皮帳肉薄登城守兵發勁弩殺賊千餘引去應山多獵人藥矢見血即死賊屢攻不克

秋七月乙亥朔革左五營犯廬江官兵守城賊焚闕廟大掠四境

丁丑獻忠圍鄖陽守將王光恩出兵擊之多殺傷已邛賊遁去庚辰革左破潛山

黃得功部兵叛掠桐城奔麻城將投獻賊革裹招之不從獻賊方敗于王光恩得叛兵勢復振遂圍麻城丁啟濟左良玉擊破之斬二千級良玉以馬進忠吳學禮杜應金等追之至南

陽兵疲不能進賊走鄭西通有兵變辛丑賊破鄭西所於官
兵皆斷一手縱之群盜蟻附勢大振

己亥丁啟僭兵掠鄭城

八月甲辰朔以史可法總督漕運巡撫鳳陽朱大典提督鳳陽
等處軍務是年江南大旱死者徧村邑上令漕米捐一折二
可法欲留為軍需格詔旨不下府縣仍故額徵之民箠瘦死
者甚衆皆為中飽不供軍興可法自知違旨不敢劾治人以
此輕可法

丙午總黃得功等合兵擊左革于霍山之晚天口勝之己酉得
功與林報國宋綸等冒雨至茅坦廠統出賊前適五營賊皆
至報國奮戰劉良佐楊振業兵過賊不支奔三十餘里報國

乘勝深入中流天卒得功亦中三天天暮對營于馬坡庚戌
單里眼等薄營官兵齊起山下顏垣內烏銳賊目黃虎賊
奔回巢盧九德屯駐霍山

獻賊既拔鄭西衆至數十萬氣驕甲寅掠至信陽左營諸將恨
賊殺其襄陽家口皆致死自南陽追擊之斬賊目沙某大破
之奪馬萬計降者數萬獻賊夜遁入山良分布馬進忠等窮
搜之良玉自此軍聲大振降附者日衆獻賊得聞西遁戊午
獻賊前哨六十餘騎至鄭西蘇家坡副將周繼先擊斬其半
獻賊以餘騎數千至鄭陽適遇丁啟濬所遣黨世玉田祿赴
鄭之兵賊不戰而潰棄馬騾二千丙寅良玉兵至鄭獻賊又
以黨二千奔南陽創重不能馳保其婦稚日行三十里戊辰

至驢頭店去棗陽五十里辛未良玉發鄖陽啟曙大兵繼之
大雨五晝夜江涌道斷餉饋不通將吏離隔教處不能進兵
賊聞左良將至逃者過半監軍御史汪承詔劾將士縱賊良
玉以戰功得復職獻賊好凌人曹操久不樂至是捨去就闡
賊曹年長改以兄事闡二賊既合獻之散兵多歸之闡有衆
數十萬雄視河洛矣闡善駕馭諸賊莫及

華左五營且服且叛依山避炎秋涼又出歲以為常山城長吏
等印視事于瀕江洲渚城邑裂落荒梗無人獨桐城吏修完
繕固皖將李自春廖應登汪正國等貳于賊托援桐為名沿
途抄暴賊愈逞攻掠含山巢縣潛山殺其令鼓行于羅田光
山之間

潛山諸生嚴明詔乙亥春賊初犯境闔村遠避明詔因親老守
護抉面剔筋不屈賊去後復蕪辛巳寇逼門庭毅然曰吾親
已亡此身不可再奪乃投繯死又諸生葛修爵遇賊不屈賊
怒斷一臂快腸死

老回：自商城山口攻固始九月甲戌朔督師丁啟濬自麻城
以兵赴商城

獻賊破襄陽時聲勢遠出闖賊上既敗于信陽僅存數十騎因
曹恭以自託闖賊欲收為部曲獻不屈闖欲殺之曹賊曰宜
留以擾漢東分官軍之力與五百騎揮之曰此地不可留亟
就革左覓生計獻乃東奔監軍孔貞會副將王允成擊破之
于望雲寨殺賊將初來虎

革裹服老回；左金玉爭世王治世王五股賊老營在燈草坪
食盡出掠丁亥以黨四千趨英山之金家舖又自霍山奔商
城循山而西掠十夏舖石門坂龍灘冲諸處戊子楚撫宋一
鷄遣曹志健等以兵擊之于白嶺濶斬二千級獻賊欲合革
左出商城之牛市坂官軍陣于東界嶺遏之

傅宗龍奉命急勦賊而關中旱蝗閭左調發殫盡兵部即以秦
兵之在豫者李國奇賀人龍之卒隸焉上遣保督楊文岳率
虎大威一軍與之會陝撫汪喬年送宗龍出關曰公破賊虜
年身率所領為後距相泣而行宗龍既與文岳遇戊寅合兵
四萬自新蔡渡河闖曹二賊亦渡上流趨汝寧伏精騎于林
中陽駐諸賊竟去候騎報賊盡向汝寧二督宿于龍口已郊

進三十里至孟家莊日午人馬飢諸軍散行求芻牧伏賊突起人龍有千騎斂兵不戰國竒戰而敗人龍與虎大威先奔國竒亦奔二督合軍火燒店賊步兵來攻火炮擊殺百餘賊退去傳營于西南楊營于東北二更保定兵走張副將挾文岳馬上馳去秦督慷慨謂任監軍陳副將曰宗龍當死久矣今日陷賊當與諸君并志決命不能走也庚辰召其裨將李本實楊從義董朝宣陳尚才孔臣思所將六千人即文岳所置壁處重穿塹結壘誓必死文岳是夜奔項城又奔陳州賀李于壬午晡時得宗龍小帖趨來救不信曰此書從賊中來爲知非偽耶呼沈立門縣令乘堙咤曰若不往救傳督師入城何爲乃至陳州闖賊見宗龍無救穿壕困之甲申官兵糧

盡殺馬：亦盡辛卯二更開營突圍遂大潰壬辰宗龍將至
項城被執賊詭稱傳家將擁之趨城宗龍大呼曰此賊也身
是傳督師不幸落賊手城上速以礮擊之毋墜狡計賊刀傳
右脇抉兩目削鼻礮聲起賊退家人盧三負入城乃絕項人
斂之于天吉寺哭祭之

土寇蜂起陳留杞縣蘭湯儀封皆有賊

丙申督師啟濬在商城河南撫按高名銜任濬告急啟濬乃移
會鳳督大典楚撫一鷄皖撫二陽合兵勦獻忠發總兵猛如
虎方國安將寧固兵以楚兵為前鋒

楊文岳屯陳州散亡稍集兵部不知孟家莊事調文岳入衛專
令傅宗龍勦闖曹時闖賊勢張甚獻賊走麻城丁啟濬遣左

續修四庫全書

良玉以兵自商城北發戊戌兵行獻遂合于左華

計翰日國
權謂丙申

良玉大
破賊賊

十月癸卯朔辛未獻賊掠桐城等縣太監盧九德總兵周遇吉

黃得功等追敗之于鳳陽元斌與九德同受命駐埭德月餘

不進縱兵大掠殺樵汲者報功城門盡閉欲攻城得賂乃已

泰安土寇田得義等數千人轉攻濟陽等縣山東巡撫王公弼

全不為意移書都下云境內了無一賊

臨穎有賊守之良玉兵過殺偽官取貨闖賊怒盡銳來鬪良

玉收兵入郟城冬十一月癸酉朔關曹合兵圍城不能下還

兵破裕州

戊午獻曲左革攻舒城鄉官胡守恆叅將孔廷訓禦却之庚申

攻固始

甲戌以南京兵部尚書范志完巡撫山西張亦志巡撫陝西

丙子闖曹攻南陽甚急守將猛如虎以計破之傷賊精兵數千

人聞他門不守如虎下城持短兵殺賊至唐府前門拜闕稱

負恩託被刺死監軍主事余天爵知府丘懋等俱死之詩論曰有

謂闖賊于破南陽之前曾攻潼關者非也破襄城破南陽相去四日何能遠攻潼關。有之分守道又觀勿懋兵到光祚

知府姚運然死之

太監劉元斌率京軍援河南聞南陽陷引兵北去聞上命御史

請軍京軍悉沉所掠婦女于河御史衛禎固奏闖曹二賊既

破襄城葉縣勢必及于南陽此時中州督者丁啟濟援者楊

文岳鎮者陳永福皆不為唐藩計而獨付之猛如虎豈可逃

戰海王述古堂藏書

罪

甲申左良玉師次泌陽楚按汪承詔奏十一日左兵次泌陽往
襄陽而啟濟兵回汴督自東而帥自西未知軍中作何稟成
是日闖賊陷唐縣乙酉左良玉自泌陽援唐縣賊走棗陽之鹿
頭店丁亥入鎮平

己丑革田等賊掠霍丘六安黃得功統馬步兵勦霍丘賊盧九
德統兵往六安夾擊

丙申闖賊陷新野

是月闖賊陷鄧州劉振世死之一作振世迎五鎮平令鍾其

頤內鄉令龔新舞陽令潘弘通許令費令謀皆殉節唐縣新
野迎賊

戶科都給事中張元始雲南道御史銜周胤等交章論中州督撫及督師啟濟內監盧九德劉元斌觀望不前以致藩封失陷十二月壬寅朔傳制曰藩封淪陷督撫固難辭責啟濟勦獻著捷馳豫亦早宛郡兵將派集頗厚何以失守其令察核以聞

兵部尚書陳新甲劾總督漕運巡撫鳳陽朱大典專辦五營賊全無一効革職回籍聽勘以高光斗代之

以徐世廕巡撫安慶蔡懋德巡撫山西

乙巳闖曹破葉縣左都督榮祿大夫副總兵官劉國能死之闖既破二督移兵攻葉國能力戰不能支是日城陷賊殺其令張我翼好謂國能曰貴人別來無恙盍相與續舊好乎國官

天子所親授誠貴無與等當以死報賊固要之國能笑曰我
奉母命歸國母死而背之耶竟不屈死

庚戌闖曹破禹州害諸王

甲寅闖賊破許州尋陷洧州長葛陳留

許州殉難者都司張守正等十人鄉紳魏完真等九人生員
李文鵬等百四十五人武生王應鵬等十六人省祭官王育
威鄉約義民馬玉書等五百餘人節婦王氏等二十八人長
葛典史杜復春等二人鄉紳舉人孟良屏等十一人生員張
範孔等五十九人烈婦戴文妻王氏十五人臨穎千總賈慶
序襄城典史趙鳳身俱嬰城固守力竭而死

一作十六年事
光緒朝輔史

可法
奏聞

安慶守將廖應登汪正國李自春將兵四千守桐城自春家口
過五里舖為賊擄去贖得之自是通賊：至城自春欲與議
和典史張上節率兵出城擊賊有斬獲自春應登忌之叅將
周學禹夜遣兵偽為賊殺人七傷三十餘人

丙辰闖賊陷鄆陵知縣劉振之力屈具衣冠入縣治北向再拜
自刎死典史杜邦舉被殺時賊攻禹州大梁道李乘雲死之
破通許知縣費令謀死之破太康知縣魏令望死之破西平
知縣劉伯謙死之破偃師知縣徐果死之

闖賊屯朱仙鎮去開封四十里

計諭曰有于此謂良玉大敗者
乃次年七月事之氣也

丁巳山東土寇陷張秋鎮通判馬元善遁去此寇曾受劉澤清
招

庚申山東總兵劉澤清破李青山于石萊山賊走南山

開封城金海陵王重築堅如石厚十丈闖賊向稱善攻不用古法責甲士人取得一磚即還營解甲取磚已穿穴初容一人斬至十人百人傳土以出穿過數步留一土柱巨絙維之以待穿畢萬人負百餘絙一呼柱折城崩矣乙丑闖曹合兵攻開封丁卯圍之

左良玉以臨穎為賊守晉之

潛山知縣李胤嘉催糧嚴急邑人引土賊并典史沈所安執送獻賊殺之

河南撫臣高名衡按臣任濟告急于督師啟濬奏獻賊在商城固始山中旦夕就擒若移兵援汴恐復失之良以左支右吾

2094583

S

Z121.5

15a



ZW 21101000584117

續修四庫全書 史部 雜史類

六五八

勢不得已故先事自言非失策也上莫如之何肯意曲為解
釋而已

是月召見山西巡撫蔡懋德奏所部兵缺餉已九月
是年賊破宜陽知縣唐啟泰死之

欽定四庫全書